


27

DIVI
GREGORII PAPÆ

HVIVS NOMINIS PRIMIS
COGNOMENTO MAGNI
LIBER SACRAMENTORVM
NVNC DEMVM CORRECTOR ET
LOCVPLETIOR EDITVS.

EX MISSALI MS.
SANCTI ELIGII

*Bibliotheca CORBEIENSIS, notisque & observationibus illus-
tratus opera & studio Fr. HVGONIS MENARDI, mo-
nachi Congregationis S. BENEDICTI, aliàs
Cluniacensis, & S. MAURI.*



PARISIIS,
Sumptibus CLAVDII SONNII & DIONYSII BECHET,
viâ Iacobæâ, sub Circino aureo & S. uo SOLARI.


M. DC. XLII.
CVM PRIVILEGIO REGIS.

27
DIVI
GREGORII PAPÆ

HUIUS NOMINIS PRIMUS
COGNOMENTO MAGNI
LIBER SACRAMENTORVM
NUNC DEMVM CORRECTOR ET
LOCVPLETIOR EDITVS.


EX MISSALI MS.
SANCTI ELIGII

*Bibliotheca CORBEIENSIS, notisque & observationibus illus-
tratus opera & studio Fr. HUGONIS MENARDI, mo-
nachi Congregationis S. BENEDICTI, aliàs
Cluniacensis, & S. MAURI.*



PARISIIS,
Sumptibus CLAVDII SONNII & DIONYSII BECHET,
viâ Iacobæâ, sub Circino aureo & S. uo Solari.

M. DC. XLII.
CVM PRIVILEGIO REGIS.




27
DIVI
GREGORII PAPÆ

HVIVS NOMINIS PRIMUS
COGNOMENTO MAGNI
LIBER SACRAMENTORVM
NVNC DEMVM CORRECTOR ET
LOCVPLETIOR EDITVS.

EX MISSALI MS.
SANCTI ELIGII

*Bibliotheca CORBEIENSIS, notisque & observationibus illus-
tratus opera & studio Fr. HVGONIS MENARDI, mo-
nachi Congregationis S. BENEDICTI, aliàs
Cluniacensis, & S. MAURI.*



PARISIIS,
Sumptibus CLAVDII SONNII & DIONYSII BECHET,
viâ Iacobæâ, sub Circino aureo & S. uo Solari.


M. DC. XII.
CVM PRIVILEGIO REGIS.

27
DIVI
GREGORII PAPÆ

HUIUS NOMINIS PRIMUS
COGNOMENTO MAGNI
LIBER SACRAMENTORVM
NUNC DEMVM CORRECTOR ET
LOCVPLETIOR EDITVS.

EX MISSALI MS.
SANCTI ELIGII

*Bibliotheca CORBEIENSIS, notisque & observationibus illus-
tratus opera & studio Fr. HUGONIS MENARDI, mo-
nachi Congregationis S. BENEDICTI, aliàs
Cluniacensis, & S. MAURI.*



PARISIIS,
Sumptibus CLAVDII SONNII & DIONYSII BECHET,
viâ Jacobæâ, sub Circino aureo & S. uo Solari.

M. DC. XIIII.
CVM PRIVILEGIO REGIS.


27

DIVI
GREGORII PAPÆ

HUIUS NOMINIS PRIMUS
COGNOMENTO MAGNI
LIBER SACRAMENTORVM
NUNC DEMVM CORRECTOR ET
LOCVPLETIOR EDITVS.

EX MISSALI MS.
SANCTI ELIGII

Bibliotheca CORBEIENSIS, notisque & observationibus illus-
tratus opera & studio Fr. HUGONIS MENARDI, mo-
nachi Congregationis S. BENEDICTI, aliàs
Cluniacensis, & S. MAURI.



PARISIIS,
Sumptibus CLAVDII SONNII & DIONYSII BECHET,
viâ Iacobæâ, sub Circino aureo & S. uo Solari.


M. DC. XII.
CVM PRIVILEGIO REGIS.

27
DIVI
GREGORII PAPÆ

HVIVS NOMINIS PRIMIS
COGNOMENTO MAGNI
LIBER SACRAMENTORVM
NVNC DEMVM CORRECTOR ET
LOCVPLETIOR EDITVS.

EX MISSALI MS.
SANCTI ELIGII

Bibliotheca CORBEIENSIS, notisque & observationibus illus-
tratus opera & studio Fr. HVGONIS MENARDI, mo-
nachi Congregationis S. BENEDICTI, aliàs
Cluniacensis, & S. MAURI.



PARISIIS,
Sumptibus CLAVDII SONNII & DIONYSII BÉCHET,
viâ Iacobæâ, sub Circino aureo & S. uo Solari.

M. DC. XII.
CVM PRIVILEGIO REGIS.


27

DIVI
GREGORII PAPÆ

H VIVS NOMINIS PRIMUS
COGNOMENTO MAGNI
LIBER SACRAMENTORVM
NVNC DEMVM CORRECTOR ET
LOCVPLETIOR EDITVS.

EX MISSALI MS.
SANCTI ELIGII

*Bibliotheca CORBEIENSIS, notisque & observationibus illus-
tratus opera & studio Fr. HUGONIS MENARDI, mo-
nachi Congregationis S. BENEDICTI, aliàs
Cluniacensis, & S. MAURI.*



PARISIIS,
Sumptibus CLAVDII SONNII & DIONYSII BECHET,
viâ Iacobæâ, sub Circino aureo & S. uo Solari.

M. DC. XIIII.
CVM PRIVILEGIO REGIS.



Eminentissimo S. R. E.

CARDINALI
ARMANDO IOANNI
DVCIDE
RICHELIEV
ET
PARI FRANCIAE.



AT IS implevit Orbem Gregorius, CARDINALIS EMINENTISSIME, ut nemo nesciat magnitudinem illius, qui cum immensi ponderis dignitatem sustinerit, et negotiorum turbâ circumfusus, vix ab iis explicare se posse videretur: tamen singulis occurrens, expedire difficilia, infesta eluctari. salutaria constituere non desinebat. Atque inter alia elucet quàm verè Magnus assurrexerit.

EPISTOLA

in promouenda Religionis disciplina, sacrorumque cultu atque usu: quæ nunquam aut ad maiestatem augustius, aut ad sensum pietatis ingerendum conuenientius, quàm post illius singularem operam exsplenduerunt. Quò mentem ac solitudinem certè nihilò remissius appellebat, quàm si vnum id elaborandum sibi fuisset otioso de cæteris. Utque diligentiam hanc & solitudinem testentur præclarissima illius scripta: tamen hic Sacramentorum liber præsertim luculenta probatione demonstrat: Qui cum nouâ quasi parturitione in publicum prodeat, meis utcumque lucubratiunculis illustratus, in cuius nominis luce nasci oportuit, nisi Tui, CARDINALIS EMINENTISSIME; aut cuius nisi tui fauoris, auspicio? Si autorem Gregorium specto, non potuit, qui usquequaque Magnus est, nisi ad illius purpuram venire, qui inter cæteros Ecclesiæ Principes eminet: neque clarissimum lumen nostri Ordinis debuit nisi ad illum deferri, cuius ope rursus ad nouum reparationis diem euigilat. Quod si ad operis dignitatem animum conuerto & hoc nomine Tibi potissimum debetur, nam si Gregorius quanti faceret rem sacram, hoc suæ singularis providentiæ ac pietatis fœtus, hoc, inquam, Sacramentorum libro demonstrauit: Tu quanti rem eandem æstimares, & propriis olim ingenij, doctrina, & zeli monumentis editis similiter probasti. Si

DEDICATORIA.

partem sua magnitudinis Gregorius inuenit in cultu diuino & ceremoniis Christianam Religionem illustrantibus, quas dignitate extulit, concinnitate decorauit, sanctione firmavit: Tu ex eodem diuino cultu non minimam partem splendoris ad Purpuram tuam adiunxisti; cum & hostes illius non uno modo repressisti, & Hierarchas doctrina & pietate praestantissimos tuo Consilio in administrationem rei Ecclesiastica promouisti, & in ipsis templorum operosissimis, augustissimisque aedificiis memoriam tuam ad aeternitatem commendasti. Denique si me Ascetarum ultimum vel paulisper attendo, cum sim eius Congregationis alumnus, quae Te suum instauratorem agnoscit, quae sub auspiciis tuis nunquam non secundis noua quotidie incrementa suscipit, ac statim sub tua auctoritate haecenus tutum obtinuit, ex tua beneuolentia florentem habet, ex tua felicitate propemodum beatum sperat. Cui laborem hunc qualemcumque meum deferam potiori iure, quam Tibi, CARDINALIS EMINENTISSIME, qui ad ceteras tuas laudes istud adiicis, ut quemadmodum Gregorio huic nostro nihil paruum, nihil indignum suis infulis videbatur, quod Christiana pietati accederet: Ita neque tua EMINENTIA ea quae vel minima censeripossunt, si de pietatis fonte proficiuntur, respuis. Quare & hoc munus inter innumera, quae ad Purpuram tuam de-

EPIST. DEDICAT.

feruntur benevolus accipe, tanquam symbolum magnitudinis tuae ex Auctore Magno, zeli tui ex materiâ suâ, gratitudinis verò Congregationis Benedictinae ex Commentatore suo.

EMINENTIAE TVÆ,

**Deuotissimo Fr. HVGONE MENARD,
Benedictino.**

P R Æ F A T I O.



DIGNVS æternæ salutis, & amoris sui perpetui (candide Lector) corpus & sanguinem suum Christus iam iam moriturus suę tradidit Ecclesię. Se totum quod erat dedit, vt cum toto sanguine totum in nos effunderet amorem. Nec satis duxit se in nostrę redemptionis pretium in ara Crucis patri suo omnipotenti offerre; nisi se cotidie ipse sacerdos & hostia per sacerdotum ministerium offerret: non quidem in vno terrę angulo, sed in vniuerso terrę ambitu iuxta Ioelis prophetiam, cuius veritas & certitudo cotidiana patet experientiã. Siquidem ex quo sacrificium istud institutum est, per vniuersum orbem hæc hostia nunquam destitit immolari: & quamuis diuerso ritu, restamen ipsa ac veritas semper inconcussa permansit. Difficile est enim vniuersum orbem in eisdem ritus, & cæremonias conspirare, quamuis ipsa fides rituum diuersitate labefactari non possit. Hæc tamen diuersitas multis retro sæculis, multis in regionibus ac præsertim occiduïs, quæ iam pridem Romanum celebrandæ Missæ ordinem, amplexatæ sunt, videtur abrogata. Id olim fuerat in Hispaniã tentatum. Nam Profuturus Bracarensis Pontifex rationem celebrandæ Missæ iuxta Romanum ordinem à sede Apostolica suscepit, & sub Lucretio eius successore in Concilio Bracarensi primo, quod anno Christi DLXI. iuxta Garfiam, vel DLXIII. iuxta Baronium habitum est, can. 22. decretum fuerat, *vt eodem ordine Missæ celebrentur, quomodo Profuturus, quondam huius Metropolitanae Ecclesiæ Episcopus ab ipsa Apostolica sedis auctoritate scriptum suscepit.* Nimirum per totam Galliciam, cuius prouinciæ hoc erat concilium: cui tamen postea constitutioni per Missam Mozarabam derogatum est, quæ fuit in vsu per totam Hispaniam vsque ad tempora Gregorij VII. Pontificis maximi, qui eam abrogauit, iussitque Hispanos ordinem sequi Missæ Romanæ: Gallia verò suum olim habuit Missæ celebrandæ ritum, donec illo Pipini Regis diligentia antiquato Missæ Romanæ suscepit ordinem, vt clarum est ex Epistola Caroli Calui Imperatoris ad Cle-

P R Æ F A T I O.

rum Rauemat. m. Nam & vsque ad tempora abauī nostri Pipini Gallicane Ecclesia aliter, quam Romana & Mediolanensis Ecclesia, celebrabant. Quod etiam postea cautum est lib. 5. Capitul. Caroli & Ludouici Imp. cap. 219. Vt unusquisque Presbyter Missam ordine Romano cum sandaliis celebret. Confirmatque Carolus Caluus epist. citata: sed nos sequendam ducimus Romanam Ecclesiam in Missarum celebratione. Et meritò quidem: est enim Ecclesia Romana aliarum mater, quam omnes aliæ imitari debent eique subiici. Quamobrem cum Missæ Romanæ dignitatem attentius spectarem, in mentem subiit eam pro virili parte illustrare; maximè verò occasione nacta optimi atque vetustissimi libri Sacramentorum S. Gregorij Papæ, qui vulgò Missale S. Eligij nuncupatur: insuper ad id impulsus amici cuiusdam precibus, qui me obnixè rogauit, vt hunc librum in lucem ederem, nec tantum thesaurum cum Christianæ Religionis dispendio diutius latere finerem. Hic igitur liber est Bibliothecæ monasterij S. Petri de Corbeia in extrema Picardia, quem vulgò ferunt fuisse olim S. Eligij Nouiomensis Episcopi Missale. Nam in dorso eiusdem codicis scriptum habetur in hunc modum, *Missale S. Eligij*. Sed illius fuisse pauca quædam quæ in eodem codice reperiuntur, reclamare videntur. Vt festa S. Proiecti, & S. Leonis II. qui aliquot annis post obitum S. Eligij floruerunt. Itaque arbitror librum quidem Sacramentorum S. Gregorij Papæ I. olim S. Eligio ab aliquo Romano Pontifice fuisse transmissum, sed postea transcriptam eique paucula quædam addita fuisse, & nomen S. Eligij ob exemplar ex quo sumptum est, retinuisse. Aut certè dicendum est, ideo librum hunc nuncupari S. Eligij, quod olim ad monasterium S. Eligij Nouiomis situm pertinuerit. Quod tamen (cum id penitus non constet) asserere non ausim. Quicquid sit, tamen certum est hunc codicem MS. esse vetustissimum: Illius characteres accedunt ad similitudinem alterius libri MS. Sacramentorum, quem olim scripsit quidam Presbyter nomine Rodradus, qui vixit anno Domini DCCCXIII. de quo infra: sed apparent vetustiores cum ipsa libri forma. Accedit ad commendandam illius vetustatem, quòd in eo pauciora festa sint, quàm in aliis Sacramentariis, & ordinibus MSS. quæ sunt penes nos, & in excusis ex codice Vaticani. Nam processu temporis festa, & solemnitates accreuisse nemo est qui ignoret. Hæc eadem huius codicis vetustas colligi potest ex antiquis scriptoribus: In hoc codice S. Eligij sunt quinque Dominicæ aduentus, & quæ remotior est à natali Christi dicitur quinta, & quæ hanc sequitur appellatur quarta, & sic deinceps: at Amalarius Fortunatus lib. 3. officiis Ecclesiasticis cap. 40. testatur hanc esse Domi-

nicarum

P R Æ F A T I O.

nīcarum aduentus rationem in antiquis Missalibus, vt in eis scriptum reperiatur. *Hebdomada quinta ante natalem Domini.* In eodem codice S. Eligij scriptum est, *qui tecum viuit & regnat Deus*, atque hæc verborum series est antiquissimorum exemplariorum, vt docet Micrologus cap. 6. de obseruationibus Ecclesiasticis. *Sciendum est autem in illa vsitatissima conclusione, per Dominum nostrum, quod Romanus ordo & antiquissima exemplaria exponunt, vbi dicitur, qui tecum viuit & regnat Deus, &c.*

Et sane quidam vir doctissimus, qui nuper Vaticanam, & illustriores Romæ bibliothecas perlustrauit, mihi testatus est se nullum ibi librum Sacramentorum S. Gregorij vidisse, qui de antiquitate cum hoc S. Eligij Missali certare possit. Apparet etiam hunc librum fuisse ante Caroli Magni scriptum imperium, cum in illo nulla sit Imperatoris mentio, quam tamen videre est in alijs libris Sacramentorum MSS. qui sunt penes nos, de quibus statim agendum erit.

Libri auctoritatem & dignitatem hæc verba commendant: *Ex authentico libro bibliotheca cubiculi scriptus.* Quæ etiam habentur in libro Sacramentorum eiusdem S. Gregorij, qui sub Clemente VIII. Pontifice Maximo ex bibliothecâ Vaticanâ prælo subiectus est cura, & studio R. & doctissimi P. Angeli à Roeca Papæ Sacristæ: nam significant hunc codicem exscriptum fuisse ex libro, qui seruabatur olim in aliquo cubiculo, seu secretario Basilicæ SS. Apostolorum Petri & Pauli cum alijs sacris libris, quibus Romanus Pontifex ad diuina utebatur officia.

Hunc igitur librum notis & obseruationibus illustrauimus, ad quod præstandum hæc præcipua nobis fuerunt adminicula, & in primis optimi alij libri Sacramentorum MSS. quorum primus est ex bibliotheca insignis Monasterij S. Remigij Remensis scriptus à quodam Lantberto sacerdote & solitario iussu cuiusdam Godelgaudi Presbyteri, monachi & Decani, vt ipse Lantbertus in suo prologo docet (quem hic scripsissem, nisi crebra solocca, quibus scatet, obtitissent:) Illi in nostris obseruationibus nomen codicis Remensis attribuius. in altera codicis pagina è regione Prologi apparet effigies, ipsius Godelgaudi induti casula ad normam antiquam efficta medio capite raso, mento orbiculariter attonso ac veluti raso, sinistra librum clausum tenente, cum hac circa caput inscriptione *GAUDELGAUDVS PRB.* In aduersâ paginâ stat effigies S. Gregorij Papæ cum casulâ & tonsura eiusdem formæ ac ipsius Godelgaudi, & Dalmatica ma-

PRÆFATIO.

nicis longis, & latis satis iuxta antiquam formam, & pallio Archiepiscopali albo sine crucibus, sinistrâ tenens librum: habetque hanc circa caput inscriptionem ΚΚC ΓΡΕΓΩΡΙΟ ΠΑΠΑ. id est, Sanctus Gregorius Papa. In sequenti pagina stat effigies S. Remigij Remorum Episcopi, eadem tonsurâ, pallio & habitu cum S. Gregorio tenens etiam librum manu sinistrâ, cum hac circa caput inscriptione ΚΚC ΡΕΜΙΓΙΟΥ ΕΠΙC ΟΡΒ. ΡΕΜΡ. id est Sanctus Remigius Episcopus urbis Remorum. In fine prologi dicit se hoc opus incepisse XI. Cal. April. indictione sexta, & colophonem imposuisse X. Cal. Aug. indictione octaua, anno XXXI. REGNI DOMNI NRI CAROLI GLORIOSISSIMI REGIS FRANCORVM. Sed cum eiusmodi indictiones non possint conuenire Carolo Caluo, & Carolo simplici, puto librum hunc scriptum fuisse tempore Caroli Magni. Nam indictio sexta, qua hic liber inceptus est, incidit in annum tricesimum primum regni Caroli Magni, qui regnum iniit anno septingentesimo sexagesimo octauo, vt manifestum est ex Eginhardo, & ex eiusdem Caroli vita apud Pithœum: ita vt scriptor huius libri videatur vsus hyperbato; vt annus tricesimus primus Caroli Magni referendus sit ad indictionem sextam quâ liber inchoatus, non ad octauam quâ perfectus est. In fine huius codicis duæ sunt imagines habitu Sacerdotali depictæ sine inscriptione, quæ videntur esse huius Lambertii scriptoris, & sequens pagella litteris Græcis exarata est, non Græcum tamen, sed Latinum discursum complectens inconditum valde, & solœcis confertum. in ipsa narratione profitetur se esse scriptorem & pictorem huius codicis, incepisse anno 29. & absoluisse 31. regni Caroli Francorum Regis iisdem Calendis vt supra, indictionibus suppressis, postea agit de scribendi difficultate, tandem poscit Lectoris preces. Ibi semper ponit litteram, O, pro V, vt supra in effigie S. Remigij dixit, O R B I S, pro V R B I S. Tandem in aduersa paginâ, quæ est vltima libri, hæc verba reperire est. *Liber S. Remigij remorum Pontificis à fratribus eiusdem loci fruitur vsque hodie. Hincmarus Abbas.*

Secundus codex MS. Rodradi Presbyteri dicitur, qui fuit illius scriptor, Bibliothecæ supra dicti monasterij S. Petri de Corbeia. Floruit anno Christi octingentesimo quinquagesimo tertio, nam in sua præfatione dicit se fuisse ordinatum Sacerdotem eodem anno ab Hilmerado Episcopo. Hic autem Hilmeradus Episcopus fuit Ambianensis, vt videre est in Concilij Turonensi 4. anno 849. Sueffio-

P R Æ F A T I O.

n'ensi 2. anno 853. & Vermeriensi eodem anno celebratis, quibus interfuit. quæ ut clariora sint, producemus duas eiusdem codicis præfatiunculas priorem prosa, alteram metro in hunc modum.

*Ego Rodradus misericordia Dei indigens victus Hilmeradi antistitis iussu-
sionibus, vinctusque Episcopalis auctoritatis excommunicationibus IIII.
nonas Martis Sacerdotalis ministerij trepidus suscepi officium, anno In-
carnationis Dominicæ DCCC LIII. indictione I. Epacta VII. con-
currente VII. termino Paschali. IIII. Kal. Apr. Quicumque hanc or-
dinationis meæ adnotatiunculam legeris, & per hunc codicem Dominici
Corporis consecrationem recitaueris, tuis quæso precibus adiutus dica-
tum Christo exhibere Sacerdotium, & superna visionis consequi bra-
uium merear.*

Altera præfatiuncula, quæ metrica est, ita se habet.

*Hunc ego Hrodradus Sanctorum indignus alumnus
Composui librum Christi sub honore dicendum,
Officijs sacris agni dum victima digni
Religione pia sacram mactatur ad aram.
Qui licet indignus meritorum dote bonorum
Destituatur noxæ nimio sub pondere vilis,
Saltem huius studi, donet pietate placere
Altithrono Regi, ferimus quo iudice cuncti
Pro merito nostro mercedis premia dignæ
Te quoque suppliciter Christi, benedicte Sacerdos,
Codicis stius frueris qui forsitan usu
Inter sacrorum solemnias sis memor ipse
Posco mei, precibusque Deum mihi conciliato,
Obsequio cuius caelestia munera libas.*

Hic liber potissimum in duas partes diuiditur. In prima continentur
ea, quæ ipse Rodradus ex stimat tantum fuisse à S. Gregorio col-
lecta, exceptis nonnullis quæ dicit se ad distinctionem virgulis iu-
gulasse: in alterâ comprehendit, ea quæ à S. Gregorio prætermissa,
ait ipse Rodradus se ex ijs, quæ a probatissimis & eruditissimis magna
diligentiâ exarata sunt, viris collegisse, adiectis præfationibus & be-

PRÆFATIO.

nicis longis, & latis fatis iuxta antiquam formam, & pallio Archiepiscopali albo sine crucibus, sinistrâ tenens librum: habetque hanc circa caput inscriptionem ΚΚC ΓΡΕΓΩΡΙΟ ΠΑΠΑ. id est, Sanctus Gregorius Papa. In sequenti pagina stat effigies S. Remigij Remorum Episcopi, eadem tonsurâ, pallio & habitu cum S. Gregorio tenens etiam librum manu sinistrâ, cum hac circa caput inscriptione ΚΚC ΡΕΜΙΓΙΟΥ ΕΠΙC ΟΡΒ. ΡΕΜΡ. id est Sanctus Remigius Episcopus urbis Remorum. In fine prologi dicit se hoc opus incepisse XI. Cal. April. indictione sexta, & colophonem imposuisse X. Cal. Aug. indictione octava, anno XXXI. REGNI DOMNI NRI CAROLI GLORIOSISSIMI REGIS FRANCORVM. Sed cum eiusmodi indictiones non possint conuenire Carolo Caluo, & Carolo simplici, puto librum hunc scriptum fuisse tempore Caroli Magni. Nam indictio sexta, qua hic liber inceptus est, incidit in annum tricesimum primum regni Caroli Magni, qui regnum iniit anno septingentesimo sexagesimo octauo, vt manifestum est ex Eginhardo, & ex eiusdem Caroli vita apud Pithœum: ita vt scriptor huius libri videatur vsus hyperbato; vt annus tricesimus primus Caroli Magni referendus sit ad indictionem sextam quâ liber inchoatus, non ad octauam quâ perfectus est. In fine huius codicis duæ sunt imagines habitu Sacerdotali depictæ sine inscriptione, quæ videntur esse huius Lambertii scriptoris, & sequens pagella litteris Græcis exarata est, non Græcum tamen, sed Latinum discursum complectens inconditum valde, & solœcis confectum. in ipsa narratione profitetur se esse scriptorem & pictorem huius codicis, incepisse anno 29 & absoluisse 31. regni Caroli Francorum Regis iisdem Calendis vt supra, indictionibus suppressis, postea agit de scribendi difficultate, tandem poscit Lectoris preces. Ibi semper ponit litteram, O, pro V, vt supra in effigie S. Remigij dixit, O R B I S, pro V R B I S. Tandem in aduersa paginâ, quæ est vltima libri, hæc verba reperire est. *Liber S. Remigij remorum Pontificis à fratribus eiusdem loci fruitur vsque hodie. Hincmarus Abbas.*

Secundus codex MS. Rodradi Presbyteri dicitur, qui fuit illius scriptor, Bibliothecæ supra dicti monasterij S. Petri de Corbeia. Floruit anno Christi octingentesimo quinquagesimo tertio, nam in sua præfatione dicit se fuisse ordinatum Sacerdotem eodem anno ab Hilmerado Episcopo. Hic autem Hilmeradus Episcopus fuit Ambianensis, vt videre est in Concilio Turonensi 4. anno 849. Sueffio-

P R Æ F A T I O.

n'ensi 2. anno 853. & Vermeriensi eodem anno celebratis, quibus interfuit. quæ ut clariora sint, producemus duas eiusdem codicis præfatiunculas priorem prosa, alteram metro in hunc modum.

*Ego Rodradus misericordia Dei indigens victus Hilmeradi artistitis iussu-
sionibus, vinctusque Episcopalis auctoritatis excommunicationibus IIII.
nonas Martis Sacerdotalis ministerij trepidus suscepi officium, anno In-
carnationis Dominica DCCCLIII. indictione I. Epacta VII. con-
currente VII. termino Paschali. IIII. Kal. Apr. Quicumque hanc or-
dinationis meæ adnotatiunculam legeris, & per hunc codicem Dominici
Corporis consecrationem recitaueris, tuis quæso precibus adiutus dica-
tum Christo exhibere Sacerdotium, & superna visionis consequi bra-
uium merear.*

Altera præfatiuncula, quæ metrica est, ita se habet.

*Hunc ego Hrodradus Sanctorum indignus alumnus
Composui librum Christi sub honore dicendum,
Officijs sacris agni dum victima digni
Religione pia sacram mactatur ad aram.
Qui licet indignus meritorum dote bonorum
Destituar noxæ nimio sub pondere vilis,
Saltem huius studi, donet pietate placere
Altithrono Regi, ferimus quo iudice cuncti
Pro merito nostro mercedis premia dignæ
Te quoque suppliciter Christi, benedicte Sacerdos,
Codicis stius frueris qui forsitan usu
Inter sacrorum solemnias sis memor ipse
Posco mei, precibusque Deum mihi conciliato,
Obsequio cuius caelestia munera libas.*

Hic liber potissimum in duas partes diuiditur. In prima continentur
ea, quæ ipse Rodradus ex stimat tantum fuisse à S. Gregorio col-
lecta, exceptis nonnullis quæ dicit se ad distinctionem virgulis iu-
gulasse: in alterâ comprehendit ea quæ à S. Gregorio prætermissa,
ait ipse Rodradus se ex ijs, quæ a probatissimis & eruditissimis magna
diligentiâ exarata sunt, viris collegisse, adiectis præfationibus & be-

P R Æ F A T I O.

*nedictionibus Episcopalibus: necnon & illud quod in præfato opere B. Gregorij ad gradus inferiores in Ecclesiâ constituendos non habetur: ita enim ipse loquitur in sua præfatione post primam libri sui partem. Hucusque precedens Sacramentorum libellus à B. Gregorio constat esse editus, exceptis his quæ in eodem in quadragesima virgulis ante positis lectoris inuenerit ingulata, solertia. Nam sicut quorundam relatu didicimus, dominus Apostolicus in eisdem diebus à stationibus penitus vacat eò quòd cæteris septimana ferijs stationibus vacando fatigatur, eisdem requiescit diebus, ob id scilicet, ut tumultuatione populari carens & eleemosynas pauperibus distribuere, & negotia exteriora liberius valeat disponere. Missam verò præstitutam in natale eiusdem B. Gregorij virgulis ante positis ingulatam à successoribus eius causa amoris, imò venerationis suæ eidem operi non dubium est esse interpositam, &c. ut apud Pamelium. qui eandem præfationem refert sub nomine Grimoldi Abbatis, etiam post priorem illam partem, quam Rodradus dicit esse S. Gregorij. Hanc præfationem excipit series capitulorum secundæ partis, quæ apud Pamelium eadem prorsus est: itavt hic liber ita distributus duos sibi vendicet auctores Rodradum Sacerdotem, & Grimoldum Abbatem. Nec tamen controuersia magna est. Nam quamuis sit eadem vtriusque libri methodus, & vnus ab altero præfationem emendicarit, non minimum tamen intercedit inter vtrumque discrimen. Primo, vt missas faciam orationes seu collectas, in quibus aliquando Rodradi, & Grimoldi libri inter se dissident, in primâ parte Rodradi codicis exarata reperiens, quæ spectant ad superiores ordines constituendos, exceptis quibusdam rubricis, quorum nulla est mentio in toto codice Grimoldi. Secundò in secundâ parte Rodradi habentur ea omnia quæ spectant ad inferiores ordines conferendos cum eorum rubricis: Sed nihil horum simile reperire est in codice Grimoldi, etsi in eius præfatione hæc verba legere sit: *Necnon & illud quod in præfato codice B. Gregorij ad gradus inferiores in Ecclesiâ constituendos non habetur.* Tertiò in codice Rodradi, in Sabbato sancto describuntur ritus, qui baptismum præcedunt, sed contractius, quàm in codice Grimoldi, cæteris in secundam partem reiectis, quibusdam tamen sub finem prætermisiss. Quartò sub finem primæ partis codicis Rodradi continetur baptismus infirmorum, & nonnulla alia, quæ in codice Grimoldi Abbatis desiderantur. Quintò Benedictiones Episcopales in secunda parte Rodradi sunt fere in omnibus festis Sanctorum, in Dominicis verò habentur duntaxat vsque ad diem Pente-*

P R A E F A T I O.

costes inclusiue: at in codice Grimoldi, in Dominicis extant benedictiones Episcopales vsque ad Dominicam vndecimam post Pentecosten inclusiue; in solemnitatibus verò Sanctorum pauciores, videlicet de sanctâ Cruce, in natali S. Ioannis Baptistæ, in natali Apostolorum Petri & Pauli, in natiuitate sanctæ Mariæ, in martyrio S. Ioannis Baptistæ, & in commemoratione omnium Sanctorum. Sextò, in secunda parte Rodradi habentur præfationes, quæ absunt à codice Grimoldi, etsi in sua præfatione illarum mentionem faciat. Pamelius tamen, qui primus hunc Grimoldi librum in lucem edidit, multas subiunxit præfationes ex libro Sacramentorum Alcuini. Tandem in codice Rodradi secundæ parti subiunguntur appendicis instar multæ Missæ cum apologijs, & ratione conferendi extremam vñctionem quæ neutiquam extant in codice Grimoldi. Ex his omnibus facile colligitur Rodradi librum alium esse à Grimoldi codice, & hos auctores seorsim scripsisse, & collegisse suum Sacramentorum librum. Quis autem fuerit hic Grimolus Abbas non satis constat. In vitâ S. Notkeri Balbuli apud Henricum Canisium tom. 6. antiquæ lectionis mentio fit Grimaldi cuiusdam, qui fuit Abbas Canonicus celeberrimi Cœnobij S. Galli, & Archicappellanus Ludouici pij Imperatoris, sed an hic idem sit cum Grimoldo, quærendum est. Verum, vt ad eundem Rodradi librū nostra reuertatur oratio, si fidem habeamus Micrologo similem librum contexuisse videtur Magister Albinus, qui vulgo Alcuinus dicitur. Sic enim ait cap. 6. de Ecclesiasticis obseruationibus: *Fecit tamen idem Albinus in sancta Ecclesia non contemnendum opus. Nam Gregorianas orationes in libris Sacramentorum, collegisse asseritur paucis alijs adiectis, quas tamen sub obelo notandas esse indicauit: deinde alias orationes, siue præfationes, etsi non Gregorianas, Ecclesiastica tamen celebritati idoneas collegit, sicut prologus testatur, quem post Gregorianas orationes in medio eiusdem libri collocauit.* Quæ sane verba indicant Albinum scripsisse librum Sacramentorum similem Rodradi, & Grimoldi codicibus. Nam vtriusque codicis supra notata præfatio est in medio operis inter primam & secundam partem. Nec potest esse error librarij, vt vult Pamelius, qui scripserit *Albinus*, pro, *Grimoldus*. Nam cum videamus Rodradi librum diuersum esse à codice Grimoldi, fieri potest, vt suum etiam Albinus concinnarit. Sed miror, cur hæc distinctio, seu diuisio officiorum, & Missarum his auctoribus in mentem venerit, vt vna pars paucis quibusdam

P R Æ F A T I O.

exceptis, videatur esse S. Gregorij Papæ, altera verò minimè. Siquidem in vita S. Gregorij à Ioanne Diacono scripta, cum agitur de Sacramentorum libro collecto à S. Gregorio dicitur simpliciter *sed & Gelasianum codicem de Missarum solemnij multa subtrahens pauca conuertens, nonnulla super adiiciens in unius libelli volumine coarctauit.* Idem profert VValfridus Strabo lib. de rebus Ecclesiasticis cap. 22. Neque est simile verò Gelasianum codicem, etsi in quibusdam correctione indigeret, fuisse adeo mutilum vt Missas quæ per totius anni curriculum dicendæ erant, non complecteretur, quod etsi concederetur, non credibile est S. Gregorium, qui Gelasianum librum recensuit nonnullis detractis, quibusdam verò alijs adiectis librum Missarum quæ per totius anni circulum dicuntur, adeo mutilum reliquerit, vt maior pars Dominicarum, seu Missarum, quæ in dominicis dici debeant, in eo desideretur. Nam iuxta doctrinam supra citatorum scriptorum in hoc Gregorij codice Missæ Dominicales, quæ interjectæ sunt à Natiuitate Domini usque ad aduentum, exceptis Septuagesimæ, Sexagesimæ, & Quinquagesimæ, Paschæ & illius octauæ, & Pentecostes, non sunt S. Gregorij, quod dicere absurdum est. Nam incredibile est in illis dominicis tempore Gelasij & S. Gregorij nullas Missas celebrari solitas: quod si celebrarentur, detur ratio. quare non essent in codicibus Gelasij & S. Gregorij descriptæ. Nostram opinionem confirmant inscriptio libri Sacramentorum tam in editis quam in codicibus nostris MSS. imò in ipsis codicibus Rodradi & Grimoldi, quæ est eiusmodi. *Incipit liber Sacramentorum de circulo anni expositus à S. Gregorio Papa, qualiter Missa Romana celebratur.* Cuius tituli veritas stare non potest cum aduersariorum opinione, cum in eorum codicibus maior pars Missarum Dominicalium desit. Nostram opinionem suadent codices MSS. S. Eligij & Remensis, antiquiores ipsis Rodradi, & Grimoldi voluminibus, qui eiusmodi codicis Gregoriani separationem non admittunt. Confirmat codex MS. Ratoldi Abbatis, de quo statim agendum est, etsi posterior sit codicibus Rodradi, & forsan Grimoldi, qui eiusmodi diuisionem non agnoscit, quemadmodum nec liber Sacramentorum tempore Clementis VIII. ex Bibliotheca Vaticana editus.

Tertius liber Sacramentorum MS. quo vsi sumus, est etiam Bibliothecæ Corbeiensis, quem nomine Ratoldi Abbatis indigetatus, qui eius iussu scriptus sit, vt clarum est Calendario eiusdem

libri, in quo idibus Martijs hic distichus reperitur:

Abbatis domni stat mentio sancta Ratoldi

Istum qui fecit scribere quippe librum.

Ratoldus autem fuit Abbas Corbeiensis vigesimus sextus, qui & mortem obiit anno Domini nongentesimo octogesimo sexto idibus Martijs: ex quo apparet hunc librum scriptum fuisse ante hunc annum: Hic codex optimus est, & correctissimus, plures habet caeremonias, dies festos, benedictiones, Episcopales, & praefationes, quam alij: quia recentior est.

Ad hos codices accessit liber MS. Bibliothecae Tilianae, qui est ordo Romanus, cuius mihi copiam fecit vir clarissimus Ioannes Tilius. Sunt tamen quaedam in eo, quae in ordine Romano non extant; ut in ordine Romano quaedam reperire est, quae in hoc codice Tiliano desiderantur. Hic liber initio caret, priore quaternione auulso. Videtur olim fuisse Ecclesiae Sagiensis in Normania sub metropoli Rothomagensi. Nam in eo codice ubi agitur de ordinibus, haec habentur: *Salariensis Ecclesia atque Episcopalis auctoritas tibi concedunt &c.* Salariensis enim Ecclesia, & Sagiensis idem sunt & Sagiū dictum fuit etiam Salarium, ut clarum est ex Orderico Vitali, qui libro 8. hist. Eccl. Serlonem antea Abbatem Monasterij S. Ebrulphi ubi nominavit Episcopum Sagiensem lib. 12. eiusdem historiae in Epitaphio Rogeri, qui successit Serloni in Abbatiam S. Ebrulphi, ait.

Presule iam factò Serlone Salaribus, iste
Cænoby Sancti Regimen suscepit Ebrulphi.

Et infra: *Eodem mense venerandus Serlo postquam Salariensem XXXII annis rexit Ecclesiam &c.* Adde quod in hoc codice Tiliano passim habetur celebris memoria SS. Martyrum Gervasij & Protasij, & in commemoratione Sanctorum, post orationem Dominicam his verbis, *Atque Andrea*, subiungitur: *Ne non beatis Martyribus tuis Gervasio & Protasio.* Quod quidem factum est, quod Ecclesia Sagiensis dedicata sit sub titulo Sanctorum Martyrum Gervasij & Protasij: ut planum est ex Orderico Vitali libro citato, & Guillelmo Gemeticensi lib. 7. histor. cap. 13. & 15. Sup finem huius codicis est successio Romanorum Pontificum, quae desinit in Sergio tertio. Sequitur Chronicon ab ortu mundi in cuius fine haec habentur: *Et à Carlo, & Carlomanno usque ad Carlum anni quatuor, & deinde dominus Carlus solus regnum suscepit, & Deo protegente gubernat, usque in praesens*

P R Æ F A T I O.

sentem annum feliciter, qui est regni eius quadragesimus secundus. Sunt autem totius summae ab origine mundi, usque in presentem annum I V. M. D C C. L X I. In eodem codice series habetur Regum Francorum, in cuius fine hæc scripta sunt. Mortuo Roberto Rege Henricus, filius eius adhuc iuenculus multas insidias & calamitates perpeffus est a principibus regni: auxilio Dei munitus omnes inimicos suos subiugavit sua feruituti. Ex quibus planum est hunc codicem scriptum fuisse, Henrico illo, qui primus appellatur, in Franciâ regnante, qui regnum iniit anno Domini M. X X X I I. iuxta Sigibertum in Chronico, quod etiam videtur forma characterum huius libri suadere.

Vsi etiam sumus ordine Romano vetustissimo MS. Bibliothecæ Corbeienfis: sed quia magna ex parte lacer est, pauca ex illo haurire potuimus.

Non mihi etiam parum profuit Ordo quidam MS. Bibliothecæ Monasterij S. Germani à pratis propè Lutetiam Parisiorum siti, in quo præsentem, lucubratiunculam, Deo iuvante, composui, Codex satis antiquus, videtur, & scriptus ante quingentos annos: ad cuius calcem est ordo vngendi infirmi; sed scripturæ à toto opere discrepantis, nec adeo vetustæ, siquidem trecentos annos vix superasse videtur, sequiturque usum extremæ unctionis recentiore, habetque formam deprecatoriam hodiernæque similem, non indicatiuam, quam vetustiores codices MSS. agnoscunt.

Insuper Collectanea quædam misit ad me vir doctissimus Ioannes le Preuost Canonicus & Bibliothecarius insignis Ecclesiæ Rothomagensis ex duobus antiquis Sacramentarijs seu Pontificalibus MSS. quæ in eiusdem Ecclesiæ Secretario asservantur; quorum alterum videtur esse Anglicanum, ut ipse opinatur, idque patet ex Sanctis Anglicanis, qui passim in hoc libro nominantur, & ex coronatione Regum Angliæ, quæ in hoc codice extat. Alterum videtur fuisse olim Ecclesiæ Remensis, quia in Litaniâ coronationis regum, quæ illis habetur, hi Sancti Ecclesiæ Remensis nominantur. Nicasius Remigius, Sixtus, Sinicius, & Rigobertus.

Vsus sum etiam codice MS. mihi tradito ex Bibliotheca S. Remigij Remis fundati scripto circiter annum Christi millesimum in quo præter alia multa quæ ad nostrum propositum minime spectant, duo sunt ordines, alter ad dandam pœnitentiam, alter ad visitandum infirmum, qui mihi ad hæc duo Sacramenta illustranda non mediorem lucem attulerunt.

Non

P R Æ F A T I O.

Non mihi etiam parum contulit opis Martyrologium S. Hieronymi MS. ex bibliotheca Corbeienſi, quod quidem, vt liberè dicam quid de eo ſentiam, non videtur purum: cum in eo multa Sanctorum, qui poſt S. Hieronymum vixerunt, nomina adiecta videantur ab ipſo ſcriptore, qui ſane fuit monachus Corbeienſis. Siquidem ibi notatur tranſlatio S. Præcordij, cuius corpus in dicto monaſterio ſeruatur, obitus Theofredi primi Abbatis Corbeienſis, obitus Ratoldi Abbatis eiufdem Cœnobij, dedicatio Eccleſiæ eiufdem loci, & nonnullorum ſacellorum, quæ adhuc Corbeia viſuntur. Codex tamen antiquus eſt, & videtur ſcriptus ante annos ſexcentos. Huic acceſſerunt cætera quædam Martyrologia, & Kalendaria MSS. quæ nobis etiam in hoc opere prælu-
xerunt

Non eſt hîc omittendus Ordo Romanus iam pridem typis mandatus, quem etiam diligenter contulimus cum codice S. Eligij. Honorius Auguſtodunenſis lib. de Illuſtribus Eccleſiæ ſcriptori-
bus Ordinis Romani auctorem facit Bernoldum quendam Eccleſiæ Conſtantiensis Presbyterum, qui floruit ſub Henrico 4. Imperatore. ita enim ait: *Bernoldus Conſtantiensis Eccleſiæ Presbyter Ordinem Romanum ſub quarto Henrico composuit.* Quod tamen non videtur ſiſquequaque verum. Si quidem hic Ordo Romanus eſt antiquior ipſo Bernoldo, & Henrico quarto Imperatore. Etenim Ordo Romanus citatur in libro Sacramentorum MS. Ratoldi Abbatis, de quo ſupra egimus, in feriâ V. in Cœnâ Domini, vbi agitur de pœnitentium reconciliatione, in hæc verba; *Faciatur ſermonem tam populis, quam pœnitentibus, ſicut Ordo præcepit Romanus.* Hic autem liber ſcriptus eſt ante annum 986. nondum nato Bernoldo. Mentionem etiam illius facit, Iſaac Lingonenſis Episcopus Can. 35. qui floruit tempore Caroli Calui Imperatoris, longe ante Bernoldum natum: *Et ibi, inquit, ab Episcopo Canonice & ordinabiliter, ſicut in Sacramentario, & Romano ordine continetur, reconciliantur.* Citatur etiam ab Amalario, qui floruit tempore Ludouici Pij Imperatoris lib. 1. de officijs Eccleſ. cap. 12. *Reſtat adhuc vnum in ordine Romano, vbi præcipitur, vt à feriâ quinta, uſque in Sabbato ſacto nuda ſint altaria.* Quod extat in ordine Romano, feria 5. in Cœnâ Domini. *A vespere autem huius diei nuda ſint altaria uſque in mane Sabbati.* Quare non propriè dici poteſt hic Bernoldus auctor Ordinis Romani, ſed tantum inſtaurator, qui illum recognouit

P R Æ F A T I O.

quibusdam detractis, & additis iuxta usum, quē in Ecclesiā suo tempore videbat. Quod satis credibile est, cum ille Ordo Romanus, qui iam pridem typis editus est, purus non sit, quia in multis ab antiquis Sacramentorum libris deficit. Imò ipse liber in ordine Sabbati sancti sub finem ordinationis missæ citat ordinem Romanum, & ab illius ritu recedit. *Deinde, inquit, dicit Diaconus, ite missa est, secundum Romanum ordinem: sed usus Ecclesiæ non vult hoc propter vespéros. In hac nocte de vespertinali synaxi apud Romanos, nihil agitur, neque ante missam, neque post missam. Apud nos autem unus de schola, cui iussu fuerit, pro antiphona incipit alleluya ad vesperam: & dum communicauerint, cantatur pro vespera festinanter, psalmus Laudate Dominum omnes gentes, &c.* Secundum hodiernum usum, qui postea inualuit etiam in Ecclesiā Romanā.

Hunc etiam codicem S. Eligij diligenter contuli cum edito Sacramentorum libro qui tempore Clementis VIII. exijt ex bibliotheca Vaticanā: sed non minimum discrimen inter vtrumque reperi, licet in multis conueniant. Nam codex MS. bibliothecæ Vaticanæ, vnde editus transcriptus est, non videtur esse adeo antiquus, cum nonnulla complectatur, quæ antiquitatem non redoleant, vt plurima festa quæ longo post tempore in usu fuere: nullasque in eo benedictiones Episcopales reperire est, quæ tamen adhuc vsitatæ erant tempore Honorij Augustodunensis auctoris libri, qui inscribitur gemma animæ, in quo earum ratio & methodus describitur, qui vixit anno 1120. iuxta Trittem. imo adhuc in quibusdam Ecclesijs celebrantur. Quod tamen miror, quia in eiusmodi edito ex Vaticano, in festo Sancti Pauli scriptum habetur. *Prefatio & benedictio quæ superius, vt in codice S. Eligij.* Vnde fit, vt credam codicem illum MS. descriptum quidem fuisse ex alio antiquissimo exemplari, sed quædam partim detracta fuisse, partim addita ab ex scriptore, prout videbat ille vsui temporis sui conuenire. Qui expunxit festum S. Mariæ ad Martyres, quod sua ætate abrogatum erat. Nam cum ipse ponat festum omnium Sanctorum, quod diu post festum S. Mariæ ad Martyres institutum est, signum est eum non vixisse ante huiusmodi festi institutionem, sed post illius abrogationem, cum festum omnium Sanctorum duntaxat celebraretur, quod constat ex omnibus nostris Sacramentarijs MSS. diu celebratum fuisse vigente adhuc festo S. Mariæ ad Martyres. Quamuis autem quædam defint in codice S. Eligij, quæ habentur

*D. Script.
Eccles.*

P R Æ F A T I O.

in excuso Sacramentario ex bibliotheca Vaticana, est tamen eo locupletior, ut dixi in libri programme, longe enim plura, quam ille continet, & antiquiora notæ.

Præterea illa quæ in his tribus Sacramentarijs MSS. Rodradi, Remensis, & Ratoldi notatu digniora erant, maxime quoad Sacramentorum rationem & festorum celebritatem in nostris observationibus annotavi, illustravi & explicavi, quæque rariora erant in codice Tiliano in easdem transtuli diligenter cum codice S. Eligij collata. Quæ sunt in appendice, ex nostris observationibus detracta, ad libri calcem sub appendicis titulo reieci: ne in illis veluti sepulta iacerent. Sic autem in his observationibus me gessi, ut illa quæ sunt hodierni usus, quantum in me situm fuit, ad antiquos Ecclesiæ ritus reuocarem: ab eorum tamen mente alienus; qui omnes Ecclesiasticas institutiones & ritus, atque etiam recentiores ad Apostolorum tempora omnibus remis & velis (ut aiunt) referre contendunt, quo nihil absurdius esse semper iudicaui. Nam eiusmodi homines antiquorum Patrum & Conciliorum verbis ac sententijs vim inferre non dubitant, modo suis nugis in officina cerebri sui cuspis colorem aliquem & fucum tribuere possint: non eorum mentem sequi, sed eam ad sincipitis sui nebulas pertrahere cupientes, non sine graui antiquitatis Ecclesiasticæ, & veritatis dispendio; non aduertentes omnes traditiones Ecclesiasticas non fuisse vbique temporum & locorum easdem: ac proinde omnia confundunt, & pessundant: & in hoc se bellè putant Ecclesiæ auctoritati consulere, cum eam hac ratione feribendi penitus conuellant. Nemo est enim adeo ab omni iudicio auersus, qui nesciat Concilia, Episcopos, Summos Pontifices, quos Deus posuit mysteriorum suorum dispensatores, posse vetera quædam abrogare, & noua statuere, prout S. Spiritus impulsu ducti Ecclesiasticæ utilitati ac dignitati ea conducere prouiderint.

Tandem ritus & cæremonias vtriusque Ecclesiæ Latinæ, & Græcæ studiosè inter se contuli: in quo continerent, ac discreparent, quantum in me fuit, diligentius annotavi.


Ne quis autem offendatur, quòd dixerim mundum plenum esse vagis Sacerdotibus, profiteor id me non intelligere de honestis Sacerdotibus, qui aut certas sedes habent, aut in Ecclesijs, &

PRÆFATIO.

parochijs resident, sed de his duntaxat, qui per ciuitates vagantur ἀπεργάζονται, Sacerdotio prorsus indigni.

Neminem etiam lædere debet illud quod annotaui ad quendam extremæ Vnctionis ritum in quo altero vngente alter verba pronuntiat, cum dixi hoc fauere eorum opinioni qui dicunt hunc valere baptismum, si vno infundente aquam, aut mergente, alter verba proferat. Non enim hoc ideo protuli, quasi in ea sim sententiâ, quàm vulgò repudiari non ignoro.

Hæc te monitum volebam, candide Lector. Si quid est in his meis lucubratiunculis, quod tibi sapiat, vttere libenter: si quid nœui, ac maculæ reppereris, æquus, ac beneuolus excusa.





APPROBATIO DOCTORVM.

NOS subfignati Doctores Theologi Sacræ Facultatis Parisiensis, *Notas & Observationes, quas in Librum Sacramentorum B. Gregorij Papæ. Reuerendus Pater Fr. HVGO MENARDVS, Congregationis S. Benedicti aliàs Cluniacensis, & S. Mauri Monachus, erudita diligentia solertiaque elucubrauit*, à nobis accuratè lectas iudicamus in maximum ornamentum Ecclesiæ Christianarumque Liturgiarum maiestatem esse cessuras si in publicam lucem prodierint: testati nihil ijs contineri quod fidei Catholicæ Apostolicæ & Romanæ aduersetur. Datum Lutetiæ 10. Cal. April. an. 1641.

HEMEREZ.

F. L. FREMONT.



PERMISSIO SUPERIORIS GENERALIS.

CVM *Notas & Observationes in Librum Sacramentorum sancti Gregorij Papæ, à Domino HVGONE MENARD, Presbytero Monacho nostræ Congregationis expresse professocompositas*, nonnulli eiusdem Congregationis Theologi quibus id commisimus, recognouerint, ac in lucem edi posse probauerint, Nos Frater GREGORIUS TARRISSE, humilis Superior Generalis Congregationis sancti Benedicti, aliàs Cluniacensis & sancti Mauri, Facultatem concessimus, vt typis mandentur. In cuius rei fidem præsentibus subscripsimus, easque officij nostri sigillo muniri iussimus. Datum Parisijs in Monasterio nostro sancti Germani à pratis. Die octaua Mensis Augusti, Anno Domini 1641.

F. GREGORIUS TARRISSE.



EXTRACT DV PRIVILEGE

du Roy.



A R Grace & Priuilege du Roy, Il est permis à DENYS BECHET, Marchand Libraire à Paris, d'Imprimer ou faire Imprimer vn Liure, intitulé, *Diui Gregorij Lib. Sacramentorum, &c. Notis, & Observationibus illustratus, opera & studio F. HVGO- NIS MENARDI, Benedictini*: Et deffenses sont faites à tous Libraires & autres Personnes, d'Imprimer ou faire Imprimer ledit Liure durant le temps porté audit Priuilege, sur les charges y contenuës.

Signé,

VICTON.

LE sieur BECHET a cédé la moitié de son Priuilege au sieur DENYS MOREAU, aussi Marchand Libraire à Paris: Pour en jouir suiuant le temps contenu audit Priuilege.

GEORGE C. BROWN

1871

1871



СѢСР СГѠ РІОС

ІІА

ІІА





I N
NOMINE DOMINI
HIC LIBER SACRAMENTORVM
DE CIRCVLO ANNI EXPOSITVS
A S. GREGORIO PAPA ROMANO
EDITVS EX AVTHENTICO LIBRO
BIBLIOTHECÆ CVBICVLI SCRIPTVS, QVALITER
Missa Romana celebratur, hoc est:

In primis ad INTROITVM ANTIPHONA, qualis fuerit statutis temporibus, siue diebus festis, seu cotidianis.

Deinde, KYRIE ELEISON.

Item dicitur GLORIA IN EXCELSIS DEO. si Episcopus fuerit, tantummodo die Dominico, siue diebus festis. A presbyteris autem minime dicitur, nisi solo in Pascha.

Quando vero Litania agitur, neque Gloria in excelsis Deo, neque Alleluia canitur.

Postmodum dicitur oratio: deinde sequitur Apostolus.

Item Gradale, seu ALLELUIA.

Postmodum legitur Euangelium, deinde Offertorium, & dicitur Oratio super Oblata.

Qua completa, dicit Sacerdos excelsa voce:

PER OMNIA SÆCVLA SÆCVLORVM. R. AMEN. DICIT.
DOMINVS VOBISCVM. R. ET CVM SPIRITV TVO. DICIT.
SVRSVM CORDA. R. HABEMVS AD DOMINVM. DICIT.
GRATIAS AGAMVS DOMINO DEO NOSTRO. R. DIGNVM
ET IYSTVM EST.

VERE dignum & iustum est, æquum & salutare, Nos tibi semper & ubique gratias agere, Domine sancte, Pater omnipotens, eterne Deus, per Christum Dominum nostrum. Per quem Maiestatem tuam laudant Angeli, adorant Dominationes, tremunt Potestates: Cali, calorumque Virtutes, ac beata Seraphim sociæ exultatione concelebrant. Cum quibus & nostras voces, ut admitti iubeas, deprecamur, supplici confessione dicentes: SANCTVS, SANCTVS, SANCTVS, DOMINVS DEVS SABAOth. Pleni sunt cæli & terra gloria tua, osanna in EXCELSIS. BENEDICTVS, QVI venit in nomine Domini osanna in excelsis.

E I G I T V R C L E M E N - | L I V M T V V M D O M I N V M
T I S S I M E P A T E R P E R | N O S T R V M, supplices roga-
I E S V M C H R I S T V M F I - | m u s, & p e t i m u s, v t i a c c e p t a

A

habeas & benedicas hæc dona, hæc munera, hæc sancta sacrificia illibata: In primis quæ tibi offerimus pro Ecclesia tua sancta Catholica, quam pacificare, custodire, adunare, & regere digneris toto orbe terrarum, vna cum famulo tuo Papa nostro Ill. & Rege nostro Ill. & omnibus orthodoxis, atque Catholicæ, & Apostolicæ fidei cultoribus,

MEMENTO DOMINE Famulorum, Famularumque tuarum, Ill. & Ill. & omnium circumadstantium, quorum tibi fides cognita est, & nota deuotio: qui tibi offerunt hoc sacrificium laudis pro se, suisque omnibus, pro redemptione animarum suarum, pro spe salutis, & incolumitatis suæ, tibi reddunt vota sua, æterno Deo, viuo, & vero.

COMMUNICANTES, & memoriam venerantes, in primis gloriosæ semper Virginis Mariæ genitricis Dei, & Domini nostri **IESU-CHRISTI**. Sed & beatorum Apostolorum, ac Martyrum tuorum, Petri, Pauli, Andreae, Iacobi, Ioannis, Thomæ, Iacobi, Philippi, Bartholomæi, Matthæi, Simonis, & Taddei, Lini, Cleti, Clementis, Syxti, Cornelij, Cypriani, Laurentij, Chrysogoni, Ioannis, & Pauli, Cosmæ, & Damiani, Hilarii, Martini, Augustini, Gregorij, Hieronymi, Benedicti, & omnium Sanctorum tuorum, quorum me-

ritis precibusque concedas, vt in omnibus protectionis tuæ muniamur auxilio, Per Christum Dominum nostrum.

HANC igitur oblationem seruitutis nostræ, sed & cunctæ familiæ tuæ, quæsumus Domine, vt placatus accipias: diesque nostros in tua pace disponas, atque ab æterna damnatione nos eripi, & in electorum tuorum iubeas grege numerari. Per Christum Dominum nostrum.

QVAM oblationem tu Deus in omnibus, quæsumus, benedictam, adscriptam, ratam, rationabilem, acceptabilemque facere digneris, vt nobis corpus, & sanguis fiat dilectissimi filij tui Domini Dei nostri Iesu Christi.

QVI pridie quàm pateretur, accepit panem in sanctas, ac venerabiles manus suas, eleuatis oculis in cælum, ad te Deum patrem suum omnipotentem, tibi gratias agens, bene dixit, fregit, dedit discipulis suis, dicens: Accipite, & manducate ex hoc omnes: **HOC EST ENIM CORPUS MEVM.**

SIMILI modo, postea quàm cœnatum est, accipiens & hunc præclarum calicem in sanctas ac venerabiles manus suas, item tibi gratias agens, bene dixit, dedit discipulis suis, dicens: Accipite, & bibite ex eo omnes: **HÆC EST ENIM CALIX SANGVINIS MEI, NOVI ET ÆTERNI TES-**

TAMENTI, MYSTERIVM FIDEI, QUI PRO VOBIS ET PRO MVLTIS EFFVNDETVR IN REMISSIONEM PECCATORVM.

Hæc quotiescumque feceritis, in mei memoriam facietis.

Vnde & memores sumus, Domine, nos tui serui, sed & plebs tua sancta, CHRISTI filij tui Dei nostri, tam beatæ passionis, nec non & ab Inferis Resurrectionis, sed & in cælos gloriosæ ascensionis. Offerimus præclaræ Maiestati tuæ de tuis donis, ac datis, Hostiam ✠ puram, Hostiam ✠ sanctam, Hostiam ✠ immaculatam, Panem ✠ sanctum vitæ æternæ, & Calicem ✠ salutis perpetuæ.

Supra quæ, propitio, ac sereno vultu respicere digneris, & accepta habere, sicuti accepta habere dignatus es munera pueri tui iusti Abel, & sacrificium Patriarchæ nostri Abrahamæ, & quod tibi obtulit summus sacerdos tuus Melchisedech sanctum sacrificium, immaculatam Hostiam.

Supplices te rogamus, omnipotens Deus, iube hæc perferri per manus Angeli tui in sublime altare tuum, in conspectu Diuinæ Maiestatis tuæ, vt, quotquot ex hac Altaris participatione sacrosanctum filij tui ✠ Corpus, & ✠ Sanguinem sumpserimus, omni benedictione cælesti, & gratia repleamur. Per Christum Dominum nostrum.

Super Diptycha.

Memento etiam Domine famulorum, famularumque tuarum Illi, qui nos præcesserunt cum signo fidei, & dormiunt in somno pacis. Ipsi, Domine, & omnibus in Christo quiescentibus; locum refrigerij, lucis, & pacis, vt indulgeas, deprecamur. Per eundem.

Nobis quoque peccatoribus famulis tuis de multitudine miserationum tuarum sperantibus, partem aliquam & societatem donaro digneris, cum tuis sanctis Apostolis, & Martyribus, cum Ioanne, Stephano, Matthia, Barnaba, Ignatio, Alexandro, Marcellino, Petro, Felicitate, Perpetua, Agathe, Lucia, Agne, Cæcilia, Anastasia, & cum omnibus sanctis tuis, intra quorum nos consortium, non æstimator meriti, sed veniæ, quæsumus, largitor admitte. Per Christum Dominum nostrum.

Per quem hæc omnia, Domine, semper bona, creas, sancti ✠ ficas, viui ✠ ficas, bene ✠ dicis & præstas nobis. Per ip ✠ sum, & cum ✠ ipso, & in ✠ ipso, est tibi Deo Patri omnipotenti in vnitatem Spiritus sancti, omnis honor & gloria.

Per omnia sæcula sæculorum. Amen.

Oremus.

Præceptis salutaribus moniti, & Diuina institutione formati, audemus dicere:

Pater noster, qui es in cælis, Sanctificetur nomen tuum. Adueniat regnum tuum. Fiat voluntas tua sicut in cælo, & in terra. Panem nostrum cotidianum da nobis hodie. Et dimitte nobis debita nostra, sicut & nos dimittimus debitoribus nostris. Et ne nos inducas in tentationem. R. Sed libera nos à malo.

Libera nos, quæsumus, Domine, ab omnibus malis, præteritis, præsentibus, & futuris, & intercedente beata & gloriosa semper Virgine Dei genitrice Maria, & beatis Apostolis tuis, Petro, & Paulo, atque Andrea, nec non & B. Stephano Protomartyre tuo, & omnibus sanctis, da propitius pacem diebus nostris, ut ope misericordiae tuae adiuti, & à peccato simus semper liberi, & ab omni perturbatione securi. Per Dominum.

P A X D O M I N I S I T
semper vobiscum. R. Et
cum Spiritu tuo.

*AGNVS DEI QVI TOLLIS
peccata mundi, miserere nobis.*

VIII. KALEND. IANVARII
in Vig. Nat. Domini ad Nonam.

DEus, qui nos redemptionis nostrae annua expectatione laetificas: præsta, ut unigenitum tuum quem Redemptorem latius suscepimus, venientem quoque iudicem securi videamus Dominum nostrum, Ie-

sum Christum, filium tuum, qui tecum vivit & regnat Deus in unitate Spiritus sancti per omnia sæcula sæculorum.

Super oblata.

Da nobis, quæsumus omnipotens Deus, ut, sicut adoranda filii tui natalia præuenimus, sic eius munera capiamus sempiterna gaudentes. Per eundem.

P R A E F A T I O.

Vere dignum, & iustum est, æquum & salutare, Nos tibi semper, & ubique gratias agere, Domine sancte, Pater omnipotens, æterne Deus. Per Christum Dominum nostrum: cuius hodie faciem in confessione præuenimus, & voce supplici exoramus: ut superuenturæ noctis officiis, nos ita peruigiles reddat, ut sinceris mentibus eius percipere mereamur. Natale venturum, in quo inuisibilis ex substantia tua, visibilis per carnem apparuit in nostra: Tecumque vnus non tempore genitus, non natura inferior, ad nos venit ex tempore natus. Per quem, &c.

A D C O M P L E N D V M.

Da nobis, Domine, quæsumus, Unigeniti filii tui recēsitā Natiuitate respirare, cuius cælesti mysterio pascimur, & potamur. Per eundem, &c.

A D V E S P E R O S.

Præsta, misericors Deus, ut ad

suscipiendum filij tui singulare
Natiuitatis mysterium, & mentes
credentium præparentur, & non
credentium corda subdantur. Per
eundem.

IN VIGILIA DOMINI
in nocte.

DEus, qui hanc sacratissimam
noctem, veri luminis fecisti
illustratione clarescere, da quæsu-
mus, vt, cuius lucis mysteria in
terra cognouimus, eius quoque
gaudiis in cælo perfruamur. Qui
tecum viuit, &c.

SUPER OBLATA.

Accepta sit tibi, Domine, quæ-
sumus, hodiernæ festiuitatis obla-
tio, vt tua gratia largiente, per
hæc sacrosancta commercia, in
illius inueniamur forma: in quo
tecum est nostra substantia. Qui
tecum viuit, & regnat Deus in
vniuersitate.

PRÆFATIO.

Vere dignum & iustum est,
æquum & salutare, Nos tibi sem-
per & vbique gratias agere, Do-
mine sancte, Pater omnipotens,
æterne Deus. Per Christum Domi-
nū nostrū. Cuius Diuina Natiui-
tatis potētia ingenita virtutis tuæ
genuit magnitudo. Quem semper
Filium, & ante tempora æterna
genitum, quia tibi pleno, atque
perfecto æterni Patris nomen nō
defuit, prædicamus, & honore,

maiestate, atque virtute æqua-
lem tibi cum Spiritu sancto con-
fitemur, & in trino vocabulo vni-
cam credimus Maiestatem. Et
ideo cum Angelis, & Archangelis,
cum Thronis, & Dominationi-
bus, cumque omni militia cœle-
stis exercitus Hymnum gloriæ
tuæ canimus sine fine dicentes.

TE IGITUR CLEMENTISSI-
ME PATER, &c.

BENEDICTIO.

OMnipotens Deus, qui incar-
natione Vnigeniti sui mūdi
tenebras effugauit, & gloriosā na-
tiuitate hanc sacratissimam noctē
inradiauit; effuget à vobis tene-
bras vitiorum, & inradiet corda
vestra luce virtutum Amen. Qui-
que eius sacratissimæ natiuitatis
gaudium magnum pastoribus ab
Angelo voluit nunciari, ipse super
vos benedictionis suæ gratissi-
mum imbrem infundat: atque
ipso pastore vos ad æternorum
gaudiorum pascua æterna perdu-
cat, Amen. Et qui per eius incar-
nationem terrena cœlestibus so-
ciauit, internæ pacis & bonæ vo-
luntatis vos nectare repleat, &
cœlestis militiæ cōsortes efficiat.
Amen. Quod ipse &c.

AD COMPLENDVM.

Da nobis, quæsumus, Domi-
ne Deus noster, vt, qui Natiui-
tatem Domini nostri Iesu Christi
nos frequentare gaudemus, di-

gnis conuersationibus ad eius uenire concede. Per Dominum
mereamur pertinere consortium. nostrum Iesum Christum filium
Qui tecum uiuit, &c. tuum. Qui tecum uiuit.

AD MATVTINVM.

PRÆFATIO.

Respice nos, misericors Deus:
& mentibus clementer humanis,
nascente Christo, summæ verita-
tis lumen ostende. Qui tecum vi-
uit & regnat.

Vere dignum, & iustum est,
æquum & salutare, Nos tibi sem-
per, & vbique gratias agere, Do-
mine sancte, Pater omnipotens,
æterne Deus: quia nostri Saluato-
ris hodie lux vera processit, quæ
clara nobis omnia & intellectu
manifestauit, & visu. Et ideo cum
Angelis, & Archangelis, cum
Thronis, & Dominationibus,
cumque omni militia cælestis
exercitus, hymnum gloriæ tuæ
canimus, sine fine dicentes.

MISSA IN MANE PRIMA
natalis Domini, siue Sanctæ
Anastasiæ.

AD COMPLENDVM.

Da quæsumus, omnipotens
Deus, vt, qui noua incarnati Verbi
tui luce perfundimur, hoc in no-
stro resplendeat opere, quod per
fidem fulget in mente. Per eun-
dem.

Eius nos, Domine, Sacramenti
semper natalis instauret: Cuius
Natiuitas singularis humanam
repulit vetustatem. Qui tecum uiuit.

ALIA.

ALIA.

Da, quæsumus, omnipotens
Deus, vt qui beatæ Anastasiæ mar-
tyris tuæ solemnia colimus, eius
apud te patrocinia sentiamus. Per
Dominum nostrum Iesum Chri-
stum.

Satiasti Domine Familiam
tuam muneribus sacris, eius, quæ-
sumus, semper interuentione nos
refoue, cuius solemnia celebra-
mus. Per dominum nostrum Ie-
sum Christum, &c.

SUPER OBLATA.

Munera nostra quæsumus, Do-
mine, Natiuitatis hodiernæ my-
steriis apta proueniant, vt, sicut
homo genitus, idem refulsit Deus;
sic nobis hæc terrena substantia
conferat, quod diuinum est. Per
eundem.

IN DIE NATALIS DOMINI.

VIII. KAL. IAN.

ALIA.

Accipe, quæsumus, Domine,
munera dignanter oblata, & bea-
tæ Anastasiæ suffragantibus meri-
tis, ad nostræ salutis auxilium pro-

Concede, quæsumus, omnipo-
tens Deus, vt nos Vnigeniti
Filij tui noua per carnem Natiuitas
liberet, quos sub peccati iugo ve-

tusta seruitus tenet. Qui tecum infantiam vilibus voluit indui
viuit.

SVPER OBLATA.

Oblata, Domine, munera, noua
Vnigeniti tui Natiuitate sanctifi-
ca, nosque à peccatorum nostro-
rum maculis emunda, Per eun-
dem, &c.

PRÆFATIO.

Vere dignum, & iustum est,
æquum, & salutare, Nos tibi sem-
per, & vbique gratias agere: Do-
mine sancte, Pater omnipotens,
æterne Deus: Quia per incarnati
Verbi mysterium noua mentis no-
stræ oculis lux tuæ claritatis in-
fulsit. Vt, dum visibiliter Deum
cognoscimus, per hunc inuisibi-
lium amore rapiamur. Et ideo
cum Angelis.

Te igitur Clementissime pa-
ter, &c. vt supra.

BENEDICTIO.

Benedicat vobis omnipotens
Deus, vestramque ad superna ex-
citet intentionem, qui hanc sa-
cratissimam diem natiuitate filij
sui fecit esse solemnem. Amen.
Et qui eum qui panis est Angelo-
rum, in præsepi Ecclesiæ cibum
fecit esse fidelium animalium: ip-
se vos & in præsentī seculo degu-
stare faciat æternorum dulcedi-
nem gaudiorum & in futuro per-
ducat ad facietatem æternorum
præmiorum. Amen. Quique eius

pannis, ipse vos cælestium vesti-
mentorum induat ornamentis.
Amen. Quod ipse præstare digne-
tur, cuius regnum & imperium
sine fine permanet in secula secu-
lorum. Amen. Benedictio Dei Pa-
tris, & Filij, & Spiritus Sancti. Et
pax Domini sit semper vobis-
cum.

AD COMPLENDVM.

Præsta, quæsumus, omnipotens
Deus, vt natus hodie Saluator
mundi, sicut Diuinæ nobis gene-
rationis est auctor, ita & immor-
tali ætatis sit ipse largitor. Qui te-
cum viuit, & regnat Deus.

ALIÆ ORATIONES.

Concede nobis, omnipotens
Deus, vt salutare tuum, noua cæ-
lorum luce mirabile, quod ad sa-
lutem mundi hodierna festiuitate
processit, nostris semper inno-
uandis cordibus oriatur. Qui te-
cum.

ALIA.

Omnipotens sempiterne Deus,
qui hunc diem per incarnationem
Verbi tui, & partum Beatæ Mariæ
Virginis consecrasti, da populis
tuis in hac celebritate confor-
tium, vt, qui tua gratia sunt re-
dempti, tua sint adoptione securi.
Per eundem.

A L I A.

Fundamentum fidei nostræ Deus, qui in mentibus sanctis tamquam in excelsis montibus, æternitatis portas, iustitia muniente, componis : concede nobis in te gloriosè credere, tuumque Filium Dominum nostrum ad redemptionem animarum hominem factum prædicabiliter confiteri. Qui tecum, &c.

A L I A.

Largire, quæsumus, Domine famulis tuis, fidei, & securitatis augmentum, ut, qui de Natiuitate filij tui Domini nostri gloriantur, & aduersa mundi, te gubernante non sentiant; & quæ temporaliter celebrare desiderant, sine fine percipiant. Per.

A L I A.

Deus, qui per Beatæ Mariæ Virginis partum sine humana concupiscentia procreatum, in Filij tui membra venientes, paternis fecisti præiudiciis non teneri, præsta quæsumus, ut, huius creaturæ nouitate suscepta, verustatis antiquæ contagiis exuamur. Per eundem,

A L I A.

Deus, qui humanæ substantiæ dignitatem & mirabiliter condidisti, & mirabilius reformasti, da nobis, quæsumus, eius diuinitatis

esse consortes, qui humanitatis nostræ fieri dignatus est particeps, Iesus Christus filius tuus, qui tecum viuit.

A L I A.

Omnipotens sempiterne Deus, qui in Filij tui Domini nostri Natiuitate tribuisti totius religionis initium, perfectionemque constare, da nobis, quæsumus, in eius portione censerari, in quo totius salutis humanæ summa consistit. Qui tecum viuit & regnat Deus.

A L I A.

Da quæsumus Domine populo tuo inuiolabilem fidei firmitatem, ut, qui Unigenitum tuum in tua tecum gloria sempiternum, in veritate nostri corporis natum de matre Virgine confitentur, & à præsentibus liberentur aduersis & mansuris gaudiis inferantur. Per eundem Dominum nostrum Iesum Christum filium tuum, Qui tecum.

VII. KALEND. IANVARII
NAT. SANCTI STEPHANI

DA nobis, quæsumus, Dñe, imitari quod colimus, ut discamus & inimicos diligere, quia eius natalitia celebramus, qui nouit etiam pro persecutoribus exorare Dom.

SUPER

SVPER OBLATA.

Suscipe Domine munera pro tuorum commemoratione Sanctorum, vt sicut illos passio gloriosos, sic nos deuotio reddat innocuos. Per Dominum.

PRÆFATIO.

Vere dignum & iustum est, æquum & salutare, Nos tibi semper & vbique gratias agere, Domine sancte, Pater omnipotens, æterne Deus, Beati Stephani Leuitæ simul & martyris natalitia recolentes: qui fidei, qui sacræ militiæ, qui dispensationis & castitatis egregiæ, qui prædicationis mirabilisque constantiæ, qui confessionis ac patientiæ nobis exempla veneranda proposuit. Et ideo Natiuitatem Filij tui merito præ ceteris passionis suæ festiuitate prosequitur: cuius gloriæ sempiternæ primus martyr occurrit. Per quem Maiestatem, &c.

BENEDICTIO.

Deus qui beatum Stephanum protomartyrem coronauit, & confessione fidei, & agone martyrij, mentes vestras circundet, & in præsentis sæculo corona iustitiæ, & in futuro perducatur vos ad coronam gloriæ. Amen. Illius obtentutribuat vobis Dei & proximi caritate semper exuberare, qui hanc studuit etiam inter lapi-

dantiū impetus obtinere. Amen. Quo eius exemplo roborati, & intercessione muniti, ab eo quem ille à dextris Dei vidit stantem, mereamini benedici. Amen. Quod ipse præstare dignetur, &c.

AD COMPLENDVM.

Auxilientur nobis, Domine sumpta mysteria, & intercedente B. Stephano martyre tuo, sempiterna protectione cōfirment. Per.

ALIA.

Omnipotens sempiterne Deus, qui primitias martyrum, in Beati Leuitæ Stephani sanguine dedicasti, tribue, quæsumus, vt pro nobis intercessor existat, qui pro suis etiā persecutoribus exorauit. Per.

ALIA.

Deus, qui nos Vnigeniti tui clementer incarnatione redemisti, da nobis patrocina tuorum continuata Sanctorum, quibus capere valeamus salutaris mysterij portionem. Per eundem.

ALIA.

Gratias agimus Domine multiplicatis circa nos miserationibus tuis, qui & Filij tui Natiuitate nos saluas, & beati Martyris Stephani deprecatione sustentas. Per eundem.

B

VI. KALENDAS IANVARII
Nat. S. Ioannis Euangelistæ.

Ecclesiam tuam Domine benignus illustra, ut beati Ioannis Euangelistæ illuminata doctrinis, ad dona perueniat sempiterna. Per.

SVPER OBLATA.

Suscipe munera, Domine, quæ in eius tibi solemnitate deferimus, cuius nos confidimus patrocinio liberari. Per.

PRÆFATIO.

Vere dignum, & iustum est, æquum & salutare, Nos tibi semper & ubique gratias agere, Domine sancte, Pater omnipotens, æterne Deus: Beati Apostoli tui, & Euangelistæ Ioannis veneranda natalitia recensentes: qui Domini Nostri Iesu Christi Filij tui vocatione suscepta terrenum respuit patrem, ut posset inuenire cælestem, adeptus in regno cælorum sedem Apostolici culminis, qui tantum retia carnalia contempserat genitoris: quique ab Unigenito tuo sic familiariter est dilectus, & immensæ gratiæ muneribus approbatus, ut eum idem Dominus in cruce iam positus, vicarium suæ Matri Virgini filium subrogaret: quatenus Beatæ Genitricis integritati, probati dilectique discipuli virginitas deseruiret. Nam & in cœnæ mysticæ sacro-sancto

conuiuio super ipsum vitæ fontem æternum, scilicet pectus recubuerat Saluatoris. De quo perenniter manantia cælestis hauriens fluenta doctrinæ, tam profundis, ac mysticis reuelationibus est imbutus, ut omnem transgrediens creaturam, excelsa mente conspiceret, & Euangelica voce proferret, quod In principio erat Verbum, & verbum erat apud Deum, & Deus erat Verbum. Et ideo cum Angelis.

BENEDICTIO.

Omnipotens Deus dignetur vobis per intercessionem beati Ioannis Apostoli & Euangelistæ benedicere, qui per eam arcana verbi sui voluit Ecclesiæ reuelare. Amen. Concedat vobis, ut quod ille Spiritus Sancti munere afflatus vestris auribus infudit, eiusdem Spiritus dono capere mente valeatis. Amen. Quod eius documento de diuinitate nostri Redemptoris edocti, & amando quod tradidit, & exsequendo quod iussit, ad dona peruenire mereamini, quæ idem Iesus Christus Dominus noster repromisit. Quod ipse præstare dignetur.

AD COMPLENDVM.

Refecti cibo, potuque cælesti, Deus noster, te supplices deprecamur, ut in cuius hæc commemoratione percepimus, eius muniamur & precibus. Per.

AD VESPER.

Beati Ioannis Euangelistæ, quæsumus, Domine, supplicatione placatus, & veniam nobis tribue, & remedia sempiterna concede. Per Dominum nostrum.

A L I A.

Beati Euangelistæ, Ioannis Domine precibus adiuuemur, vt, quod possibilitas nostra non obtinet, eius nobis intercessione donetur. Per.

A L I A.

Sit, Domine, quæsumus, Beatus Ioannes Euangelista nostræ fragilitatis adiutor, vt pro nobis tibi supplicās, copiosius audiat. Per.

A L I A.

Deus qui per os Beati Apostoli tui Ioannis Verbi tui nobis arcana reserasti, præsta, quæsumus, vt, quod ille nostris auribus excellenter infudit, intelligentiæ competentis eruditione capiamus. Per.

A L I A.

Omnipotens sempiterne Deus, qui huius diei venerandam, sanctamque lætitiā Beati Apostoli tui Ioannis, & Euangelistæ festiuitate tribuisti, da Ecclesiæ tuæ, quæsumus, & amare quod credit, & prædicare quod docuit. Per.

A L I A.

Adsit Ecclesiæ tuæ Domine, quæsumus, Beatus Euangelista Ioannes, vt cuius perpetuus doctor existit, semper esse non desinat suffragator. Per Dominum.

A L I A.

Præsta, quæsumus, omnipotens Deus, vt excellentiam Verbi tui, quam Beatus Euangelista Ioannes asseruit, & conuenienter intellegere valeamus, & veraciter profiteri. Per eundem.

V. KALENDAS IANVARII.

Natal. Innocentium.

DEus, cuius hodierna die preconium innocētes Martyres nō loquēdo, sed moriēdo confessi sunt, omnia in nobis vitiorum mala mortifica, vt fidem tuam, quam lingua nostra loquitur, etiam moribus vita fateatur. Per.

SUPER OBLATA.

Adesto, Domine, muneribus Innocētum festiuitate sacrandis, & præsta, quæsumus, vt eorum sinceritatem possimus imitari, quorum tibi dicatam veneramur infantiam. Per.

PRÆFATIO.

Vere dignum, & iustum est, æquum, & salutare, Nos tibi semper, & vbique gratias agere: Domine sancte, Pater omnipotens, æterne Deus: & in pretiosis moribus paruulorum, quos propter nostri Redemptoris infantiam bestiali sæuitia Herodes funestus occidit, immensa clementiæ tuæ dona prædicare, in quibus fulget sola magis gratia, quam voluntas, & clara est prius confessio, quam

loquela, antepassio, quàm membra idonea passioni. Existunt testes Christi, qui eius nondum fuerant agnitores. O infinita benignitas! O ineffabilis misericordia, quæ pro suo nomine trucidatis, meritum gloriæ perire non patitur, sed proprio cruore perfusis & salus regenerationis adhibetur, & imputatur corona martyrij. Et ideo cum Angelis, &c.

BENEDICTIO.

Omnipotens Deus pro cuius Unigeniti veneranda infantia, infantium innocentium cateruas Herodis funesti peremit sæuitia, suæ vobis benedictionis tribuat dona gratissima. Amen. Et qui eis concessit, ut vnicum filium eius, Dominum nostrum nō loquendo, sed moriendo confiterentur, concedat vobis, ut fidem veram, quā lingua vestra fatetur, etiam mores probi, & vita inculpabilis fateatur. Amen. Quique eos primitivum fructum sanctæ suæ suscepit Ecclesiæ, cum fructu bonorum operum, vos faciat peruenire ad gaudia æternæ patriæ. Amen. Quod ipse præstare dignetur, cuius regnum.

AD COMPLENDVM.

Votiva, Domine, dona percipimus, quæ Sanctorum nobis precibus, & præsentis, quæsumus, vitæ pariter & æternæ tribue conferre subsidium. Per.

A L I A.

Deus, qui licet sis magnus in

magnis, mirabilia tamen gloriofius operaris in minimis, da nobis, quæsumus, in eorum celebritate gaudere, qui Filio tuo Domino nostro testimonium præbuerunt etiam non loquentes. Per eundem, &c.

A L I A.

Ipsi nobis, Domine, quæsumus, postulent mentium puritatem, quorum innocentiam hodie solemniter celebramus. Per.

A L I A.

Adiuua nos, Domine, quæsumus, eorum deprecatione Sanctorum, qui filium tuum humana necdum voce profitentes, cælesti sunt pro eius Natiuitate gloria coronati. Per eundem.

PRID. KALENDAS IAN-
uarij. Nat. S. Siluestri Papæ.
Eodem die S. Fulgentij
Episcopi.

Da quæsumus, omnipotens Deus, ut Beati Siluestri Confessoris tui, atque Pontificis veneranda solemnitas, & deuotionem nobis augeat, & salutem. Per.

SUPER OBLATA.

Sanctorum tuorum nobis, Domine, pia non desit oratio, quæ & munera nostra conciliet, & tuam nobis indulgentiam semper obtineat. Per.

AD COMPLENDVM.

Quæsumus omnipotens Deus

vt hodiernæ munus solemnitatis acceptum, intercedente Beato Siluestro Confessore tuo, & corporibus nostris salutem præstet & mentibus. Per Dominum.

A L I A.

Adesto, Domine, supplicationibus nostris, nec eos ullis mentis, & corporis patiaris subiacere periculis, quos Beati Siluestri Pontificis tui munit gloriosa confessio. Per.

K A L E N D I S I A N V A R I I.
In Octauis Domini.

DEus qui salutis æternæ Beatæ Mariæ virginitate fecunda, humano generi præmia præstitisti, tribue, quæsumus, vt ipsam pro nobis intercedere sentiamus, per quam meruimus auctorem vitæ suscipere Dominum nostrum Iesum Christum Filium tuum.

A L I A.

Deus qui nobis nati Saluatoris diem celebrare concedis octauū, fac, quæsumus, nos eius perpetua diuinitate muniri, cuius sumus carnali commercio reparati. Qui tecum viuit, &c.

S V P E R O B L A T A.

Præsta, quæsumus, Domine, vt per hæc munera, quæ Domini nostri Iesu Christi arcana Natiuitatis mysterio gerimus, purificatæ

mentis intelligentiam consequamur. Per eundem.

P R Æ F A T I O.

Vere dignum & iustum est, æquum & salutare, Nos tibi semper & vbiq; gratias agere, Domine sancte, Pater omnipotens, æterne Deus: per Christum Dominum nostrum: cuius hodie Circumcisionis diem, & Natiuitatis octauum celebrantes, tua Domine mirabilia veneramur. Quia, quæ peperit, & Mater & Virgo est: Qui natus est & infans & Deus est. Et ideo cum Angelis, &c.

B E N E D I C T I O.

Omnipotens Deus, cuius Vni-genitus hodierna die ne legem solueret, quam adimplere venerat, corporalem suscepit Circumcisionem, spiritali Circumcisione mentes vestras ab omnibus vitiorum incentiuis expurget: & suam in vos infundat benedictionē. Amen. Et qui legē per Moysen dedit, vt per Mediatorem nostrum benedictionē daret, exuat vos mortificatione vitiorum & faciat perseuerare in nouitate virtutum. Amen. Quo sic in senarii numeri perfectione in hoc seculo viuatis, & in septenario inter beatorum spirituum agmina requiescat. Quatenus in octauo resurrectione renouati, iubelei remissione ditati, ad gaudia sine fine mansura perueniatis. Amen.

Quod ipse præstare dignetur, cuius regnum.

AD COMPLENDVM.

Præsta, quæsumus, Domine, ut quod Saluatoris nostri iterata solemnitate percepimus, perpetuæ nobis redemptionis conferat medicinam. Per eundem.

SVPER POPVLVM.

Omnipotens sempiterne Deus, qui in Vnigenito tuo nouā creaturam nos tibi esse fecisti, custodi opera misericordiæ tuæ, & ab omnibus nos maculis vetustatis emunda, ut per auxilium gratiæ tuæ in illius inueniamur forma, in quo tecum est nostra substantia. Qui tecum viuit.

DOMINICA PRIMA POST
Natal. Domini.

OMnipotens sempiterne Deus, dirige actus nostros in beneplacito tuo, ut in nomine dilecti Filij tui mereamur bonis operibus abundare. Qui tecum.

SVPER OBLATA.

Concede, quæsumus, Domine, ut oculis tuæ Maiestatis munus oblatum, & gratiam nobis deuotionis obtineat, & effectum beatæ perennitatis acquirat. Per Dominum nostrum.

P RÆ F A T I O.

Vere dignum, & iustum est, æquum & salutare. Nos tibi semper, & vbique gratias agere, Domine sancte, Pater omnipotens, æterne Deus: Qui peccato primi parentis hominem à salutis finibus exulantem, pietatis indulgentia ad veniam vitamque reuocasti, mittendo nobis vnigenitum Filium tuum Dominum, & Saluatorem nostrum; per quem Maiestatem tuam, &c.

B E N E D I C T I O.

Deus qui vnigenitum suum misit, ut mundum saluaret: eiusdem salutis vos participes, efficiat, & in eā perseuerabiles reddat, amē. Iram quæ super infideles manet, à vobis amoueat, & ab ea vos in perpetuū liberos efficiat. Amen. Spiritum filij sui vobis adtribuat, eiusque donis vos affatim exuberare concedat. Amen. Quod ipse præstare dignetur cuius regnū.

AD COMPLENDVM.

Per huius, Domine operationem mysterij, & vitia nostra purgentur, & iusta desideria compleantur. Per Dominum, &c.

SVPER POPVLVM.

Propitiare misericors Deus, supplicationibus nostris, & populum tuum peruigili protectione custodi, ut qui Vnigenitum tuum in

carne nostri corporis Dominum & tēporaliter procreatus signorū
natum esse fatetur, nulla possit temporalium ministerio pande-
diaboli falsitate corrumpi. Per eundem, &c.

NONIS IANVARII,
In Vigil. Theophaniæ.

AD VESPEROS.

Corda nostra, quæsumus, Do-
mine, venturæ festiuitatis
splendor inlustret, quo mundi hu-
iustenebris carere valeamus, &
perueniamus ad patriam clarita-
tis æternæ. Per.

SVPER OBLATA.

Tribue, quæsumus, Domine,
vt præsentibus illi immolemus
sacrificiis, & sumamus quæ ven-
turæ solemnitatis pia munera præ-
loquuntur. Per, &c.

PRÆFATIO.

Vere dignum & iustum est æ-
quum & salutare, Nos tibi sem-
per & vbique gratias agere, Do-
mine sancte, Pater omnipotens æ-
terne Deus: Et te laudare mirabi-
lem Dominum in omnibus operi-
bus tuis, quibus sacratissima regni
tui mysteria reuelasti. Hanc ete-
nim festiuitatem Dominicæ ap-
paritionis index stella præcessit,
quæ natum in terra cœli Domi-
num, Magis stupentibus, nuncia-
ret. Vt manifestandus mūdo Deus
& cœlesti denunciaretur indicio,

AD COMPLENDVM.

In lumina, quæsumus, Domine,
populum tuum, & splendore gra-
tiæ tuæ cor eius semper accende,
vt saluatoris mundi stella famulā-
te, manifestata Natiuitas men-
tibus eorum & reueletur, semper
& crescat. Per eundem.

VIII. ID. IANVARII.
In Epiphania.

Deus, qui hodierna die Vni-
genitum tuum gētibus stel-
la ducere uel sti, concede propi-
tius, vt qui iam te ex fide cogno-
uimus, vsque ad contemplandam
speciem tuæ celsitudinis perduca-
mur. Per eundem, &c.

SVPER OBLATA.

Ecclesiæ tuæ, quæsumus, Do-
mine, dona propitius intueri, qui-
bus non iam aurum, thus & myr-
ra profertur, sed quod eisdem
muneribus declaratur, immola-
tur, & sumitur, Iesus Christus
Dominus noster.

PRÆFATIO.

Vere dignum, & iustum est,
æquum & salutare, Nos tibi sem-
per, & vbique gratias agere: Do-
mine sancte, Pater omnipotens,

æternæ Deus: Quia cum Vnigenitus tuus in substantia nostræ mortalitatis apparuit, in nouam nos immortalitatis suæ lucem reparauit. Et ideo cum Angelis, &c.

TE IGITUR CLEMENTISSIME PATER. &c.
BENEDICTIO.

DEus lumen verum, qui vnigenitum suum hodiernâ die stellâ duce gentibus voluit reuolare, sua vos dignetur benedictione ditare. Amen. Quò exemplo Magorum mystica Domino Iesu Christo munera offerentes, spreto antiquo hoste, spretisque contagiis vitiorum, ad æternam patriam redire valeatis per viam virtutum. Amen. Detque vobis veram mentium innocentiam qui super Vnigenitum suum Spiritû sanctum demonstrare voluit per columbam, câque virtute mentes vestræ exerceantur ad intellegendam diuinæ legis arcana, quâ in Cana Galileæ lympa est in vinum conuersa. Amen. Quod ipse præstare dignetur.

AD COMPLENDVM.

Præsta, quæsumus, omnipotens Deus, vt quæ solemni celebramus officio, purificatæ mentis intelligentia consequamur. Per.

ALIÆ ORATIONES.

Omnipotens sempiterne Deus,

fidelium splendor animarum, qui hanc solēnitatem electionis Gentium primitiis consecrasti, imple mundum gloria tua, & subdiisti tibi populis per luminis tui appare claritatem. Per.

ALIA.

Deus, inluminator omnium Gentium, da populis tuis perpetua pace gaudere, & illud lumen splendidum infunde cordibus nostris, quod trium Magorum mentibus adspirasti. Per.

ALIA.

Da nobis, quæsumus, Domine, digne celebrare mysterium, quod in nostri Saluatoris infantia miraculis coruscantibus declaratur, & corporalibus incrementis manifesta designatur humanitas. Per eundem.

ALIA.

Præsta, quæsumus, omnipotens Deus, vt Saluatoris mundi stellâ duce manifestata Natiuitas mentibus nostris reueletur, semper & crescat. Per eundem.

ALIA.

Illumina, quæsumus, Domine, populum tuum, & splendore gratiæ tuæ cor eius semper accende, vt Saluatorem suum & incessanter agnoscat, & veraciter adprehendat, Dominum nostrum, &c.

DOMINICA

DOMINICA PRIMA POST
Theophaniam.

VOta, quæsumus, Domine, supplicantis populi coelesti pietate prosequere, ut & quæ agenda sunt, videant, & ad implenda quæ viderint, conualescant Per, &c.

SVPER OBLATA.

Oblatum tibi Domine, sacrificium viuificet nos semper & muniat. Per.

P R A E F A T I O.

Vere dignum, & iustum est, æquum & salutare, Nos tibi semper, & ubique gratias agere, Domine sancte, Pater omnipotens, æterne Deus: Quia eū Unigenitus tuus in substantia nostræ mortalitatis apparuit, in nouam nos immortalitatis suæ lucem reparauit. Et ideo cum Angelis.

B E N E D I C T I O.

Deus qui filij sui temporalem pueritiam fecit esse mirabilem, spiritu prudētiæ corda vestra inlustrare ac docere dignetur. Amen. Quique illum parentibus temporaliter subdi voluit, ipse vos humilitatis & pietatis muneribus miseratus informet. Amen. Et qui eum sapientiā, ætate, & gratiā proficere tribuit, spiritualium vobis perfectuum incrementa propitius largiatur. Quod ipse præstare dignetur.

A D C O M P L E N D V M.

Supplices te rogamus omnipotens Deus, ut quos tuis reficis sacramentis, tibi etiam placitis moribus dignanter deferuire concedas. Per Dominum.

SVPER POPV LVM.

Conserua, quæsumus, Domine, familiam tuam, & benedictionum tuarum propitius vbertate purifica, ut eruditionibus tuis semper multiplicetur & donis. Per.

I N O C T A V I S
Theophaniæ.

DEus, cuius Unigenitus in substantia nostræ carnis apparuit, præsta, quæsumus, ut per eum, quem similem nobis foris agnouimus, intus reformari mereamur. Qui tecum viuit, &c.

SVPER OBLATA.

Hostias tibi, Domine, pro natiui Filij apparitione deferimus, suppliciter exorantes, ut sicut ipse nostrorum auctor est munerum, ita ipse sit misericors &ceptor Iesus Christus, Dominus noster, qui tecum viuit & regnat Deus.

A D C O M P L E N D V M.

Coelesti lumine, quæsumus, Domine, semper & ubique nos præueni, ut mysterium, cuius nos participes esse voluisti, & puro certaminis intuitu, & digno percipiamus effectum. Per.

XVIII. KALEND. FEBRVAR.
Nat. Sancti Felicis.

DOMINICA SECVNDA
Post Theophaniam.

COncede, quæsumus, omnipotens Deus, ut ad meliorem vitam Sanctorum tuorum exempla nos prouocent, quatenus quorum sollemnia agimus, etiam actus imitemur. Per.

SUPER OBLATA.

Hostias tibi, Domine, pro commemoratione Sancti Felicis Confessoris offerimus suppliciter deprecantes, ut sicut illi tribuisti sacræ fidei largitatem, sic nobis indulgentiam largiaris & pacem. Per.

PRÆFATIO.

Vere dignum, & iustum est, æquum & salutare, Nos tibi semper, & ubique gratias agere, Domine sancte, Pater omnipotens, æterne Deus: & confessionē sancti Felicis memorabilem non tacere, qui nec hæreticis prauitatibus, nec sæculi blandimentis à sui status rectitudine potuit immutari: sed inter vtraque discrimina veritatis assertor, firmitatem tuæ fidei non reliquit. Per.

AD COMPLENDVM.

Quæsumus, Domine, salutaribus repleti mysteriis, ut cuius sollemnia celebramus, eius orationibus adiuemur. Per Dominum nostrum, &c.

OMnipotēs sempiternæ Deus, qui cœlestia simul & terrena moderaris, supplicationes populi tui clementer exaudi, & pacem tuam nostris concede temporibus. Per.

ALIA.

Adesto, quæsumus, Domine, supplicationibus nostris, & in tua misericordia confidentes, ab omni nos aduersitate custodi. Per.

SUPER OBLATA.

Vt tibi grata sint, Domine, munera populi tui supplicantis, ab omni, quæsumus, eum contagione peruersitatis emunda. Per.

PRÆFATIO.

Vere dignum, & iustum est, æquum & salutare, Nos tibi semper, & ubique gratias agere, Domine, sancte, Pater omnipotens, æterne Deus; semperque virtutes & laudes tuas labiis exultationis effari, qui nobis ad releuandos istius vitæ labores diuersa donorum tuorum solatia, & munerum salutarium gaudia contulisti, mittendo nobis Iesum Christum Filium tuum Dominum nostrum. Per quem, &c.

BENEDICTIO.

DEus qui suā mirabili potestate aquam vertit in vinū, vos à vetustate substractos in beatæ vitæ

transferat nouitatem. Amen. Et ad nostræ salutis auxilium prouequi nuptiis interesse voluit, vt earum sua præsentia comprobaret bonum, ipse vobis castitatis & sobrietatis perpetuæ conferat donum. Amen. Ipse vobis sanctarum intelligentiam scripturarum tribuat spiritalem: qui aquas in vina vertendo, hoc ipsum voluit designare. Amen. Quod ipse præstare dignetur: cuius.

AD COMPLENDVM.

Augeatur in nobis, Domine, quæsumus, tuæ virtutis operatio, vt diuinis vegetati sacramentis, ad eorum promissa capiēda tuo munere præparemur. Per.

SUPER POPVLVM

Auxiliare, Domine, populo tuo, vt sacre deuotionis proficiens incrementis, & tuo semper munere gubernetur, & ad redēptionis æternæ pertineat, te ducente, confortium. Per, &c.

XVII. KALEND. FEBRVARII

Nat. S. Marcelli Papæ.

PReces populi tui, quæsumus, Domine, clementer exaudi, vt Beati Marcelli Martyris tui atque Pontificis meritis adiuuemur, cuius passione lætamur. Per Dominum nostrum, &c.

SUPER OBLATA

Suscipe, quæsumus, Domine, munera dignanter oblata, & Beati Marcelli suffragantibus meritis,

PRÆFATIO.

Vere dignum, & iustum est, æquum & salutare, Nos tibi semper, & vbiq; gratias agere, Domine, sancte, Pater omnipotens, æterne Deus, qui glorificaris in tuorum confessione Sanctorum. Et non solum excellentioribus præmiis Martyrum tuorum merita gloriosa prosequeris: sed etiam sacramenta competentibus seruitiis exsequentes, gaudium Domini sui tribuis benignus intrare. Per Christum Dominum.

AD COMPLENDVM.

Satiasti, Domine, familiam tuam muneribus sacris, semper eius, quæsumus, interuentione nos refoue: cuius solemnia celebramus. Per, &c.

XV. KALEND. FEBRVARII.

Nat. S. Priscæ Virginis.

DA, quæsumus, omnipotens Deus, vt qui Beatæ Priscæ Martyris tuæ natalitia colimus, & annua solemnitate lætemur, & tantæ fidei proficiamus exemplo. Per.

SUPER OBLATA.

Hostia Domine, quæsumus, quæ Sanctorum tuorum natalitia recēsentēs offerimus, & vincula nostræ prauitatis absoluat, & tuæ nobis misericordiæ dona cōciliet. Per.

C. ij

AD COMPLENDVM.

Quæsumus, Domine, salutari-
bus repleti mysteriis, vt cuius so-
lemnita celebramus, eius oratio-
nibus adiuuemur. Per, &c.

XII. KALEND. FEBRVARII.

Nat. S. Fabiani.

IN firmitatem nostram respice
omnipotens Deus, & quos pon-
dus propriæ actionis grauat, Beati
Fabiani Martyris tui atque Ponti-
ficis intercessio gloriosa nos pro-
tegat. Per.

SUPER OBLATA.

Hostias tibi, Domine, Beati
Fabiani Martyris tui dicatas meri-
tis benignus assume, & ad perpe-
tuum nobis tribue prouenire sub-
sidium. Per Dominum.

AD COMPLENDVM.

Refecti participatione mune-
ris sacri, quæsumus, Domine Deus
noster, vt cuius exsequimur cul-
tum, sentiamus effectum. Per,
&c.

EODEM DIE NAT.

S. Sebastiani Martyris.

DEus, qui beatum Sebastianū
Martyrem tuum, virtute cō-
stantiæ in passione roborasti, ex
eius nobis imitatione tribue pro
amore tuo prospera mundi despi-
cere, & nulla eius aduersa for-

midare. Per, &c.

SUPER OBLATA.

Accepta sit in conspectu tuo,
Domine, nostra deuotio, & eius
nobis fiat supplicatione salutaris,
pro cuius solemnitate defertur.
Per.

PRÆFATIO.

Vere dignum, & iustum est, æ-
quum & salutare, Nos tibi semper
& vbi que gratias agere, Domine,
sancte, Pater omnipotens, æterne
Deus: Quoniam Martyris Beati
Sebastiani pro confessione nomi-
nis tui venerabilis sanguis effu-
sus, simul & tua mirabilia mani-
festat, quo perficis in infirmitate
virtutem, & nostris studiis dat pro-
fectum, & infirmis apud te præstat
auxilium. Per Christum Domi-
num nostrum.

AD COMPLENDVM.

Sacro munere satiati supplices
te, Domine, deprecamur, vt quod
debitæ seruitutis celebramus offi-
cio, intercedente Beato Sebastia-
no Martyre tuo, saluationis tuæ
sentiamus augmentum. Per Do-
minum nostrum.

XII. KALEND. FEBRVARII.

Nat S. Agnetis.

OMnipotēs sempiternæ Deus,
qui infirma mundi eligis, vt
fortia quæque confundas, conce-
de propitius, vt qui Beatæ Agne-
tis Martyris tuæ solemnita colimus,

eius apud te patrocinia sentiamus.

Per. SUPER OBLATA.

Hostias, Domine, quas tibi offerimus, propitius suscipe, & intercedente Beata Agnetæ Martyre tua, vincula peccatorum nostrorum absolue. Per Dominum.

PRÆFATIO.

Vere dignum, & iustum est, æquum & salutare, Nos tibi semper & ubique gratias agere, Domine sancte, Pater omnipotens, æterne Deus, Et diem beatæ Agnetis Martyrio consecratam solemniter recensere, quæ terræ generositatis oblectamenta despiciens, cœlestem meruit dignitatem: societatis humanæ vota contemnens, æterni Regis est fociata consortio: & pretiosam mortem sexus fragilitate calcata, pro Christi confessione suscipiēs, simul est facta conformis & sempiternitatis eius & gloriæ. Per quem Maiestatem tuam, &c.

AD COMPLENDVM.

Sumentes, Domine, gaudia sempiterna de participatione sacramenti festiuitatis sanctæ Martyris Agnetæ, suppliciter deprecamur, vt quæ sedulâ seruitute, donante te, gerimus, dignis sensibus tuo munere capiamus. Per.

XI. KALEND. FEBRVARII.

Nat. S. Vincentij Martyris.

A Desto, quæsumus, Domine, supplicationibus nostris, vt

qui ex iniquitate nostrâ reos nos esse cognoscimus, B. Vincentij Martyristui intercessione libermur. Per.

SUPER OBLATA.

Hodiernum, Domine, sacrificiū lætantes offerimus, quo Beati Vincentij cœlestem victoriam recensentes, & tua magnalia prædicamus, & nos acquisisse gaudemus suffragia gloriosa. Per.

PRÆFATIO.

Vere dignum, & iustum est, æquum & salutare, Nos tibi semper, & ubique gratias agere, Domine sancte, Pater omnipotens, æterne Deus, per Christum Dominum nostrum. Pro cuius nomine gloriosus Leuita Vincentius, & miles inuictus, rabidi hostis insaniam interritus adiit, modestus sustinuit, securus irrisit: sciens paratus esse, vt resisteret, nesciens elatus esse, vt vinceret, in vtroque, Domini ac Magistri sui vestigia sequens, qui & humilitatis custodiendæ, & de hostibus triumphandi, suis sequenda exempla monstrauit. Per quem, &c.

AD COMPLENDVM.

Quæsumus, omnipotens Deus, vt qui cœlestia alimenta percepimus, intercedente Beato Vincentio Martyre tuo, per hæc contra omnia aduersa muniamur. Per.

VIII. KALEND. FEBRUARII.
Conuersio S. Pauli.

DEus, qui vniuersum mundū Beati Pauli Apostoli tui prædicatione docuisti, da nobis, quæsumus, ut quæ eus hodie Conuersionem colimus, per eius ad te exempla gradiamur. per.

SUPER OBLATA.

Apostoli tui Pauli precibus, Domine, plebi tuæ dona sanctifica, ut quæ tibi tuo grata sunt instituto, gratiora fiant patrocinio supplicantis. Per Dominum.

PREFATIO.

Vere dignum & iustum est, æquum & salutare, Nos tibi semper, & ubique gratias agere, Domine sancte, Pater omnipotens, æterne Deus: Et Maiestatem tuam suppliciter exorare, ut Ecclesiam tuā beati Pauli Apostoli tui prædicatione doctam, nulla finas fallacia violari: & sicut nihil in vera religione manere dinoscitur, quod non eius condierit disciplina: ita ad peragenda ea, quæ docuit, eius obtentu fidelibus tribuatur efficacia: sentiatque credentium gentium multitudo, eum pro se apud te intercessorem, quæ habere cognouit Magistrum atque Doctorem. Per Dominum nostrum.

BENEDICTIO.

DEus qui gratiā suā beatum Paulum ex persecutore fecit Apostolum, ipse vobis compunctionis, piæque conuersionis spiritum dignetur impertire. Amen. Quique ei secretorum cœlestium mysteria dignatus est reuelare, ipse vobis scripturarum suarum abdita dignetur aperire. Amen. Et qui ei perseuerantiam fidei, constantiamque in persecutionibus inflexibilem dare dignatus est, eisdem vestram infirmitatem donis roborare atque munire dignetur. Amen. Quod ipse præstare dignetur.

AD COMPLENDVM.

Sanctifica nos Domine, quæsumus, salutare mysterio; & pro nobis eius non desit oratio, cuius nos donasti patrocinio gubernari. Per Dominum.

EODEM DIE NAT.
S. Proiecti Martyris.

Martyris tui Proiecti nos, quæsumus, Domine, interuentio gloriosa commendet, ut quod nostris actibus non meremur, eius precibus consequamur. Per Dominum.

SUPER OBLATA.

Suscipe, Domine, propitius orationem nostram cum oblationibus hostiarum superimpositis, & martyris tui Proiecti deprecatur.

tionē pietati tuæ perfice benignus acceptas, & illam, quæ in eo flagrauit fortem dilectionem, in nobis aspira benignus. Per.

PRÆFATIO.

Vere dignum & iustum est, æquum & salutare, Nos tibi semper & ubique gratias agere, Domine sancte, Pater omnipotens, æterne Deus; Et tuam misericordiam deprecari, ut mentibus nostris Beati Martyris tui Proiecti repetita solemnitatem, spiritalis lætitiæ tribuas iugiter suauitatem. Concedasque nobis, ut venerando passionis eius triumphum, obtentu illius, & peccatorum remissionem, & sanctorum mereamur adipisci consortium per Christum Dominum.

AD COMPLENDVM.

Votiua, Domine, pro B. Martyris tui Proiecti passione dona percepimus, quæsumus, ut eius precibus, & præsentis vitæ nobis pariter & æternæ tribuas conferre præsidium. Per.

V. KALENDAS FEBRVARII.

Natale Sanctæ Agnes, de
Natiuitate.

DEus, qui nos annua Beata Agnetis Martyristuę solemnitatem lætificas, da quæsumus, ut quam veneramur officio, etiam piæ conuersationis sequamur exemplo. Per.

SUPER OBLATA.

Super has, quæsumus Domine, Hostias benedictio copiosa descendat, quæ & sanctificationem nobis clementer operetur, & de Martyrum nos solemnitatem lætificet. Per, &c.

PRÆFATIO.

Vere dignum & iustum est, æquum & salutare, Nos tibi semper & ubique gratias agere, Domine sancte, Pater omnipotens, æterne Deus, Beata Agnetis natalitia geminantes. Vere enim huius honorandus est dies, quæ sic terrena generatione processit, ut ad diuinitatis consortium perueniret. Per Christum.

AD COMPLENDVM.

Sumpsimus, Domine, celebritatis annuæ votiua sacramenta, præsta, quæsumus, ut & temporalis nobis vitæ remedia præbeant & æternæ. Per.

SUPER POPVLVM.

Adesto nobis, omnipotens Deus, Beata Agnetis festa repetentibus, quam hodiernæ festiuitatis prolatam exortu, ineffabili munere subleuasti. Per.

III. NON. FEBR. PURIFICATIO S. Mariæ Virginis.

AD COLLECTAM.

ERudi, quæsumus, Domine, plebem tuam, & quæ extrinsecus annua tribuis deuotione ve-

nerari, interius assequi gratiæ tuæ luce concede. Per.

AD MISSAM.

Omnipotens sempiterne Deus, Maiestatem tuam supplices exoramus, ut sicut Unigenitus Filius tuus hodiernâ die cum nostræ carnis substantia in templo est præsentatus, ita nos facias purificatis tibi mentibus præsentari. Per eundem Dominum.

SUPER OBLATA.

Exaudi, Domine, preces nostras; & ut digna sint munera, quæ oculis tuæ Maiestatis offerimus, subsidium nobis tuæ pietatis impende. Per.

PRÆFATIO.

Vere dignum, & iustum est, æquum & salutare, Nos tibi semper, & ubique gratias agere, Domine sancte, Pater omnipotens, æterne Deus: Quia per incarnati Verbi mysterium, nova mentis nostræ oculis lux tuæ claritatis effulsit, ut dum visibiliter Deum cognoscimus, per hunc in invisibilem amorem rapiamur. Et ideo cum Angelis, & Archangelis, &c.

BENEDICTIO.

Omnipotens Deus, Qui Unigenitum suum hodiernâ die in assumpta carne in templo voluit præsentari: benedictionis suæ vos munere fultos bonis operibus faciat exornari. Amen Et qui cum, ut legem adimpleret, ministrum voluit effici legis, mentes vestras instruat legis suæ spiritualibus do-

cumentis. Amen Quò ei & pro turturibus castitatis seu caritatis munera offerre valeatis: & pro pullis columbarum Spiritus sancti donis exuberetis. Amen. Quod ipse.

AD COMPLENDVM.

Quæsumus, Domine, Deus noster, ut sacrosancta mysteria, quæ pro reparationis nostræ munimine contulisti, intercedente Beatâ semper Virgine Mariâ, & præsens nobis remedium esse facias & futurum. Per.

A L I A.

Perfice in nobis, quæsumus, Domine, gratiam tuam, qui iusti Simeonis expectationem implesti, ut sicut ille mortem nō vidit prius quàm Christum Dominum videre mereretur, ita & nos vitam obtineamus æternam. Per.

NONIS FEBRVARII NAT.

S. Agathæ Martyris.

Deus, qui inter cætera potentia tuæ miracula, etiam in sexu fragili victoriam martyrij contulisti, concede propitius, ut cuius natalitia colimus, per eius ad te exempla gradiamur. per Dominum.

SUPER OBLATA.

Suscipe, Domine, munera, quæ in Beatæ Agathæ Martyris tuæ solemnitate deferimus, cuius nos confidimus patrocínio libera-

ti.

ri. Per Dominum nostrum.

P R Æ F A T I O.

Vere dignum, & iustum est, æquum, & salutare, Nos tibi semper, & ubique gratias agere: Domine sancte, Pater omnipotens, æterne Deus, per Christum Dominum nostrum: Pro cuius nomine poenarum mortisque contemptum in utroque sexu fidelium cunctis ætatibus contulisti, ut inter felicium Martyrum palmas Agathen quoque beatissimam Virginem victrici patientia coronares. Quæ nec minis territa, nec suppliciis superata, de diaboli sæuitia triumphavit, quia in tuæ Deitatis confessione permansit. Et ideo.

A D C O M P L E N D V M.

Beatæ Agathæ martyris tuæ, Domine, precibus confidentes, quæsumus clementiam tuam, ut per ea, quæ sumpsimus, æterna remedia capiamus. Per.

A L I A.

Indulgentiam nobis Domine, beata Agathe martyr imploret, quæ tibi grata! semper extitit & merito castitatis, & tuæ professione virtutis. Per Dominum nostrum.

DOMINICA TERTIA POST
Theophaniam.

Omnipotens sempiterne Deus, infirmitatem nostram pro-

pitius respice, atque ad protegendum nos dexteram tuæ Maiestatis extende. Per.

S V P E R O B L A T A.

Hæc Hostia, Domine, quæsumus, emundet nostra delicta, & ad sacrificium celebrandum subditorum tibi corpora mentesque sanctificet. Per Dominum nostrum.

P R Æ F A T I O.

Vere dignum, & iustum est, æquum & salutare, Nos tibi semper, & ubique gratias agere: Domine sancte, pater omnipotens, æterne Deus: Et te omni tempore conlaudare, & benedicere, quia in te vivimus, & mouemur, & sumus. Et nullum tempus, nullumque momentum est, quod à beneficiis pietatis tuæ vacuum transigamus. Variis etenim solemnium causis, salutarium nobis operum tuorum & munerum memoria præsentis vitæ tempora exornat. Vnde & nos vel innouante lætitia præteriti gaudij: vel permanentis boni tempus agnoscentes, indefessas Maiestati tuæ grates exsoluimus. Per Christum Dominum nostrum.

B E N E D I C T I O.

Omnipotens Deus, vos ab omnium peccatorum maculis emundet, qui leprosum supplicem tactu proprio dignatus est emundare. Amen. Quique centurionis seruum non aspernatus est visitare, ipse cordium vestrorum hospitium

D

dignetur misericorditer introire. Amen. Sicque vos fidei suæ plenitudine informet, ut cum sanctis suis in cœlorum regno accumbere concedat. Amen. Quod ipse præstare.

AD COMPLENDVM.

Quos tantis, Domine, largiris uti mysteriis, quæsumus ut effectibus nos eorum veraciter aptare digneris. Per.

SUPER POPVLVM.

Adsit, Domine, quæsumus, propitiatio tua populo supplicanti, ut quod te inspirante fideliter expectit, tua celeri largitate percipiat. Per Dominum nostrum.

DOMINICA QVARTA POST
Theophaniam.

DEus, qui nos in tantis periculis constitutos, pro humana scis fragilitate non posse subsistere, da nobis salutem mentis & corporis, ut ea, quæ pro peccatis nostris patimur, te adiuuante vincamus. Per.

SUPER OBLATA.

Concede, quæsumus, omnipotens Deus, ut huius sacrificij munus oblatum, fragilitatem nostram ab omni malo purget semper & muniat. Per.

PRÆFATIO.

Vere dignum, & iustum est, æquum, & salutare, Nos tibi semper, & ubique gratias agere: Do-

mine sancte, Pater omnipotens, æterne Deus: Qui genus humanum pro præuaricatione sua in ipsius originis radice damnatum, per florem virginalis uteri reddere dignatus es absolutum; ut hominem, quem per Unigenitum creaueras, per Filium tuum Deum & hominem recreares; & diabolus, qui Adam in fragili carne deicerat, conseruata iustitia, à Deo carne vinceretur assumpta. Per quem Maiestatem tuam, &c.

BENEDICTIO.

Tentationum omnium à vobis Dominus pericula remoueat, & perturbationum procellas miseratus excludat. Amen. Tentatoris fraudes atque molimina dissoluat: & vos aduersus eum cautos atque inuincibiles faciat. Amen. Continuæ pacis vobis munera tribuat: & vos in portu tranquillitatis ac securitatis propitiatus constituat. Amen. Quod ipse præstare dignetur.

AD COMPLENDVM.

Munera tua nos, Deus, à delectationibus terrenis expediant, & cœlestibus semper instruant alimentis. Per.

DOMINICA QVINTA POST
Theophaniam.

Familiam tuam, quæsumus, Domine, continua pietate custodi, ut quæ in sola spe gratiæ

coelestis innititur, tua semper protectione muniatur. Per Dominum.

SVPER OBLATA.

Hostias tibi, Domine, placationis offerimus, ut & delicta nostra miseratus absolvas, & nutantia cordatu dirigas. Per.

PRÆFATIO.

Vere dignum, & iustum est, æquum & salutare, Nos tibi semper & ubique gratias agere, Domine sancte, Pater omnipotens, æterne Deus: & tibi hanc immolationis Hostiam offerre, quæ est salutifera, & ineffabile Diuinæ gratiæ sacramentum, quæ offertur à plurimis, & vnum Christi corpus, sancti Spiritus infusione perficitur: singuli accipiunt Christum Dominum: & in singulis portionibus totus est: nec per singulos minuitur, sed integrum se præbet in singulis: Propterea ipsi qui sumimus communionem huius sancti panis, & calicis, vnum Christi corpus efficimur. Per ipsius itaque Maiestatem Te supplices exoramus, ut nos ab omnibus emundes contagiis vetustatis, & in nouitate vitæ perseuerare concedas Per Christum.

BENEDICTIO.

Deus qui bonum semen in suâ Ecclesia ferere consuevit, in vobis illud conseruare atque multiplicare nunquam desistat. Amen. Zizaniorum superfeminatorem à vobis procul repellat, & sui verbi pabulo vos indefinenter reficiat.

Amen: Quò cum dies iudicii aduenerit, à reprobis separati, ad dexteram iudicis sistamini, & in beatissimo ipsius regno conlocemini. Amen. Quod ipse præstare.

AD COMPLENDVM.

Quæsumus, omnipotens Deus, ut illius salutaris capiamus effectum, cuius per hæc mysteria pignus accepimus. Per eundem.

SVPER POPVLVM.

Ecclesiæ tuæ, Domine, voces placatus admitte, ut destructis aduersitatibus vniuersis, securâ tibi seruiat libertate, Per, &c.

DOMINICA SEXTA POST Theophaniam.

PRæsta, quæsumus, omnipotens Deus, ut semper rationalia meditantes, quæ tibi sunt placita, & dictis exequamur & factis. Per.

SVPER OBLATA.

Hæc nos oblatio Deus mundet, quæsumus, & renouet, & gubernet, & protegat. Per Dominum.

PRÆFATIO.

Vere dignum & iustum est, æquum & salutare, Nos tibi semper & ubique gratias agere, Domine sancte, Pater omnipotens æterne Deus, ad cuius immensam pertinet gloriam, ut non solum mortalibus, tua pietate succurre- res, sed de ipsa etiam mortalitate nostra nobis remedium p

res, & perditos quosque vnde perierant, inde saluare. Per Christum Dominum nostrum.

BENEDICTIO.

Deus qui mare suis pedibus fecit esse calcabile, vobis quicquid est noxium, ipse subternat. Amē. Contrarios immundorum spirituum motus compescat: & vos in suā pace confirmet. Amen. Crucis suæ nauī inter mundi fluctus gubernet: & in littus beatę perēnitatis perducatur. Amen. Quod ipse præstare dignetur.

AD COMPLENDVM.

Cœlestibus, Domine, pasti deliciis, quæsumus, vt semper eadem, per quæ veraciter viuimus, appetamus. Per.

SUPER POPVLVM.

Conserua populum tuum, Deus, & tuo nomini fac deuotum, vt diuinis subiectus officiis, & temporalia viriliter & æterna dona percipiat. Per Dominum nostrum, &c.

XVI KALEND. MARTII NAT.

S. Valentini Martyris.

PRæsta, quæsumus, omnipotens Deus, vt qui B. Valentini martyris tui natalitia colimus, à cunctis malis imminentibus eius intercessione liberemur. Per Dominum nostrum.

SUPER OBLATA.

Oblatis, Domine, quæsumus,

placare muneribus, & intercedente beato Valentino Martyre tuo, à cunctis nos defende periculis. Per Dominum nostrum.

AD COMPLENDVM.

Sit nobis, Domine, reparatio mentis & corporis cœlestis mysterium, vt cuius exsequimur actionem, sentiamus effectum. Per.

XIII. KALENDAS MARTII

Cathedra S. Petri.

DEus, qui beato Apostolo tuo Petro, conlatis clauibus regni cœlestis, animas ligandi atque soluendi Pontificium tradidisti, concede, vt intercessionis eius auxilio, à peccatorum nostrorum nexibus liberemur. Qui viuīs & regnas, &c.

SUPER OBLATA.

Ecclesiæ tuæ, quæsumus, Domine, preces & Hostias Beati Petri Apostoli commendet oratio, vt quod pro illius gloria celebramus, nobis pro sit ad veniam. Per Dominum.

PRÆFATIO.

Vere dignum, & iustum est, æquum & salutare, Nos tibi semper, & vbique gratias agere, Domine sancte, Pater omnipotens, æterne Deus; & te laudare mirabilem Deum in sanctis tuis, in quibus glorificatus es vehementer. Per quos Unigeniti tui sacrum corpus exornas, & in quibus Ec-

clesiæ tuæ fundamenta constituisti: quam in Patriarchis fundasti, in Prophetis præparasti, in Apostolis condidisti. Ex quibus Beatum Petrum Apostolorum Principem, ob confessionem Unigeniti Filij tui, per os eiusdem Verbi tui confirmatum, in fundamento domus tuæ mutato nomine coelestium claustrorum præfulem custodemque fecisti, Diuino ei iure concessio, ut quæ statuisset in terris, seruarentur in coelis: In cuius veneratione hodierna die Maiestati tuæ hæc festa persoluimus, & gratiarum ac laudis Hostiam immolamus. Per quem Maiestatem, &c.

AD COMPLENDVM.

Lætificet nos Domine, munus oblatum, ut sicut in Apostolo tuo Petro te mirabilem prædicamus, sic per illum tuæ sumamus indulgentiæ largitatem. Per.

SUPER POPVLVM

Benedic, quæsumus, Domine, plebem tuam, & beati Petri Apostoli tui precibus tribue consequi tuæ defensionis auxilium. Per.

VI. KALEND. MARTII NAT.

S. Matthiæ apostoli.

DEus, qui Beatum Matthiam Apostolorum tuorum collegio sociasti, tribue, quæsumus, ut eius interuentione, tuæ circa nos pietatis semper viscera sentia-

mus. Per Dominum.

SUPER OBLATA.

Deus, qui proditoris apostatæ ruinam, ne Apostolorum tuorum numerus sacratus perfectione careret, B. Matthiæ electione supplēsti, præsentia munera sanctifica, & per ea nos gratiæ tuæ virtute confirma. Per.

PRÆFATIO.

Vere dignum, & iustum est, æquum & salutare, Nos tibi semper, & ubique gratias agere, Domine sancte, Pater omnipotens, æterne Deus: & te laudare mirabilem Deum in Beatis Apostolis tuis, in quibus glorificatus es vehementer. Per quos Unigeniti tui sacrum corpus colligis, & in quibus Ecclesiæ tuæ fundamenta cōstituisti: Vnde poscimus clementiam tuā, piissime omnipotens Deus, ut intercessione B. Apostoli tui Matthiæ, cuius passionis triumphum solemniter celebramus, mereamur à peccatorum nostrorum nexibus solui, & æternæ vitæ felicitati reddi, atque Sanctorum tuorum cœtibus connumerari. Per quem, &c.

BENEDICTIO.

Deus qui vos in Apostolicis tribuit consistere fundamentis, benedicere vobis dignetur, beati Apostoli sui Matthiæ intercedentibus meritis. Amen. Defendatque vos à cunctis aduersis, Apostolicis præfidiis, qui vos eorum voluit ornari & munerari exemplis & do-

cumentis. Amen Quò per eorum
intercessionem perueniatis ad æ-
ternæ patriæ hæreditatem, per
quorum doctrinam tenetis fidei
integritatem. Quod ipse præstare
dignetur.

AD COMPLENDVM.

Præsta, quæsumus, omnipotens,
& misericors Deus, vt per hæc
sancta, quæ sumpsimus, interue-
niente B. Matthia Apostolo tuo, ve-
niam consequamur & pacem. Per
Dominum, &c.

SVPER POPVLVM.

Percipiat, Domine, quæsumus,
populus tuus, intercedente Beato
Matthia Apostolo tuo, miseri-
cordiam, quam deposcit, & quam
precatur humiliter, indulgentiã
consequatur, & pacem. Per Do-
minum, &c.

IIII. IDVS MARTII NAT.
S. Gregorij Papæ.

CONcede, quæsumus, Domi-
ne, fidelibus tuis dignè S.
Gregorij Pontificis tui celebrare
solemnia, vt eius & hinc experian-
tur auxilia, & æternis effectibus
adprehendant. Per.

SVPER OBLATA.

Hostias, Domine, quas nomini
tuo sacrandas offerimus, Sancti
Gregorij prosequatur oratio, per
quam nos & expiari facias, & de-
fendi. Per.

PRÆFATIO.

Vere dignum, & iustum est, æ-
quum & salutare, Nos tibi semper,
& vbique gratias agere, Domine,
sancte, Pater omnipotens, æterne
Deus: Quia sic tribuis Ecclesiam
tuam Sancti Gregorij Pontificis
tui commemoratione gaudere, vt
eam illius & festiuitate lætifies, &
exemplo piæ cōversationis exer-
ceas, & Verbo prædicationis eru-
dias, grataque tibi supplicatione
tuearis. Per.

AD COMPLENDVM.

Præstent, nobis, quæsumus, Do-
mine tua sancta præsidium, quod,
interuenientibus Beati Gregorij
meritis, ab omnibus nos absoluat
peccatis. Per.

VIII. KALEND. APRILIS.
Adnunciatio Angeli ad
B. Mariam.

DEus, qui in Beatæ Mariæ
Virginis utero Verbum tuum,
Angelo annunciante, carnem
suscipere voluisti, præsta supplici-
bus tuis, vt qui vere eam Genitri-
cem Dei credimus, eius apud te
intercessionibus adiuuemur. Per
eundem.

AD MISSAM.

Deus qui hodierna die, Verbum
tuum in B. Virginis aluo incarna-
ri voluisti, fac nos ita præsentem
solēnitatem peragere, vt tibi pla-
cere valeamus. Per eundem.

SVPER OBLATA.

Altari tuo, Domine, superposita munera Spiritus sanctus assumat, qui hodie Beatæ Mariæ viscera splendoribus suæ virtutis repleuit. Per Dominum nostrum.

PRÆFATIO.

Vere dignum, & iustum est, æquum & salutare, Nos tibi semper, & ubique gratias agere, Domine, sancte, Pater omnipotens, æterne Deus: per Christum Dominum nostrum: Quem pro salute hominum nasciturum, Gabriel Archangelus nunciauit, Virgo Maria Spiritus sancti cooperatione concepit: vt quod Angelica nunciauit sublimitas, Virginea crederet puritas, ineffabilis perficeret Deitas. Illius itaque optamus, te optulante, cernere faciem sine confusione, cuius Incarnationis gaudemus solemnitate, Per quem Maiestatem.

AD COMPLENDVM.

In mentibus nostris, Domine, veræ fidei sacramenta confirma, vt qui conceptum de Virgine Deum verum & hominem confitemur, per eius salutiferæ resurrectionis potentiam ad æternam mereamur peruenire lætitiā. Per.

SVPER OBLATA.

Protege, Domine, famulos tuos subsidiis pacis, & Beatæ Mariæ patrociniis confidentes à cunctis hostibus redde securos. Per.

A L I A.

Gratiam tuam, quæsumus, Domine, mentibus nostris infunde, vt qui Angelo nunciante Christi filij tui Incarnationem cognouimus, per passionem eius, & crucem ad resurrectionis gloriam perducamur. Qui tecum viuit & regnat Deus.

A L I A.

Omnipotens sempiterne Deus, qui coæternum tibi Filium hodie pro mundi salute secundum carnem Spiritu sancto concipiendum angelico ministerio Beatæ Mariæ semper Virgini declarasti, adesto propitius populo tuo, vt ad eius Natiuitatem, pace concessa, liberioribus animis occurramus. Per eundem, &c.

A L I A.

Exaudi nos, Domine sancte, Pater omnipotens, æterne Deus, qui per Beatæ Mariæ sacri uteri Diuinæ gratiæ obumbrationem vniuersum mundum inluminare dignatus es; & præsta, vt quod nostris meritis non valemus obtinere, eius adipisci præfidiis mereamur. Per Dominum nostrum.

A L I A.

Beatæ, & gloriosæ semperque Virginis Dei genitricis Mariæ nos Domine, quæsumus, merita consequantur, & tuam nobis indulgentiam semper implorent. Per.

A L I A.

Porrigere nobis, Deus, dexteram

tuam, & per intercessionem Beatae, & gloriosae semperque Virginis Dei genitricis Mariae, auxilium nobis supernae Virtutis impende. Per eundem.

stum Dominum nostrum. Per quem.

BENEDICTIO.

Omnipotens Deus ita stadium vestri cursus dirigere dignetur, ut brauium vos aeternae vitae comprehendere faciat. Amen. Et ita vos abstinentiae armis circumdet; ut nullis vitae huius oneribus a peruentione retardemini. Amen. Quique vos vineam suam vocare, vobisque sanctos operarios mittere dignatus est, ipse vos suam gratiam dignetur excolere, ut denario vitae perennis munere non abnuat. Quod ipse praestare.

IN SEPTUAGESIMA

Concede quaesumus, omnipotens Deus, fragilitati nostrae sufficientiam competentem; ut suae reparationis effectum, & pia conuersatione recenseat, & cum exultatione suscipiat.

SUPER OBLATA.

Concede nobis misericors Deus, & digne tuis seruire semper altaribus, & eorum perpetua participatione saluari. Per.

PRAEFATIO.

Vere dignum & iustum est, æquum & salutare, Nos tibi semper & ubique gratias agere, Domine sancte, Pater omnipotens, aeternae Deus: Quia per ea, quae conspiciuntur, instruimur, quibus modis ad inuisibilia tendere debeamus. Denique commovemur, anni ducente successu, de praeteritis ad futura, de vetustate in nouitatem vitae transire, ut terrenis sustentationibus expediti, coelestis doni capiamus desiderabilius ubertatem. Et per eum cibum, qui beneficiis praerogatur alternis perueniamus ad victum sine fine manurum, Iesum Chri-

AD COMPLENDVM.

Fideles tui, Deus, per tua dona firmentur, ut eadem & percipiendo requirant, & quaerendo sine fine percipiant. Per.

SUPER POPVLVM.

Preces populi tui quaesumus, Domine, clementer exaudi: ut qui iuste pro peccatis nostris affligimur, pro tui nominis gloriam misericorditer liberemur. Per Dominum.

IN SEXAGESIMA.

Deus, qui conspicias, quia ex nulla nostra actione confidimus, concede propitius, ut contra aduersa omnia Doctoris Gentium protectione muniamur. Per.

SUPER

SVPER OBLATA.

Intende, quæsumus, Domine, Hostias familiæ tuæ, & quā sacri muneris facis esse participem, tribue ad eius plenitudinem pervenire. Per.

PRÆFATIO.

Vere dignum, & iustum est, æquum & salutare, Nos tibi semper, & ubique gratias agere, Domine sancte, Pater omnipotens, æterne Deus: Qui rationalem creaturam, ne temporalibus dedita bonis, ad præmia sempiterna non tendat, ea dispensatione dignaris erudire, ut nec castigatione deficiat, nec prosperitatibus insolescat: sed hoc potius fiat eius gloriosa deuotio, quò nullis aduersitatibus obruta superetur. Per Christum Dominum, &c.

BENEDICTIO.

Det vobis Dominus nosse mysteria regni Dei, qui iam dare dignatus est auditum verbi sui. Amē. Sicque mentes vestras seminis sui copiā repleat, ut in vobis illud sibi placitè fructificare concedat. Amen. Et ita vos ab omni tentatione muniat, quatenus triceni, sexageni, atque centeni fructus pro suæ gratiæ distributione magnificentiam muneret. Amen. Quod ipse.

AD COMPLENDVM.

Adsit nobis, quæsumus, Domine, cibus sacer, potusque salutaris, qui & temporalem vitam mu-

niat, & præstet æternam. Per Dominum nostrum.

SVPER POPVLVM.

Tuere, quæsumus, Domine, plebem tuam, & sacram solemnitatem recolentem gratiæ coelestis largitate prosequere, ut visibilibus adiuta solatiis, ad inuisibilia bona promptius incitetur. Per.

D O M I N I C A I N
Quinquagesima.

PReces nostras, quæsumus, Domine, clementer exaudi, atque à peccatorum vinculis absolutos, ab omni nos aduersitate custodi. Per.

SVPER OBLATA.

Hæc Hostia, Domine, quæsumus, emundet nostra delicta, & sacrificium celebrandum subditorum tibi corpora, mentesque sanctificet. Per.

PRÆFATIO.

Vere dignum, & iustum est, æquum & salutare, Nos tibi semper & ubique gratias agere, Domine, sancte, Pater omnipotens, æterne Deus: & Maiestatem tuam congruā deuotione exorare, ut modulum terrenæ fragilitatis aspiciens, non in ira tua pro nostra prauitate nos arguas, sed immensa clementia purifies, erudias, consoleris. Qui cum sine te nihil possimus facere, quod tibi sit placitum, tua nobis gratia sola præ-

stabit, vt salubri conuersatione viuamus. Per Christum, &c.

BENEDICTION.

Omnipotens Deus sua vos benedictione confirmet, & imminenti quadragesimali abstinentiæ aptos efficiat. Amen. Quique cæco supplicanti per diuinitatis potentiam lumen restituit, cæcitatem vestri cordis clementissimus inluminator abstergat: & lucis suæ radiis mētes vestras benignus inlustret. Amen. Quatenus vitiorū sordibus emundati, & caritatis ardore solidati, coelestem hæreditatem percipere valeatis inlæsi. Amen. Quod ipse præstare dignetur.

AD COMPLENDVM.

Repleti sumus, Domine, donorum participatione coelestium, præsta, quæsumus, vt eadem & sumamus iugiter, & incessabiliter ambiamus. Per.

SUPER POPVLVM.

De multitudine misericordiæ tuæ, Domine, populum tibi protege confitentem, & corporaliter gubernatum, piæ mentis affectu, tuis muneribus assequendis effice promptiorem. Per Dominum nostrum.

FERIA III. CAPVT IEIUNI.

AD COLLECTAM.

COncede nobis, Domine præsidia militiæ Christianæ sanctis inchoare ieiuniis, vt contra

spiritalis nequitias pugnaturi continentiam muniamur auxiliis. Per.

AD MISSAM.

Præsta, quæsumus, Domine, fidelibus tuis, vt ieiuniorum veneranda solemnia, & congruâ pietate suscipiant, & securâ deuotione percurrant. Per.

SUPER OBLATA.

Fac nos, Domine, quæsumus, his muneribus offerendis conuenienter aptari, quibus ipsius venerabilis sacramenti celebramus exordium. Per.

PRÆFATIO.

Vere dignum, & iustum est, æquum & salutare, Nos tibi semper & vbiq; gratias agere, Domine sancte, Pater omnipotens, æterne Deus: Qui corporali ieiunio vitia comprimis, mentem eleuas, virtutem largiris & præmia. Per Christum.

AD COMPLENDVM.

Percepta nobis, Domine præbeant sacramenta subsidium, vt & tibi grata sint nostra ieiunia, & nobis proficiant ad medelam, Per, &c.

SUPER POPVLVM.

Inclinantes se, Domine, Maiestati tuæ propitiatus intende, vt qui diuino munere sunt refectione, cælestibus semper nutriantur auxiliis. Per Dominum nostrum.

FERIA V. INTRA
Quinquagesimam.

DEus, qui culpa offēderis, pœnitentia placaris, preces populi tui supplicantis propitius respice, & flagella tuæ iracundiæ, quæ pro peccatis nostris meremur, auerte. Per, &c.

SUPER OBLATA.

Sacrificiis præsentibus, Domine, quæsumus, intende placatus, vt & deuotioni nostræ proficiant & saluti. Per Dominum.

PRÆFATIO.

Vere dignum & iustum est, æquum & salutare, Nos tibi semper & vbique gratias agere, Domine sancte, Pater omnipotens, æterne Deus: Quoniam illa festa remeant, quibus nostræ mortalitati procuratur immortalis commercium, ac temporali vitæ subrogatur æternitas: Et de peccati poena, peccata mundantur, mirisque modis conficitur de perditione saluatio, vt status conditionis humanæ, qui per felicitatis insolentiam venit ad tristitiam, humilis & modestus ad æterna gaudia redeat per moerorē. Per Christum.

AD COMPLENDVM.

Cælestis doni benedictione perceptâ, supplices te, Deus omnipotens, deprecamur, vt hoc

idem nobis & sacramenti causa sit & salutis Per.

SUPER POPVLVM.

Parce, Domine, parce populo tuo, vt dignis flagellationibus castigatus, in tua miseratione respiciat. Per.

FERIA VI. INTRA
Quinquagesimam.

INchoata ieiunia, quæsumus, Domine, benigno fauore prosequere, vt obseruantiam, quam corporaliter exhibemus, mentibus etiam sinceris exercere valeamus. Per Dominum.

SUPER OBLATA.

Sacrificium, Domine, obseruantia Paschalis quod offerimus, præsta, quæsumus, vt tibi & mentes nostras reddat acceptas, & continentia promptioris nobis tribuat facultatem. Per Dominum.

PRÆFATIO.

Vere dignum, & iustum est, æquum & salutare, Nos tibi semper, & vbique gratias agere, Domine sancte, Pater omnipotens, æterne Deus: Et Maiestatem tuam suppliciter deprecari, vt intelligentia nobis spiritum benignus infundas, quo vel ipsi rationabiliter agenda cernamus, vel eis, qui inutilia sentiunt, indicemus esse censendum: nec studia nostra scitemur, seu offerentibus meliora

subdamur. Quoniam hæc apud te Sapiencia est, quæ non suis inhæret vitiis, sed vndecumque prolata diligit veritatem. Per Christum Dominum.

AD COMPLENDVM.

Spiritum nobis, Domine, tuæ charitatis infunde, vt quos vno cælesti pane satiaſti, tua facias pietate concordēs.

SVPER POPVLVM.

Guberna, Domine, quæsumus, plebem tuam, & tuis beneficiis semper accumula, vt & præſentis vitæ ſubſidiis gaudeat, & æternæ. Per.

SABBATO INTRA
Quinquagesimam.

EXaudi nos miſerator, & miſericors Deus, & continentiaſ ſalutaris propitiuſ nobis dona concede. Per Dominum noſtrum.

SVPER POPVLVM.

Præpara nos, quæsumus, Domine, huius abſtinentiaſ feſtiuiſ officiis, vt hæc ſacrificia veneranda ſobriis ſemper mentibus celebremus. Per.

PRÆFATIO.

Vere dignum, & iuſtum eſt, æquum & ſalutare, Noſ tibi ſemper, & vbique gratias agere, Domine ſancte, Pater omnipotens, æterne Deus: Et Maieſtatem tuam ſuppliciter deprecari, vt mentem

noſtram tibi placitam benignuſ efficias, quæ non tantum ſpeciem bonitatis oſtendat, ſed iuſtitiaſ fructibus inluminata clareſcat: Tuæque ſemper dedita Maieſtati, beneficia deſiderata percipiat. Qui neceſſariis proſequi muneribus non omittis, quos tuo cultui præſtiteris conuenienter intentos. Per Chriſtum Dominum noſtrum.

AD COMPLENDVM.

Tribue nobis, omnipotens, Deus, vt dona cæleſtia, quæ debito frequentamus obſequio, ſalutaria nobis iugiter ſentiamus. Per.

SVPER POPVLVM.

Tuere, Domine, populum tuum, & ab omnibus peccatis clementer emunda: quia nulla ei nocebit aduerſitas, ſi nulla dominetur iniquitas. Per.

IN QVADRAGESIMA,
Ad Miſſam.

DEus, qui Eccleſiam tuam annua Quadrageſimali obſervatione purificas, præſta familiaſ tuæ, vt quod à te obtinere abſtinendo nititur, hoc bonis operibus exequatur. Per Dominum.

SVPER OBLATA.

Sacrificium Quadrageſimalis initij ſolemniter immolamus, Te, Domine, deprecantes, vt cum ſc-pularum reſtrictione carnalium, à

noxiiis quoque voluptatibus temperemus. Per Dominum.

PRÆFATIO.

Vere dignum, & iustum est, æquum & salutare, Nos tibi semper, & ubique gratias agere, Domine sancte, Pater omnipotens, æterne Deus, per Christum Dominum nostrum: Qui continuatis quadraginta diebus & noctibus hoc ieiunium non esuriens dedicavit: postea enim esuriit non tam cibum hominum quam salutem: nec escarum secularium epulas concupiuit, sed animarum desideravit potius sanctitatem. Cibus namque eius est redemptio populorum. Cibus eius est totius bonæ voluntatis effectus: Qui nos docuit operari, non cibum, qui terrenis dapibus apparatur, sed eum, qui diuinarum Scripturarum lectione percipitur. Per quem.

BENEDICTIO.

Benedicat vobis omnipotens Deus, qui quadragenarium numerum in Moyse & Eliæ, nec nõ & Mediatoris nostri ieiunio consecravit, concedatq; vobis ita transigere præsentis vitæ dispensationem, vt accepto à Patre familias remunerationis denario, perveniatis ad peccatorum omnium remissionem, & ad gloriosam cum sanctis omnibus resurrectionem. Amen. Detque vobis spiritualium virtutum inuicticia arma, quibus exemplo Domini devincere valeatis antiqui hostis sagacissima

metameta. Amen. Quò non in solo pane, sed in omniverbo quod de ore eius procedit, spiritalem sustententes alimoniam, per ieiuniorum observationem, & cæterorum bonorum operum exhibitionem percipere mereamini immarcescibile gloriæ coronam Amē. Quod ipse præstare dignetur.

AD COMPLENDVM.

Tui nos, Domine, sacramenti libatio sancta restauret, & à vetustate purgatos in mysterij salutaris faciat transire consortium. Per.

SVPER POPVLVM.

In populum tuum, quæsumus, Domine, benedictio copiosa descendat, indulgentia veniat, consolatio tribuatur, fides sancta succrescat, redemptio sempiterna firmetur. Per.

A L I A.

Da nobis, quæsumus, omnipotens Deus, æternæ promissionis gaudia quærere, & quæsitā citius inuenire. Per.

A L I A.

Adesto, quæsumus, Domine, supplicationibus nostris, & in tua misericordia confidentes, ab omni nos aduersitate custodi. Per Dominum nostrum.

A L I A.

Concede, quæsumus, omnipotens Deus, vt per annua Quadagesimalis exercitia sacramenti, & ad intelligendum Christi proficiamus arcanum, & effectus eius

digna conuersatione sectemur.
Per eundem.

PER TOTAM QUADRAGESI-
MAM COTIDIANIS DIEBUS FI-
NITA MISSA EPISCOPVS ET
CLERICI DISCEDVNT, ET EX-
VNTVR SACRIS VESTIBVS,
ET TVNC REDEVNT AD VES-
PEROS. ET NULLVS CLERI-
CVS IN ECCLESIA STAT OPER-
TO CAPITE, NISI HABEAT IN-
FIRMITATEM, VELLO TEM-
PORE.

FERIA II. INTRA Quadragesimam.

Conuerte nos, Deus salutaris
noster: & vt nobis ieiunium
Quadragesimale proficiat, men-
tes nostras cælestibus instrue dis-
ciplinis. Per.

SVPER OBLATA.

Accepta tibi sit, Domine, nostrę
deuotionis oblatio, quę & ieiu-
nium nostrum, Te operante, san-
ctificet, & indulgentiam nobis tuę
consolationis obtineat. Per.

PRÆFATIO.

Vere dignum, & iustum est, æ-
quum & salutare, Nos tibi semper,
& vbique gratias agere, Domine
sancte, Pater omnipotens, æterne
Deus: Qui das escam omni carni,
& nos non solum carnalibus, sed
etiam spiritalibus escis reficis, vt
non in solo pane viuamus, sed in
omni verbo tuo vitalem habea-

mus alimoniam: nec tantum epu-
lando, sed etiam ieiunando pas-
camur. Nam vt dapibus & poculis
corpora, sic ieiuniis & virtutibus
animæ saginantur. Magnam in
hoc munere salubritatem mentis
ac corporis contulisti; quia ieiu-
nium nobis venerabile dedicasti:
vt ad paradysum, de quo non ab-
stinendo decidimus, ieiunando
solemnius redeamus. Per Chri-
stum Dominum, &c.

AD COMPLENDVM.

Salutaris tui, Domine, munere
fatiati, supplices exoramus, vt cu-
ius latamur gustu, renouemur ef-
fectu. Per eundem.

SVPER POPVLVM.

Esto, Domine, propitius plebi
tuę, & temporali consolatione
non deseras, quam vis ad æterna
contendere. Per Dominum.

FERIA III.

Respice, Domine, familiam
tuam, & præsta, vt apud te
mens nostra tuo desiderio ful-
geat, quę se carnis maceratione
castigat. Per.

SVPER OBLATA.

Oblatis Domine placare mune-
ribus & à cunctis nos defende pe-
riculis.

PRÆFATIO.

Vere dignum, & iustum est,
æquum & salutare, Nos tibi sem-
per, & vbique gratias agere: Do-

mine sancte, pater omnipotens, æterne Deus: per Christum Dominum nostrum. In quo ieiunantium fides alitur, spes prouehitur, caritas roboratur. Ipse enim est panis viuus & verus, qui substantia æternitatis, & esca virtutis est. Verbum enim tuum, per quod facta sunt omnia, non solum humanarum mentium, sed ipsorum panis est angelorum. Hunc panem ministrare nobis non desinis: & vt eum indefinenter esuriamus, hortaris. Cuius carne pascimur, roboramur: & sanguine dū potamur, abluimur. Per quem, &c.

AD COMPLENDVM.

Sumpsimus, Domine, celebritatis annuæ votiua sacramenta, præsta quæsumus, vt & temporalis vitæ nobis remedio proueniant, & æternæ. Per Dominum nostrum Iesum Christum.

SVPER POPVLVM.

Ascendant ad te, Domine, preces nostræ, & ab Ecclesia tua cunctam repelle nequitiam. Per.

FERIA III. MENSIS
Primi.

PReces nostras, quæsumus, Domine, clementer exaudi, & contra cuncta nobis aduersantia dexteram tuæ Maiestatis extende. Per Dominum nostrum,

ALIA.

Deuotionem populi tui, Do-

mine, quæsumus, benignus intende, vt qui per abstinentiam macerantur in corpore, per fructum boni operis reficiantur in mente. Per Dominum.

SVPER OBLATA.

Suscipe, Creator omnipotens Deus, quæ ieiunantes de tuæ munificentia largitate defecimus, & pro temporali nobis conlata præsidio, ad vitam conuerte propitiatus æternam. Per Dominum nostrum.

PRÆFATIO.

Vere dignum, & iustum est, æquum, & salutare, Nos tibi semper, & vbiq; gratias agere: Domine sancte, Pater omnipotens, æterne Deus: Qui in alimentum corporis humani frugum copiā produci iussisti, & in alimentum animarum ieiunij nobis medicinam indidisti. Te itaque supplices inuocamus, vt tibi sit acceptabile ieiunium nostrum, & nos à cibis ieiunantes, peccatis absolvas. Per Christum.

AD COMPLENDVM.

Tui, Domine, perceptione sacramenti, & à nostris mundemur occultis, & ab hostium liberemur insidiis. Per Dominum.

SVPER POPVLVM.

Mentes nostras, quæsumus, Domine, lumine tuæ claritatis illustra, vt videre possimus quæ agenda sunt, & quæ recta sunt agere valeamus. Per Dominum nostrum.

FERIA V. INTRA

Quadragesimam.

Suscipe, quæsumus, Domine preces nostras, & ad aures misericordiæ tuæ postulationes sacratæ tibi plebis admitte. Per Dominum.

SUPER OBLATA.

Sacrificia Domine, quæsumus, ista nos saluent, quæ medicinalibus sunt instituta ieiuniis. Per.

PRÆFATIO.

Vere dignum & iustum est, æquum & salutare, Nos tibi semper, & ubique gratias agere, Domine sancte, Pater omnipotens, æterne Deus: Quia competenter atque salubriter religiosa sunt nobis instituta ieiunia, ut corporeæ iucunditatis immoderatas coercemus illecebras, & terrenæ delectationis insolentia refrenata, purior atque tranquillior appetitus ad cœlestia contemplanda mysteria fidelium reddatur animarum. Per Christum Dominum nostrum.

AD COMPLENDVM.

Tuorum nos, Domine, largitate donorum, & temporalibus attolle præfidiis, & renoua sempiternis. Per Dominum nostrum.

SUPER POPVLVM

Da, quæsumus, Domine, populis Christianis, & quæ profitentur agnoscere, & caeleste munus

diligere quod frequentant. Per Dominum.

FERIA VI. INTRA

Quadragesimam.

Esto, Domine, propitius plebi tuæ, & quam tibi facis esse deuotam, benigno refoue miseratus auxilio. Per Dominum nostrum.

SUPER OBLATA.

Suscipe, quæsumus, Domine, nostris oblata seruitiis, & tua propitius dona sanctifica. Per.

PRÆFATIO.

Vere dignum, & iustum est, æquum & salutare, Nos tibi semper, & ubique gratias agere, Domine sancte, pater omnipotens, æterne Deus: Qui ieiunij obseruatione, & eleemosynarum gratissimâ largitione nos docuisti nostrorum cōsequi remedia peccatorum. Vnde tuam imploramus clementiam, ut his obseruationibus, & ceteris bonorum operum exhibitionibus muniti, ea operemur, quibus ad æterna gaudia consequenda & spes nobis suppetat & facultas. Per Christum.

AD COMPLENDVM.

Per huius, Domine, operationem mysterij, & vitia nostra purgentur, & iusta desideria impleantur. Per Dominum nostrum.

SUPER POPVLVM

Conserua, quæsumus, Domine, populum tuum, & ab omnibus,

bus, quas meretur, aduersitati-
bus redde securum, vt tranquilli-
tate percepta, deuotâ tibi men-
te deseruiat. Per.

adiuuando prosequere, vt cuncta
nostra operatio & à te semper in-
cipiat, & per te cœpta finiatur.
Per.

AD MISSAM.

Deus, qui tribus pueris mitiga-
sti flammâ ignium, concede
propitius, vt nos famulos tuos
non exurat flammâ vitiorum. Per
Christum Dominum.

SVPER OBLATA.

Præsentibus sacrificiis, Domi-
ne, ieiunia nostra sanctifica, vt
quod obseruantia nostra profite-
tur extrinsecus: interiùs operetur.
Per Dominum nostrum.

PRÆFATIO.

Vere dignum, & iustum est,
æquum & salutare, Nos tibi sem-
per, & vbique gratias agere, Do-
mine sancte, Pater omnipotens,
æterne Deus: Inluminator, & Re-
demptor animarû nostrarû, qui
nos per primum Adam, abstinen-
tiæ lege violata, paradiso eiectos,
fortiores ieiunij remedio ad an-
tiquæ Patriæ beatitudinem per
gratiam reuocasti. Nosque piâ in-
stitutione docuisti, quibus obser-
uationibus à peccatis omnibus li-
beremur. Per Christum Domi-
num nostrum.

AD COMPLENDVM.

Sanctificationibus tuis, omni-
potens Deus, & vitia nostra cu-
rentur, & remedia nobis æterna
proueniant. Per Christum Do-
minum nostrum.

SABBATO IN XII. LECT.
Mensis primi.

POpulum tuum, Domine, quæ-
sumus, propitius respice, at-
que ab eo flagella tuæ iracundiæ
clementer auerte. Per Dominum
nostrum.

ALIA.

Deus, qui delinquentes perire
non pateris, sed expectas, vt con-
uertantur & viuant; debitam,
quæsumus, peccatis nostris sus-
pende vindictam: & præsta pro-
pitius, ne dissimulatio cumu-
let ultionem, sed potiùs per ieiu-
nium emendatio. prosit ad veniã.
Per.

ALIA.

Protektor noster aspice, Deus
vt qui malorum nostrorum pon-
dere premimur, perceptâ mise-
ricordiâ, libera tibi mente famu-
lemur. Per.

ALIA.

Adesto, quæsumus, Domine,
supplicationibus nostris, vt esse te
largiente mereamur, & inter
prospera humiles, & inter aduer-
sa securi. Per.

ALIA.

Actiones nostras, quæsumus,
Domine, & aspirando præueni, &

SUPER POPVLVM.

Ab omnibus nos, quæsumus, Domine, peccatis propitius absolue, vt perceptâ veniâ peccatorum, liberis tibi mentibus seruiamus. Per.

DOMINICA II. IN
Quadragesima.

DEus, qui conspicias omni nos virtute destitui, interius, exteriusque custodi, vt & ab omnibus aduersitatibus muniamur in corpore, & à prauis cogitationibus mundemur in mente. Per Dominum.

SUPER OBLATA.

Ecclesiæ tuæ, Domine, muneraplacatus assume, quæ & misericors offerenda tribuisti, & in nostræ salutis potenter efficis transire mysterium. Per Dominum nostrum.

PRÆFATIO.

Vere dignum, & iustum est, æquum & salutare, Nos tibi semper, & vbique gratias agere, Domine sancte, Pater omnipotens, æterne Deus: Et Maiestatem tuam suppliciter exorare, vt mentibus nostris medicinalis obseruantia munus infundas. Et qui negligentibus etiam subsidium ferre non desinis, beneficia præbeas potiora deuotis. Per Christum Dominum.

BENEDICTIO.

Omnipotens Deus, ieiunij, cæterarumque virtutum dedicator atque amator, suâ vos benedictione sanctificet. Amen. Accendat in vobis piæ deuotionis affectum, & præbeat supplicantibus suum benignus auditum. Amen. Quatenus mentes vestræ sinceris purgatæ ieiuniis, bonorum omnium exuberent incrementis. Amen. Quod ipse præstare dignetur.

AD COMPLENDVM.

Refecti, Domine, pane cælesti, ad vitam, quæsumus, nutriamur æternam. Per.

SUPER POPVLVM.

Familiam tuam quæsumus, Domine, propitiatus inlustra, vt beneplacitis inhærendo, cuncta quæ bona sūt mereatur accipere. Per.

FER. II. IN HEBDOMADA. II.

PRæsta, quæsumus, omnipotens Deus, vt familia tua, quæ, se affligendo carne, ab alimentis abstinet, sectando iustitiam à culpa ieiunet. Per.

SUPER OBLATA.

Hæc Hostia, Domine, placationis & laudis, tua nos propitiatione dignos efficiat. Per.

PRÆFATIO.

Vere dignum, & iustum est, æquum & salutare, Nos tibi semper, & vbique gratias agere, Domine, sancte, Pater omnipotens, æterne

Deus : Et pietatem tuam supplici deuotione deprecere, vt ieiunij nostri oblatione placatus, & peccatorum nobis concedas veniam, & nos à noxiis liberes insidiis. Per Christum Dominum nostrum.

AD COMPLENDVM.

Hæc nos Communio, Domine, purget à crimine, & cælestis remedij faciat esse consortes. Per, &c.

SVPER POPVLVM.

Tuis, quæsumus Domine, adesto supplicibus, & inter mundanę prauitatis insidias fragilitatē nostram sempiternā pietate prosequere. Per.

FERIA III. IN HEBDOMADA Secunda.

Perfice, quæsumus, Domine, benignus in nobis obseruantię sanctę subsidium, vt quæ te auctore facienda cognouimus, te operante impleamus. Per Dominum.

SVPER OBLATA.

Sanctificationem tuam nobis, Domine, his mysteriis placatus operare, quæ nos & à terrenis purget vitiis, & ad cælestia dona perducant. Per Dominum.

PRÆFATIO.

Vere dignum, & iustum est, æquum, & salutare, Nos tibi semper, & vbiq; gratias agere : Domine sancte, Pater omnipotens,

æterne Deus : Qui ob animarum medelam ieiunij deuotione castigari corpora præcepisti ; concede, quæsumus, vt corda nostra ita pietatis tuæ valeant exercere mādāta, vt ad tua mereamur, te opitulante, peruenire promissa. Per Dominum nostrum.

AD COMPLENDVM.

Vt facris, Domine, reddamur digni muneribus, fac nos tuis, quæsumus, obedire mandatis. Per Dominum nostrum.

SVPER POPVLVM.

Præsta populo tuo, Domine, quæsumus, consolationis auxiliū, & diuturnis calamitatibus laborentem propitius respirare concede. Per Dominum.

FERIA IV. IN HEBDOMADA Secunda.

Populum tuum, Domine, propitius respice, & quos ab escis carnalibus præcipis abstinere, à noxiis quoque vitiis cessare concede. Per Dominum nostrū.

SVPER OBLATA.

Hostias, Domine, quas tibi offerimus, propitius respice, & per hæc sancta commercia, vincula peccatorum nostrorum absolue. Per Dominum.

PRÆFATIO.

Vere dignum, & iustum est, æquum & salutare, Nos tibi semper & vbiq; gratias agere, Do-

mine sancte, Pater omnipotens, æterne Deus: per Christum Dominum nostrum. Per quem humani generis reconciliationem mirabili dispensatione operatus es, præsta, quæsumus, ut sancto purificati ieiunio, & tibi toto corde simus subiecti, & inter mundanæ prauitatis insidias, te miserante perseueremus in læsi. Per quem Maiestatem; &c.

AD COMPLENDVM.

Sumptis, Domine, sacramentis, ad redemptionis æternæ, quæsumus, proficiamus augmentum, Per Dominum.

SUPER POPVLVM.

Deus, innocentiae restitutor & amator, dirige ad te tuorum corda seruorum, ut spiritus tui feruore concepto, & in fide inueniamur stabiles, & in opere efficaces. Per Dominum.

FERIA V. IN HEBDOMADA
Secunda.

PRæsta nobis Domine, quæsumus, auxilium gratiæ tuæ, ut ieiuniis, & orationibus conuenienter intenti, liberemur ab hostibus mentis & corporis. Per Dominum.

SUPER OBLATA.

Accepta tibi sint, Domine, quæsumus, nostri dona ieiunij, quæ & expiando nos tuâ gratiâ

dignos efficiant, & ad sempiterna promissa perducant. Per.

PRÆFATIO.

Vere dignum & iustum est, æquum & salutare, Nos tibi semper & ubique gratias agere, Domine sancte, Pater omnipotens, æterne Deus: Et tuam cum celebratione ieiunij pietatem deuotis mentibus obsecrare, ut qui peccatis ingruentibus, malorum pondere premimur, & à peccatis omnibus liberemur, & liberâ tibi mente famulemur. Per nostrum.

AD COMPLENDVM.

Gratia tua nos, quæsumus, Domine, non derelinquat, quæ & sacræ nos deditos faciat seruituti, & tuam nobis opem semper acquirat. Per Dominum nostrum.

SUPER POPVLVM.

Adesto, Domine, famulis tuis, & perpetuam benignitatem largire poscentibus, ut his, qui te auctore, & gubernatore gloriantur, & congregata restaures, & restaurata conserues, Per Dominum, &c.

FERIA VI. IN HEBDOMADA
Secunda.

DA, quæsumus, omnipotens Deus, ut sacro nos purificante ieiunio, sinceris mentibus ad sancta ventura facias peruenire. Per Dominum nostrum.

SVPER OBLATA.

Hæc in nobis sacrificia, Deus, & sanctificatione permaneant, & operatione firmentur. Per.

PRÆFATIO.

Vere dignum, & iustum est, æquum & salutare, Nos tibi semper, & ubique gratias agere, Domine, sancte, Pater omnipotens, æterne Deus: Qui delinquentes perire non pateris, sed vt ad te conuertantur & viuant hortaris. Poscimus itaque pietatem tuam, vt à peccatis nostris tuæ seueritatis suspēdas vindictam, & nobis optatam misericorditer tribuas veniā: nec iniquitatum nostrarum molestia prouocet ad ultionem, sed ieiunij obseruatio, & morum emendatio, te flectat ad peccatorum nostrorum remissionem. Per Christum Dominum nostrum.

AD COMPLENDVM.

Fac nos, quæsumus, Domine, accepto pignore salutis æternæ sic tendere congruenter, vt ad eam peruenire possimus. Per Dominum.

SVPER POPVLVM.

Da, quæsumus, Domine, populo tuo salutem mentis & corporis, vt bonis operibus inhærendo, tuæ semper virtutis mereatur protectione defendi. Per.

SABBATO IN HEBDOM.
Secunda.

DA, quæsumus, Domine, nostris effectum ieiuniis salutarem, vt castigatio carnis assumpta ad nostrarū vegetationē transeat animarum.

SVPER OBLATA.

His sacrificijs, Domine, concede placatus, vt qui propriis oramus absolui delictis, non grauemur externis. Per Dominum nostrum.

PRÆFATIO.

Vere dignum, & iustum est, æquum & salutare, Nos tibi semper, & ubique gratias agere, Domine sancte, Pater omnipotens, æterne Deus: Et tuam iugiter exorare clementiam, vt mentes nostras, quas conspicias terrenis affectibus prægrauari, medicinalibus tribuas ieiuniis exonerari: & per afflictionem corporum proueniat nobis robur animarum. Per Christum, &c.

AD COMPLENDVM.

Sacramenti tui, Domine, diuina libatio penetralia nostri cordis infundat, & sui participes potenter efficiat. Per Christum Dominum nostrum.

SVPER POPVLVM.

Familiam tuam, quæsumus, Domine, continuâ pietate custodi, vt quæ in sola spe gratiæ cælestis innititur: cælesti etiam pro-

tectione muniatur. Per eundem.

DOMINICA III. IN Quadragesima.

Quæsumus, omnipotēs Deus, vota humilium respice, atque ad defensionem nostrā dexteram tuā Maiestatis extende. Per dominum.

SVPER OBLATA.

Suscipe, quæsumus, Domine, deuotorum munera famulorum, & tua diuinis purifica seruientes pietate mysteriis, quibus etiam iustificas ignorantes. Per.

PRÆFATIO.

Vere dignum, & iustum est, æquum & salutare, Nos tibi semper, & ubique gratias agere, Domine sancte, Pater omnipotens, æterne Deus: Et te suppliciter exorare, vt cum abstinencia corporali mens quoque nostra sensus declinet inlicitos. Et quæ terrenā delectatione carnalibus epulis abnegamus, humanæ voluntatis prauis intentionibus amputemus. Quatenus ad Sancta Sanctorum fideliter salubriterque capienda, cōpetenti ieiunio valeamus aptari. Tanto nobis certi propensius iugiter ad futura, quanto fuerimus eorum institutionibus gratiores. Per.

BENEDICTIO.

Omnipotens Deus ieiuniorum vestrorum victimas clementer ac-

cipiat, & sui vos benedictione dignos efficiat. Amen. Mentes vestras ita parsimonie dono contra vitia muniat, præceptorum suorum doctrinis erudiat, caritatis dono repleat; vt vos in omnibus sibi placere concedat. Amen. Quatenus præsentis Quadragesimæ diebus deuotissimè celebratis, ad Paschalia festa purificatis cordibus accedere valeatis Amē. Quod ipse præstare.

AD COMPLENDVM.

Cunctis nos, Domine, reatibus & periculis propitiatus absolue, quos tanti mysterij tribuis esse participes. Per Dominum nostrum.

SVPER POPVLVM.

Subiectum tibi populum, quæsumus, Domine, propitiatio cælestis amplificet, & tuis semper faciat seruire mandatis.

FERIA II. IN HEBDOMADA.

Tertia.

Cordibus nostris, quæsumus, Domine, benignus infunde, vt sicut ab escis corporalibus abstinemus, ita sensus quoque nostros à noxiis retrahamus excessibus Per Dominum nostrum.

SVPER OBLATA.

Munus, quod tibi Domine nostræ seruitutis offerimus, tu salutare nobis perface sacramentum, Per.

PRÆFATIO.

Vere dignum, & iustum est, æquum & salutare, Nos tibi semper, & ubique gratias agere, Domine sancte, Pater omnipotens, æterne Deus: Et clementiam tuam cum omni supplicatione precari, vt per hanc ieiuniorum obseruationem crescat nostræ deuotionis affectus, & nostras actiones religiosus exornet effectus: quatenus, te auxiliante, & ab humanis semper retrahamur excessibus, & monitis inhærere valeamus, te largiente, cælestibus. Per Christum Dominum nostrum.

AD COMPLENDVM.

Præsta, quæsumus, omnipotens & misericors Deus, vt quæ ore cōtingimus, purâ mente capiamus. Per Dominum nostrum.

SUPER POPVLVM.

Conserua, Domine, familiam tuam bonis semper operibus eruditam, & sic præsentibus consolare subsidijs, vt ad superna perducas dona propitius. Per Dominum nostrum.

FERIA III. IN HEBDOMADA
Tertia.

EXaudi nos omnipotens, & misericors Deus: & continentiae salutaris propitius nobis dona concede. Per.

SUPER OBLATA.

Per hæc veniat, quæsumus, Do-

mine, sacramenta nostræ redemptionis effectus, qui nos & ab humanis retrahat semper excessibus, & ad salutaria cuncta perducatur. Per Dominum nostrum.

PRÆFATIO.

Vere dignum, & iustum est, æquum, & salutare, Nos tibi semper, & ubique gratias agere: Domine sancte, Pater omnipotens, æterne Deus: Qui peccantium non vis animas perire, sed culpas: & peccantes non semper continuo iudicas, sed ad poenitentiam prouocatos expectas: Auerte, quæsumus, à nobis quam meremur iram, & quam optamus super nos effunde clementiam, vt sacro purificati ieiunio, electorum tuorum adscisci mereamur collegio. Per Christum Dominum nostrum.

AD COMPLENDVM.

Sacris, Domine, mysteriis expiati, & veniam consequamur, & gratiam. Per.

SUPER POPVLVM.

Concede misericors Deus, vt deuotus tibi populus semper existat, & de tua clementia, quod ei profit, indefinenter obtineat. Per.

FERIA IV. IN HEDOMADA
Tertia.

PRæsta nobis, quæsumus, Domine, vt salutaribus ieiunijs eruditi, à noxis quoque vitijs ab-

stinentes, propitiationem tuam
facilius imperremus. Per.

SVPER OBLATA.

Suscipe, quæsumus, Domine,
preces populi tui cum oblationi-
bus Hostiarum, & tua mysteria
celebrantes ab omnibus nos de-
fende periculis. Per.

PRÆFATIO.

Vere dignum & iustum est,
æquum & salutare, Nos tibi sem-
per & ubique gratias agere, Do-
mine sancte, Pater omnipotens,
æterne Deus: Tuamque miseri-
cordiam suppliciter exorare, ut
ieiuniorum nostrorum sacrosan-
cta mysteria tuæ sint pietati sem-
per accepta: Concedasque, ut
quorum corpora abstinentiæ ob-
servatione macerantur, mentes
quoque virtutibus, & cælestibus
institutis exornentur. Per Chri-
stum Dominum nostrum.

AD COMPLENDVM.

Sanctificet nos, Domine, qua
pasti sumus, mensa cælestis, & à
cunctis erroribus expiatis, super-
nis promissionibus reddat acce-
ptos. Per Dominum.

SVPER POPVLVM.

Defende, Domine, familiam
tuam, & toto tibi corde prostra-
tam ab hostium tuere formidi-
ne: nec bona tua difficulter inue-
niat, pro quibus & Sancti tui, &
Angelicæ tibi supplicant pote-
states. Per Dominum nostrum.

FERIA V. IN HEBDOMADA
Tertia.

Concede, quæsumus, omni-
potens Deus, ut qui protectio-
nis tuæ gratiam quærimus, libe-
rati à malis omnibus, securâ tibi
mente seruiamus. Per.

SVPER OBLATA.

Deus, de cuius gratiæ rore des-
cendit, ut ad mysteria tua, purga-
tis sensibus, accedamus, præsta,
quæsumus, ut in eorum traditione
solemniter honoranda, compe-
tens deferamus obsequium. Per.

PRÆFATIO.

Vere dignum, & iustum est, æ-
quum & salutare, Nos tibi semper,
& ubique gratias agere, Domine
sancte, Pater omnipotens, æterne
Deus: Et tuam immensam cle-
mentiam supplici voto deposce-
re, ut nos famulos tuos, & ieiu-
nij maceratione castigatos, & ce-
teris bonorum operum exhibitio-
nibus eruditos, in mandatis tuis
facias perseverare sinceros, & ad
Paschalia festa peruenire inlæsos,
sicque præsentibus subsidiis con-
solemur, quatenus ad æterna gau-
dia pertingere mereamur. Per
Christum Dominum.

AD COMPLENDVM.

Sacramenti tui, Domine, vene-
randa perceptio, & mystico nos
mundet effectu, & perpetuâ virtu-
te defendat. Per Dominum.

SVPER

SVPER POPVLVM.

Conserua, quæsumus, Domine, populum tuum: & gratiæ tuæ in eo dona multiplica, vt ab omnibus liber offensis, & temporalibus non destituatur auxiliis, & sempiternis gaudeat institutis. Per Dominum nostrum.

FERIA VI. IN HEBDOMADA
Tertia.

IEiunia nostra, quæsumus, Domine, benigno fauore prosequere, vt sicut ab alimentis in corpore, ita à vitiis ieiunemus in mente. Per.

SVPER OBLATA.

Respice, Domine, propitius ad munera quæ facramus, vt & tibi sint grata, & nobis salutaria semper existant. Per, &c.

PRÆFATIO.

Vere dignum, & iustum est, æquum & salutare, Nos tibi semper, & vbique gratias agere, Domine sancte, Pater omnipotens, æterne Deus, Qui ad insinuandum humilitatis suæ mysterium, fatigatus resedit ad puteum: qui à muliere Samaritana aquæ sibi petiit porrigi potum, qui in ea creauerat fidei donum. Et ita eius sitire dignatus est fidem, vt dum ab ea aquam peteret, in ea ignem diuini amoris accenderet. Imploramus itaque tuam immensam clementiam, vt contemnentestene-

brofam profunditatem vitiorum, & relinquentes noxiarum hydriæ cupiditatum, & Te, qui fons vitæ, & origo bonitatis es, semper sitiamus, & ieiuniorum nostrorum obseruatione tibi placeamus. Per quem, Maiestatem, &c.

AD COMPLENDVM.

Huius nos, Domine, perceptio sacramenti mundet à crimine, & ad cælestia regna perducatur. Per.

SVPER POPVLVM.

Gaudeat, Domine, quæsumus, populus, tuâ semper benedictione confusus, vt & temporalibus beneficiis adiuuetur, & erudiatur æternis. Per Dominum.

SABBATO IN HEBDOMADA
Tertia.

PRæsta, quæsumus, omnipotens Deus, vt dignitas conditionis humanæ per immoderantiam fauciata, medicinalis parsi- moniæ studio reformatetur. Per Dominum.

SVPER OBLATA.

Concede, quæsumus, omnipotens Deus, vt huius sacrificij munus, fragilitatem nostram ab omni malo purget semper & muniat. Per Dominum.

PRÆFATIO.

Vere dignum, & iustum est, æquum & salutare, Nos tibi semper, & vbique gratias agere, Domine sancte, Pater omnipotens,

æterne Deus : Qui ieiunij Quadregesimalis obseruationem in Moyse & Elia dedicasti, & in Unigenito filio tuo, legis & Prophetarum, nostroque omnium Domino exornasti. Tuam igitur immensam bonitatem supplices exposcimus, vt quod ille iugi ieiuniorum compleuit continuatione, nos adimplere valeamus illius adiuti largissimâ miseratione : & adimplentes ea quæ præcepit, dona percipere mereamur quæ promisit. Per quem, &c.

AD COMPLENDVM.

Quæsumus, omnipotens Deus, vt inter eius membra numeremur, cuius corpori communicamus & sanguini. Per Dominum.

SUPER POPVLVM.

Prætende, Domine, fidelibus tuis dexteram cælestis auxiliij, vt te toto corde perquirant, & quæ dignè postulant, consequi mereantur. Per Dominum nostrum.

DOMINICA IIII. IN Quadragesima.

COncede quæsumus, omnipotens Deus, vt qui ex merito nostræ actionis affligimur, tuæ gratiæ consolatione respiremus. Per Dominum nostrum.

SUPER OBLATA.

Suscipe, Domine, sacrificium, cuius te voluisti dignanter immolatione placari : & præsta, quæsu-

mus, vt huius operatione mundati, beneplacitum tibi nostræ mentis offeramus affectum. Per Dominum.

PRÆFATIO.

Vere dignum, & iustum est, æquum & salutare, Nos tibi semper & vbique gratias agere, Domine sancte, Pater omnipotens, æterne Deus : Et te Creatorem omnium de præteritis fructibus glorificare, & de vêturis suppliciter exorare ; Vt, cum de perceptis non inuenimur ingrati, de percipiendis non iudicemur indigni ; sed exhibitis toties solemni deuotione ieiuniis, cum subsidiis corporalibus profectum quoque capiamus animarum. Per Christum Dominum.

BENEDICTIO.

Deus qui vos ad præsentium Quadregesimalium dierum mediocritatem dignatus est perducere, ipse vos sua miseratione dignetur benedicere. Amen. Abstinenciam vestram præteritam acceptet, futuram sibi placitam reddat, vt sicut ab illicitis cibis ; ita vos etiam à vitiis omnibus abstinere concedat. Amen. Quò de præteritis & futuris charismatum frugibus ei grates persoluentes ad sanctum Pascha peruenire possitis indemnes. Quod ipse præstare dignetur.

AD COMPLENDVM.

Da nobis misericors Deus, vt sancta tua, quibus incessanter ex-

plemur, sinceris tractemus obsequiis, & semper fideli mente sumamus. Per.

Super Populum.

Deus, qui in deserti regione multitudinem populi tuâ virtute satiasti, in huius quoque sæculi transeuntis excursu, victum nobis spiritalem, ne deficiamus, impende. Qui viuis, & regnas, &c.

FERIA II. IN HEBDOMADA
Quarta.

Præsta, quæsumus, omnipotens Deus, ut observationes sacras annuâ deuotione recolentes, & corpore tibi placeamus & mente. Per.

Super Oblata.

Oblatum tibi, Domine, sacrificium viuificet nos semper & muniat. Per.

Præfatio.

Vere dignum, & iustum est, æquum & salutare, Nos tibi semper, & ubique gratias agere: Domine sancte, pater omnipotens, æterne Deus: Et tuam suppliciter misericordiam implorare, ut exercitatio veneranda ieiunij salutaris, nos à peccatorum nostrorum maculis purgatos reddat, & ad supernorum ciuium societatem perducatur: ut & hîc deuotum actuum sumamus augmentum, & illic æternæ beatitudinis

percipiamus emolumentum. Per Christum Dominum nostrum.

Ad Complendum.

Diuini satiati muneris largitate, quæsumus, Domine, Deus noster, ut in huius semper participatione viuamus. Per Dominum nostrum.

Super Populum.

Proficiat, quæsumus, Domine, plebs tibi dicata piæ deuotionis affectu, ut sacris actionibus erudita, quanto Maiestati tuæ fit gratior, tanto donis potioribus augeatur. Per Dominum.

FERIA III. IN HEBDOMADA
IV. Quadragesimæ.

Sacræ nobis, Domine, quæsumus, observationis ieiunia, & piæ conuersationis augmentum, & tuæ propitiationis continuum præstent auxilium. Per Dominum.

Super Oblata.

Purifica nos, misericors Deus, ut Ecclesiæ tuæ preces, quæ tibi gratæ sunt, pia munera deferentis, fiant expiatis mentibus gratiores. Per Dominum nostrum.

Præfatio.

Vere dignum & iustum est, æquum & salutare, Nos tibi semper, & ubique gratias agere, Domine sancte, Pater omnipotens, æterne Deus, per Mediatorem Dei & hominum, Iesum Christum

Dominum nostrum: Qui median-
te die festo ascendit in templum
docere, qui de cœlo descendit,
mundum ab ignorantia tenebris
liberare: Cuius descensus genus
humanum doctrinâ saluari in-
struit, morsâ perpetua morte re-
demit, ascensio ad cœlestia regna
perducit. Per quem Te summe
Pater poscimus, ut eius institutio-
ne edocti, salutaris parsimoniae
deuotione purificati, ad tua per-
ueniamus promissa securi. Per
quem Maiestatem tuam, &c.

AD COMPLENDVM.

Cœlestia dona capientibus,
quæsumus, Domine, non adiudi-
cium peruenire patiaris, quod fi-
delibus tuis ad remedium prouig-
disti. Per.

SUPER POPVLVM.

Tueatur, quæsumus, Domine,
dextera tua populum tuum de-
precantem, & purificatum di-
gnanter erudiat, ut consolatione
præsenti ad futura bona proficiat.
Per Dominum nostrum.

FERIA III. IN HEBDOMADA Quarta.

OMnipotēs sempiternæ Deus,
qui & iustis præmia merito-
rum, & peccatoribus per ieiu-
nium veniam præbes, miserere
supplicibus, parce peccantibus,
ut reatus nostri confessio indul-

gentiam valeat percipere deli-
ctorum. Per Dominum nostrum.

ALIA.

Præsta, quæsumus, omnipotens
Deus, ut quos ieiunia votiua casti-
gant, ipsa quoque deuotio sancta
lætificet, ut terrenis affectibus mi-
tigatis, facilius cœlestia capia-
mus. Per Dominum.

SUPER OBLATA.

Supplices, Domine, Te roga-
mus, ut his sacrificiis peccata no-
stra mudentur: quia tunc veram
nobis tribuis & mentis & corporis
sanitatem. Per Dominum no-
strum.

P RÆFATIO.

Vere dignum, & iustum est, æ-
quum & salutare, Nos tibi sem-
per, & ubique gratias agere, Do-
mine sancte, pater omnipotens,
æterne Deus: Qui inluminatione
sue fidei, tenebras expulit mundi,
& genus humanum, quod primæ
matris utero profuderat cæcum,
incarnationis sue mysterio red-
didit inluminatum, fecitque fi-
lios adoptionis, qui tenebantur
vinculis iustæ damnationis. Per
ipsum te petimus, ut tales in eius
inueniamur iustissima examina-
tione, quales facti sumus in laua-
cri salutaris felicissima regenera-
tione: ut eius Incarnationis me-
dicamine imbuti, sacrosancti la-
uacri ablutione loti, parsimonie
deuotione ornati ad æterna gau-
dia perueniamus inlæsi. Per quem,
Maiestatem.

AD COMPLENDVM.

Sacramenta, quę sumpſimus, Domine deus noster, & spiritalibus nos repleant alimentis, & corporalibus tueantur auxiliis. Per Dominum nostrum.

SVPER POPVLVM

Pateant aures misericordię tuę, Domine, precibus supplicatium: &, vt petentibus desiderata concedas, fac eos quę tibi sunt placita postulare. Per.

FERIA V. IN HEBDOMADA
Quarta.

PRęsta, quęsumus, omnipotens Deus, vt qui in tua protectione confidimus, cuncta nobis aduersantia, Te adiuuante, superemus. Per Dominum nostrum.

SVPER OBLATA.

Efficiatur hęc hostia, Domine, quęsumus, solemnibus grata ieiuniis: &, vt tibi fiat acceptior, purificatis mentibus immoletur. Per Dominum nostrum.

PRÆFATIO.

Vere dignum, & iustum est, æquum & salutare, Nos tibi semper, & vbique gratias agere, Domine sancte, Pater omnipotens, æterne deus: Cuius bonitas hominem condidit, iustitia damnavit, misericordia redemit. Te humiliter exoramus, vt sicut per illicitos appetitus à beata Regione

decidimus, sic ad æternam Patriam per abſtinentiam redeamus. Sicque moderetur tua miseratione nostra fragilitas, vt & transitorijs subsidijs nostra sustentetur mortalitas, & per bonorum operum incrementa, beata acquiratur immortalitas. Per Christum.

AD COMPLENDVM.

Sancta tua nos, Domine, quęsumus, & viuificando renouent, & renouando viuificent. Per Dominum nostrum,

SVPER POPVLVM.

Populi tui, Deus institutor & rector, peccata, quibus impugnatur, expelle, vt semper tibi placitus, & tuo munimine sit secutus. Per eundem Dominum.

FERIA VI. IN HEBDOMADA
Quarta.

DEus, qui ineffabilibus mundum renouas sacramentis, pręsta quęsumus, vt Ecclesia tua & æternis proficiat institutis, & temporalibus non destituatur auxiliis. Per.

SVPER OBLATA.

Munera nos, quęsumus, Domine, oblata purificent, & te nobis iugiter faciant esse placatum. Per Dominum nostrum.

PRÆFATIO.

Vere dignum, & iustum est, æquum & salutare, Nos tibi semper & vbique gratias agere, Domine,

sancte, Pater omnipotens, æterne Deus, per Christum Dominum nostrum. Qui est dies æternus, lux indeficiens, claritas sempiterna. Qui sic sequaces suos in luce præcepit ambulare, ut noctis æternæ valeant caliginem euadere, & ad lucis Patriam feliciter peruenire. Qui per humilitatem assumptæ humanitatis, Lazarum fleuit, per Diuinitatis potentiam vitæ reddidit, genúsque humanum quadridâ peccatorum mole obrutum, ad vitam reduxit. Per quem petimus, ieiunij obseruatione, à peccatorum nostrorum nexibus solui, æternæ vitæ felicitati reddi, & sanctorum cœtibus connumerari. Per quem.

AD COMPLENDVM.

Hæc nos, quæsumus, Domine, participatio sacramenti, & propriis reatibus indefinenter expediat, & ab omnibus tueatur aduersis. Per.

SUPER POPVLVM.

Da, quæsumus, omnipotens Deus, ut qui infirmitatis nostræ conscijs de tua virtute confidimus, sub tua semper pietate gaudeamus. Per.

SABBATO IN HEBDOMADA
Quarta.

Fiat, Domine, quæsumus, per gratiam tuam fructuosus nostræ deuotionis affectus: quia tunc

nobis proderunt suscepta ieiunia, si tuæ sint placita pietati. Per Dominum nostrum.

SUPER OBLATA.

Oblationibus, quæsumus, Domine, placare susceptis, & ad te nostras, etiam rebelles compelle propitius voluntates. Per Dominum.

PRÆFATIO.

Vere dignum, & iustum est, æquum & salutare, Nos tibi semper, & vbique gratias agere, Domine sancte, Pater omnipotens, æterne Deus: Misericordiæ dator, & totius bonitatis auctor, qui ieiunijs, orationibus, & eleemosynis peccatorum remedia, & virtutum omnium tribuis incrementa. Te humili deuotione precamur, ut qui ad hæc agenda saluberrimam dedisti doctrinam, ad complendum indefessam tribuas efficaciam, ut obedienter tua exequentes præcepta, feliciter tua capiamus promissa. Per Christum Dominum nostrum.

AD COMPLENDVM.

Tua, nos, quæsumus, Domine, sancta purificent, & operatione sua perficiant esse placitos. Per Dominum nostrum.

SUPER POPVLVM.

Deus, qui sperantibus in te, misereri potius eligis, quam irasci, da nobis digne flere mala quæ fecimus, ut tuæ consolationis gratiam inuenire valeamus. Per.

DOMINICA V. IN
Quadragesima. De Passione
Domini.

Quæsumus, omnipotēs Deus, familiam tuam propitius respice, vt te largiente regatur in corpore, & te seruante custodiat in mente. Per Dominum.

SVPER POPVLVM.

Hæc munera, Domine, quæsumus, & vincula nostræ prauitatis absoluant, & tuæ nobis misericordiæ dona concilient. Per.

PRÆFATIO.

Vere dignum, & iustum est, æquum, & salutare, Nos tibi semper, & vbique gratias agere: Domine sancte, Pater omnipotens, æterne Deus: Maiestatem tuam propensius implorantes, vt quanto magis dies salutiferæ festiuitatis accedit, tanto deuotius ad eius dignè celebrandum proficiamus Paschale mysterium. Per Christum Dominum nostrum.

BENEDICTIO.

Accendat in vobis Dominus vim sui amoris, & per ieiuniorum obseruantiam infundat in vobis donum suæ benedictionis. Amen. Sic ei parsimonix victimas offeratis, vt contriti ei cordis & humiliati sacrificio placeatis. Amen. Quatenus oratio vestra ieiunij & eleemosynæ alis subuecta ad aures vestri conditoris ascendat, vt

vos æternæ beatitudinis hæredes, & supernorum ciuium consortes efficiat. Amen. Quod ipse præstare dignetur.

AD COMPLENDVM.

Adesto, nobis, Domine, Deus noster: & quos tuis mysteriis recreasti, perpetuis defende præsiidiis. Per Dominum nostrum.

SVPER POPVLVM.

Da, quæsumus, Domine, nobis perseuerantem in tua voluntate famulatum, vt in diebus nostris, & merito & numero populus tibi seruiens augeatur. Per Dominum nostrum.

FERIA II. IN HEBDOMADA
Quinta.

Sanctifica, quæsumus, Domine, nostra ieiunia, & cunctarum nobis propitius indulgentiam largire culparum. Per Dominum nostrum.

SVPER OBLATA.

Concede nobis, Domine Deus noster, vt hæc Hostia salutaris, & nostrorū fiat purgatio delictorū, & tuæ propitiatio Maiestatis. Per.

PRÆFATIO.

Vere dignum, & iustum est, æquum & salutare, Nos tibi semper, & vbique gratias agere, Domine sancte, Pater omnipotens, æterne Deus: Te suppliciter exoramus, vt sic nostra sanctificen-

tur ieiunia, quo cunctorum nobis peccatorum proueniat indulgentia: quatenus, appropinquante Vnigeniti Filij tui passione, bonorum operum tibi placere valeamus exhibitione. Per quem, Maiestatem, &c.

AD COMPLENDVM.

Sacramenti tui, quæsumus, Domine, participatio salutaris, & purificationem nobis præbeat & medelam. Per Dominum nostrum.

SVPER POPVLVM.

Benedictio, quæsumus, Domine, in tuos fideles copiosa descendat, & quam subiectis cordibus expetunt, largiter consequantur. Per.

FERIA III. IN HEBDOMADA
Quinta.

NOstra tibi, quæsumus, Domine, sint accepta ieiunia, quæ nos & expiando gratia tua dignos efficiant, & ad remedia perducant æterna. Per Dominum.

SVPER OBLATA.

Hostias tibi, Domine, deferimus immolandas, quæsumus temporalem consolationem nobis impendant, vt promissa certiùs non desperemus æterna. Per.

PRÆFATIO.

Vere dignum, & iustum est, æquū & salutare, Nos tibi semper &

vbique gratias agere, Domine sancte, Pater omnipotens, æterne Deus: Et te deuotis mentibus supplicare, vt nos interiùs, exteriùsque restaures, & parsimoniâ saluari à peccatorum sordibus purges Et quos inlecebrofis delectationibus non vis impediri, spirituum virtutum facias vigore muniri: & sic in rebus transitoriis foueas, vt perpetuis inhærere concedas. Per Christum Dominum nostrum.

AD COMPLENDVM.

Da, quæsumus, omnipotens Deus, vt quæ diuina sunt, iugiter exequentes, donis mereamur cælestibus appropinquare. Per Dominum nostrum.

SVPER POPVLVM.

Libera, quæsumus, Domine, à peccatis, & hostibus tibi populum supplicantem, vt sancta conuersatione viuentes, nullis inficiantur aduersis. Per eundem Dominum nostrum.

FERIA IV. IN HEBDOMADA
Quinta.

Sanctificato hoc ieiunio, Deus tuorum corda fidelium miseratus inlustra, & quibus deuotionis præstas affectum, præbe supplicantibus piū benignus auditum. Per Dominum.

SVPER OBLATA.

Annue misericors Deus, vt Hostias

gratias placationis & laudis sincero
tibi deferamus obsequio. Per.

PRÆFATIO.

Vere dignum, & iustum est, æ-
quum & salutare, Nos tibi semper,
& ubique gratias agere, Domine,
sancte, Pater omnipotens, æterne
Deus: Et te supplici deuotione ex-
orare, vt per ieiunia, quæ sacris
institutis exequimur, a cunctis
reatibus emundari mereamur:
tuamque percipere valeamus pro-
pitiacionem, qui præparamur ad
celebrandam Vnigeniti Filij tui
passionem. Per quem, Maesta-
tem, &c.

AD COMPLENDVM.

Cælestis doni benedictione
percepta, supplices Te Deus om-
nipotens deprecamur, vt hoc
idem nobis & sacramenti causa
sit & salutis. Per Dominum.

A L I A.

Exaudi, quæsumus, Domine,
gemitum populi supplicantis, &
qui de meritorum qualitate diffi-
dimus, non iudicium, sed miseri-
cordiam consequi mereamur. Per
Dominum.

FERIA V. IN HEBDOMADA
Quinta.

TRibue nobis, quæsumus, in-
dulgentiam peccatorum, vt
instituta ieiunia tibi placitis sen-
sibus operemur. Per Dominum.

SUPER OBLATA.

Concede nobis, Domine, quæ-
sumus, vt celebraturi sancta my-
steria, non solum abstinenciam
corporalem, sed, quod est po-
tius, habeamus mentium purita-
tem. Per.

PRÆFATIO.

Vere dignum, & iustum est,
æquum & salutare, Nos tibi sem-
per, & ubique gratias agere, Do-
mine sancte, Pater omnipotens,
æterne Deus: Qui sic nos tribuis
solemne tibi deferre ieiunium, vt
indulgentiæ tuæ speremus nos
percipere subsidium: sic nos insti-
tuis ad celebranda Paschalia fe-
sta, vt per hæc acquiramus gau-
dia sempiterna. Per Christum
Dominum nostrum.

AD COMPLENDVM.

Vegetet nos, Domine, semper,
& innouet tuæ mensæ libatio, quæ
fragilitatem nostram gubernet &
protegat, & in portum perpetuæ
salutis inducat. Per Dominum
nostrum.

SUPER POPVLVM.

Concede misericors Deus, vt
sicut nos tribuis solemne tibi de-
ferre ieiunium: sic nobis indul-
gentiæ tuæ præbeas benignus au-
xilium. Per.

FERIA VI. IN HEBDOMADA
Quinta.

Cordibus nostris, Domine be-
nignus infunde, vt peccata
H

nostra castigatione voluntariâ cohibentes, temporaliter potius maceremur, quam suppliciis deputemur æternis. Per.

SUPER OBLATA.

Præsta nobis misericors Deus, ut digne tuis semper seruire altari-
bus mereamur, & eorum perpetuâ participatione saluari. Per
Dominum.

PRÆFATIO.

Vere dignum, & iustum est, æ-
quum & salutare, Nos tibi semper,
& ubique gratias agere, Domine
sancte, Pater omnipotens, æterne
Deus: Cuius nos misericordia
præuenit, ut bene agamus: subse-
quitur, ne frustra agamus: accen-
dit intentionem, qua ad bona o-
pera peragenda inardescamus:
tribuit efficaciam, qua hæc ad
perfectum perducere valeamus.
Tuam ergo clementiam indefes-
sis vocibus obsecramus, ut nos ie-
iunij victimis à peccatis munda-
tos, ad celebrandam Unigeniti
Filij tui Domini nostri passionem
facias esse deuotos. Per quem,
Maiestatem.

AD COMPLENDVM.

Sumpti sacrificij, Domine per-
petua nos tuitio non relinquat, &
noxia semper à nobis cuncta de-
pellat. Per Dominum nostrum.

SUPER POPVLVM.

Protege, Domine, populum
tuum, & in Maiestatistux patro-
cinio confidentem perpetua de-
fensione gubernare. Per.

SABBATO ANTE RAMOS
Palmarum.

OMnipotēs sempiternæ Deus,
clementiam tuam supplici-
ter exoramus, ut qui mala nostra
semper præuenis miserando, fa-
ciastibi placitos, & piis actioni-
bus, & ieiuniis salubribus expian-
do. Per.

SUPER OBLATA.

Præsta, quæsumus, omnipotens
Deus, ut ieiuniorum placatus sa-
crificiis, remissionis tuæ nos ve-
niâ prosequaris. Per Dominum
nostrum.

PRÆFATIO.

Vere dignum, & iustum est, æ-
quum & salutare, Nos tibi sem-
per, & ubique gratias agere, Do-
mine sancte, Pater omnipotens,
æterne Deus: Cuius nos fides ex-
citât, spes erigit, caritas iun-
git. Cuius misratio gratuita pu-
rificat quos conscientix reatus
accusat. Te igitur cum interno ru-
gitu deprecamur, ut carnalis ali-
monix refrenatione castigati, ad
celebrandum Paschale myste-
rium inueniamur idonei. Per
Christum, &c.

AD COMPLENDVM.

Adesto, Domine, fidelibus tuis,
& quos cælestibus reficis sacra-
mentis, à terrenis conserua peri-
culis. Per Dominum nostrum.

SVPER POPVLVM

Plebs tua, Domine, quæsumus, benedictionis sanctæ munus accipiat per quod & noxia quæque declinet, & optata reperiat. Per Dominum.

DOMINICA IN RAMIS
Palmarum.

OMnipotēs sempiternæ Deus, qui humano generi ad imitandum humilitatis exemplum, Salvatorem nostrum carnem sumere, & crucem subire fecisti: concede propitius, vt & patientiæ ipsius habere documenta, & Resurrectionis consortia mereamur. Qui tecum viuit.

SVPER OBLATA.

Concede, quæsumus, Domine, vt oculis tuæ Maiestatis munus oblatum, & gratiam nobis deuotionis obtineat, & effectum beatæ perennitatis acquirat. Per.

PRÆFATIO.

Vere dignum, & iustum est, æquum & salutare, Nos tibi semper, & vbique gratias agere, Domine, sancte, Pater omnipotens, æternæ Deus: per Christum Dominum nostrum, Per quem nobis indulgentia largitur, & pax per omne sæculum prædicatur: traditur cunctis credentibus disciplina, vt sanctificatos nos possit dies venturus excipere. Et ideo cum Angelis.

BENEDICTIO.

Benedicat vobis omnipotens Deus, cui & ieiuniorum maceratione, & præsentium dierum obseruatione placere studetis. Amē. Concedatque vobis, vt sicut ei cum ramis palmarum cætarumve frondium præsentari studuistis, ita cum palmâ victoriæ, & fructu bonorum operum post obitum apparere valeatis. Amen. Quique Vnigeniti filij eius passionem puro corde creditis, mente deuotâ venerari studetis, ad resurrectionis eius festa, & vestræ remunerationis præmia ipsius fulcimurimur veniatis. Amen. Quod ipse præstare dignetur.

AD COMPLENDVM.

Præsta nobis omnipotēs Deus, vt quia vitis subiacet nostra mortalitas, tua nos medicina purificet, & potentia tueatur. Per.

SVPER POPVLVM.

Da misericors Deus, vt quod in tui Filij passione mundus exercuit, salutare nobis fideliter sentiamus. Per.

FERIA II. POST PALMAS.

DA, quæsumus, omnipotens Deus, vt qui in tot aduersis ex nostra infirmitate deficimus, intercedente Vnigeniti Filij tui passione respiremus. Qui tecum, &c.

A L I A.

Reminiscere miserationū tuarum, Domine, & famulos tuos æterna protectione sanctifica: pro quibus Iesus Christus filius tuus per suum cruorem nobis instituit Paschale mysterium. Qui tecum viuit, &c.

SUPER OBLATA.

Hæc sacrificia nos omnipotens Deus, potenti virtute mundatos ad suum faciant puriores venire principium. Per Dominum.

PRÆFATIO.

Vere dignum, & iustum est, æquum & salutare, Nos tibi semper, & ubique gratias agere, Domine sancte, Pater omnipotens, æterne Deus; per Christum Dominum nostrum: Cuius nos humanitas colligit, humilitas erigit, traditio absoluit, poena redemit, crux saluificat, sanguis emaculat, caro saginat. Per quem, Te summe Pater cum ieiuniorum obsequiis obsecramus, ut ad eius celebrandam passionem purificatis mentibus accedamus. Per quem.

AD COMPLENDVM.

Præbeant nobis, Domine, diuinum tua sancta feruorem: quo eorum pariter & actu delectemur & fructu. Per Dominum nostrum.

SUPER POPVLVM.

Adiuua nos Deus salutaris noster, & ad beneficia recolenda, quibus nos instaurare dignatus

es, tribue venire gaudentes. Per Dominum nostrum.

FERIA III. POST PALMAS.

OMnipotēs sempiterne Deus, da nobis ita Dominicæ passionis sacramenta peragere, ut indulgentiam percipere mereamur. Per eundem.

A L I A.

Omnipotens sempiterne Deus, qui Christi tui beatâ passione nos reparas; conserua in nobis opera misericordiæ tuæ, ut in huius celebritate mysterij perpetuâ deuotione viuamus. Per.

SUPER OBLATA.

Sacrificia nos, quæsumus, Domine, propensius ista restaurent, quæ medicinalibus sunt instituta ieiunijs. Per Dominum nostrum.

PRÆFATIO.

Vere dignum & iustum est, æquum & salutare, Nos tibi semper & ubique gratias agere, Domine sancte, Pater omnipotens, æterne Deus, per Christum Dominum nostrum: Cuius salutiferæ passionis, & gloriosæ Resurrectionis dies appropinquare noscuntur. In quibus & antiqui hostis superbia triumphatur, & nostræ Redemptionis mysterium celebratur. Vnde poscimus tuam immensam clementiam, ut sicut in eo solo consistit totius nostræ saluationis summa, ita per eum tibi

fit ieiuniorum & actuum nostrorum semper victima grata. Per quem.

AD COMPLENDVM.

Repleti, Domine, sacris muneris gratia, supplices exoramus, ut quæ gustu corporeo dulci veneratione contingimus, dulciora mentibus sentiamus. Per Dominum nostrum.

SVPER POPVLVM.

Tua, nos misericordia, Deus & omni subreptione vetustatis expurget, & capaces sanctæ nouitatis efficiat. Per Dominum, &c.

FERIA IIII.

Hora tertia Pontifex cum Clero, & ordine suo procedit ad Altare in Ecclesia maiore: & dicit Orationes solemnes hoc ordine: OREMVS. Et Diaconus: FLECTAMVS GENVA. Postquam orauerint, dicit, LEVATE. Et Pontifex dat orationem.

DEus à quo, & Iudas reatus sui poenam, & confessionis suæ latro præmium sumpsit, concede nobis tuæ propitiationis effectum, ut sicut in passione sua Iesus Christus Dominus noster diuersa vtrisque intulit stipendia meritorum, ita nobis, ablato vetustatis errore, resurrectionis suæ gratiam largiatur. Qui tecum, &c.

Post AMEN, sequitur, & dicit Orationes solemnes: tantummodo pro se intermittit. Alij vero Sacerdotes in suis Ecclesiis pro eo dicunt. Et cum in ceteris flectant genua, pro Iudæis non flectant.

Oremus, Dilectissimi nobis pro Ecclesia sancta Dei, ut eam Deus, & Dominus noster pacificare, & custodire dignetur toto orbe terrarum, subijciens ei principatus & potestates, detque nobis quietam, & tranquillam vitam degentibus glorificare Deum Patrem omnipotentem.

OREMVS: *Dicit Diaconus, FLECTAMVS GENVA. Postquam orauerint, dicit, LEVATE.*

Omnipotens sempiterne Deus, qui gloriam tuam omnibus in Christo gentibus reuelasti, custodi opera misericordiæ tuæ, ut Ecclesia tua toto orbe diffusa, stabili fide in confessione tui nominis perseveret. Per eundem Dominum nostrum.

Oremus, Et pro beatissimo Papa nostro *Ill.* ut Deus, & Dominus noster, qui elegit eum in ordinem Episcopatus, saluum atque incolumem custodiat Ecclesiæ suæ sanctæ ad regendum populum sanctum Dei.

Oremus.

Omnipotens sempiterne Deus, cuius iudicio vniuersa fundantur, respice propitius ad preces no-

stras, & electum nobis Antistitem tua pietate conserua, vt Christiana plebs, quæ tali gubernatur Auctore, sub tanto Pontifice, credulitatis suæ meritis augeatur. Per Dominum nostrum Iesum Christum.

Oremus, & pro omnibus Episcopis, Presbyteris, Diaconibus, Acolythis Exorcistis Lectoribus, Ostiar iis, Confessoribus, Virgini- bus, Viduis, & pro omni populo sancto Dei.

Oremus.

Omnipotens sempiterne Deus, cuius spiritu totū corpus Ecclesiæ sanctificatur & regitur, exaudi nos pro vniuersis ordinibus supplican- tes, vt gratiæ tuæ munere ab om- nibus tibi gradibus fideliter ser- uiatur. Per eundem Dominum.

Oremus & pro Christianissimo Rege nostro *Ill.* vt Deus, & Domi- nus noster subditas illi faciat om- nes barbaras nationes, ad no- stram perpetuam pacem.

Oremus.

Omnipotens sempiterne Deus, in cuius manu sunt omnium pote- states, & omnia iura regnorum, respice ad Romanū, atque Fran- corum benignus Imperium, vt gentes, quæ in sua feritate confi- dunt, potentiæ tuæ dexterâ com- primantur. Per.

Oremus & pro Catechumenis nostris, vt & Deus & Dominus noster adaperiat aures præcordio- rum ipsorum, ianuamque miseri-

cordiæ, vt per lauacrum regene- rationis, acceptâ remissione om- nium peccatorum, & i psi inue- niantur in Christo Iesu Domino nostro.

Oremus.

Omnipotens sempiterne Deus, qui Ecclesiam tuam nouâ semper prole fœcundas, auge fidem, & intellectum Catechumenis no- stris, vt renati fonte baptismatis, adoptionis tuæ filiis aggregentur. Per.

Oremus, Dilectissimi nobis, Deum Patrem omnipotentem, vt cunctis mundum purget errori- bus, morbos auferat, famem de- pellat, aperiat carceres, vincula dissoluat, peregrinantibus redi- tum, infirmantibus sanitatem, na- uigantibus portum salutis indul- geat.

Oremus.

Omnipotens sempiterne Deus, mœstorum consolatio, laboran- tium fortitudo, perueniant ad te preces de quacumque tribulatio- ne clamantium, vt omnes sibi in necessitatibus suis misericordiam tuam gaudeant affuisse. Per.

Oremus & pro hæreticis atque schismaticis, vt Deus ac Dominus noster eruat eos ab erroribus vni- uersis, & ad sanctam matrem Ecclesiam Catholicam atque A- postolicam reuocare dignetur.

Oremus.

Omnipotens sempiterne Deus, qui saluas omnes, & neminem vis

perire respice ad animas diaboli-
câ fraude deceptas, vt, omni hæ-
reticâ prauitate depositâ, erran-
tium corda resipiscant, & ad veri-
tatis tuæ redeant vnitatem. Per
Dominum nostrum.

Oremus & pro perfidis Iudæis,
vt Deus, & Dominus noster aufe-
rat velamen de cordibus eorum,
vt & ipsi agnoscant Iesum Chri-
stum Dominum nostrum.

Oremus.

Omnipotens sempiterne Deus,
qui etiam Iudaicam perfidiam à
tua misericordia non repellis, ex-
audi preces nostras, quas pro il-
lius populi obcæcatione deferi-
mus, vt agnitâ veritatis tuæ luce,
quæ Christus est, à suis tenebris
eruantur. Per eundem Dominum
nostrum.

Oremus & pro paganis, vt Deus
omnipotens auferat iniquitatem à
cordibus eorum, & relictis idolis
suis conuertantur ad Deum viuum
& verum, & vnicum filium eius
Iesum Christum Deum & Domi-
num nostrum, cum quo viuit &
regnat cum Spiritu sancto Deus,
per omnia sæcula sæculorum.

Oremus.

Omnipotens sempiterne Deus,
qui non mortem peccatorum, sed
vitam semper inquiris, suscipe
propitius orationem nostram, &
libera eos ab idolorum cultura, &
aggrega Ecclesiæ tuæ sanctæ ad
laudem & gloriam nominis tui.
Per.

*Quibus expletis, osculatur Altare,
& egreditur. Postea vero hora
vij. ingrediuntur ad Missam hoc
ordine: Dicit Schola Antiphonam
ad Introitum Quasi finita, dat ora-
tionem Pontifex.*

Præsta, quæsumus, omnipotens
Deus, vt qui nostris excessibus in-
cessanter affligimur, per Vnigeni-
ti tui passionem liberemur. Qui,
&c.

*Deinde legitur Lectio vna. Sequitur
Resp. Postea dicatur altera
Oratio.*

Deus, qui pro nobis Filium tuum
crucis patibulum subire voluisti,
vt inimici à nobis expelleres pote-
statem; concede nobis famulis
tuis, vt Resurrectionis gratiam
consequamur. Per eundem.

SEQUITUR ALTERA LECTIO,
ET POSTEA RESPONSORIUM,
DOMINE EXAUDI. CVM SVIS
VERSIBVS QVINQVE. DEINDE
PRONVTIATVR A DIACONO,
PASSIO DOMINI NOSTRI
IESV CHRISTI SECVDVM
LVCAM. QVA PERLECTA EX-
PLETVR MISSA ORDINE SVO.

SUPER OBLATA.

Suscipe, quæsumus, Domine,
munus oblatum, & dignanter o-
perare, vt quod passionis Filij tui
Domini nostri mysterio geri-
mus, piis effectibus consequamur.
Per eundem, &c.

PRÆFATIO.

Vere dignum, & iustum est, æquum & salutare, Nos tibi semper, & ubique gratias agere, Domine sancte, Pater omnipotens, æterne Deus: per Christum Dominum nostrum. Qui innocens pro impiis voluit pati, & pro sceleratis indebitè condemnari. Cuius mors delicta nostra deterfit, & resurrectio iustificationem nobis exhibuit. Per quem tuam pietatem supplices exoramus, ut sic nos hodie à peccatis emacules, ut cras venerabilis cœnæ dapibus saties: Hodie acceptes confessionem nostrorum peccaminum, & cras tribuas spiritualium incrementa donorum: Hodie ieiuniorum nostrorum vota suscipias, & cras nos ad sacratissimæ cœnæ conuiuium introducas. Per quem, &c.

BENEDICTIO.

Omnipotens Deus qui Vnigeniti sui Passione tribuit vobis humilitatis exemplum, concedat vobis per eandem humilitatem percipere suæ benedictionis ineffabile donum. Amen. Ipsius Resurrectionis percipiatis consortia, cuius patientiæ veneramini documenta. Amen. Quò ab eo sempiternæ vitæ munus percipiatis, per cuius temporalem mortem, æternam vos euadere creditis. Amen. Quod ipse præstare dignetur.

AD COMPLENDVM.

Largire sensibus nostris, omni-

potens Deus, ut per temporalem Filij tui mortem, quam mysteria veneranda testantur, vitam te nobis dedisse perpetuam confidamus. Per eundem.

SUPER POPVLVM.

Respice, Domine, quæsumus, super hanc familiam tuam, pro qua Dominus noster Iesus Christus non dubitauit manibus tradi nocentium, & crucis subire tormentum. Qui tecum viuit, &c.

FERIA V.

Inde Hora tertia ingressi sacrarium, induunt dalmaticas, tam Pontifex, quam omnes Diaconi, vel omnia ornamenta, sedente Pontifice in sella sua: & preparantur ampullæ duæ cum oleo, quarum melior defertur Pontifici, ut accepto balsamo, & commiscitato cum oleo, manu sua impleat eam. Illam vero aliam ministri retineant plenam. Et Pontifex lotis manibus, procedit cum septem cereostatis ad Missam. Dicta Antiphona ad introitum, dicit, Gloria in excelsis Deo. Quo finito, dicit, Pax vobis, Et dat orationem hanc. Et cetera omnia sicut in alia solemni Missa.

DEus, à quo & Iudas reatus sui poenam, & confessionis suæ Latro præmium sumpsit, concede nobis tuæ propitiationis effectum,

fectum: ut sicut in passione sua Iesus Christus Dominus noster diuersa vtrisque intulit stipendia meritorum, ita nobis, ablato vultus errore, Resurrectionis suae gratiam largiatur.

*Tunc legitur Epistola, & sequitur
Resp. gradale & tractum, ac
deinde Euangelium: quod
lecto, peragitur Missa
ordine suo.*

SVPER OBLATA.

Ipse tibi, quæsumus, Domine, sancte Pater omnipotens, Deus, sacrificium nostrum reddat acceptum, qui discipulis suis in sui commemorationem hoc fieri hodiernâ traditione monstravit Iesus Christus Dominus noster.

PRÆFATIO.

Vere dignum, & iustum est, æquum & salutare, Nos tibi semper & ubique gratias agere, Domine sancte, Pater omnipotens, æterne Deus, per Christum Dominum nostrum: Quem in hac nocte inter sacras epulas increpantem mens sibi conscia traditoris ferre non potuit, sed, Apostolorum relicto consortio, sanguinis pretium à Iudæis accepit ut vitam perderet quam distraxit. Coenauit igitur hodie proditor mortem suam, & cruentis manibus panem de manu Saluatoris exiturus accepit, ut saginatum cibo maior poena constringeret, quem nec sacrati cibi

conlatio ab scelere reuocaret. Patitur itaque Dominus noster Iesus Christus filius tuus cum hoste nouissimum participare conuiuium, à quo se nouerat continuo esse tradendum, ut exemplum innocentiae mundo relinqueret, & passionem suam pro sæculi redemptione suppleret. Patitur mitis Deus immitem Iudam, & sustinet pius crudelem conuiuiam, qui merito laqueo suo periturus erat, quia de Magistri sanguine cogitabat. O Dominum per omnia patientem! O Agnum inter suas epulas mitem! Cibus eius Iudas in ore ferebat, & quibus eum traderet persecutores aduocabat. Sed Filius tuus Dominus noster, tamquam pia Hostia, & immolari se tibi pro nobis patienter permisit, & peccatum, quod mundus commiserat, relaxauit. Quæsumus igitur, ut qui pro salute nostra se tradi permisit, ipse nos suæ gratiæ dono locupletet: Et qui per buccellam panis suum prodidit traditorem, ipse nos sui panis perceptione faciat sibi inherere: Quique discipulorum pedes eluere dignatus est hodie, ipse nos ab omnibus delictis emaculet, & coetui fidelium discipulorum ad societ. Per quem, Maiestatem, &c.

TE IGITUR CLEMENTISSIME PATER, &c.

Communicantes, & diem sacratissimum celebrantes, quo

Dominus noster Iesus Christus pro nobis est traditus. Sed & memoriam, &c.

Hanc igitur oblationem seruitutis nostræ, sed & cunctæ familiæ tuæ, quam tibi offerimus, ob diē, in qua Dominus noster Iesus Christus tradidit discipulis suis corporis & sanguinis sui mysteria celebranda; quæsumus, Domine, ut placatus, &c.

Qui pridie quàm pro nostra omnium salute pateretur, hoc est, hodie, accepit panem in sanctas ac venerabiles manus suas.

Tunc offertur Pontifici oleum, & benedicit eum, tam ipse, quàm omnes Presbyteri ad vngendum infirmum, his verbis:

Emitte, Domine, Spiritum sanctum tuum paraclitum, de cælis in hanc pinguedinem oliuæ, quā de viridi ligno producere dignatus es ad refectionem corporis, ut tua sancta benedictione sit omni hoc vnguentum tangenti tutamentum mentis & corporis, ad euacuandos omnes dolores, omnesque infirmitates, omnem ægritudinem corporis. Vnde vnixisti Sacerdotes, Reges, Prophetas, & Martyres, chrisma tuum perfectum, Domine, à te benedictum in nomine Domini nostri Iesu Christi.

Per quem hæc omnia, Domine, semper bona creas: Sa⁺ctificas,

uiu⁺ificas, be⁺nedicis, & præstas nobis.

Per ipsum, & cum ipso, & in ipso est tibi Deo Patri omnipotenti in vnitatem Spiritus sancti, omnis honor & gloria.

Per omnia sæcula sæculorum. Amen.

Oremus, Præceptis salutaribus moniti, & Diuina institutione formati, audemus dicere: Pater noster, qui es in cælis, sancti ficitur nomen tuum.

Sed libera nos à malo.

Libera nos, quæsumus, Domine, ab omnibus malis, præteritis, præsentibus, & futuris: & intercedente beata, & gloriosa semper Virgine Dei genitrice Maria, & beatis Apostolis tuis, Petro, & Paulo, atque Andræa, & omnibus sanctis, da propitius pacem in diebus nostris, ut ope misericordiæ tuæ adiuti, & à peccato, simus sæper liberi, & ab omni perturbatione securi. Per Dominum nostrum.

BENEDICTIO.

Benedicat vos Deus, qui per Vnigeniti filij sui passionem vetus Pascha in nouum voluit conuerti; concedatque vobis ut expurgato veteris fermenti contagio, noua in vobis perseveret conspersio. Amē. Et quia ad celebrandam Redemptoris Coenam mente deuotâ conuenistis, æternarum dapum vobiscum epulas reportetis. Amē. Ipsius quoque opitulante clementiâ mundemini à sordibus pecca-

torum, qui ad insinuandum humilitatis exemplum pedes voluit lauare discipulorum. Amen. Quod ipse præstare dignetur, cuius regnū & imperium sine fine permanet in sæcula sæculorum. Amen. Benedictio Dei Patris, & Filij & Spiritus sancti, & pax Domini sit semper vobiscum. Et cum spiritu tuo.

Tunc communicat solus Episcopus, & Diaconus offert ei calicem, illo tantummodo die. Postquam communicauerit, ponit calicem super Altare, deinde acceptam à Subdiacono patenam, ponit iuxta calicem de latere sinistro: & statim cooperitur à duobus Diaconibus utrumque de sindone munda, quam prius præparauerant in ora Altaris, è regione Pontificis post corporale expansam: Et continuo duo Acolythi inuolutas ampullas cum sindone alba serica, ita ut videri possint à medio, tenent in brachio sinistro, proiectis sindonibus super scapulam sinistram, ita ut pertingant scapulam dextram, quatenus possint dependenti retineri. A quibus sub humero stantibus, venit Subdiaconus & accipit ampullam commixtam, una cum sindone, & dat eam Archidiacono, & ille defert Pontifici ante sedē. Tūc Pontifex stās in sede, & respiciens ad orientē, Archidiacono tenēte ante ipsū ampullā in sinistro brachio reuoluta sindone, ut supra præfiximus, & halat in ipsa ampulla, & intrat in consecratione chris-matis excelsa voce:

Dominus vobiscum: Et cum spiritu tuo. Sursum corda: Habemus ad Dominum. Gratias agamus Domino Deo nostro: Dignum & iustum est.

Vere dignum, & iustum est, æquum & salutare, Nos tibi semper, & vbique gratias agere, Domine sancte, Pater omnipotens, æterne Deus, Qui in principio inter cetera bonitatis, & pietatis tuæ munera, terram producere fructifera ligna iussisti, inter quæ huius pinguiissimi liquoris ministræ oleæ nascerentur: quarū fructus sacro chris-mati deseruiret. Nam & Dauid prophético spiritu gratiæ tuæ sacramenta prænotens, vultus nostros in oleo exhilarandos esse cantauit. Et cum mundi crimina diluuiū quondam expiarentur effuso, similitudinem futuri muneris columba demonstrans, per oliuæ ramum pacem tetrīs redditam nunciauit. Quod in nouissimis temporibus, manifestis est effectibus declaratum, cum baptismatis aquis omnium criminum commissa delentibus, hæc olei vnctio vultus nostros iucundos efficit ac serenos. Inde etiam Moyse famulo tuo mandatum dedisti, ut Aaron fratrem suum prius aquā lotum, per infusionem huius vnguenti constitueret Sacerdotem. Accessit ad hoc amplior honor, cum filius tuus Iesus Christus Dominus noster lauari se à Ioanne vndis Iordanicis exegisset, ut,

Spiritu sancto in Columbæ similitudinem de super misso, Unigenitum tuum, in quo tibi optimè cōplacuisse, testimonio subsequētis vocis ostenderes: & hoc illud esse manifestissimè comprobares, quòd cum oleo lætitiæ præ confortibus suis vnguendum David propheta cecinisset. Te igitur deprecamur Domine sancte, Pater omnipotens, æterne Deus, per eundem Iesum Christum filium tuum Dominum nostrum, vt huius creaturæ pinguedinem sanctificare tua benedictione digneris, & sancti Spiritus ei admiscere virtutem, cooperante potentia Christi tui, à cuius sancto nomine Chrisma nomen accepit: vnde vnixisti Sacerdotes, Reges, Prophetas, & Martyres, vt spiritalis lauacri baptismo renouandis, creaturam chrismatis in sacramentum perfectæ salutis vitæque confirmes: vt sanctificatione vñctionis infusâ, corruptione primæ natiuitatis absorptâ, sanctum vniuscuiusque templum acceptabilis vitæ, innocens odore redolenscat: vt secundum constitutionis tuæ sacramentum Regio, & sacerdotali, Propheticoque honore perfusi, vestimento incorrupti muneris induantur: vt sit, his qui renati fuerint ex aqua, & Spiritu sancto, Chrisma salutis, eoque æternæ vitæ participes, & cælestis gloriæ facias esse consores. Per eundem Dominum.

Qua expleta, benedicit ampullam ordine quo supra declaratum est: & similiter halat in ipsa, sed tacitè ipsam benedicat.

Dominus vobiscum: Et cum spiritu tuo.

Oremus.

Deus, incrementorum, & perfectuum spiritalium, qui virtute sancti Spiritus tui, imbecillarum mentium rudimenta confirmas, te oramus Domine, vt venturis ad beatæ regenerationis lauacrum tribuas per vñctionem istius creaturæ purgationem mentis, & corporis, vt, si quæ illis aduersantium spirituum maculæ inhæserunt, ad tactum sanctificati olei huius abscedant. Nullus spiritalibus nequitis locus: nulla refugis virtutibus sit facultas: nulla insidiantibus malis latendi licentia relinquatur; sed venientibus ad fidem seruis tuis, & sancti Spiritus tui operatione mundandis sit vñctionis huius præparatio utilis ad salutem: quam etiam cælestis regenerationis natiuitate in sacramento sunt baptismatis adepturi. Per Dominum nostrum. Qui venturus est iudicare viuos & mortuos & sæculum per ignem.

Ampulla autem, qua cum chrismate est, statim, vt benedicta fuerit, cooperitur, vt à nemine videatur; sed tenente eam Acolyto, omnes eam per ordinem salutent: nam Episcopus, & diaconi omnes eam

nudam saluant. Hoc expleto, ablutis manibus, Pontifex vadit ante Altare, & communicat omnis populus in ordine suo, & seruant de ipso sacrificio in crastinum, unde communicent.

AD COMPLENDVM.

Refecti vitalibus alimentis, quaesumus, Domine Deus noster, ut quod tempore nostrae mortalitatis exequimur, immortalitatis tue munere consequamur. Per Dominum nostrum.

FERIA VI.

Horæ tertiae conueniant omnes Presbyteri tam ciuitatis, quam de suburbanis, & omnis Clerus cum populo in Ecclesia statuta intra Urbem, non tamen in maiori Ecclesia, & expectant Pontificem, vel qui vicem illius tenuerit. Qui dum veniens de Sacratio, processerit ante Altare, ad orandum ordine quo in sacramentario continetur, mox ut surrexerit, cum silentio ascendit ad sedem. Quo sedente statim Subdiaconus ascendit ad legendum. Et post hac ad cantatur Canticum, Domine audiui, deinde, sequitur altera lectio: post quam, sequitur Tractus Deus laudem meam. Quo finito, legitur, Passio Domini nostri Iesu Christi secundum Ioannem.

Hac expleta, venit Pontifex ante Altare, & dicit:

Oremus, Dilectissimi nobis pro

Ecclesia sancta Dei, &c. Sicut in quarta feria habentur. genua. Quas ut finierit, statim duo Diaconi nudant Altare sindone, quae prius fuerat sub Euangelio posita, & ista omnia tacite: & exeunt foras, Presbyteri vero Ecclesiarum, siue de Urbis, siue de suburbanis vadunt per Ecclesias suas, ut hoc ordine cuncta ad Vesperum faciant. Hoc tantum mutantes, ut ubi Pontifex meminit Apostolicum, ipsi nominent Episcopum suum. Ad Vesperum vero tam in Ecclesia, in qua Pontifex dicit orationes, quam in ceteris Presbyterorum, post orationes praeparatur Crux ante Altare, interposito spatio inter ipsam & Altare, sustentata hinc inde à duobus Acolythis. Posito ante eam Oratorio, venit Pontifex, adoratum deosculatur Crucem. Deinde Episcopi, Presbyteri, Diaconi, & ceteri per ordinem, deinde populus; Pontifex vero redit in sedem usque dum omnes saluent: Presbyteri vero duo priores, mox ut salutauerint, intrant in sacrarium, vel ubi positum fuerit corpus Domini, quod pridie remansit, ponentes illud in patena, & Subdiaconus teneat ante ipsos calicem cum vino non consecrato, & alter patenam cum corpore Domini. Quibus tenentibus, accipit unus Presbyter patenam, & alter calicem, & deferunt super Altare nudatum. Pontifex vero sedet dum persal-

*tet populus Crucem: nam salutan-
te Pontifice, vel populo Crucem,
canitur semper Antiphona:*

*Ecce lignum crucis, Dicitur, Psal-
mus 118. Qua salutata, & reposita
in loco suo, descendit Pontifex ante
altare, & dicit: Oremus.*

*Præceptis salutaribus moniti; us-
que dum: Et ab omni perturbatio-
ne securi, &c. Cum dixerint Amen,
sumit de sancta, & ponit in calicem
nihil dicens. Et communicant omnes
cum silentio, & expleta sunt uniuersa.
Aferia V. Vesperenuda sint Alta-
ria usque mane sabbati.*

SABBATO HORA VIII.

*Veniunt omnes tam clerus, quam
populus in Ecclesiam, & ingrediun-
tur clerici in Sacrarium, & induunt
se vestimentis, sicut mos est, & tunc il-
luminantur duo cerei, quos tenent
duo notarij, unus in dextro cornu
Altaris, & alter in sinistro, & ascen-
dit lector in ambonem pronuncians:*

LECTIO LIBRI GENESIS.

*In Principio. Similiter & illas le-
ctiones omnes: ante (In principio)
non dicit orationem. Prima lectio-
ne finita, dicit hanc orationem.*

*Deus, qui mirabiliter creasti
hominem, & mirabilius redemi-
sti, da nobis contra oblectamen-
ta peccati, mentis ratione persi-
stere, ut mereamur ad gaudia æ-
ternæ peruenire. Per.*

LECTIO LIBRI GENESIS.

Tentauit Deus Abraham.

Deus, qui in Abrahamæ famuli

*tui opere, humano generi obe-
dientiæ exempla præbuiisti, con-
cede nobis, & nostræ voluntatis
prauitatem frangere, & tuorum
præceptorum rectitudinē in om-
nibus adimplere. Per.*

LECTIO LIBRI EXODI.

*Dixit Dominus ad Moysen
& Aaron in terra.*

*Deus, qui peccati veteris here-
ditariam mortem, in qua posteri-
tatis genus omne successerat,
Christi tui Domini nostri passione
soluisti, da ut conformes eidem
facti, sicut imaginem terreni, na-
turæ necessitate portauimus, ita
imaginem cœlestis, gratiæ sancti-
ficatione portemus Christi Do-
mini nostri. Qui tecum uiuit.*

LECTIO LIBRI EXODI.

Factum est in vigilia matutina.

Canticum: Cantemus.

*Deus, cuius antiqua miracula in
præsenti quoque sæculo coruscare
scimus, præsta, quæsumus, ut sicut
priorem populum ab Ægyptiis li-
berasti, hoc ad salutem Gentiū per
aquas baptismatis opereris. Per.*

LECT. ISAIAE PROPHETÆ.

Hæc hereditas.

*Deus, qui Ecclesiam tuam sem-
per gentium vocatione multipli-
cas; concede propitius, ut quos a-
quâ baptismatis abluis continuâ
protectione tuearis. Per.*

LECTIO ISAIAE PROPHETÆ.

*Apprehendent septem mulieres
virum vnum. Canticum: Vineæ.*

Deus, qui nos ad celebrandum

Paschale sacramentum, vtriusque testamenti paginis instruis, da nobis intelligere misericordiam tuam ut ex perceptione presentium, firma sit expectatio futurorum. Per.

LECTIO IONÆ PROPHETÆ

Factum est Verbum Domini ad.

Deus, qui diuitias misericordiarum in hac præcipue nocte largiris, propitiare vniuerso ordini sacerdotalis officij, & omnes gradus famulatus nostri perfecta delictorum remissione sanctifica, ut ministraturos regeneratrici gratiæ tuæ, nulli esse obnoxios patiaris offensæ. Per.

LECTIO ISAIAE PROPHETÆ

Hæc dicit Dominus In die illa radix Iesse.

Concede, quæsumus, omnipotens Deus, ut qui festa Paschalia agimus, coelestibus desideriis accēsi, fontē vitæ sitiamus. Per. Tract. Sicut ceruus desiderat ad fontes.

ALIA ORATIO, IN eodem Psalmo.

Omnipotens sempiterne Deus, respice propitius ad deuotionem populi renascentis, qui, sicut ceruus, aquarum tuarum expetit fontem: & concede propitius, ut fidei ipsius sitis, baptismatis mysterio, animam corpusque sanctificet. Per Dominum nostrum.

Expletis lectionibus, statim venit vnus ministrorum tenens ampullas in manibus suis, stat in dextro cornu Altaris, qui precedat Pontificem ad fontes. Tunc deinde Scho-

la descendit ad fontes ad Letaniā faciendam, expectantes parati Pontificem. Secundus vero Scholæ tenet vas aureum in manu sua sinistra super planetam, unde Pontifex mittat chrisma in fontem, & iussi faciunt Letaniam septenam: & cum iam prope finem eius fuerint, tunc procedit Pontifex cum omni decore, sustentatus à duobus Diaconibus: Et illa duo cereostata, quæ antea fuerant inluminata, semper ante ipsum procedunt & sequuntur dum omnia finierit. Qui mox, ut venerit ante fonte, stans benedicit fontes, dicens ea voce, quæ alias orationes. Et prima oratio à Dominus vobiscum, incipit: & finitur, Per omnia sæcula sæculorum, sicut alia oratio ad Missam. Dominus Vobiscum. Resp. Et cum spiritu tuo. Oremus.

Omnipotens sempiterne Deus, adesto magnæ pietatis tuæ mysteriis, adesto sacramētis, & ad creādos nouos populos, quos tibi fons baptismatis parturit, spiritum adoptionis emitte, ut quod nostræ humilitatis gerendum est ministerio, tuæ virtutis impleatur effectum. Per Dominum.

Consecratio fontis canitur sicut Prefatio, usque & Spiritus sancti, & non incipit à Vere dignum. Deinde dicitur decantando.

Deus, qui inuisibili potentia sacramentorum tuorum, mirabiliter operaris effectum: & licet nos tantis mysteriis exequendis simus

indigni, tu tamen gratiæ tuæ dona non deferens, etiam ad nostras preces aures tuæ pietatis inclinas. Deus, cuius Spiritus super aquas inter ipsa mundi primordia ferebatur, ut iam tunc virtutem sanctificationis aquarum natura conciperet; Deus, qui nocentis mundi crimina per aquas abluens, regenerationis speciem in ipsa diluuij effusione signasti, ut vnius eiusdemque clementi mysterio, & finis esset vitiiis, & origo virtutibus; Respice Domine in faciem Ecclesiæ tuæ, & multiplica in ea regenerationes tuas, qui gratiæ tuæ affluentis impetu, lætificas ciuitatem tuam, fontemque baptismatis aperis, toto orbe terrarum gentibus innouandis, ut tuæ Maiestatis imperio, sumat Unigeniti tui gratiam de Spiritu sancto.

HIC CVM MANV SVA ✠
diuidit aquam in modum
Crucis.

Qui hanc aquam regenerandis hominibus præparatam, arcana sui luminis admixtione fecundet, ut sanctificatione concepta, ab immaculato diuini fontis utero in nouam renata creaturam progenies coelestis emergat. Et quos aut sexus in corpore, aut ætas discernit in tempore, omnes in vnam pariat gratia mater infantiam. Procul ergo hinc, iubente Te Domine, omnis spiritus immundus abscedat, procul tota nequitia diabolicæ fraudis absistat.

Nihil hîc loci habeat contrariæ virtutis admixtio; non insidiando circumuolet, non latendo subripiat, non inficiendo corumpat. Sit hæc sancta & innocens creatura libera ab omni impugnatoris incurſu, & totius nequitie purgata discessu, sit fons viuus, aqua regenerans, vnda purificans, ut omnes hoc lauacro salutifero diluendi, operante in eis Spiritu sancto, perfectæ purgationis indulgentiam consequantur.

Vn ✠ de benedico te creatura aqu ✠ æ, per Deum viuum ✠ m, per Deum sanctum qui te in mundi creatione principio Verbo separauit ab arida, cuius Spiritus super te ferebatur, qui te de paradiso manare, & in quatuor fluminibus totâ terram rigare præcepit: qui te in deserto amaram, suauitate inditâ, fecit esse potabilem, & sitienti populo de petra produxit. Be ✠ nedico te & per Iesum Christum filium eius vnicum Dominum nostrum, qui te in Cana Galilææ, signo admirabili sua potentia conuertit in vinum, qui pedibus super te ambulauit, & à Ioanne in Iordane in te baptizatus est. Qui te vna cum sanguine suo de latere produxit, & discipulis suis iussit, ut credentes baptizarentur in te, dicens: Ite, docete omnes gentes, baptizantes eos, In nomine ✠ Patris, & Filij ✠ & Spiritus sancti.

HIC

HIC MUTAT VOCEM

Quasi lectionem legens.

Hæc nobis præcepta seruanti-
bus, Tu Deus omnipotens, cle-
mens adesto, tu benignus aspira,
tu has simplices aquas tuo ore be-
nedicito, vt præter naturalem e-
mundationem, quam lauandis
possunt adhibere corporibus, sint
etiam purificandis mentibus effi-
caces.

*Et mittuntur prædicti duo Cerei in-
tus in baptisterio. Hic sufflat
tribus vicibus in aquam.*

Descendat, Domine, in hanc
plenitudinem fontis, virtus Spiri-
tus tui: totamque huius aquæ sub-
stantiam, regenerandi foecundet
effectu. Hic omnium peccatorum
maculæ deleantur, hinc natura ad
imaginem tuam condita, & ad
honorem sui reformata principij,
vetustatis cunctis squaloribus e-
mundetur, vt omnis homo hoc
sacramentum regenerationis in-
gressus, in veræ innocentiae no-
uam infantiam renascatur. Per
Dominum nostrum Iesum Chri-
stum filium tuum: Qui venturus
est iudicare viuos, & mortuos, &
sæculum per ignem.

*Inde accipiens vas aureum cum chris-
mate, fundit chrismam in fonte, in
modum crucis, & expandit aquam
cum manu sua. Tunc baptizan-
tur infantes, primùm masculi, de-
inde femina: Et tenente eo infan-
tem, à quo suscipiendus est, inter-*

rogat Pontifex, vel Sacerdos ita:
Quis vocaris? Resp. Ill. Item in-
terrogat Sacerdos: Credis in
Deum Patrem omnipotentem,
creatorem cœli & terræ? Resp.
Credo. Interrogat: Et in Iesum
Christum filium eius vnicum
Dominum nostrum, natum &
passum? Resp. Credo. Interro-
gat: Credis & in Spiritum san-
ctum, sanctam Ecclesiam Ca-
tholicam, Sanctorum Commu-
nionem, remissionem peccato-
rum, carnis resurrectionem, vi-
tam æternam? Resp. Credo.
Interrogat: Vis baptizari? Resp.
Volo: Et dicit. Et ego baptizo
te in nomine Patris, & Filij, &
Spiritus sancti.

*Vt autem surrexerit à fonte, ille qui
eum suscipit, offerat eum uni pres-
bytero, qui faciat signum crucis de
chrismate cum pollice, in vertice
eius dicens.*

Deus omnipotens, Pater Do-
mini nostri Iesu Christi, qui te
regenerauit ex aqua, & Spiritu
sancto, quique dedit tibi remis-
sionem omnium peccatorum,
ipse te liniat chrismate salutis in
vitam æternam. Resp. Amen.

*Et baptizantur: & sunt parati, qui
eos suscepturi sunt, cum linteis in
manibus eorum & accipiunt ipsos
à presbyteris, qui eos baptizant:
Pontifex vero redit in sacrarium
expectans, vt cum vestiti fuerint
infantes, confirmet eos. Qui etiam
non prohibentur lactari ante sa-*

cram Communionem, si necesse fuerit. Induti vero, ordinantur per ordinem sicut scripti sunt. Et infantes quidem in brachiis dextris tenentur: maiores vero pedem ponunt super pedem patrini sui. Deinde Schola iussa facit Letaniam quinam ad fontes, Pontifex verò veniens ad infantes, tenente Archidiacono chrisma, inuolutis scapulis, & brachiis ex panno lineo, & leuata manu sua super capita omnium dicit.

Omnipotēs sempiternae Deus, qui regenerare dignatus es hos famulos tuos ex aqua, & Spiritu sancto, qui que dedisti eis remissionē omnium peccatorum, emitte in eos septiformem Spiritum tuum sanctum paracletum de coelis, Spiritum sapientiae, & intellectus, Spiritum consilij, & fortitudinis, Spiritum scientiae & pietatis: adimple eos Spiritu timoris tui, & cōsigna eos signo crucis in vitam propitiatus aeternam. Per Dominum nostrum Iesum Christum filium tuum, qui tecum uiuit, & regnat Deus in vnitate eiusdem Spiritus sancti. Per.

Et interrogantibus Diaconibus nomina singulorum, Pontifex tincto pollice in chrismate, facit crucem in fronte unius, similiter per omnes singillatim. Quibus expletis, iussi incipiunt in Ecclesia Letaniam ternam. Et cum dixerint, Agnus Dei, Magister Schola dicit, Ascendite: & inlumina-

tur Ecclesia, & procedit Pontifex de sacrario cum duobus cereostatis sicut superius, & stant, sicut antea, à dextris & à sinistris Altaris. Letania expleta, dicit Pontifex: Gloria in excelsis Deo. Quo finito, dicit, Pax vobiscum. Resp. Et cum spiritu tuo. Et dat orationem.

Deus, qui hanc sacratissimam noctem gloria Dominicæ Resurrectionis inlustras, conserua in noua familiae tuae progenie ad optionis spiritum, quem dedisti, ut corpore, & mente renouati, puram tibi exhibeant seruitutem. Per eundem Dominum nostrum Iesum Christum filium tuum, qui tecum uiuit, & regnat Deus in vnitate eiusdem Spiritus sancti. Per.

Deinde legitur Apostolus, & canitur alleluia. Quod primum Pontifex inchoat. Confitemi Domino. Tract. Laudate Dominū omnes gētes. Sequitur Euangelium. Non cantent Offertorium, neque Agnus Dei, neque Communionem.

SUPER OBLATA.

Suscipe, quæsumus, Domine, & plebis, tuæ, & tuorum Hostias renatorum, ut & confessione tui nominis, & baptismo renouati sempiternam beatitudinem consequantur. Per.

PRÆFATIO.

Vere dignum, & iustum est, æquum & salutare, Nos tibi semper, & ubique gratias agere, Do-

mine sancte, Pater omnipotens, æterne Deus: Te omni quidem tempore, sed in hac potissimum nocte gloriosius conlaudare, & prædicare per Christum Dominum nostrum: Qui inferorum claustra dirumpens, victoriæ suæ clara vexilla suscepit, & triumphato diabolo, victor à mortuis resurrexit. Et ideo cum Angelis.

TE IGITUR CLEMENTISSIME PATER, &c.

Communicantes, & noctem sacratissimam celebrantes Resurrectionis Domini nostri Iesu Christi secundum carnem. Sed & memoriam venerantes, in primis gloriosæ semper Virginis Mariæ, genitricis eiusdem Dei, & Domini nostri Iesu Christi, &c.

Hanc igitur oblationem seruitutis nostræ, sed & cunctæ familiæ tuæ, quam tibi offerimus, pro his quoque, quos regenerare dignatus es ex aqua & Spiritu sancto, tribuenseis remissionem omnium peccatorum, quæsumus, Domine, ut placatus accipias.

BENEDICTIO.

Deus, qui Ecclesiæ suæ intermerato utero novos populos produciens eam Virginitate manente nouâ semper prole fecundat, fidei, spei, & caritatis vos munere repleat, & suæ in vos benedictionis dona infundat. Amen. Et qui hanc sacratissimam noctem Redemptoris nostri Resurrectione voluit inlustrare, mentes vestras.

peccatorum tenebris mundatas virtutum copiis faciat coruscare. Amen. Quò eorum, qui modò renati sunt, innocentiam imitari certetis & vascula mentium vestrarum exemplo præsentium luminum inlustretis: ut cum bonorum operum lampadibus, ad eius sponsi thalamum cuius resurrectionem celebratis, cum prudentibus Virginibus intrare possitis. Amen. Quod ipse præstare dignetur, cuius regnum.

AD COMPLENDVM.

Præsta, quæsumus omnipotens Deus, ut diuino munere satiati, & sacris mysteriis innouemur & moribus. Per.

IN DIE SANCTO PASCHÆ.

DEus, qui hodiernâ die per Unigenitum tuum eternitatis nobis aditum, deuictâ morte, reserasti, vota nostra, quæ præueniendo aspiras, etiam adiuuando prosequere, Per eundem.

SUPER OBLATA.

Suscipe, Domine, quæsumus, preces populi tui cum oblationibus Hostiarum, ut paschalibus initiata mysteriis, ad eternitatis nobis medelam, Te operante, proficiant. Per.

PRÆFATIO.

Vere dignum, & iustum est, æquum & salutare, Nos tibi semper, & ubique gratias agere, Do-

mine sancte, Pater omnipotens, æterne Deus: Te quidem omni tempore, sed in hac potissimum die gloriosius prædicare, cum Pascha nostrum immolatus est Christus. Ipse enim verus est Agnus, qui abstulit peccata mundi. Qui mortem nostram moriendo destruxit, & vitam resurgendo reparavit. Et ideo cum Angelis.

Communicantes, & diem sacratissimum celebrantes, *ut supra similiter.*

Hanc igitur oblationem servitutis nostræ, Sed & cunctæ, &c.

BENEDICTIO.

Benedicat vos omnipotens Deus, hodiernâ interueniente Paschali solemnitate, & ab omni miserratus dignetur defendere prauitate. Amen. Et qui ad æternam vitam in Vnigeniti sui resurrectione vos reparat, in ipsius aduentu immortalitatis vos gaudiis vestiât, Amen. Et qui expletis ieiuniorum siue Passionis Dominicæ diebus, Paschalis festi gaudia celebratis, ad ea festa, quæ non sunt annua, sed continua, ipso opitulante exultantibus animis veniatis. Amen. Quod ipse præstare.

AD COMPLENDVM.

Spiritum nobis, Domine, tuæ caritatis infunde, vt quos sacramentis Paschalibus satiaſti, tua facias pietate concordēs. Per,

AD VESP.

Concede, quæsumus, omnipotens Deus, vt qui resurrectionis

Dominicæ solemnia colimus, in nouatione tui Spiritus, à morte animæ resurgamus. Per eundem Dominum nostrum Iesum Christum, filium tuum, qui tecum viuit, & regnat Deus in vnitate eiusdem Spiritus sancti, per omnia sæcula sæculorum.

AD FONTES.

Præsta, quæsumus, omnipotens Deus, vt qui resurrectionis Dominicæ solemnia colimus, ereptionis nostræ suscipere lætitiā mereamur. Per eundem.

ALIA.

Præsta, quæsumus, omnipotens Deus, vt qui gratiam Dominicæ resurrectionis agnouimus, ipsi per amorem Spiritus à morte animæ resurgamus. Per eundem.

ALIA.

Deus, qui Paschale nobis remedium contulisti, populum tuum coelesti dono prosequere, vt inde post in perpetuum gaudeat, vnde nunc temporaliter exultat. Per Dominum nostrum Iesum Christum.

FERIA II. IN ALBIS.

DEus, qui solemnitate Paschali mundo remedia contulisti, populum tuum, quæsumus, coelesti, dono prosequere, vt, & perfectam libertatem consequi mereatur, & ad vitam proficiat sempiternam. Per.

SVPER OBLATA.

Paschales Hostias recensentes, quæsumus, Domine, vt quod frequentamus actu, comprehendamus affectu. Per.

PRÆFATIO.

Vere dignum, & iustum est, æquum & salutare, Nos tibi semper, & vbiq; gratias agere, Domine sancte, Pater omnipotens, æterne Deus: Et te suppliciter exorare, vt fidelibus tuis dignanter impendas, quo & Paschalia capiant sacramenta, & desideranter expectent ventura, vt in mysteriis, quibus renati sunt, permanentes, ad nouam vitam his operantibus perducantur. Per Christum.

TE IGITVR, SICVT IN PASCHA.

BENEDICTIO.

Deus, qui pro vobis suscepit iniuriam Crucis, lætitiâ vos innouet suæ resurrectionis. Amen. Et qui pendenti secum in Cruce latroni omisit delictum, vos saluet à cunctis nexibus peccatorum. Amen. Vt Redemptionis vestræ mysteriū & dignè conseruetis in opere, & locupletius æterna perfruamini remuneratione. Amen. Quod ipse præstare dignetur.

AD COMPLENDVM

Impleatur in nobis, quæsumus, Domine, sacramenti Paschalis, sancta libatio, nosque de terrenis affectibus ad cœleste transferat institutum. Per.

AD VESP.

Concede, quæsumus, omnipo-

tens Deus, vt qui peccatorum nostrorum pondere premimur, à cunctis malis imminentibus, per hæc Paschalia festa liberemur. Per Dominum nostrum.

AD FONTES.

Concede, quæsumus, omnipotens Deus, vt festa Paschalia, quæ venerando colimus, etiâ viuendo teneamus. Per Dominum nostrum.

ALIA.

Deus, qui populum tuum de hostis callidi seruitute liberaisti, preces eius misericorditer respice, & aduersantes ei tua virtute prosterne. Per Dominum nostrum.

FERIA III. IN ALBIS.

Deus, qui Ecclesiam tuam nouo semper foetu multiplicas, concede famulis tuis, vt sacramentum viuendo teneant, quod fide perceperunt. Per.

SVPER OBLATA.

Suscipe, Domine, fidelium preces, cum oblationibus Hostiarum, vt per hæc piæ deuotionis officia, ad cœlestem gloriam transeamus. Per.

PRÆFATIO.

Vere dignum, & iustum est, æquum & salutare, Nos tibi semper, & vbiq; gratias agere, Domine sancte, Pater omnipotens, æterne Deus: per Christum Dominum nostrum. Qui oblatione sui cor-

poris, remotis sacrificiorum carnalium obseruationibus, seipsum tibi sacram Hostiam, Agnūque immaculatum summus Sacerdos pro salute nostra immolauit. Per quem.

TE IGITUR SICUT IN PASCHA.

BENEDICTIO.

Deus qui vos lauit aquā sui lateris, & redemit effusione cruoris, ipse in vobis confirmet gratiam adeptæ Redemptionis. Amen. Per quē renati estis ex aquā & Spiritu sancto, ipse vos cœlesti consociet regno Amen Quique dedit vobis initial sanctæ fidei, ipse conferat & perfectionem operis, & plenitudinem caritatis. Amen. Quod ipse præstare dignetur.

AD COMPLENDVM.

Concede, quæsumus omnipotens Deus, vt Paschalis perceptio sacramenti continua in nostris mentibus perseueret. Per.

AD VESP.

Concede, quæsumus, omnipotens Deus, vt qui Paschalis festiuitatis solennia colimus, in tua semper sanctificatione viuamus. Per.

AD FONTES.

Præsta, quæsumus, omnipotens Deus, vt per hæc Paschalia festa, quæ colimus, deuoti in tua semper laude viuamus. Per.

ALIA.

Deus, qui conspicias familiam tuam omni humana virtute destitui, Paschali interueniente festi-

uitate, tui eam brachij protectione custodi. Per.

FERIA IV. IN ALBIS.

DEus, qui nos Resurrectionis Dominicæ, annuâ solemnitate lætificas, concede propitius, vt per temporalia festa, quæ agimus, peruenire ad gaudia æterna mereamur. Per eundem.

SUPER OBLATA.

Sacrificia, Domine, Paschali-
bus gaudiis immolamus, quibus
Ecclesia mirabiliter & nascitur &
nutritur. Per.

PREFATIO.

Vere dignum, & iustum est, æquum, & salutare, Nos tibi semper, & vbique gratias agere: Domine sancte, Pater omnipotens, æterne Deus: Et pietatem tuam indefessis precibus implorare, vt qui Paschalis festiuitatis solennia colimus, in tua semper sanctificatione viuamus. Quò per temporalis festi obseruationem peruenire mereamur ad æternorum gaudiorum continuationem. Per Christum Dominum nostrum.

TE IGITUR. SICUT IN PASCHA.

BENEDICTIO.

Dominus Deus noster vos perducatur ad arborem vitæ, qui eruit de lacu miseriæ Amen. Ipse vobis aperiat ianuam paradisi, qui confregit portas inferni. Amen. Ipse vos eruat flagello, & in regnū

suum perducatur confitentes, qui pati dignatus est pro impiis innocens. Amen. Quod ipse præstare dignetur.

AD COMPLENDVM.

Ab omni nos, quæsumus, Domine, vetustate purgatos, sacramenti tui veneranda perceptio in nouam transferat creaturam. Per Dominum nostrum.

AD VESP.

Præsta, quæsumus, omnipotens Deus, ut huius Paschalis festiuitatis mirabile sacramentum, & temporalem nobis tranquillitatem tribuat, & vitam conferat sempiternam. Per.

AD FONTES.

Deus, qui nos per Paschalia festa lætificas, concede propitius, ut ea, quæ deuotè agimus, Te adiuuante, fideliter teneamus. Per.

ALIA.

Tribue, quæsumus, omnipotens Deus, ut illuc tendat, Christianæ deuotionis affectus, quò tecum est nostra substantia. Per eundem.

FERIA V. IN ALBIS.

Deus, qui diuersitatem Gentium in confessione tui nominis adunasti, da, ut renatis fonte baptismatis, vna sit fides mentium, & pietas actionum. Per.

SUPER OBLATA.

Suscipe, quæsumus, Domine, munera populorū tuorum propitius, ut confessione tui nominis, & baptismo renouati, sempiternam beatitudinem consequantur. Per Dominum nostrum.

PRÆFATIO.

Vere dignum, & iustum est, æquum & salutare, Nos tibi semper, & ubique gratias agere, Domine sancte, Pater omnipotens, æterne Deus: Qui nos per Paschale mysterium docuit vetustatem vitæ relinquere, & in nouitate spiritus ambulare, à quo perpetuæ mortis superatur acerbitas, & æternæ vitæ fidelibus tribuitur integritas. Per quem, Maiestatem.

TE IGITUR SICUT IN PASCHA.

BENEDICTIO.

Omnipotentis Dei, & Domini nostri benedictionibus repleamini, cuius estis sanguine pretioso redempti. Amen. Eius vos indeficiens repleat gratia, cuius ineffabilis plasmauit potentia; & qui vobis in hoc mundo præstitit conditionem nascendi, ipse in regno æterno tribuat mansionem sine fine viuendi. Amen. Quod ipse præstare dignetur.

AD COMPLENDVM.

Exaudi, Domine, preces nostras, ut Redemptionis nostræ sacrosancta commercia, & vitæ nobis conferant præsentis auxilium, & gaudia sempiterna concilient. Per.

AD VESP.

Deus, qui in nobis ad celebrandum Paschale sacramentum liberes animos præstitisti, doce nos & metuere quod irasceris, & amare quod præcipis. Per.

AD FONTES.

Da, quæsumus, omnipotens Deus, ut Ecclesia tua, & suorum firmitate membrorum, & novâ semper fecunditate lætetur. Per Dominum nostrum.

ALIA.

Multiplica, quæsumus, Domine, fidem populi tui, ut cuius per Te sumpsit initium, per Te consequatur augmentum. Per.

FERIA VI. IN ALBIS.

Omnipotens sempiterne Deus, qui Paschale sacramentum, in reconciliationis humanæ fœdere contulisti, da mentibus nostris, ut quod professione celebramus, imitemur effectu. Per.

SUPER OBLATA.

Hostias quæsumus, Domine, placatus assume, quas & pro re-natorum expiatione deferimus, & pro acceleratione cœlestis auxilii. Per.

PRÆFATIO.

Vere dignum, & iustum est, æquum, & salutare, Nos tibi semper, & ubique gratias agere: Domine sancte, Pater omnipotens, æterne Deus, per Christum Do-

minum nostrum: Qui secundum promissionis suæ incommutabilem veritatem, cœlestis Pontifex factus in æternum, solus omnium Sacerdotum peccati remissione non eguit, sed potius peccatum mundi idem verus Agnus abster-sit. Per quem.

TE IGITUR. SICUT IN PASCHA.

BENEDICTIO.

Benedicat nos de cœlis omnipotens Deus, qui per Crucem & sanguinem Passionis suæ vos dignatus est redimere in terris. Amen. Ipse vos renouet à vetustate peccati, qui pro vobis dignatus est crucem figi, vosq; ad cœlestia suscitet, qui pro vobis inferos penetrauit. Amen. Vitam suam Dominus vobis tribuat, qui mortem vestrâ suscepit & perdidit. Amen. Quod ipse præstare.

AD COMPLENDUM.

Respice, quæsumus, Domine, populum tuum, & quem æternis dignatus es renouare mysteriis, à temporalibus culpis dignanter absolue. Per Dominum nostrum.

AD VESP.

Deus, per quem nobis, & redemptio venit, & præstatur adoptio, respice in opera misericordiæ tuæ, ut in Christo renatis & æterna tribuatur hereditas, & vera libertas. Per eundem.

AD FONTES.

Adesto, quæsumus, Domine, familiæ tuæ, & dignanter impende, ut quibus fidei gratiam contulisti,

listi, & coronam largiaris æternam. Per Dominum nostrum.

SABBATO IN ALBIS

Concede, quæsumus, omnipotens Deus, ut qui festa Paschalia venerando egimus, per hæc contingere ad gaudia æterna mereamur. Per.

SVPER OBLATA.

Concede, quæsumus, Domine, semper nos per hæc mysteria Paschalia gratulati, ut continua nostræ reparationis operatio, perpetuæ nobis fiat causa lætitiæ. Per.

PRÆFATIO.

Vere dignum, & iustum est, æquum & salutare, Nos tibi semper, & ubique gratias agere, Domine sancte, Pater omnipotens, æterne Deus: Per quem, supplices exposcimus, ut cuius muneris pignus accepimus, manifesta dona comprehendere valeamus. Et quæ nobis fideliter speranda Paschale contulit sacramentum, per Resurrectionis eius attingere mereamur ineffabile mysterium. Per quem.

TE IGITUR. SICUT IN PASCHA.
BENEDICTIO.

AD COMPLENDVM.

Redemptionis nostræ munere vegetati, quæsumus, Domine, ut hoc perpetuæ salutis auxilium fides semper vera perficiat. Per.

AD VESP.

Deus totius Conditor creaturæ, famulos tuos, quos fonte renouasti baptismatis, quosque gratiæ tuæ plenitudine solidasti, in adoptionis sorte facias dignanter adscribi. Per Dominum nostrum.

AD FONTES.

Deus, qui multiplicas Ecclesiam tuam in sobole renascentium, fac eam gaudere propitius de suorum profectibus filiorum. Per Dominum nostrum.

DOMINICA OCT. PASCHÆ.

Præsta, quæsumus, omnipotens Deus, ut qui Paschalia festa peregrimus, hæc, Te largiente, moribus & vitâ teneamus. Per Dominum nostrum.

SVPER OBLATA.

Suscipe munera, quæsumus, Domine, exultantis Ecclesiæ, & cui causam tanti gaudii præstitisti, perpetuum fructum concede lætitiæ.

PRÆFATIO.

Vere dignum, & iustum est, æquum & salutare, Nos tibi semper, & ubique gratias agere, Domine sancte, Pater omnipotens, æterne Deus: Et te suppliciter obsecrare, ne nos ad illum finas redire actum cui iure dominatur inimicus: sed in hac potius facias absolutione persistere, per quam diabolus extitit, Filio tuo vincen-

re, captiuus. Et ideo cum Angelis.

BENEDICTIO.

Deus cuius Vnigenitus discipulis suis ianuis clausis dignatus est apparere, suæ vos benedictionis dono locupletare, & coelestis vobis regni ianuas dignetur aperire, Amen. Et qui ab eorum peccatoribus ad tactu sui corporis vulneris amputauit dubietatis, concedat vt per fidem quâ eum resurrexisse creditis, omnium delictorum maculis careatis. Amen. Et qui cum cum Thoma Deū & Dominū creditis, & cernuis vocibus inuocatis, ab eo & in hoc seculo à malis omnibus tueri, & in futuro Sanctorum coetibus adscisci valeatis. Amen. Quod ipse præstare.

AD COMPLENDVM.

Quæsumus, Domine Deus noster, vt sacro sancta mysteria, quæ pro reparationis nostræ munimine contulisti, & præses nobis remedium esse facias & futurum. Per.

Deus, qui nos fecisti hodiernâ die Paschalia festa celebrare, fac nos, quæsumus, in coelesti regno gaudere. Per.

AD VESPEROS.

Deus, qui nos exultantibus animis Pascha tuum celebrare tribuisti, fac nos quæsumus, & temporalibus gaudere subsidiis, & æternitatis affectibus gratulari. Per Dominum nostrum.

ALIÆ ORATIONES
Paschales.

Deus, qui credentes in te fonte baptismatis innouasti, hâc renatis in Christo concede custodiam, vt nullo erroris incurfu, gratiam tuæ benedictionis amittant. Per.

ALI A.

Deus, qui ad æternam vitam in Christi Resurrectione nos reparas, erige nos ad consedentem in dextera tua nostræ salutis auctorem, vt qui propter nos iudicandus aduenit, pro nobis iudicaturus adueniat Iesus Christus filius tuus Dominus noster, qui tecum viuit & regnat.

ALI A.

Deus, & reparator innocentiae, & amator, dirige ad te tuorum corda seruorum, vt de infidelitatis tenebris liberati, numquam à tuæ veritatis luce discedant. Per Dominum.

ALI A.

Deus, qui credentes in te populos gratiæ tuæ largitate multiplicas, respice propitius ad electionem tuam, vt qui sacramento baptismatis sunt renati, regni coelestis mereantur introitum. Per.

ALI A.

Omnipotens sempiterne Deus, qui humanam naturam supra primæ originis reparas dignitatem,

respice pietatis tuæ ineffabile sacramentum, vt quos regenerationis mysterio innouare dignatus es, in his dona tua perpetuæ gratiæ protectione conserua. Per.

A L I A.

Omnipotens sempiterne Deus, deduc nos ad societatem celestium gaudiorum, vt Spiritu sancto renatos, regnum tuum facias introire, atque eò perueniat humilitas gregis, quò præcessit celsitudo Pastoris. Qui viuit.

A L I A.

Deus, qui pro salute mundi sacrificium Paschale fecisti, propitiare supplicationibus nostris, & interpellans pro nobis Pontifex summus, nos per id quod tibi est æqualis absoluat Iesus Christus filius tuus.

A L I A.

Præsta nobis, omnipotens, & misericors Deus, vt in Resurrectione Domini nostri Iesu Christi percipiamus veraciter portionem. Per Dominum nostrum.

A L I A.

Deus, qui ad æternam vitam in Christi Resurrectione nos reparas, imple pietatis tuæ ineffabile sacramentum, vt, cum in Maiestate sua Saluator noster aduenerit, quos fecisti baptismo regenerari, facias beata immortalitate vestiri. Per eundem.

A L I A.

Deus humani generis Conditor, & Redemptor, da quæsumus,

vt reparationis nostræ conlata subsidia, Te iugiter inspirante, sectemur. Per.

A L I A.

Deus, qui renatis ex aqua, & Spiritu sancto celestis regni pandis introitum, auge super famulos tuos gratiam, quam dedisti, vt qui ab omnibus sunt purgati peccatis, nullis priuentur promissis. Per.

A L I A.

Conserua in nobis, quæsumus, Domine, misericordiam tuam, vt quos ab erroris liberaisti caligine, veritatis tuæ firmitus inhærere facias documento. Per Dominum.

A L I A.

Solitâ, quæsumus, Domine, nos pietate custodi, vt qui Vnigeniti tui Passione sunt redempti, eius Resurrectione latentur. Per eundem.

A L I A.

Omnipotens sempiterne Deus, propensius his diebus tuam misericordiam consequamur, quibus eam plenius, Te largiente, cognouimus. Per.

XVIII. KALENDAS MAII.

Nat. SS. Tiburtij, & Valeriani,
& Maximi.

Præsta, quæsumus, omnipotens Deus, vt qui sanctorum tuorum Tiburtij, Valeriani, &

L ij

Maximifolemnia colimus, eorum etiam virtutes imitemur. Per Dominum nostrum.

SVPER OBLATA.

Hostia hæc, quæsumus, Domine, quam Sanctorum tuorum natalitia recensentes offerimus, & vincula nostræ prauitatis absoluat, & tuæ nobis, misericordiæ dona conciliet. Per.

PRÆFATIO.

Vere dignum, & iustum est, æquū & salutare, Nos tibi semper & vbique gratias agere, Domine sancte, Pater omnipotens, æterne Deus: Et te in sanctorum Martyrum tuorum festiuitate laudare, qui semper es mirabilis in tuorum commemoratione Sanctorum, & magnæ fidei largiris affectum, & tolerantiam tribuis passionum, & antiqui hostis facis superari machinamentum, quò egregij Martyres tui ad capiendam supernorum beatitudinem præmiorum, nullis impediuntur retinaculis blandimentorum. Per Christum.

AD COMPLENDVM.

Cœlesti munere saginati, quæsumus, Domine Deus noster, vt hæc nobis dona Martyrum tuorum intercessio beata sanctificet. Per.

IX. KALENDAS MAII

Nat. S. Georgij Martyris.

DEus, qui nos beati Georgij Martyris tui meritis & in-

tercessione lætificas, concede propitius, vt qui eius beneficia poscimus, dona tuæ gratiæ consequamur. Per.

SVPER OBLATA.

Munera, Domine, oblata sanctifica, & intercedente Beato Georgio Martyre tuo, nos per hæc à peccatorum nostrorum maculis emunda. Per Dominum nostrum.

PRÆFATIO.

Vere dignum, & iustum est, æquum & salutare, Nos tibi semper, & vbique gratias agere: Domine sancte, pater omnipotens, æterne Deus: per Christum Dominum nostrum. Pro cuius nominis venerandâ confessione, Beatus Martyr Georgius diuersa supplicia sustinuit, & ea deuincens, coronam perpetuitatis promeruit. Per quem Maiestatem tuam.

AD COMPLENDVM.

Beati Georgij Martyris tui, Domine, suffragiis exoratus perceptâ sacramenti tui nos virtute defende. Per.

VII. KALENDAS MAII.

Nat. S. Marci Euangelistæ.

DEus, qui beatum Marcum Euangelistam tuum, Euangelicæ prædicationis gratia sublimasti, tribue, quæsumus, eius nos semper & eruditione proficere, & oratione defendi. Per.

SVPER OBLATA.

Beati Marci Euangelistæ tui solemnitatem tibi munera deferentes, quæsumus, Domine, ut sicut illud prædicatio Euangelica fecit gloriosum, ita nos eius intercessio & verbo & opere tibi reddat acceptos. Per.

PRÆFATIO.

Vere dignum, & iustum est, æquum & salutare, Nos tibi semper, & ubique gratias agere, Domine sancte, pater omnipotens, æterne Deus, per Christum Dominum nostrum: Cuius gratia Beatum Marcum in Sacerdotium elegit, doctrina ad prædicandum erudiit, potentia ad perseverandum confirmavit; ut per Sacerdotalem infulam perueniret ad martyrii palmam; docensque subditos, instruens viuendi exemplo, confirmans patiundo ad te coronandus perueniret, qui persecutorum minas intrepidus superasset. Cuius interuentus, nos, quæsumus, à nostris mundet delictis, qui tibi placuit tot donorum prærogatiuis. Per quem, Maiestatem,

B. R.

AD COMPLENDVM.

Tribuant nobis, quæsumus, Domine; continuum tua sancta præsidium, quod Beati Marci Euangelistæ tui precibus nos ab omnibus semper tueatur aduersis. Per.

IV. KALENDAS MAII
Nat. S. Vitalis Martyris.

Præsta, quæsumus, omnipotens Deus, ut intercedente Beato Vitale Martyre tuo, & à cunctis aduersitatibus liberemur in corpore, & à prauis cogitationibus mundemur in mente. Per Dominum nostrum.

SVPER OBLATA.

Accepta sit in conspectu tuo, Domine, nostra deuotio, & eius nobis fiat supplicatione salutaris, pro cuius solemnitatem defertur. Per.

AD COMPLENDVM.

Exultet, Domine, populus tuus in sancti tui commemoratione Vitalis: & cuius votiui lætatur officio, suffragio releuetur optato. Per.

KALENDIS MAII NAT.
SS. Apostolorum Philippi,
& Iacobi.

Deus, qui nos annua Apostolorum tuorum Philippi & Iacobi solemnitatem lætificas, præsta quæsumus, ut quorum gaudeamus meritis, instruamur exemplis. Per.

SVPER OBLATA.

Munera, Domine, quæ pro Apostolorum tuorum Philippi &

Iacobi solemnitate deferimus, propitius suscipe, & mala omnia, quæ meremur, auerte. Per.

PRÆFATIO.

Vere dignum, & iustum est, æquum & salutare, Nos tibi semper, & ubique gratias agere, Domine, sancte, Pater omnipotens, æterne Deus: Qui Ecclesiam tuam in Apostolica soliditate firmasti: de quorum consortio sunt Beati Philippus & Iacobus, quorum Passionis hodie festa veneramur, poscentes, ut sicut eorum doctrinis instruimur, ita exemplis muniamur, & precibus adiuuemur. Per Christum Dominum nostrum.

B. R.

AD COMPLENDVM.

Quæsumus, Domine, salutaribus repleti mysteriis, ut quorum mysteria celebramus, orationibus adiuuemur. Per Dominum.

SVPER POPVLVM

Beatorum Apostolorum Philippi & Iacobi honore continuo, Domine, plebs tua semper exaltet, & his Præsulibus gubernetur, quorum & doctrinis gaudet & meritis.

V. NONAS MAII. NAT.

SS. Alexandri, Euentij

& Theodoli.

PRæsta, quæsumus, omnipotens Deus, ut, qui sanctorum tuorum Alexandri, Euentij, &

Theodoli natalitia colimus, a cunctis malis imminetibus eorum intercessionibus liberemur. Per Dominum.

SVPER OBLATA.

Super has Hostias, Domine, benedictio copiosa descendat, quæ & sanctificationem nobis clementer operetur, & de Martyrum nos solemnitate lætificet. Per.

AD COMPLENDVM.

Pasce nos, Domine, tuorum gaudiis ubique Sanctorum, quia nostræ salutis augmenta sunt quoties illis honor impenditur, in quibus tu mirabilis prædicaris. Per.

EODEM DIE INVENTIO

Sanctæ Crucis.

DEus, qui in præclara saluti-feræ Crucis inuentione, passionis tuæ miracula suscitasti, concede, ut vitalis ligni pretio, æternæ vitæ suffragia consequamur. Qui viuis & regnas.

SVPER POPVLVM.

Sacrificium, Domine, quod immolamus, placatus intende, ut ab omni nos exuat bellorum nequitia, & per vexillum sanctæ Crucis Filij tui, ad conterendas potestatis aduersæ insidias, nos in tuæ protectionis securitate constituat. Per eundem.

PRÆFATIO.

Vere dignum, & iustum est, æ-

quum & salutare, Nos tibi semper
& ubique gratias agere, Domine,
sancte, Pater omnipotens, æterne
Deus: per Christum Dominum
nostrum. Qui per Passionem Cru-
cis mundum redemit, & antiquæ
arboris amarissimum gustum Cru-
cis medicamine indulcauit: mor-
temque quæ per lignum vetitum
venerat, per ligni trophæum de-
uicit, vt mirabili suæ pietatis dis-
pensatione, qui per ligni gustum à
florigera sede discefferamus, per
Crucis lignum ad paradisi gaudia
redeamus. Per quem.

BENEDICTIO.

Benedicat vobis omnipotens
Deus, qui per Vnigeniti sui Do-
mini nostri Iesu Christi Passionem
& Crucis patibulum genus rede-
mit humanum. Amen. Conce-
dâtque vobis, vt cum omnibus
Sanctis, quæ sit eiusdem Crucis
longitudo, latitudo, sublimitas
& profundum, mente deuotâ cõ-
prehendere possitis. Amen. Qua-
tenus vosmetipsos abnegando,
crucemque gestâdo, ita in præsen-
tis vitæ stadio Redemptorem no-
strum possitis sequi; vt ei inter
choros Angelorum post obitum
mereamini adscisci. Amen. Quod
ille præstare, &c.

AD COMPLENDVM.

Repleti alimoniâ coelesti, & spi-
ritali poculo recreati, quæsumus,
omnipotens Deus, vt ab hoste

maligno defendas, quos per li-
gnum sanctæ Crucis filij tui, arma
iustitiæ pro salute mundi trium-
phare iussisti. Qui tecum.

A L I A.

Deus, qui omnia verbo tuo fe-
cisti, supplices quæsumus ineffa-
bilem clementiam tuam: vt quos
per lignum sanctæ crucis filij tui
pio cruore es dignatus redimere,
omnibus in te credentibus dira
serpentis venena extinguas, &
per gratiam Spiritus sancti pocu-
lum salutis semper infundas. Per
eundem.

PRIDIE NONAS MAII.

**S. IOANNIS ANTE
PORTAM LATINAM.**

DEus, qui conspicias quia nos
vndique mala nostra pertur-
bant: præsta, quæsumus, vt B.
IOANNIS Apostoli tui intercessio
gloriosa nos portegat. Per.

SUPER OBLATA.

Muneribus nostris, quæsumus,
Domine, precibusque susceptis,
& coelestibus nos munda myste-
riis, & clementer exaudi. Per
Dominum.

AD COMPLENDVM.

Refecti, Domine, pane coele-
sti, ad vitam, quæsumus, nutria-
mur æternam. Per,

VI. IDVS MAII NAT.
S. Gordiani & Epimachi.

DA, quæsumus omnipotens Deus, ut qui beatorum Gordiani atque Epimachi solemnia colimus, eorum apud te intercessionibus adiuvemur. Per.

SVPER OBLATA.

Hostias, tibi, Domine, beatorum Martyrum Gordiani atque Epimachi dicatas meritis benignus assume, & ad perpetuum nobis tribue provenire subsidium. Per. AD COMPLENDVM.

Quæsumus omnipotens Deus, ut qui coelestia alimenta percepimus, intercedentibus sanctis tuis Gordiano, atque Epimacho, per hæc contra aduersa omnia muniamur. Per.

IV. IDVS MAII. NAT.
S. Pancratij Martyris.

Præsta, quæsumus omnipotens Deus, ut qui B. Pancratij Martyris tui natalitia colimus, à cunctis malis imminentibus eius intercessionibus liberemur. Per Dominum.

SVPER OBLATA.

Munera, quæsumus, Domine, tibi dicata sanctifica, & intercedente B. Pancratio Martyre tuo, per eadem nos placatus intende.

AD COMPLENDVM.

Beati Pancratij Martyris tui, Domine, intercessione placatus, præsta, quæsumus, ut quæ temporali celebramus actione, perpetua salutatione capiamus. Per.

III. IDVS MAII NAT. Stæ.
Mariæ ad Martyres.

Concede, quæsumus omnipotens Deus, ad eorum gaudia æterna pertingere, de quorum nos virtute tribuis annuâ solemnitatem gaudere. Per.

SVPER OBLATA.

Super has, quæsumus, hostias, Domine, benedictio copiosa descendat, quæ & sanctificationem nobis clementer operetur. Per.

AD COMPLENDVM.

Supplices te rogamus omnipotens Deus, ut quos tuis reficis sacramentis, tibi etiam placitis moribus dignanter deferuire concedas. Per.

VIII. KAL. IUNII, NAT.
S. Urbani Papæ.

DA, quæsumus omnipotens Deus, ut qui B. Urbani Martyris tui atque Pontificis solemnia colimus, eius apud te intercessionibus adiuvemur. Per.

SVPER OBLATA.

Hæc hostia, Domine, quæsumus,

mus, emundet nostra crimina, & intercedente B. Urbano Martyre tuo sacrificium celebrandum subditorum tibi corpora mentesque sanctificet. Per.

AD COMPLENDVM.

B. Urbani Martyris tui atque Pontificis, Domine, intercessione placatus, ut quæ temporali celebramus actione, perpetuâ saluatione capiamus. Per.

DOMINICA I. POST
Octauas Paschæ.

DEus, qui in filij tui humilitate iacentem, mundum crexisti, fidelibus tuis perpetuam lætitiā concede: ut quos perpetuæ mortis eripuisti casibus, gaudiis facias sempiternis perfrui. Per.

SUPER OBLATA.

Dignè nos tuo nomini, quæsumus Domine, famulari salutaris cibus & sacer potus efficiat; ut renouatio conditionis humanæ, quam mysteria continent, in nostris iugiter sensibus offeratur. Per.

PREFATIO.

Vere dignum & iustum est, æquum & salutare, Nos tibi semper & ubique gratias agere, Domine sancte, Pater omnipotens, æterne Deus: Et immensam bonitatis tuæ pietatem humiliter exorare: ut ignorantiam nostræ mortalitatis attendens, ex tuâ inspiratione, nos facias postulare

quod rectum est: & tuâ clementiâ tribuas impetrare, quod poscimus. Per Christum &c.

BENEDICTIO.

Benedicat vos omnipotens Deus, qui vos gratuitâ miseratione creauit, & in resurrectione Unigeniti sui spem vobis resurgendi concessit. Amen. Resuscitet vos de vitiorum sepulchris, qui eum resuscitauit à mortuis. Amen. Ut cum eo sine fine feliciter viuatis, quem resurrexisse à mortuis veraciter creditis. Amen. Quod ipse præstare.

AD COMPLENDVM.

Paschalia nobis, quæsumus, Domine, remedia dignanter impende; ut terrena desideria respuentes, discamus amare cœlestia. Per.

SUPER POPVLVM.

Familiam tuam, quæsumus, Domine, dextera tua perpetuo circundet auxilio; ut Paschali interueniente solemnitate, ab omni prauitate defensa donis cœlestibus prosequatur. Per.

DOMINICA II. POST
Octauas Paschæ.

DEus, qui errantibus, ut in viam possint redire iustitiæ, veritatis tuæ lumen ostendis: da cunctis, qui Christiana professione censetur, & illa respuere quæ huic

M

inimica sunt nomini, & ea quæ sunt apta sectari. Per.

SVPER OBLATA.

Deus, qui solemnitate Paschali coelestia mundo remedia benignus operaris, annua festiuitatis huius dona prosequere; vt obseruantia temporalis ad vitam nobis proficiat sempiternam. Per.

PRÆFATIO.

Vere dignum, & iustum est, æquum & salutare, Nos tibi semper, & vbique gratias agere, Domine sancte, Pater omnipotens, æterne Deus: Qui de Virgine nasci dignatus per Passionem & mortem à perpetuâ nos morte liberauit, & resurrectione suâ æternam nobis vitam contulit. Per quem.

BENEDICTIO.

Deus, qui per resurrectionem Unigeniti tui vobis contulit & bonum Redemptionis, & decus adoptionis, suæ, vobis conferat præmia benedictionis. Amen. Et quo redimente percepistis donum perpetuæ libertatis, eo largiente consortes efficiamini æternæ hæreditatis. Amen. Et cui consurrexistis in baptismo credendo, adiungi mereamini in coelesti regione bene viuendo. Amē. Quod ipse præstare.

AD COMPLENDVM.

Quæsumus, omnipotens, Deus, iam non teneamur obnoxij sententiæ damnationis humanæ, cuius nos vinculis hæc Redemptio Paschalis absoluit.

A. L. I. A.

Fac, quæsumus, omnipotens Deus, vt qui Paschalibus remediis innouati similitudinem terreni parētis euasimus, ad formam coelestis transferamur Auctoris. Qui tecum.

DOMINICA III. POST
Octauas Paschæ.

DEus, qui fidelium mentes vnus efficis voluntatis, da populis tuis id amare quod præcipis, id desiderare quod promittis: vt inter mundanas varietates ibi nostra fixa sint corda, vbi vera sunt gaudia. Per.

SVPER OBLATA.

Exuberet, quæsumus, Domine, in mentibus nostris Paschalis gratia sacramenti, vt donis suis ipsa nos dignos efficiat. Per.

PRÆFATIO.

Vere dignum & iustum est, æquum & salutare, Nos tibi semper, & vbique gratias agere, Domine sancte, Pater omnipotens, æterne Deus: Et tui misericordiam muneris postulare, vt tempora, quibus post Resurrectionem suam Dominus noster Iesus-Christus discipulis suis corporaliter apparuit, sic ipso opitulante pia deuotione tractemus, quatenus in his, omnium vitiorum sordibus careamus. Per.

BENEDICTION.

AD COMPLENDVM.

Concede, quæsumus, misericors Deus, vt quod Paschalibus exequimur institutis, salutiferum nobis omni tempore sentiamus, Per Dominum nostrum.

SVPER POPVLVM.

Gaudeat, Domine, plebs fidelis, & cum propriæ recolit saluationis exordia, eius promoueatur augmentis. Per Dominum nostrum Iesum Christum.

DOMINICA IV. POST
Octauas Paschæ.

DEus à quo bona cuncta procedunt, largire supplicibus tuis, vt cogitemus te inspirante quæ recta sunt; & te gubernante eadem faciamus. Per.

SVPER OBLATA.

Clementiam tuam, Domine, suppliciter exoramus, vt Paschalis muneris sacramentum, quod fide recolimus, & spe desideramus intenti, perpetua dilectione capiamus. Per.

PRÆFATIO.

Vere dignum, & iustum est, æquum & salutare, Nos tibi semper & vbique gratias agere, Domine sancte, Pater omnipotens, æterne Deus: Et Maiestatem tuam indefessis precibus exorare, vt mentes nostras; bonis operibus semper informes. Quia sic erimus

præclari muneris promptâ sinceritate cultores, si ad meliora iugiter trāscūtes, Paschale mysterium studeamus habere perpetuum. Per Christum.

BENEDICTION.

AD COMPLENDVM.

Præsta, quæsumus, omnipotens Deus, vt percipientes Paschali munere veniam peccatorum, deinceps peccata vitemus. Per Dominum nostrum.

FERIA II. IN LETANIA
Maiore.

MEntem familiæ tuæ, quæsumus, Domine, intercedente Beato Ill. & munere compunctionis aperi, & largitate pietatis exaudi, Per Dominum.

ALIA.

Deus, qui culpas delinquentium districtè feriendo percutis, fletus quoque lugentium non recuses, vt qui pondus tuæ animaduersionis cognouimus, etiam pietatis gratiam sentiamus. Per.

ALIA.

Parce, quæsumus, Domine, parce populo tuo, & nullis iam patiaris aduersitatibus fatigari, quos pretioso Filij tui sanguine redemisti. Qui tecum.

ALIA.

Deus, qui culpas nostras piis verberibus percutis, vt nos à nostris iniquitatibus emundes, da

nobis & de verberere tuo proficere, & de tua citius consolatione gaudere. Per Dominum nostrum.

ALIA.

Adesto, Domine, supplicationibus nostris, & sperantes in tua misericordia, intercedente Beato Petro Apostolo tuo, coelesti protege benignus auxilio. Per.

ALIA.

Præsta, quæsumus, omnipotens Deus, ut ad te toto corde clamantes, intercedente Beato Petro Apostolo tuo, tuæ pietatis indulgentiam consequamur. Per.

AD MISSAM.

PRæsta, quæsumus, omnipotens Deus, ut qui in afflictione nostra de tua pietate confidimus, contra aduersa omnia tua semper protectione muniamur. Per Dominum nostrum.

SUPER OBLATA.

Sacrificium nostræ poenitudinis ieiunantes, Domine, tibi persoluimus, obsecrantes, ut eius virtute muniti, semper ad coeleste conuiuium festinemus. Per.

P R Æ F A T I O.

Vere dignum, & iustum est, æquum, & salutare, Nos tibi semper, & ubique gratias agere: Domine sancte, Pater omnipotens, æterne Deus; Et te auctorem & Sanctificatorem ieiunij collaudare, per quod nos liberas à nostro

rum debitis peccatorum. Ergo suscipe ieiunantium preces; atque ut nos à malis omnibus propitius eripias, iniquitates nostras, quibus meritò affligimur, placatus absolue. Per Christum.

B E N E D I C T I O.

Omnipotens Deus, deuotionem vestram dignanter intendat, & sue vobis benedictionis dona concedat. Amen. Indulgeat vobis mala omnia quæ egistis, & tribuat veniam, quam ab eo deposcitis. Amen. Sicque ieiunij vestri & precum vota suscipiat, ut à vobis aduersa omnia, quæ peccatorum retributione meremini, auertat, & donum in vos Spiritus paracliti infundat. Amen. Quod ipse præstare dignetur.

A D C O M P L E N D V M.

Vota nostra, quæsumus, Domine, pio favore prosequere, ut dum dona tua in tribulatione percipimus, de consolatione nostra in tuo amore crescamus. Per Dominum nostrum.

SUPER POPVLVM.

Prætende nobis, Domine, misericordiam tuam, ut, quæ votis expetimus, conuersatione tibi placita consequamur. Per.

F E R I A I I I.

Conserua, quæsumus, Domine, populum tuum, & ab omnibus, quas meretur, aduersi-

tatibus redde securum, vt tranquillitate perceptâ, deuotâ tibi mente deseruiat. Per Dominum nostrum.

ALIA.

Afflictionem familiæ tuæ, quæsumus, Domine, intende placatus, vt, indultâ veniâ peccatorum, de tuis semper beneficiis gloriemur. Per.

ALIA.

Ab omnibus nos, quæsumus, Domine peccatis propitiatus absolue, vt, percepta venia peccatorum, liberis tibi mentibus seruiamus. Per Dominum.

ALIA.

Precibus nostris, quæsumus, Domine, aurem tuæ pietatis accommoda, & orationes supplicum occultorum cognitor benignus exaudi, vt, Te largiente, ad vitam perueniant sempiternam. Per Dominum.

ALIA.

Quæsumus, omnipotens Deus, vt qui nostris fatigamur offensis, & merito nostræ iniquitatis affligimur, pietatis tuæ gratiam consequi mereamur. Per Dominum.

AD MISSAM.

DEus, qui nos conspicias in tot perturbationibus non posse subsistere, afflictorum gemitum propitius respice, & mala omnia, quæ meremur, auerte. Per.

SUPER OBLATA.

Offerentium, quæsumus, Domine, vota multiplica, & omnes veræ credulitatis instrumētis perlustra. Sicque nobis per hoc sacrificium adesto placatus, vt nos & à peccatis & à periculis omnibus miseratus absoluas. Per Dominum nostrum.

P R Æ F A T I O.

Vere dignum, & iustum est, æquum, & salutare, Nos tibi semper, & vbique gratias agere: Domine sancte, Pater omnipotens, æterne Deus: Et Maiestatem tuam suppliciter exorare, vt non nos nostræ malitiæ, sed indulgentiæ tuæ præueniat semper affectus, qui nos à noxiis voluptatibus indefinenter expediat, & à mundanis cladibus dignanter eripiat. Per Christum.

AD COMPLENDVM.

Purifica, quæsumus, Domine, tuorum corda fidelium, vt, à terrena cupiditate mundati, & præsentis vitæ periculis exuantur, & perpetuis donis firmentur. Per.

F E R I A I V.

EXaudi, Domine, populum tuum totâ tibi mente subiectum, vt corpore & mente protectus, quod piè credit, tua gratia consequatur. Per.

ALIA.

Subiectum tibi populum, quæ-

sumus, Domine, propitiatio cælestis amplifcet, & tuis semper faciat seruire mandatis. Per Dominum nostrum.

A L I A.

Miserere iam, quæsumus, Domine, populo tuo, & continuis tribulationibus laborantem celeri propitiatione lætifica. Per Dominum nostrum.

A L I A.

Auxiliare, Domine, quærentibus misericordiam tuam, & da veniam confitentibus: parce supplicibus, ut, qui nostris meritis flagellamur, tuâ miseratione saluemur. Per Dominum nostrum.

A L I A.

Præsta, quæsumus, omnipotens Deus, ut, qui iram tuæ indignationis agnouimus, misericordiæ tuæ indulgentiam consequamur. Per.

A D M I S S A M.

Intende, quæsumus, Domine, preces nostras, & qui non operando iustitiam, correptionem mere-mur, afflicti in tribulatione, clamantes respiremus auditi. Per.

A L I A.

Præsta, quæsumus, omnipotens Pater, ut nostræ mentis intentio, quò solemnitatis venturæ gloriosus auctor ingressus est, semper intendat: & quò fide pergit, conuersatione perueniat. Per eundem Dominum nostrum.

S V P E R O B L A T A.

Ieiunantium, Domine quæsumus, supplicum vota propitius in-

tuere; & munera præsentia sanctificans, perceptione eorum occulta cordis nostri remedio tuæ clarifica pietatis, ut nec opera carnalia, nec fluxa nos teneant, quos institutor ieiunij Christus Dominus reparauit. Qui tecum.

A L I A.

Sacrificium, Domine, pro Filij tui, supplices venerabili quam præuenimus, nunc Ascensione deferimus: præsta, quæsumus, ut & nos per ipsum his commerciis sacrosanctis ad cælestia consurgamus. Per eundem Dominum.

P R Æ F A T I O.

Vere dignum, & iustum est, æquum & salutare, Nos tibi semper, & vbique gratias agere, Domine sancte, Pater omnipotens, æterne Deus: Ut quia tui est operis, si quod tibi placitum est, aut cogitemus, aut agamus, tu nobis semper & intelligendi quæ recta sunt, & exsequendi tribuas facultatem. Per Christum Dominum nostrum.

A D C O M P L E N D V M.

Tribue quæsumus Domine, ut per hæc sacra, quæ sumpimus, illuc tendat nostræ deuotionis affectus, quò tecum est nostra substantia. Qui tecum uiuit & regnat.

S V P E R P O P V L V M

Familiæ tuæ, quæsumus, Domine, esto protector: & misericordiam tuam concede poscenti, quò tibi semper fiat obediens, & tua dona percipiat. Per.

IN ASCENSA DOMINI.
AD MISSAM.

Concede, quæsumus, omnipotens Deus, ut qui hodiernâ die Unigenitum tuum Redemptorem nostrum ad cælos ascendisse credimus, ipsi quoque mente in cælestibus habitemus. Per eundem.

SVPER OBLATA.

Suscipe, Domine, munera, quæ pro Filij tui gloriosa Ascensione deferimus, & concede propitius, ut à præsentibus periculis liberemur, & ad vitam perueniamus æternam, Per eundem.

PRÆFATIO.

Vere dignum, & iustum est, æquum & salutare, Nos tibi semper, & ubique gratias agere, Domine, sancte, Pater omnipotens, æterne Deus, per Christum Dominum nostrum: qui post Resurrectionem suam omnibus discipulis suis manifestus apparuit, & ipsis cernentibus est eleuatus in cælum, ut nos diuinitatis suæ tribueret esse participes. Et ideo cum Angelis.

TE IGITUR CLEMENTISSIME PATER, &c.

Communicantes, & diem sacratissimum celebrantes, quo Dominus noster Unigenitus Filius tuus unitam sibi fragilitatis nostræ substantiam in gloriæ tuæ dextera conlocauit. Sed & memoriâ, &c.

BENEDICTIO.

Benedicat vobis Deus, cuius Unigenitus hodiernâ die cælorum alta penetrauit, & vobis ubi ille est, ascendendi aditum patefecit. Amen. Concedat propitius, ut sicut post resurrectionem suam discipulis visus est manifestus, ita vobis in iudicium veniens videatur placatus. Amen. Et qui consedere Patri in suâ maiestate creditis, vobiscum manere usque in finem sæculi secundum suam promissionem sentiatis. Amen. Quod ipse præstare.

AD COMPLENDVM.

Præsta nobis, quæsumus, omnipotens & misericors Deus, ut quæ visibilibus mysteriis sumenda percipimus, inuisibili consequamur effectu. Per Dominum nostrum.

ALIA.

Tribue, quæsumus, omnipotens Deus, ut munere festiuitatis hodiernæ, illuc filiorum tuorum dirigatur intentio, quò in tuo Unigenito tecum est nostra substantia. Qui tecum viuit & regnat.

ALIA.

Adesto, Domine, supplicationibus nostris, ut sicut humani generis saluatorem consedere tecum in tua Maiestate confidimus, ita usque ad consummationem sæculi manere nobiscum, quem admodum est pollicitus, sentiamus; Iesum Christum Dominum nostrum. Qui tecum.

A L I A.

Da, quæsumus, omnipotens, Deus, illuc subsequi tuorum mēbra fidelium, quò caput nostrum, principiumque præcessit Iesus-Christus Dominus noster. Qui tecum vivit & regnat Deus.

A L I A.

Deus cuius filius in alta coelorum potenter ascendens captivitatem nostram suam duxit, virtute captivam: tribue quæsumus, ut dona, quæ suis participibus contulit, largiatur & nobis Iesus-Christus filius tuus.

DOMINICA I. POST
Ascensionem Domini.

OMnipotēs sempiternæ Deus, fac nos tibi semper & devotam gerere voluntatem, & Maiestati tuæ sincero corde servire. Per.

SUPER OBLATA.

Sacrificia nos, Domine, immaculata purificent, & mentibus nostris supernæ gratiæ dent vigorem. Per.

PRÆFATIO.

Verè dignum, & iustum est, æquum & salutare, Nos tibi semper, & ubique gratias agere, Domine sancte, Pater omnipotēs, æternæ Deus: per Christum Dominum nostrum: Qui generi huma-

no nascendo subuenit, cum per mortem Passionis mundum devicit, per gloriam Resurrectionis vitæ æternæ aditum patefecit, & per suam Ascensionem ad coelos nobis spem ascendendi donavit. Per quem, Maiestatem.

BENEDICTIO.

Benedictionum suarum super vos Dominus imbrem infundat, & charitatis suæ thesauros celestes vobis aperiat. Amen. Faciat vos Dominus vitæ æternæ participes, & regni coelestis cohæredes. Amen. Dignam in vobis habitationem Spiritus sanctus inueniat, ut eius gloriosa maiestas placidè in vestris cordibus requiescat. Amen. Quod ipse præstare dignetur.

AD COMPLENDVM.

Repleti, Domine, muneribus sacris, quæsumus, ut in gratiarum actione semper maneamus. Per Dominum nostrum.

A L I A.

Deus, vita fidelium, gloria humilium, & beatitudo iustorum, propitius respice supplicum preces, ut animæ, quæ promissiones tuas sitiunt, de tua semper abundantia repleantur. Per Dominum nostrum.

IN

INCIPIUNT ORATIONES
de Pentecoste, Die Sabbato
ante descensum Fontis.

LECTIO LIBRI GENESIS.
Noe, cum quingentorum
esset annorum.

DEus, qui Ecclesiam tuam
semper gentium vocatione
multiplicas, concede propitius,
vt quos aqua baptismatis abluis,
continuâ protectione tuearis. Per
Dominum.

LECTIO LIBRI DEUTERON.
Scripsit Moyses *Canticum*:
Attende cælum.

Deus qui nobis per Prophetarum
ora præcepisti, temporalia
relinquere, atque ad æterna festi-
nare, da famulis tuis, vt quæ à te
iussa cognouimus, implere cæle-
sti inspiratione valeamus. Per.

LECTIO LIBRI LEVITICI
Cum ingressi fueritis terram,
quam ego dabo vobis.

Deus, qui diuersitatem omnium
Gentium in confessione tui no-
minis adunasti, da nobis & velle
& posse quod præcipis, vt, populo
ad æternitatem vocato, vna sit fi-
des mentium & pietas actionum.
Per.

LECTIO ISAIÆ PROPHETÆ.
Apprehendent septem mu-
lieres. *Canticum*: Vineam.

Deus incommutabilis virtus &
lumen æternum, respice propi-

tius ad totius Ecclesiæ mirabile
sacramentum, & da famulis tuis,
vt hoc, quod deuotè agimus,
etiam rectitudine vitæ teneamus.
Per.

CANTICVM DE PSAL. XLI.
Sicut Cervus desiderat ad
fontes.

POST TRACTVM.

Concede, quæsumus, omnipotens
Deus, vt qui solemnitatem
doni Spiritus sancti colimus, cæ-
lestibus desideriis accensi, fontem
vitæ sitiamus. Per.

ORATIO AD MISSAM POST
Ascensum Fontis.

Præsta, quæsumus, omnipotens
Deus, vt claritatis tuæ super nos
splendor effulgeat, & lux tuæ lu-
cis corda eorum, qui per gratiam
tuam renati sunt, sancti Spiritus
inlustratione confirmet. Per Do-
minum nostrum Iesum Christum
filium tuum, qui tecum viuit, &
regnat Deus in vnitæte eiusdem
Spiritus sancti.

SUPER OBLATA.

Hostias populi tui, quæsumus,
Domine, miseratus intende. Et vt
tibi reddatur acceptæ, conscien-
tias nostras sancti Spiritus saluta-
ris emundet aduentus. Per Domi-
num, &c. in vnitæte, &c.

PRÆFATIO.

Vere dignum, & iustum est,
æquum & salutare, Nos tibi sem-
per, & vbique gratias agere: Do-
mine sancte, pater omnipotens,
æterne Deus: Qui sacramentum

Paschale consummans, quibus per Vnigeniti tui consortium filios adoptionis esse tribuisti, per Spiritum sanctum largiris dona gratiarum, & sui cohæredibus Redemptoris iam nunc supernæ pignus hæreditatis impendis, ut tanto se certiùs ad eum confidant esse venturos, quanto se sciunt ab eo redemptos, & sancti Spiritus infusione ditatos. Et ideo cum Angelis.

TE IGITUR, &c.

Communicantes, & diem sacratissimum Pentecostes præuenientes, quo Spiritus sanctus Apostolos, plebemque credentium præsentia suæ Maiestatis impleuit. Sed & memoriam venerantes, &c.

Hanc igitur oblationem seruitutis nostræ, sed & cunctæ familiæ tuæ, quam tibi offerimus, pro his quoque, quos regenerare dignatus es ex aqua & Spiritu sancto, tribuēs eis remissionem omnium peccatorum, quæsumus, ut placatus, &c.

BENEDICTIO.

Benedicat vobis omnipotēs Deus ob cuius paracliti Spiritus aduentum mentes vestras ieiunij obseruantia præparatis, & præsentem diem solemnibus laudibus honoratis. Amen. Instar modò renatorum infantium talem innocentiam habeatis, ut templum sancti Spiritus ipso tribuēte esse possitis. Amen. Atque idem Spiritus sanctus ita vos hodie sua habitatione

dignos efficiat, ut crās se vestris mentibus vobiscum perpetim habitaturus infundat, & peracto præsentis vitæ curriculo vos ad coelestia dona perducatur. Amen. Quod ipse præstare dignetur.

AD COMPLENDVM.

Præsta, quæsumus omnipotens Deus, ut Spiritus sanctus adueniens, Maiestatem nobis Filij tui manifestando clarificet. Per eundem, &c. In vnitatem eiusdem, &c.

ALIA.

Deus, cuius Spiritu totum corpus Ecclesiæ multiplicatur & regitur, conserua in nouā familiæ tuæ progenie sanctificationis gratiam, quam dedisti, ut corpore & mente renouati, in vnitatem fidei feruentes, tibi Domino seruire mereantur. Per Dominum nostrum, &c. In vnitatem eiusdem, &c.

DIE SANCTO PENTECOSTES.

DEus, qui hodierna die corda fidelium sancti Spiritus illustratione docuisti, da nobis in eodem Spiritu recta sapere, & de eius semper consolatione gaudere. Per, &c. In vnitatem eiusdem, &c.

SUPER OBLATA.

Munera, Domine, quæsumus, oblata sanctifica, & corda nostra illustratione sancti Spiritus emūda. Per, &c. In vnitatem eiusdem, &c.

PRÆFATIO.

Vere dignum, & iustum est, æquum & salutare, Nos tibi semper, & vbiq̃ue gratias agere, Domine sancte, pater omnipotens, æterne Deus, per Christū Dominum nostrū: Qui ascendens super omnes cælos, sedensq̃ue ad dexteram tuam, promissum Spiritum sanctum hodiernā die in filios adoptionis effudit. Quapropter profusis gaudiis totus in orbe terrarum mundus exultat. Sed & supernæ virtutes, atque angelicæ potestates hymnum gloriæ tuæ concinunt, sine fine dicentes.

TE IGITUR, &c.

Communicantes, & diem sacratissimum Pentecostes celebrantes, quo Spiritus sanctus Apostolis innumeris linguis apparuit. Sed & memoriam, &c.

Hanc igitur oblationem seruitutis nostræ, sed & cunctæ familiæ tuæ, quam tibi offerimus, pro his quoque, quos regenerare dignatus es ex aqua & Spiritu sancto, tribuens eis remissionem omnium peccatorum. Quæsumus, ut placatus, &c.

BENEDICTIO.

Deus, qui hodiernā die discipulorum mentes Spiritus paraleti infusione dignatus est inlustrare, faciat vos sua benedictione repleri, & eiusdem Spiritus donis exuberare. Amen. Ille ignis, qui super discipulos apparuit, peccatorum vestrorum sordes expur-

get, & sui luminis infusione corda vestra perlustret. Amen. Quique dignatus est diuersitatem linguarum in vnius fidei confessione adunare, in eādē vos faciat fide perseuerare, & per hanc à spe ad speciem peruenire. Amen. Quod ipse præstare dignetur.

AD COMPLENDVM.

Sancti Spiritus, Domine, corda nostra mundet infusio & sui roris intimā aspersione foecundet. Per Dominum.

A L I A.

Omnipotens sempiterne Deus, qui Paschale Sacramētum quinquaginta dierum voluisti mysterio contineri; præsta, ut gentium facta dispersio diuisione linguarum, ad vnā confessionem tui nominis, coelesti munere congregetur. Per.

A L I A.

Deus qui Sacramento festiuitatis hodiernæ Ecclesiam tuam in omni gente & natione sanctificas, in totam mundi latitudinem Spiritus tui dona diffunde. Per.

FERIA II.

DEVS, qui Apostolis tuis sanctum dedisti Spiritum, concede plebi tuæ piæ petitionis effectum, ut quibus dedisti fidem, largiaris & pacem Per.

SUPER OBLATA.

Propitius, Domine, quæsumus,
N ij

hæc dona sanctifica, & Hostiæ spiritualis oblatione susceptâ, nosmetipsos tibi perfice munus æternum. Per Dominum nostrum.

P R Æ F A T I O.

Vere dignum, & iustum est, æquum & salutare, Nos tibi semper & ubique gratias agere, Domine sancte, Pater omnipotens, æterne Deus, per Christum Dominum nostrum: Qui promissum Spiritum paraclitum super discipulos misit: qui principio nascentis Ecclesiæ cunctis gentibus imbuendis, & Deitatis scientiam inderet, & linguarum diuersitatem in vnus fidei cōfessione sociaret. Per quem Maiestatem tuam supplices exoramus, vt cuius celebramus Aduentum, eius multimodæ gratiæ capiamus effectum. Per quem Maiestatem, &c.

A D C O M P L E N D V M.

Adesto, quæsumus, Domine, populo tuo, & quem mysteriis cælestibus imbuisti, ab hostium furore defende. Per.

A L I A.

Deus, qui discipulis tuis Spiritum sanctum paraclitum in ignis feruore mittere dignatus es, da populis tuis in vnitæ fidei esse feruentes, vt in tua semper dilectione permanentes, & in fide inueniantur stabiles, & in opere efficares. Per Dominum.

F E R I A I I I.

ADsit nobis, Domine, quæsumus, virtus Spiritus sancti, quæ & corda nostra clementer expurget, & ab omnibus tueatur aduersis. Per Dominum, &c.

S V P E R O B L A T A.

Purificet nos, quæsumus, Domine, muneris præsentis oblatio, & dignos sacra participatione perficiat. Per Dominum.

P R Æ F A T I O.

Vere dignum, & iustum est, æquum & salutare, Nos tibi semper, & ubique gratias agere, Domine sancte, Pater omnipotens, æterne Deus, per Christum Dominum nostrum: Qui Spiritus sancti infusione repleuit corda fidelium, vt sua admirabili operatione, & sui amoris in eis ignem accenderet, & per diuersitatem linguarum Gentes in vnitæ fidei solidaret: Cuius dono petimus, & inlecebrosas à nobis excludi voluptates, & spirituales in nobis extrui plantarique virtutes. Per quem, Maiestatem.

A D C O M P L E N D V M.

Mentes nostras, quæsumus, Domine, Spiritus sanctus diuinis repararet sacramentis, quia ipse est remissio omnium peccatorum, Per Dominum.

FERIA IV. MENSIS IV.

Mentes nostras, quæsumus, Domine, Paraclitus, qui à te procedit, illuminet. & inducat in omnem, sicut tuus promisit Filius, veritatem. Qui tecum vivit & regnat, in vnitate eiusdem, &c.

A L I A.

Præsta quæsumus, omnipotens & misericors Deus, vt Spiritus sanctus adueniens, templum nos gloriæ suæ dignanter habitando perficiat. Per.

SUPER OBLATA.

Accipe, quæsumus, Domine, munus oblatum, & dignanter operare, vt quod mysteriis agimus, piis effectibus celebremus. Per Dominum nostrum.

P R A E F A T I O.

Vere dignum, & iustum est, æquum & salutare, Nos tibi semper, & vbiq; gratias agere, Domine sancte, Pater omnipotens, æterne Deus, per Christum Dominum nostrum. Per quem discipulis Spiritus sanctus in terra datur ob dilectionem proximi, & de cælo mittitur propter dilectionem tui. Cuius infusio, petimus, vt in nobis peccatorum sordes exurat, tui amoris ignem nutriat, & nos ad amorem fraternitatis accēdat. Per quem, Maiestatem tuam.

A D C O M P L E N D V M.

Sumentes, Domine, cælestia sa-

cramenta, quæsumus clementiam tuam, vt quod temporaliter gerimus, æternis gaudiis consequamur. Per.

F E R I A V.

Illo nos igne, quæsumus, Domine, Spiritus sanctus inflamet, quem Dominus noster Iesus Christus misit in terram, & voluit vehementer accendi. Qui tecum vivit, & regnat Deus in vnitate eiusdem.

SUPER OBLATA.

Virtute Spiritus sancti, Domine, munera nostra contingere, vt quod solemnitate præsentis, tuo nomini dedicauit, & intelligibile nobis faciat & æternum. Per Dominum.

P R A E F A T I O.

Vere dignum, & iustum est, æquum & salutare, Nos tibi semper, & vbiq; gratias agere, Domine sancte, Pater omnipotens, æterne Deus, per Christum Dominum nostrum. Per quem pietatem tuam suppliciter petimus, vt Spiritus sanctus corda nostra expurget, & sui luminis irradiatione perlustret, vt in eo, qui gratiarum largitor est, recta sapiamus, & de eius consolatione in perpetuum gaudeamus. Per quem, Maiestatem.

A D C O M P L E N D V M.

Sacris cælestibus, Domine, sancto Spiritu operante, vitia nostra

purgentur, ut muneribus tuis possimus semper aptari. Per Dominum nostrum.

ALIA.

Præsta, quæsumus, Domine, ut à nostris mentibus carnales amoveat Spiritus sanctus affectus, & spiritalia nobis dona potenter infundat. Per Dominum nostrum Iesum Christum filium tuum, qui tecum vivit & regnat Deus in unitate eiusdem.

FERIA VI. MENSIS IV.

DA, quæsumus, Ecclesiæ tuæ misericors Deus, ut sancto Spiritu congregata, hostili nullatenus incursione turbetur. Per Dominum nostrum.

SUPER OBLATA.

Sacrificia, Domine, tuis oblata conspectibus, ille ignis diivinus assumat, qui discipulorum Christi tui per Spiritum sanctum corda succendit. Per eundem Dominum nostrum.

PRÆFATIO.

Vere dignum, & iustum est, æquum & salutare, Nos tibi semper, & ubique gratias agere, Domine sancte, Pater omnipotens, æterne Deus: Et Maiestatem tuam suppliciter exorare, ut Spiritus paraclitus ad nos veniat, & nos, inhabitando, templum suæ Maiestatis efficiat: Quod cum Unigenito Filio tuo clementi respectu semper

digneris inuisere, & tuæ inhabitationis fulgore in perpetuum perlustrare. Per quem, Maiestatem.

AD COMPLENDUM.

Sumpsimus, Domine, sacri donamysterij humiliter deprecantes, ut quæ in tui commemorationem nos facere præcepisti, largiente sancto Spiritu, in nostræ proficiant infirmitatis auxilium. Per Dominum.

SUPER POPULUM, SI IN IEIUNIO fuerit.

Da nobis quæsumus, Domine, per gratiam Spiritus sancti, novam tui Paracleti spiritalis observantiæ disciplinam, ut mentes nostras sacro purificante ieiunio, cunctis reddantur eius muneribus aptiores. Per Dominum, &c. in unitate eiusdem.

SABBATO IN XII. LECT. MENSE IV.

MEntibus nostris, Domine, Spiritum sanctum benignus infunde, cuius & sapientiâ conditi sumus, & providentiâ gubernamur. Per Dominum nostrum.

ALIA.

Annue, misericors Deus, ut, qui diivina præcepta violando, à Paradisi felicitate decidimus, ad æternæ beatitudinis, duce sancto Spiritu, redeamus accessum per tuo-

rum custodiam mandatorum.
Per, &c. in unitate eiusdem.

A L I A.

Deus, qui ad animarum medellam, ieiunij deuotione castigari corpora præcepisti, concede nobis propitius, & mente & corpore semper tibi esse deuotos. Per.

A L I A.

Præsta, quæsumus, omnipotens Deus, ut salutaribus ieiuniis eruditi, ab omnibus etiam vitiis abstinentes, propitiationem tuam facilius impetremus. Per.

A L I A.

Præsta, quæsumus omnipotens Deus, sic nos ab epulis carnalibus abstinere, ut à vitiis irruentibus pariter ieiunemus. Per Dominum nostrum.

A L I A A D M I S S A M.

Deus, qui tribus pueris mitigasti flammam ignium, concede propitius, ut nos famulos tuos non exurat flamma vitiorum. Per.

S U P E R O B L A T A.

Omnipotens sempiterne Deus, qui non sacrificiorum ambitione placaris, sed studia piæ deuotionis intendis, da familiæ tuæ Spiritum rectum, & habere cor mundum, ut fides eorum hæc dona tibi conciliet, & humilitas oblata commendet. Per.

P R A E F A T I O.

Vere dignum, & iustum est, æquum & salutare, Nos tibi semper, & vbi que gratias agere, Domine sancte, Pater omnipotens,

æterne Deus : Et tuam omnipotentiam deuotis precibus implorare, ut nos Spiritus tui lumen infundat, cuius nos sapientia creat, pietas recreat, & prouidentia gubernat. Qui, cum à tua substantia nullo modo sit diuersus, sed Tibi & Unigenito tuo consubstantialis & coæternus, diuersitate tamen donorum replet tuorum corda fidelium. Et ideo cum Angelis.

B E N E D I C T I O.

Benedicat vobis omnipotens Deus, qui cuncta ex nihilo creauit, & vobis in baptismo per Spiritum sanctum remissionem omnium peccatorum tribuit. Amen. Quique eundem Spiritum sanctum in igneis linguis discipulis suis dedit, ipsius inlustratione corda vestra perlustret, atque in suum amorem iugiter accendat. Amen. Quatenus eius dono à vitijs cunctis emundati, ipsius opitulatione ab omnibus aduersitatibus defensi, templum ipsius effici mereamini. Amen. Quod ipse præstare dignetur.

A D C O M P L E N D V M.

Præbeant nobis Domine, diuinum tua sancta feruorem, quò eorum pariter & actu delectemur, & fructu. Per.

DOMINICA OCTAVAS
Pentecostes.

OMnipotens sempiterne Deus, qui dedisti famulis tuis, in

confessione veræ fidei æternæ Trinitatis gloriā agnoscere, & in potentia Maiestatis adorare Vnitatem, quæsumus, vt eiusdem fidei firmitate, ad omnibus semper muniamur aduersis. Per Dominum nostrum.

SUPER OBLATA.

Sanctifica, quæsumus, Deus noster, per Vnigeniti tui virtutem, huius oblationis Hostiam, & cooperante Spiritu sancto, per eam nosmetipsos tibi perfice munus æternum. Per eundem, &c. In vnitatem eiusdem, &c.

PRÆFATIO.

Vere dignum, & iustum est, æquum & salutare, Nos tibi semper, & vbi que gratias agere, Domine, sancte, Pater omnipotens, æterne Deus: Qui cum Vnigenito Filio tuo & Spiritu sancto vnus es Deus, vnus es Dominus: non in vnus singularitate personæ, sed in vnus Trinitate substantiæ. Quod enim de tua gloria, reuelante Te credimus, hoc de Filio tuo, hoc de Spiritu sancto sine differentiæ discretionem sentimus: Vt in confessione veræ, sempiternæque Deitatis & in personis proprietates, & in essentia Vnitas, & in Maiestate adoretur æqualitas. Quam laudant Angeli.

BENEDICTIO.

Omnipotens Trinitas, vnus & verus Deus, Pater, & Filius, & Spiritus sanctus det vobis se desiderare fideliter, agnoscere veraci-

ter, diligere sinceriter. Amen. Æqualitatem atque incommutabilitatem suæ essentiæ ita vestris mentibus infigat, vt ab ea nunquam vos quibuscunque phantasijs aberrare permittat. Amen. Sicque vos in sui fide, spe & caritate perseverare concedat, vt per ea postmodum ad sui manifestationem, visionemque interminabilem introducat. Amen. Quod ipse præstare dignetur.

AD COMPLENDVM.

Proficiat nobis ad salutem corporis & animæ, Domine, quæsumus, huius sacramenti perceptio, & sempiterna sanctæ Trinitatis, eiusdemque indiuiduæ vnitatis confessio. per, &c.

SUPER POPVLVM.

Domine Deus, Pater omnipotens, famulos tuæ Maiestati subiectos, per vnicum Filium tuum in virtute sancti Spiritus benedic & protege, vt ab omni hoste securi, in tua iugiter laude lætemur. per eundem.

KAL. IVNII, DEDICATIO
Basilicæ S. Nicomedis.

Deus, qui nos beati Nicomedis martyris tui meritis & intercessione lætificas, concede propitius, vt qui eius beneficia poscimus, dona tuæ gratiæ consequamur. Per Dominum nostrum,

SUPER

SVPER OBLATA.

Munera, Domine, oblata sanctifica, & intercedente beato Nicomede Martyre tuo, nos per hæc à peccatorum nostrorum maculis emunda. Per Dominum.

AD COMPLENDVM.

Supplices te rogamus, omnipotens Deus, ut quos tuis reficis Sacramentis, intercedente beato Nicomede Martyre tuo, tibi etiam placitis moribus dignanter tribuas deferuire. Per Dominum.

IV. NONAS IUNII NAT. SS.
Marcellini & Petri.

DEus, qui nos annuâ Beatorum Martyrum tuorum Marcellini & Petri solemnitate lætificas, præsta quæsumus, ut quorum gaudemus meritis, prouocemur exemplis. Per.

SVPER OBLATA.

Votiuâ, Domine, munera deferentes, in tuorum Marcellini & Petri Martyrum passione tuam magnificentiam veneramur, & per eam nobis imploramus tuæ pietatis auxilium. Per.

PRÆFATIO.

Vere dignum, & iustum est, æquum & salutare, Nos tibi semper & ubique gratias agere. Domine sancte, Pater omnipotens, æterne Deus: Apud quem semper est præclara vita sanctorum, quorum nos pretiosa mors lætificat &

tuetur. Quapropter, Martyrum tuorum Marcellini & Petri gloriosa recensentes natalitia, laudes tibi referimus: & magnificentiam tuam supplices exoramus, ut quorum sumus martyria venerantes, Beatitudinis mereamur esse consortes. Per Christum Dominum nostrum.

AD COMPLENDVM.

Intercedentibus Sanctis tuis, Domine, Marcellino & Petro, plebi tuæ præsta subsidium, ut ab omnibus noxiis expedita, cuncta sibi profutura perficiat. Per Dominum nostrum.

V. IDVS IUNII NAT. SS.
Primi & Feliciani.

FAc nos, Domine, quæsumus, Sanctorum tuorum Primi & Feliciani semper festa sectari, quorum suffragiis, protectionis tuæ dona capiamus. Per.

SVPER OBLATA.

Fiat Domine, quæsumus, Hostia sacrandæ placabilis, pretiosi celebritate martyrij, quæ & peccata nostra purificet, & tuorum tibi vota conciliet famulorum. Per Dominum nostrum.

AD COMPLENDVM.

Quæsumus, omnipotens Deus, ut Sanctorum tuorum cælestibus mysteriis celebrata solemnitas, indulgentiam nobis tuæ propitiationis adquirat. Per.

PRIDIE IDVS IVNII NAT.

S. S. Basilidis, Cyrini, Naboris, & Nazarij.

Sanctorum Basilidis, Cyrini, Naboris, & Nazarij, quæsumus, Domine, natalitia nobis votiva resplendeant, & quod illis contulit excellentia sempiterna, fructibus nostræ deuotionis ad crescat. Per.

SVPER OBLATA.

Pro sanctorum Basilidis, Cyrini, Naboris, & Nazarij sanguine venerando, Hostias tibi, Domine, solemniter immolamus, tua mirabilia pertractantes: per quam talis est perfecta victoria. Per.

AD COMPLENDVM.

Semper Domine, Sanctorum Martyrum Basilidis, Cyrini, Naboris, & Nazarij solemnia celebremus, vt eorum patrocinia iugiter sentiamus. Per.

XIV. KALENDAS IVLII

Nat. SS. Marci & Marcelliani.

Præsta quæsumus omnipotens Deus, vt, qui sanctorum Marci & Marcelliani natalitia colimus, à cunctis malis imminentibus eorum intercessione liberemur. Per.

SVPER OBLATA.

Suscipe, Domine, munera tuorum populorum votiva, & Sancto-

rum Marci, & Marcelliani tibi precibus esse grata, concede, pro quorum solemnitatibus offeruntur. Per.

AD COMPLENDVM.

Intercessione Beatorum Martyrum tuorum Marci & Marcelliani, quæsumus Domine, vt mysticis nos dapibus foueas ac reformes. Per Dominum nostrum.

DENVNCIATIO IEIUNIO-

rum, Primi, quarti, septimi & decimi mensis.

Anniuersariam, fratres charissimi, ieiunij puritatem, quâ & corporis acquiritur & animæ sanctitas, nos commonet *III.* mensis instaurata deuotio: quarta igitur & sextâ feriâ sollicito conuenientes occursum, offeramus Deo spiritale ieiunium. Die verò Sabbati, apud Beatum Petrum Apostolū, cuius nos intercessionibus credimus adiuuandos, sanctas vigilas Christiana pietate celebremus, vt per hanc institutionem salutiferam, peccatorum fordes, quas corporum fragilitate contrahimus, ieiuniis & elemosynis abluamus, auxiliante Domino nostro Iesu Christo, qui cum Patre & Spiritu sancto viuit & regnat Deus, per omnia sæcula sæculorum.

A L I A.

III. mensis ieiunia in hac heb-

domada nobis sunt tenēda: Ideoque hortamur sanctam fidem vestram, vt quarta, sexta, vel septima feria ieiunemus, quatenus diuinis inhærendo mandatis, propitiationem Dei nostri perseuerantia debitæ seruitutis obtineat, auxiliante Domino nostro Iesu Christo, qui cum Patre & Spiritu sancto viuit & regnat Deus per omnia sæcula sæculorum.

MENSIS IV. FERIA IV.

Si post hebdomadam Pentecostes aduenerit.

ORATIO AD MISSAM.

OMnipotens, & misericors Deus, apta nos tuæ propitius voluntati, quò, sicut eius prætereuntes tramitem deuiamus, sic integro tenore dirigamur, ad illius semper ordinem recurrentes. Per Dominum nostrum.

A L I A.

Da nobis mentem, Domine, quæ tibi sit placita: quia talibus iugiter quidquid est prosperum ministrabis. Per Dominum nostrum.

SUPER OBLATA.

Solem nibus ieiuniis expiatis tuo nos, Domine, mysterio congruentes, hoc sacro munere effice, quia tantò nobis salubrius aderis, quantò id deuotius sumpserimus. Per.

P R Æ F A T I O.

Vere dignum, & iustum est, &c. æterne Deus, &c. Quia post illos lætitiæ dies quos in honore Domini à mortuis resurgentis, & in celos ascendentis exegimus, postque perceptum sancti Spiritus donum, necessariò nobis ieiunia sancta prouisa sunt, vt pura conuersatione viuētibz, quæ diuinitus sunt Ecclesiæ conlata permaneant. Per Christum.

A D C O M P L E N D V M.

Concede, quæsumus, Domine, populo tuo veniam peccatorum, vt quod meritis non præsumit, indulgentiæ tuæ celeri largitate percipiat.

F E R I A V I.

VT nobis Domine, terrenarum frugum tribuas vbertatem, fac mentes nostras cælesti fertilitate foecundas. Per Dominum nostrum.

SUPER OBLATA.

Vt accepta tibi sint, Domine, nostra ieiunia, præsta nobis, quæsumus, huius munere sacramenti purificatum tibi pectus offerre. Per Dominum nostrum.

A D C O M P L E N D V M.

Anue, quæsumus, omnipotens Deus, vt, sacramentorum tuorum gesta recolentes, & temporali securitate releuemur, &

erudiamur legalibus institutis.
Per Dominum nostrum.

SVPER POPVLVM.

Fideli populo, Domine, misericordiam tuam placatus impende, & præsidia corporis copiosa tribue supplicanti. Per Dominum.

SABBATO IN XII. LECT.

PRæsta, Domine, quæsumus, tales nos fieri tuæ gratiæ largitate, vt bona tua & fiducialiter impetremus, & sine difficultate sumamus. Per.

ALIA.

Da nobis, Domine, regnum tuum, iustitiâque semper inquirere, vt quibus indigere nos perspicias, clementer facias abundare. Per.

ALIA.

Deus, qui nos de præsentibus adiumentis esse vetuisti sollicitos, tribue quæsumus, vt pie sectantibus, quæ tua sunt, vniuersa nobis salutaria condonentur. Per.

ALIA.

Deus, qui misericordia tua præuenis non petentes, da nobis affectum Maiestatem tuam iugiter deprecandi, vt pietate perpetua supplicibus potiora defendas. Per Dominum nostrum.

ALIA.

Deus, qui non despicias corde contritos & afflictos miseriis, po-

pulum tuum ieiunij ad te deuotione clamantem propitius exaudi, vt quos humiliavit aduersitas, attollat reparationis tuæ prosperitas. Per.

POST BENEDICTIONES.

AD MISSAM.

DEus, qui tres pueros de camino ignis, non solum inlæsos, sed etiam tuis laudibus conclamantes liberaisti: quæsumus, vt nos peccatorum nexibus obuolutos, velut de voragine ignis eripias, vt criminum flammæ, operumque carnalium incendia superantes, hymnum tibi debitum iure meritòque reddamus. Per.

SVPER OBLATA.

Domine Deus noster, qui in his potius creaturis, quas ad fragilitatis nostræ præsidium condidisti, tuo quoque nomini munera iussisti dicanda constitui, tribue, quæsumus, vt & vitæ nobis præsentis auxilium, & æternitatis efficiant sacramentum. Per.

AD COMPLENDVM.

Sumptum, quæsumus, Domine, venerabile sacramentum, & præsentis vitæ subsidiis nos foueat, & æternæ. Per.

SVPER POPVLVM.

Proficiat, Domine quæsumus, plebs tibi dicata piæ deuotionis affectu, vt sacris actibus erudita, quantò Maiestati tuæ fit gratior, tantò donis potioribus augeatur. Per.

XIII. KALENDAS IULII
Nat. SS. Geruasij & Protasij.]

Sanctorum Martyrum, nos, Domine, Geruasij & Protasij confessio beata communiat, & fragilitati nostræ subsidium dignanter exoret. Per Dominum nostrum.

SVPER OBLATA.

Concede nobis, omnipotens Deus, ut his muneribus, quæ pro sanctorum Martyrum Geruasij & Protasij honore deferimus, & te placemus exhibitis, & nos viuificemur acceptis. Per.

AD COMPLENDVM.

Da, quæsumus, omnipotens Deus, ut mysteriorum virtute sanctorum, & intercessione Beatorum Geruasij & Protasij Martyrum tuorum, vita nostra fulciatur. Per.

IX. KALENDAS IULII,
Vigilia S. Ioannis Baptistæ.

Præsta, quæsumus, omnipotens Deus, ut familia tua per viam salutis incedat, & Beati Ioannis Præcursoris hortamenta sectando, ad eum, quem prædixit, secura perueniat. Dominum nostrum.

SVPER OBLATA.

Munera, Domine, oblata sancti-

fica, & intercedente Beato Ioanne Baptista, nos per hæc à peccatorum nostrorum maculis emunda. Per.

P R A E F A T I O.

Vere dignum, & iustum est, æquum, & salutare, Nos tibi semper, & vbiq; gratias agere: Domine sancte, Pater omnipotens, æterne Deus: Exhibentes solemne ieiunium, quo Beati Ioannis Baptistæ natalitia præuenimus. Cuius genitor, dum eum dubitat nasciturum, sermonis amisit officium: & eo nascente & sermonis vsum, & prophetiæ suscepit donum: Cuiusque genitrix senio confecta, sterilitate multata, in eius conceptu non solum sterilitatem amisit, fecunditatem adquisiuit, sed etiam Spiritum sanctum, quo Matrem Domini & Saluatoris agnosceret, accepit. Per quem, Maiestatem, &c.

AD COMPLENDVM.

Beati Ioannis Baptistæ, nos, Domine, præclara comitetur oratio, & quem venturum esse prædixit, poscat nobis fauere placatum, per Dominum nostrum.

IN PRIMA MISSA DE NOCTE.

Concede quæsumus, omnipotens Deus, ut qui beati Ioannis Baptistæ solemnia colimus, eius apud te intercessione muniamur. Per Dominum.

SUPER OBLATA.

Munera, Domine, oblata sanctifica, & intercedente beato Ioanne Baptista, nos per hæc à peccatorum nostrorum maculis emunda. Per.

AD COMPLENDVM.

Præsta quæsumus omnipotens Deus, ut qui cœlestia alimenta percepinus, intercedente beato Ioanne Baptista, per hæc contra omnia aduersa muniamur. Per Dominum.

SUPER POPVLVM.

Præsta quæsumus Domine, ut populus tuus ad plenæ deuotionis effectum, beati Ioannis Baptistæ natalitiis præparetur, quem præmisisti filio tuo plebem parare perfectam. Domino nostro Iesu Christo, qui.

ALIA.

Beati nos, Domine, Ioannis oratio, & intelligere Christi tui mysterium postulet, & mereri. Per eundem.

VIII. KALENDAS IULII

Nat. S. Ioannis Baptistæ.

DEus, qui præsentem diem honorabilem nobis in Beati Ioannis natiuitate fecisti, da populis tuis spiritalium gratiam gaudiorum, & omnium fidelium mentes dirige in viam salutis eternæ. Per.

SUPER OBLATA.

Tua, Domine, muneribus altaria cumulamur, illius nobis per hæc opem adesse poscentes, & natiuitatem honore debito celebrantes, qui Saluatorem mundi & cecinit adfuturum, & adesse monstrauit, Dominum nostrum.

PRÆFATIO.

Vere dignum & iustum est, æquum & salutare, Nos tibi semper & vbique gratias agere, Domine sancte, Pater omnipotens, æterne Deus: Et in die festiuitatis hodiernæ, quâ Beatus Ioannes exortus est, tuam magnificentiam conlaudare: Qui vocem matris Domini nondum editus sensit, & adhuc clausus utero, aduentum salutis humanæ prophetica exultatione significauit. Qui & genitricis sterilitatem conceptus abstulit, & patris linguam natus absoluit, solusque omnium Prophtarum, Redemptorem mundi, quem prænunciauit, ostendit. Et ut sacre Purificationis effectum aquarum natura conciperet, sanctificandis Iordanis fluentis ipsum baptismo baptismatis lauit Auctorem. Et ideo cum Angelis.

BENEDICTIO.

Benedicat vobis omnipotens Deus, beati Ioannis Baptistæ intercessionem cuius hodie natalitia celebratis, concedatque, ut cuius solemnina colitis, patrocinia sentiatis. Amen. Illius obtentu ab omnibus aduersis tueamini, &

bonis omnibus perfruamini; qui aduentum Redemptoris mundi necdum natus cognouit, matris sterilitatem nascendo abstulit, patris linguam natus absoluit. Amen. Quatenus ipsius agni, quē ille digito ostendit, cuius immolatione estis redempti, ita virtutibus lanis vestiri, & innocentiam valeatis imitari: ut ei in æternæ patriæ felicitate possitis adiungi. Quod ipse præstare dignetur.

AD COMPLENDVM.

Sumat Ecclesia tua, Deus, Beati Ioannis Baptistæ generatione lætitiā, per quem suæ regenerationis cognouit Auctorem, Dominum nostrum, &c. Qui tecum viuit.

AD MATVTINOS.

Omnipotēs, & misericors Deus, qui Beatum Ioannem Baptistam tuā prouidentia destinaſti, ut perfectam plebem Christo Domino præpararet: da, quæsumus, ut familia tua huius intercessionē præconis, & à peccatis omnibus exuatur, & ad eum, quem prophetauit, peruenire mereatur, Dominum, &c.

A L I A.

Omnipotens sempiterne Deus, da cordibus nostris illam tuarum rectitudinem semitarum, quam Beati Ioannis Baptistæ in deserto vox clamantis edocuit. Per Dominum nostrum.

A L I A.

Deus, qui conspicias, quia nos

undique mala nostra contristant, per Præcursores gaudij corda nostra lætifica. Per Dominum nostrum.

A L I A.

Da, quæsumus omnipotēs Deus, intra sanctæ Ecclesiæ tuæ vterum constitutos, eo nos Spiritu ab iniquitate nostra iustificari, quo Beatum Ioannem intra viscera materna docuisti. Per Dominum nostrum Iesum.

A L I A.

Deus, qui nos annua Beati Ioannis Baptistæ solemnia frequentare concedis, præsta, quæsumus, ut & deuotis eadem mentibus celebremus, & eius patrocinio promerente, plenæ capiamus securitatis augmentum. Per.

VI. KALENDAS IULII

Nat. SS. Ioannis & Pauli.

Quæsumus, omnipotēs Deus, ut nos geminata lætitiā hodiernæ festiuitatis excipiat, quæ de Beatorum Ioannis & Pauli glorificatione procedit, quos eadem fides & passio verè fecit esse germanos. Per.

SUPER OBLATA.

Hostias altaribus tuis, Domine, placationis imponimus, potentiam tuam in Sanctorum passionibus honorando, & per eos nobis implorando veniam peccatorum. Per Dominum nostrum.

P R Æ F A T I O.

Verè dignum, & iustum est, æquum & salutare, Nos tibi semper, & ubique gratias agere, Domine sancte, Pater omnipotēs, æterne Deus, per Christum Dominum nostrum: Pro cuius amore gloriosi Martyres, Ioannes & Paulus martyrium non sunt cunctati subire: quos in nascendi lege iunxit germanitas: in gremio matris Ecclesiæ, fidei vnitas: in passionis acerbitate ferenda, vnus amoris societas. Per quem nos petimus eorum precibus adiuuari, quorum festa noscimus venerari. Per quem, Maiestatem, &c.

A D C O M P L E N D V M.

Sumpsimus Domine, sanctorum tuorum Ioannis & Pauli solennia celebrantes, cælestia sacramenta: præsta quæsumus, vt quod temporaliter gerimus, æternis gaudiis consequamur. Per Christum Dominum.

I V. KALENDAS I V L I I

Nat. S. Leonis Papæ.

DEus, qui Beatum Leonem Pontificem, Sanctorum tuorum meritis cœquaſti, concede propitius, vt qui commemorationis eius festa percolimus, vitæ quoque imitemur exempla. Per Dominum.

S V P E R O B L A T A.

Annue nobis, Domine, vt ani-

mæ famuli tui Leonis hæc profite oblatio, quam immolando totius mundi tribuisti relaxari dilecta. Per.

A D C O M P L E N D V M.

Deus, qui animæ famuli tui Leonis æternæ beatitudinis præmia contulisti, concede propitius, vt qui peccatorum nostrorum pondere premimur, eius apud te precibus subleuemur. Per.

E O D E M D I E V I G I L I A

Sancti Petri, & Pauli.

QUANDO APOSTOLICVS DVAS Missas celebrat vna die, inter eas non lauat os, nisi post officium: Sed absque interuallo finita priore incipitur altera.

DEus, qui nobis Apostolorum Beatorum Petri & Pauli natalitia gloriosa præire concedis, tribue quæsumus, eorum nos semper & beneficiis præueniri, & orationibus adiuuari. Per.

S V P E R O B L A T A.

Munera Domine, tuæ glorificationis offerimus, quæ tibi pro nostris grata ieiuniis, sanctorum Apostolorum, quæsumus, deprecatio quorum solennia præuenimus, efficiat. Per.

P R Æ F A T I O.

Vere dignum, & iustum est, æquum & salutare, Nos tibi semper, & ybique gratias agere, Domine

mine sancte, Pater omnipotens, æterne Deus: Apud quem cum Beatorum Apostolorum continuata festiuitas, triumphique cælestis perpetua, & æterna sit celebritas, nobis tamen eorum festa annuis recursibus tribuis frequentare, vt & illorum passioni sit veneratio ex nostra deuotione, & nobis auxilium proueniat de eorum sanctissima intercessione. Per.

AD COMPLENDVM.

Sumptis Domine, remedijs semperniternis, tuorum mundentur corda fidelium, vt Apostolici Petri & Pauli natalis insignia, quæ corporalibus officiis exequentur, pia cordis intelligentia comprehendant. Per.

SUPER POPVLVM.

Deus, qui ligandi, soluendique licentiã tuis Apostolis contulisti, da quæsumus, vt per ipsos à terrenis vitiis expediti, liberi possimus cælestibus interesse mysteriis. Per eundem Dominum.

AD VESP.

Apostolicis nos, Domine, quæsumus, Beatorum Petri & Pauli adtolle præfidiis, vt quantò fragiliores sumus, tantò validioribus auxiliis foueamur. Per.

AD MATVT.

Deus, qui Ecclesiam tuam Apostoli tui Petri fide & nomine consecrasti; quique Beatum illi Paulum ad prædicandum Gentibus gloriam tuam fociare dignatus

es, concede, vt omnes, qui ad Apostolorum tuorum solemniam conuenerunt, spiritali remuneratione ditemur.

*III. KALENDAS IVLII
Nat. eiusdem Petri & Pauli.*

AD MISSAM.

Deus, qui hodiernam diem Apostolorum tuorum Petri & Pauli martyrio consecrasti, da Ecclesiæ tuæ, eorum in omnibus sequi præceptum, per quos religionis sumpsit exordium. Per Dominum nostrum.

SUPER OBLATA.

Hostias, Domine, quas nomini tuo sacrandas offerimus, Apostolica prosequatur oratio, per quam nos expiari tribuas & defendi. Per.

P RÆFATIO.

Vere dignum, & iustum est, æquū & salutare, Nos tibi semper & vbique gratias agere, Domine sancte, Pater omnipotens, æterne Deus: Et te suppliciter exorare, vt gregem tuum pastor æterne non deferas, sed per Beatos Apostolos tuos continua protectione custodias, vt iisdem rectoribus gubernetur, quos operis tui Vicarios, eisdem contulisti præesse Pastores. Et ideo cum Angelis & Archangelis.

BENEDICTIO.

Benedicat vobis omnipotens Deus, qui vos beati Petri saluberrimâ confessione in Ecclesiasticâ fidei fundavit soliditate. Amen. Et quos Beati Pauli sanctissimâ instruxit prædicatione, sua tueatur gratissimâ defensione. Amen. Quatenus Petrus clauē, Paulus sermone, vtrique intercessionē ad illam nos certent patriam introducere, ad quam illi, alter cruce, alter gladio hodiernâ die peruenere. Amen. Quod ipse præstare.

AD COMPLENDVM.

Quos cælesti, Domine, alimento satiasti, Apostolicis intercessionibus ab omni aduersitate custodi. Per.

SUPER POPVLVM.

Familiam tuam, quæsumus, Domine, propitius intueri, & Apostolicis defende præsidiiis, ut eorum precibus gubernetur, quibus nititur, Te constituyente, Principibus. Per.

A L I A.

Deus, qui Apostolo tuo Petro, conlatis clauibus regni cælestis, ligandi atque soluendi Pontificium tradidisti, concede, ut intercessionis eius auxilio, à peccatorum nostrorum nexibus liberemur. Per Dominum.

A L I A.

Omnipotens sempiterne Deus, qui Ecclesiam tuam Apostolica

soliditate fundatam, ab infernarum eruis terrore portarum, præsta, ut in tua veritate persistens, nulla recipiat consortia perfidorum. Per.

A L I A.

Exaudi nos, Deus, salutaris noster, & Apostolorum tuorum nos tuere præsidiiis, quorum donasti fideles esse doctrinis. Per.

A L I A.

Esto, Domine, plebi tuæ sanctificator & custos, ut Apostolicis munita præsidiiis, & conuersatione tibi placeat, & secunda deseruiat. Per.

PRIDIE KALENDAS IULII
Nat. S. Pauli.

DEVS, qui multitudinem Gentium Beati Pauli Apostoli prædicatione docuisti: da nobis, quæsumus, ut cuius natalitia colimus, eius apud te patrocinia sentiamus. Per.

SUPER OBLATA.

Ecclesiæ tuæ, quæsumus, Domine, preces & Hostias Apostolica commendet oratio, ut quod pro illorum gloria celebramus, nobis pro sit ad veniam. Per.

*Prefatio & benedictio, quæ est
superius.*

AD COMPLENDVM.

Perceptis, Domine, sacramentis, Beatis Apostolis interuenien-

tibus deprecamur, vt quæ pro illorum celebrata sunt gloria, nobis proficiant ad medelam. Per Dominum nostrum.

SVPER POPVLVM.

Præsta, quæsumus omnipotens Deus, vt nullis nos permittas perturbationibus concuti, quos in Apostolicæ confessionis petra solidasti. Per.

VI. NONAS IVLII NAT.
SS. Processi & Martiniani.

Deus, qui nos sanctorum tuorum Processi & Martini in confessionibus gloriosis circumdas & protegis, da nobis, & eorum imitatione proficere, & intercessione gaudere. Per.

SVPER OBLATA.

Suscipe, Domine, preces & munera, quæ, vt tuo sint digna conspectui, Sanctorum tuorum precibus adiuuemur. Per Dominum.

AD COMPLENDVM.

Corporis sacri, & pretiosi sanguinis repleti libamine, quæsumus, Domine Deus noster, vt quod pia deuotione gerimus, certa redemptione capiamus. Per.

PRIDIE NONAS IVLII
Octaua Apostolorum Petri
& Pauli.

Deus, cuius dextera Beatum Petrum ambulante in fluctibus, ne mergeretur, erexit & Coapostolum eius Paulum tertio naufragante, de profundo pelagi liberauit, exaudi nos propitius, & concede, vt amborum meritis, æternitatis gloriam consequamur. Per Dominum.

SVPER OBLATA.

Hostias, quæsumus, Domine, suscipe placatus oblatas, quæ meritis Apostolorum tuorum Petri & Pauli, Te sanctificante, nobis efficiantur salutare. Per.

AD COMPLENDVM.

Beatorum Apostolorum tuorum, Domine, Petri & Pauli desiderata solemniter recensentes, præsta quæsumus vt eorum supplicationibus muniamur, quorum regimur principatu. Per.

SVPER POPVLVM.

Protege, Domine, populum tuum, & Apostolorum tuorum patrocinio confidentem perpetuâ defensione conserua.

VI. IDVS IVLII NAT.
septem Fratrum.

PRæsta, quæsumus, omnipotens Deus, ut qui gloriosos Martyres fortes in sua confessione cognouimus, pios apud te in nostra intercessione sentiamus. Per.

SVPER OBLATA.

Sacrificiis præsentibus, Domine, quæsumus, intende placatus, & intercedentibus sanctis tuis, deuotioni nostræ proficiant, & saluti. Per.

PRÆFATIO.

Vere dignum, & iustum est, æquum, & salutare, Nos tibi semper, & vbiq; gratias agere, Domine sancte, Pater omnipotens, æterne Deus: donari nobis suppliciter exorantes, ut sicut Sancti tui mundum in tua virtute vicerunt, ita nos à mundanis erroribus postulent expediri. Per Christum Dominum.

AD COMPLENDVM.

Quæsumus, omnipotens Deus, ut illius salutaris capiamus effectum, cuius per hæc mysteria pignus accepimus. Per Dominum nostrum.

VIII. KALENDAS AVGVSTI
Nat. S. Iacobi Apostoli.

ESto, Domine, propitius plebi tuæ sanctificator & custos, ut

Apostoli tui Iacobi munita præstis, & cōuersatione tibi placeat, & secunda deferuiat. Per.

SVPER OBLATA.

Oblationes populi tui Domine, quæsumus, Beati Apostoli tui Iacobi passio beata conciliet, & quæ nostris non sunt apta meritis, fiant tibi placita eius deprecatione. Per.

PRÆFATIO.

Vere dignum, & iustum est, æquum, & salutare, Nos tibi semper, & vbiq; gratias agere, Domine sancte, Pater omnipotens, æterne Deus: Quia licet nobis semper salutem operetur diuini celebratio sacramenti, propensius tamen nobis confidimus profuturam, si Beati Apostoli tui Iacobi intercessionibus adiuuemur. Per Christum.

AD COMPLENDVM.

Beati Apostoli tui Iacobi, cuius hodie festiuitate, corpore & sanguine Filij tui nos refecisti, quæsumus, Domine, intercessione adiuua, pro cuius solemnitate percepimus tua sancta, lætantes. Per eundem.

SVPER POPVLVM.

Solemnitatis Apostolicæ multiplicatione gaudentes clementiam tuam deprecamur, omnipotens Deus, ut tribuas iugiter nos eorum & confessione benedici, & patrociniis confoueri. Per Dominum.

I V. KALENDAS AVGVSTI
Nat. Sancti Felicis.

Infirmi-
tatem nostram, respice
omnipotens Deus: Et quos pon-
dus propriæ actionis grauat, Beati
Felicis Martyris tui atque Ponti-
ficis intercessio gloriosa nos pro-
tegat. Per Dominum nostrum.

SUPER OBLATA.

Hostias tibi, Domine, pro com-
memoratione Sancti Felicis of-
ferimus, quem à tui corporis
vnitate nulla tentatio separauit.
Per.

AD COMPLENDVM.

Spiritum nobis, Domine, tuæ
caritatis infunde, vt quos vno
pane cælesti satiasti, intercedente
Beato Felice Martyre tuo, tuâ fa-
cias pietate concordēs. Per.

III. KALENDAS AVGVSTI
Nat. SS. Abdon & Sennen.

Deus qui sanctis tuis Abdon
& Sennen ad hanc gloriam
veniendi copiosum munus gratiæ
cōtulisti, da famulis tuis nostrorū
veniam peccatorum, vt, Sancto-
rum tuorum intercedentibus me-
ritis, ab omnibus mereamur ad-
uersitatibus liberari. Per Domi-
num nostrum.

SUPER OBLATA.

Munera tibi, Domine, pro san-
ctorum Martyrum Abdon & Sen-
nen passione deferimus, qui diu
finiuntur in terris, facti sunt cæle-
sti luce perpetui, humiliter postu-
lantes, vt eorum semper meritis
muniamur. Per.

PRÆFATIO.

Vere dignum, & iustum est,
æquum & salutare, Nos tibi sem-
per, & vbique gratias agere: Do-
mine sancte, pater omnipotens,
æterne Deus: Et te laudare mira-
bilem Dominum in sanctis tuis,
quos ante constitutionem mun-
di, in æternam tibi gloriam præ-
parasti, vt per eos huic mundo
veritatis tuæ lumen ostenderes:
Quos ita spiritu veritatis armasti,
vt formidinem mortis per infir-
mitatem carnis euincerent. De
quorum Collegio sunt Martyres
tui Abdon, & Sennes, qui in Ec-
clesiæ tuæ prato sicut rosæ & lilia
floruerunt: Quos Vnigeniti tui
sanguis in prælio confessionis, ro-
seo colore perfudit: & ob præ-
mium passionis, niueo liliorum
splendore vestiuit. Per quem Ma-
iestatem.

AD COMPLENDVM.

Populum tuum, Domine, per-
petuâ munitione defende, nec
difficulter, quod piè & iustè po-
stulat, consequatur, cui Sancto-
rum tuorum merita suffragantur.
Per.

KALENDIS AVGVSTI
ad Sanctum Petrum ad
vincula.

DEus, qui Beatum Petrum Apostolum à vinculis absolutum, inlæsum abire fecisti, nostrorum, quæsumus, absolue vincula peccatorum, & omnia mala à nobis propitiatus exclude. Per.

SVPER OBLATA.

Suscipe, Domine, Hostiam, redemptionis humanæ, interueniente Beato Petro Apostolo, & salutem nobis mentis & corporis operare placatus Per.

AD COMPLENDVM.

Corporis sacri, & pretiosi sanguinis repleti libamine, quæsumus, Domine Deus noster, ut quod piâ deuotione gerimus, intercedente Beato Petro Apostolo tuo, certâ redemptione capiamus. Per.

IV. NONAS AVGVSTI
Nat. S. Stephan Episcopi
& Martyris.

DEus, qui nos Beati Stephani Martyris tui atque Pontificis annuâ solemnitatem lætificas, concede propitius ut cuius natalitia colimus, de eiusdem etiam protectione gaudeamus. Per Dominum nostrum.

SVPER OBLATA.

Munera tibi, Domine, dicata sanctifica: & intercedente Beato Stephano Martyre tuo atque Pontifice, per eadem nos placatas intende. Per Dominum.

AD COMPLENDVM.

Hæc nos communio, Domine, purget à crimine: & intercedente Beato Stephano Martyre tuo atque Pontifice, cælestis remedij faciat esse consortes. Per.

VIII. IDVS AVGVSTI
Nat. S. Sixti Episcopi.

DEus, qui conspicias, quia ex nulla nostra virtute subsistimus, concede propitius, ut, intercessione Beati Sixti Martyris tui atque Pontificis, contra omnia aduersa muniamur. Per.

SVPER OBLATA.

Suscipe, Domine, munera propitiatus oblata, quæ Maiestatibus tuæ Beatus Sixtus Sacerdos commendet & Martyr. Per.

PRÆFATIO.

Vere dignum, & iustum est, æquum & salutare, Nos tibi semper, & ubique gratias agere, Domine, sancte, Pater omnipotens, æterne Deus: Et in die festiuitatis hodiernæ, quâ Beatus Sixtus pariter Sacerdos & Martyr, deuotum tibi sanguinem exultanter effudit: Qui ad eandem gloriam promerendam, doctrinæ suæ filios inci-

tauit, & quos erudiebat hortatu, ferante, reddantur. Per Dominum.
præueniebat exemplo. Per Christum.

P R Æ F A T I O V V Æ.

Intra quorum nos consortium, non æstimator meriti, sed veniæ, quæsumus, largitor admitte. Per Christum.

B E N E D I C T I O V V Æ.

Benedic, Domine, & hos fructus novos vix, quos tu, Domine, rore cæli, & inundantia pluuiarum, & temporum serenitate atque tranquillitate, ad maturitatem perducere dignatus es, & dedisti eos ad vsum nostros, cum gratiarum actione percipi, in nomine Domini nostri Iesu Christi. Per quem hæc omnia, &c.

A D C O M P L E N D V M.

Præsta, quæsumus, Domine Deus noster, ut cuius nobis festiuitate votiua sunt sacramenta, eius salutaria nobis intercessione reddantur.

EODEM DIE NAT. SS. FELICISSIMI & AGAPITI.

DEus, qui nos concedis Sanctorum Martyrum tuorum, Felicissimi & Agapiti natalitia colere, da nobis in æterna lætitia de eorum societate gaudere. Per.

S V P E R O B L A T A.

Munera tibi, Domine, nostræ deuotionis offerimus, quæ & pro tuorum tibi grata sint honore iustorum, & nobis salutaria, Te mi-

A D C O M P L E N D V M.

Præsta nobis, Domine, quæsumus, intercedentibus Sanctis tuis, Felicissimo & Agapito ut quæ ore contingimus, purâ mente capiamus. Per.

VI. IDVS AVGVSTI NAT.
sancti Cyriaci.

DEus, qui nos annuâ Beati Cyriaci Martyris tui solemnitate lætificas, concede propitius, ut cuius natalitia colimus, virtutem quoque passionis imitemur. Per Dominum nostrum.

S V P E R O B L A T A.

Suscipe, Domine, sacrificium placationis & laudis: quod nos, interueniente Sancto tuo Cyriaco, & perducatur ad veniam, & in perpetuâ gratiarum constituat actione. Per.

A D C O M P L E N D V M.

Quæsumus, Domine Deus noster, ut, interueniente Beato Cyriaco Martyre tuo, sacrosancta mysteria, quæ sumpsimus, actu subsequamur & sensu. Per.

V. IDVS AVGVSTI VIGILIA
sancti Laurentij.

ADesto, Domine, supplicationibus nostris, & intercessio-

ne Beati Laurentij Martyris tui, perpetuam nobis misericordiam benignus impende. Per Dominum nostrum.

SUPER POPULUM.

Hostias, Domine, quas tibi offerimus, propitius suscipe, & intercedente Beato Laurentio Martyre tuo, vincula peccatorum nostrorum absolue. Per.

PRÆFATIO.

Vere dignum, & iustum est, æquum & salutare, Nos tibi semper, & ubique gratias agere, Domine sancte, Pater omnipotens, æterne Deus: Et deuotis mentibus natale Beati Martyris tui Laurentij præuenire: qui Leuita simul Martyrque venerandus, & proprio claruit gloriosus officio, & memorandæ passionis refulsit Martyrio. Per Christum Dominum nostrum.

AD COMPLENDVM.

Da, quæsumus, Deus noster, ut sicut Beati Laurentij Martyris tui commemoratione temporali gratulamur officio. ita perpetuo lætemur aspectu. Per.

ALIA.

Da, quæsumus, omnipotens Deus, ut triumphum Beati Laurentij Martyris tui, quem despectis ignibus consummauit in terris, perpetuâ coelorum luce conspicuum, digno feruore fidei veneremur. Per Dominum nostrum.

AD MATVTINOS.

Deus, mundi Creator & rector, qui hunc diem in Beati Leuitæ tui Laurentij Martyrio consecrasti, concede propitius, ut omnes, qui martyrij eius merita veneramur, intercessionibus eius ab æternis gehennæ incendiis liberemur. Per.

IN PRIMA MISSA DE NOCTE.

EXcita, Domine, in Ecclesiâ tuâ Spiritum cui Beatus Laurentius Leuita seruiuit, ut eodem nos replente, studeamus amare quod amauit & opere exercere quod docuit. Per.

SUPER OBLATA.

Sacrificium tibi Domine quæsumus Beati Laurentij precatio sancta conciliet, ut cuius honore solemniter exhibetur, meritis efficiatur acceptum. Per.

AD COMPLENDVM.

Supplices te rogamus, omnipotens Deus, ut quos donis celestibus satiaisti, intercedente beato Laurentio Martyre tuo perpetuâ protectione custodias. Per.

SUPER POPVLVM.

IV. IDVS AVGVSTI NAT.
Sancti Laurentij.

DA nobis, quæsumus, omnipotens Deus vitiorum nostrorum flammâs extinguere, qui Beato Laurentio tribuisti tormentorum suorum incendia superare. Per Dominum nostrum.

SUPER OBLATA.

Accipe, quæsumus, Domine, munera dignanter oblata, & Beati Laurentij suffragantibus meritis, ad nostræ salutis auxilium provenire concede. Per.

PRÆFATIO.

Vere dignum, & iustum est, æquum, & salutare, Nos tibi semper, & ubique gratias agere: Domine sancte, Pater omnipotens, æterne Deus: Et præcipue in die solemnitatis hodiernæ, quâ Beatus Laurentius Hostia sancta viua tibi placens oblatus est: Qui igne accensus tui amoris, constanter ignem sustinuit passionis: & per immanitatem tormentorum pervenit ad societatem civium supernorum. Per Christum Dominum.

AD COMPLENDVM.

Supplices te rogamus, omnipotens Deus, ut quos donis cælestibus satiasti, intercedente Beato Laurentio Martyre tuo, perpetuâ protectione custodias. Per.

Deus, cuius caritatis ardore Beatus Laurentius edaces incendij flammâs, contempto persecutore, deuicit, concede, ut omnes, qui martyrij eius merita veneramur, protectionis tuæ auxilio muniamur. Per.

A L I A.

Sancti Laurentij nos, Domine, sancta precatio tueatur: & quod nostra conscientia non meretur, eius nobis, qui tibi placuit, oratione donetur. Per.

A L I A.

Adsit nobis, Domine, quæsumus, S. Laurentij Martyris tui in tuâ glorificatione benedictio, cuius nobis est hodie facta suffragium in tuâ virtute confessio. Per Dominum nostrum.

A L I A.

Præsta, quæsumus, Domine, ut semper nos Beati Laurentij lætificent votiva martyria, quæ semper esse non desinunt admiranda. Per.

III. IDVS AVGVSTI NAT.
Sancti Tiburtij Martyris.

BEati Tiburtij nos, Domine, foucant continuata præsidia, quia non desinis propitius intueri, quos talibus auxiliis concesseris adiuuari. Per.

SUPER OBLATA.

Adesto, Domine, precibus populi tui, adesto muneribus, ut quæ sacris sunt oblata mysteriis, tuorum tibi placeant intercessione Sanctorum. Per Dominum nostrum.

PRÆFATIO.

Verè dignum, & iustum est, æquum & salutare, Nos tibi semper, & ubique gratias agere, Domine sancte, Pater omnipotens, æterne Deus: Quidum Beati Tiburtij Martyris merita gloriosa veneramur, auxilium nobis tuæ protectionis affore deprecamur: quoniam credimus nos per eorum intercessionem, qui tibi placere, peccatorum nostrorum veniam impetrare. Per Christum.

AD COMPLENDVM.

Sumpsimus, Domine, pignus redemptionis æternæ: sit nobis, quæsumus, interueniente Beato Tiburtio Martyre tuo, vitæ præsentis auxilium pariter & futuræ. Per.

IDIBVS AVGVSTI NAT.

Sancti Hippolyti Martyris.

Sancti Martyris tui Hippolyti, Domine, quæsumus, veneranda festiuitas, salutaris auxilii nobis præstet augmentum. Per.

SUPER OBLATA.

Respice, Domine, munera po-

puli tui Sanctorum festiuitate votiva, & tuæ testificatio veritatis nobis proficiat ad salutem. Per Dominum.

PRÆFATIO.

Vere dignum, & iustum est, æquum & salutare, Nos tibi semper & ubique gratias agere, Domine sancte, Pater omnipotens, æterne Deus: Et tuam clementiam votis supplicibus implorare, ut Beati Hippolyti intercessio peccatorum nostrorum nobis obtineat veniam, qui per tormenta passionis æternam peruenit ad gloriam. Per Christum.

AD COMPLENDVM.

Sacramentorum tuorum, Domine, communio sumpta nos saluet: & intercedente Beato Hippolyto Martyre tuo, in tuæ veritatis luce confirmet. Per.

XIX. KALENDAS SEPTEMBRIS NAT. S. EUSEBIJ SACERDOTIS.

Deus, qui nos Beati Eusebij confessoris tui annua solemnitate lætificas, concede propitius, ut cuius natalitia colimus, per eius ad te exempla gradiamur. Per.

SUPER OBLATA.

Laudis tuæ, Domine, immolamus Hostias in tuorum commemoratione Sanctorum, quibus nos & præsentibus exui malis confidimus, & futuris. Per Dominum.

P R A E F A T I O.

Vere dignum, & iustum est, æquum & salutare, Nos tibi semper, & ubique gratias agere, Domine sancte, Pater omnipotens, æterne Deus: Et clementiam tuam pronis mentibus implorare, ut per Beati Eusebij Confessoris tui intercessionem, salutiferam in nostris mentibus firmes deuotionem. Concedasque, ut sicut te solum credimus Auctorem, & veneramur Saluatorem, sic in perpetuum eius interuentu habeamus adiutorem. Per Christum.

A D C O M P L E N D V M.

Sancti Eusebij natalitia celebrantes, supplices te, Domine, deprecamur, ut hoc idem nobis semper indulgentiæ causa sit & salutis. Per.

EODEM DIE VIGILIA
Assumptionis S. Mariæ.

DEus, qui virginalem aulam Beatæ Mariæ, in qua habitares, eligere dignatus es, da, quæsumus, ut sua nos defensione munitos, iucundos faciat suæ interesse festiuitati. Qui viuis & regnas.

S V P E R O B L A T A.

Magna est, Domine, apud clementiam tuam Dei Genitricis oratio, quam idcirco de præsentis sæculo transtulisti, ut pro peccatis nostris apud te fiducialiter in-

tercedat. Per eundem Dominum.

A D C O M P L E N D V M.

Cælesti munere fatiatis, omnipotens Deus, tua nos protectione custodi, & castimoniæ pacem mentibus nostris atque corporibus, intercedente Beata Maria, propitiatus indulge, ut veniente sponso Filio tuo Unigenito, accensis lampadibus, eius dignè præstolemur occursum. Qui viuit, & regnat Deus in vnitæte Spiritus sancti.

A L I A.

Concede, misericors Deus, fragilitati nostræ præsidium, ut qui sanctæ Dei Genitricis requiem celebramus: intercessionis eius auxilio, à nostris iniquitatibus resurgamus. Per eundem.

A L I A.

Concede quæsumus, omnipotens Deus, ad Beatæ Mariæ semper virginis gaudia æterna pertinere, de cuius nos veneranda Assumptione tribuis annua solemnitate gaudere. Per.

XVIII. KALENDAS SEP.
Assumptio Sanctæ Mariæ
Virginis.

VEneranda nobis, Domine, huius est diei festiuitas, in qua Sancta Dei Genitrix mortem subiit temporalem; nec tamen mortis nexibus deprimi potuit,

quæ Filium tuum Dominum nostrum de se genuit incarnatum. Qui tecum viuit & regnat Deus.

AD MISSAM.

Famulorum tuorum, Domine, delictis ignosce, & qui placere de actibus nostris non valemus, Genitricis Filij tui Domini nostri intercessione saluemur. Qui tecum viuit.

SUPER OBLATA.

Subueniat, Domine, plebi tuæ, Dei Genitricis oratio, quam etsi pro conditione carnis migrasse cognoscimus, in cælesti gloria apud te pro nobis orare sentiamus. Per eundem Dominum nostrum.

PRÆFATIO.

Vere dignum, & iustum est, æquum & salutare, Nos tibi semper, & vbique gratias agere, Domine sancte, Pater omnipotens, æterne Deus: Et te in veneratione sacrarum Virginum exultantibus animis laudare, benedicere & prædicare: inter quas intemerata Dei Genitrix Virgo Maria, cuius Assumptionis diem celebramus, gloriosa effulset: Quæ & Unigenitum tuum sancti Spiritus obumbratione concepit, & virginitatis gloriâ permanente, huic mundo lumen æternum effudit, Iesum Christum Dominum nostrum. Per quem.

BENEDICTIO.

Deus qui per Beatæ Mariæ Virginis partum genus humanum dignatus est redimere, suâ vos dignetur benedictione locupletare. Amen. Eiusque semper & vbique patrocinia sentiat, ex cuius intemerato vtero auctorem vitæ suscipere meruistis. Amen. Et qui ad eius celebrandam festiuitatem hodiernâ die deuotis mentibus conuenistis, spiritualium gaudiorum, & æternorum præmiorum vobiscum munera reportetis. Amen. Quod ipse præstare dignetur.

AD COMPLENDVM.

Mensæ cælestis participes effecti, imploramus clementiam tuam, Domine Deus noster, ut qui festa Dei Genitricis colimus, à malis imminetibus, eius intercessionibus liberemur. Per eundem.

ALIA.

Porrige nobis, Domine, dexteram tuam, & per intercessionem Beatæ, & gloriosæ semperque Virginis Dei Genitricis Mariæ, auxilium nobis supernæ virtutis impende, Per eundem.

XV. KALENDAS SEPTEMB.
Nat. S. Agapiti Martyris.

SAncti Martyris tui Agapiti merita nos, Domine, pretiosa tueantur, in quibus tuæ Maiestatis

opera prædicantes, & præsens capiamus adiutorium & futurum. Per.

SVPER OBLATA.

Suscipe, Domine, munera, quæ in eius tibi solemnitate deferimus, cuius nos confidimus patrocinio liberari. Per Dominum.

AD COMPLENDVM.

Protegat, quæsumus, Domine, populum tuum, & participatio cælestis indulta conuiuij, & deprecatio conlata Sanctorum. Per Dominum nostrum.

XI. KALENDAS SEPTEMB.

Nat. S. Timothei Martyris.

AVxilium tuum nobis, Domine, quæsumus, placatus impende, & intercedente Beato Timotheo Martyre tuo, dexteram super nos tuæ propitiationis extende. Per.

SVPER OBLATA.

Accepta tibi sit, Domine, sacratæ plebis oblatio pro tuorum honore Sanctorum, quorum se meritis percepisse de tribulatione cognoscit auxilium. Per Dominum.

AD COMPLENDVM.

Diuini muneris largitate satiat, quæsumus, Domine Deus noster, vt intercedente Beato Timotheo Martyre tuo, eius semper participatione viuamus. Per.

IX. KALENDAS SEPTEMB.

Nat. S. Bartholomæi

Apostoli.

OMnipotēs sempiterne Deus, qui huius dici venerandam, sanctamque lætitiā Beati Apostoli tui Bartholomæi festiuitate tribuisti, da Ecclesiæ tuæ, quæsumus, & amare quod credidit, & prædicare quod docuit. Per Dominum nostrum.

SVPER OBLATA.

Beati Apostoli tui Bartholomæi, cuius solemnia recensemus, quæsumus, Domine, auxilio tua beneficia capiamus, pro quo tibi Hostias laudis offerimus.

PRÆFATIO.

Verè dignum, & iustum est, æquum, & salutare, Nos tibi semper, & vbique gratias agere, Domine sancte, Pater omnipotens, æterne Deus: Qui Ecclesiam tuam sempiternā pietate non deseris: sed per Beatos Apostolos tuos iugiter erudis, & sine fine custodis. Per Christum Dominum nostrum.

AD COMPLENDVM.

Sumpsimus, Domine, pignus salutis æternæ, celebrantes Beati Bartholomæi Apostoli tui vota solemnia, & perpetua merita venerantes. Per Dominum nostrum.

Q iij

SUPER POPULVM.

Protege, Domine, populum tuum, & Apostolorum tuorum patrocinio confidentem, perpetua defensione conserua. Per.

V. KALENDAS SEPTEMBRIS
Nat. S. Augustini Episcopi.

Adesto supplicationibus nostris, omnipotens Deus, & quibus fiduciam sperandæ pietatis indulges, intercedente Beato Augustino Confessore tuo atque Pontifice, consuetæ misericordiæ tribue benignus effectum. Per Dominum nostrum.

SUPER OBLATA.

Sancti Confessoris tui Augustini nobis, Domine, pia non desit oratio, quæ & munera nostra conciliet, & tuam nobis indulgentiam semper obtineat. Per.

PRÆFATIO.

Vere dignum & iustum est, æquum & salutare, Nos tibi semper & ubique gratias agere, Domine sancte, Pater omnipotens, æterne Deus: Qui Beatum Augustinum Confessorem tuum, & scientiæ documentis replēsti, & virtutum ornamentis ditasti. Quæ ita multimodo genere pietatis imbuiisti, ut ipse tibi, & ara, & sacrificium, & sacerdos esset, & templum. Per Christum Dominum nostrum.

AD COMPLENDVM.

Vt nobis, Domine, tua sacrificia dent salutem, Beatus Confessor tuus Augustinus & Pontifex, quæsumus, precator accedat. Per Dominum nostrum.

EODEM DIE NAT. S.
Hermetis Martyris.

Intercessio, Domine, B. Hermetis Martyris tui, & tuam nobis non desinat placare iustitiam, & nostrum tibi deuotum iugiter efficere famulatum. Per Dominum nostrum.

SUPER OBLATA.

Munera, Domine, nostra, quæsumus, propitiatus assume: & ut dignè tuis famulemur altaribus, Sancti tui nos Hermetis intercessionem custodi. Per Dominum nostrum.

PRÆFATIO.

Vere dignum, & iustum est, æquum & salutare, Nos tibi semper & ubique gratias agere, Domine sancte, Pater omnipotens, æterne Deus: Quoniam fiducialiter laudis tibi immolamus Hostias: quas sancti Hermetis Martyris tui precibus tibi esse petimus acceptas. Per Christum.

AD COMPLENDVM.

Repleti, Domine, benedictione coelesti, quæsumus clementiā

tuam, vt intercedente Beato Hermete Martyre tuo, quæ humiliter gerimus, salubriter sentiamus. Per.

stæ passione deferimus: qui; dum finitur in terris, factus est cœlesti sede perpetuus. quæsumus, vt eius obtentu nobis proficiant ad salutem. Per.

IV. KALENDAS SEPTEMB.
Nat. sanctæ Sabinæ.

EXaudi nos, Deus, salutaris noster, vt sicut sanctæ Sabinæ festiuitate gaudemus, ita piæ deuotionis erudiamur effectu. Per.

SVPER OBLATA.

Gratanter, Domine, ad munera dicanda concurrimus, quæ nomini tuo pro solemnitate sanctæ Martyris tuæ Sabinæ suppliciter immolamus. Per Dominum nostrum.

AD COMPLENDVM.

Purificet nos, Domine Deus, & diuini perceptio sacramenti, & gloriosa deprecatio sanctæ Sabinæ. Per.

EODEM DIE DECOLLATIO
sancti Ioannis Baptistæ.

SAncti Ioannis Baptistæ & Martyris tui, Domine, quæsumus, veneranda festiuitas, salutaris auxilij nobis præstet effectum. Per.

SVPER OBLATA.

Munera tibi, Domine, pro sancti Martyris tui Ioannis Bapti-

PRÆFATIO.

Vere dignum, & iustum est, æquum & salutare, Nos tibi semper, & vbique gratias agere, Domine sancte, Pater omnipotens, æterne Deus: Qui præcursorem Filij tui tanto munere ditasti, vt pro veritatis præconio capite plecteretur: Et qui Christum aquâ baptizauerat, ab ipso in spiritu baptizatus, pro eodem proprio sanguine tingeretur. Præco quippe veritatis, quæ Christus est, Herodem à fraternis thalamis prohibendo, carceris obscuritate detruditur, vbi solius diuinitatis tuæ lumine frueretur. Deinde capitalem sententiam subiit, & ad inferna Dominum præcursurus descendit. Et quem in mundo digito demonstraui, ad inferos pretiosâ morte præcessit. Et ideo cum Angelis.

BENEDICTIO.

Deus, qui nos beati Ioannis Baptistæ concedit solemnia frequentare, tribuat vobis & eadem deuotis mentibus celebrare, & suæ benedictionis dona percipere. Amen. Et qui pro legis eius præconio carceralibus est retrusus in tenebris, intercessione suâ à tenebroforum operum vos liberet incentiuis, Amen. Et qui pro

veritate, quæ Deus est, caput non est cunctatus amittere, suo interuentu ad caput nostrum, quod Christus est, vos faciat peruenire. Amen. Quod ipse præstare dignetur.

AD COMPLENDVM.

Conferat nobis, Domine, sancti Ioannis vtrumque solemnitas: vt & magnifica sacramenta, quæ sumpsimus, dignè veneremur, & nobis salutaria sentiamus. Per Dominum nostrum.

ALIA.

Perpetuis nos, Domine, sancti Ioannis Baptistæ tuere præfidiis, & quantò fragiliores sumus, tantò magis necessariis adtolle suffragiis. Per.

III. KALENDAS SEPTEMB.

Nat. Sanctorum Felicis
& Adaucti.

Maiestatem tuam, Domine, supplices deprecamur, vt sicut nos iugiter Sanctorum tuorum commemoratione lætificas, ita semper supplicatione defendas. Per.

SUPER OBLATA.

Hostias, Domine, tuæ plebis intende, & quas in honore Sanctorum tuorum deuota mente celebrat, proficere sibi sentiat ad salutem. Per Dominum nostrum.

AD COMPLENDVM.

Repleti, Domine, muneribus sacris, quæsumus, vt, intercedentibus Sanctis tuis, in gratiarum tuarum semper actione maneamus. Per.

VI. IDVS SEPTEMBRIS
Natiuitas S. Mariæ Virginis.

ORATIONES AD MATVTINOS.

Adesto nobis, omnipotens Deus, Beatæ Mariæ festa repetentibus, quam hodiernæ festiuitatis prolatam exortu, ineffabili munere subleuasti. Per.

AD PROCESSIONEM.

Supplicationem seruorum tuorum, Deus miserator, exaudi, vt qui in natiuitate Dei Genitricis & Virginis congregamur, eius intercessionibus, à te de instantibus periculis eruamur. Per eundem Dominum nostrum.

AD MISSAM.

Famulis tuis, Domine, coelestis gratiæ munus impartire, vt quibus Beatæ Mariæ Virginis partus extitit salutis exordiū, natiuitatis eius votiuæ solemnitas pacis tribuat incrementum. Per.

SUPER OBLATA.

Vnigeniti tui, Domine, nobis succurrat humanitas, vt qui natus de virgine matris integritatem non minuit, sed sacrauit, in natiuitatis eius solemnibus, à nostris
nos

nos piaculis exuens, oblationem
nostram tibi faciat, acceptam.
Qui tecum vivit.

PRÆFATIO.

Vere dignum, & iustum est,
æquum & salutare, Nos tibi sem-
per, & ubique gratias agere: Do-
mino sancte, pater omnipotens,
æternæ Deus: Et præcipuè pro
meritis Beatæ Dei Genitricis, &
perpetuæ Virginis Mariæ, gratia
plenæ, tuam omnipotentiam lau-
dare, benedicere, & prædicare.
Per quem.

AD COMPLENDVM.

Sumpsimus, Domine, celebri-
tatis annuæ votiua sacramenta:
præsta, quæsumus, intercedente
Beata semper Virgine Maria, vt
& temporalis nobis vitæ remedia
præbeant & æternæ. Per.

SVPER POPVLVM.

Adiuuet nos, quæsumus, Domi-
ne, sanctæ Mariæ intercessio ve-
neranda, cuius etiam diem, quo
felix eius est inchoata natiuitas,
celebramus. Per.

EODEM DIE NAT. SAN-
cti Adriani Martyris.

Præsta, quæsumus, omni-
potens Deus, vt qui Beati Adria-
ni Martyris tui natalitia colimus,
à cunctis malis imminentibus
eius intercessionibus liberemur.
Per.

SVPER OBLATA.

Munera, quæsumus, Domine,
tibi dicata sanctifica: & interce-
dente Beato Adriano Martyre
tuo, per eadem nos placatus in-
tende. Per.

AD COMPLENDVM.

Beati Adriani Martyris tui, Do-
mine, intercessione placatus, præ-
sta quæsumus, vt quæ temporali-
ter gerimus, perpetua saluatione
capiamus. Per.

III. IDVS SEPTEMBRIS
Nat. SS. Proti, & Hyacinthi.

Beatæ Proti nos, Domine, &
Hyacinthi foueat pretiosa
confessio, & pia iugiter interces-
sio tueatur. Per Dominum no-
strum.

SVPER OBLATA.

Pro sanctorum tuorum Proti &
Hyacinthi, munera tibi, Domine,
commemoratione, quæ debe-
mus, exoluimus: præsta quæsu-
mus, vt remedium nobis perpe-
tuæ salutis operentur. Per.

AD COMPLENDVM.

Vt perpetua nos, Domine, tua
sancta purificent, Beati Proti &
Hyacinthi, quæsumus, imploret
oratio. Per.

R

XVIII. KALENDAS

Octobris Exaltatio sanctæ
Crucis.

Deus, qui Unigeniti tui, Domini nostri pretioso sanguine humanum genus redimere dignatus es: concede propitius, ut qui ad adorandam viuificam eius Crucem adueniunt, à peccatorum suorum nexibus liberentur. Per eundem.

SUPER OBLATA.

Deuotas, Domine, humilitatis nostræ preces, & Hostias misericordiæ tuæ præcedat auxilium, & salutem, quam per Adam in paradisi ligno clauferat temerata præsumptio, ligni rursus fides aperiat. Per.

*Præfationem, quæ est in Inuentione
Sanctæ Crucis, require in V.
Nonas Maij.*

AD COMPLENDVM.

Iesu Christi Domini nostri corpore & sanguine saginati, per quem Crucis est sanctificatum vexillum, quæsumus, Domine Deus noster, ut sicut adorare meruimus, ita perennitatis eius gloriæ saluari potiamur effectū. Per Dominum nostrum.

SUPER POPVLVM.

Adesto familiæ tuæ, quæsumus,

clemens & misericors Deus, ut in aduersis & prosperis eius preces exaudias, & nefas aduersariorum per auxilium Sanctæ Crucis digneris contere, ut portum salutis tuæ valeat apprehendere. Per.

EODEM DIE NAT. SS.
Cornelij & Cypriani.

Beatorum Martyrum, pariterque Pontificum, Cornelij & Cypriani nos, quæsumus, Domine, festa tueantur, & eorum commendet oratio veneranda. Per.

SUPER OBLATA.

Plebis tuæ, Domine, munera benignus intende, quæ Maiestati tuæ pro Sanctorum Martyrum tuorum Cornelij & Cypriani solemnitatibus sunt dicata. Per.

PRÆFATIO.

Vere dignum, & iustum est, æquum, & salutare, Nos tibi sæper, & vbique gratias agere, Domine, sancte, Pater omnipotens, æterne Deus: Tuamque in Sanctorum tuorum Cornelij simul, & Cypriani festiuitate prædicare virtutem: quos diuersis terrarum partibus greges sacros diuino pane pascentes, vna fide, eademque die pari nominis tui confessione coronasti. Per Christum.

AD COMPLENDVM.

Quæsumus, Domine, salutaribus repleti mysteriis, ut quorum

solemnia celebramus, orationibus adiuuemur. Per.

XVII. KALENDAS OCTOB.

Nat. S. Nicomedis Martyris.

Adesto, Domine, populo tuo, ut Beati Nicomedis Martyris tui merita præclara suscipiens, ad impetrandam misericordiam tuam semper eius patrociniis adiuuemur. Per.

SUPER OBLATA.

Suscipe, Domine, munera propitius oblata, quæ Maiestati tuæ Beati Nicomedis Martyris commendet oratio. Per.

AD COMPLENDVM.

Purificent nos, Domine, sacramenta quæ sumpsimus: & intercedente Beato Nicomede Martyre tuo, à cunctis efficiant vitiis absolutos. Per.

XVI. KALENDAS OCTOB.

Nat. S. Euphemie Martyris.

Omnipotens sempiterne Deus, qui infirma mundi eligis, ut fortia quæque confundas, concede propitius, ut qui Beatæ Euphemie Martyris tuæ solemnia colimus, eius apud te patrocinia sentiamus. Per.

SUPER OBLATA.

Præsta, quæsumus, Domine Deus noster, ut sicut in tuo conf-

pectu mors est pretiosa Sanctorum, ita eorum merita venerantium accepta tibi reddatur oblatio. Per.

AD COMPLENDVM.

Sanctificet nos, Domine, quæsumus, tui perceptio sacramenti, & intercessio Beatæ Martyris tuæ Euphemie tibi reddat acceptos. Per.

EODEM DIE NAT. SS.

Lucie & Geminiani.

Præsta, Domine, precibus nostris cum exultatione prouentum: ut quorum diem passionis annua deuotione recolimus, etiam fidei constantiam subsequamur. Per.

SUPER OBLATA.

Vota populi tui, Domine, propitiatus intende, ut quorum nostris sollemnibus celebra-
re, facias gaudere suffragiis. Per.

AD COMPLENDVM.

Exaudi, Domine, preces nostras, ut Sanctorum tuorum, quorum festa sollemniter celebramus, continuis foueamur auxiliis. Per.

XII. KALENDAS OCTOB.

Vigilia S. Matthæi Evangelistæ.

DA nobis omnipotens Deus, ut Beati Matthæi Apostoli

R. ij

tui & Euangelistæ, quam præuenimus veneranda solemnitas, & deuotionem nobis augeat & salutem. Per Dominum nostrum.

SVPER OBLATA.

Apostolicæ reuerentiæ culminis offerentes tibi sacra mysteria, Domine, quæsumus, vt Beati Matthæi Euangelistæ suffragiis, cuius natalitia præimus, hîc plebs tua semper & sua vota depromat, & desiderata percipiat. Per Dominum nostrum.

AD COMPLENDVM.

Beati Matthæi Euangelistæ, quæsumus, Domine, supplicatione placatus, & veniam nobis tribue, & remedia sempiterna concede. Per Dominum nostrum.

ALIA.

Sit, Domine, Beatus Matthæus Euangelista nostræ fragilitatis adiutor, vt pro nobis tibi supplicans, copiosius audiatur. Per.

XI. KALENDAS OCTOBRIS
Nat. S. Matthæi Apostoli, &
Euangelistæ.

BEati Matthæi Euangelistæ, Domine, precibus adiuuemur, vt quod possibilitas nostra non obtinet, eius nobis intercessionem donetur. Per Dominum nostrum.

SVPER OBLATA.

Supplicationibus Apostolicis Beati Matthæi Euangelistæ, quæ-

sumus, Domine, Ecclesiæ tuæ commendetur oblatio, cuius magnificis prædicationibus eruditur. Per.

PRÆFATIO.

Vere dignum, & iustum est, æquum, & salutare, Nos tibi semper, & vbiq; gratias agere, Domine sancte, Pater omnipotens, æterne Deus: Qui Ecclesiam tuam in tuis fidelibus vbiq; polentem, Apostolicis facis cõstare doctrinis: præsta, quæsumus, vt per quos initium diuinæ cognitionis accepit, per eos vsque in finem sæculi capiat regni coelestis augmentum. Per Christum.

AD COMPLENDVM.

Perceptis, Domine, sacramentis, Beato Matthæo Apoc^o tuo & Euangelista interueniente, deprecamur, vt quæ pro eius celebrata sunt gloria, nobis proficiant ad medelam. Per.

ALIA.

Præsta quæsumus, omnipotens Deus, vt qui iugiter Apostolicâ defensione munimur, nec succumbamus vitiis, nec opprimamur aduersis. Per Dominum nostrum.

MENSE VII. FERIA IV.

Misericordiæ tuæ remediis, quæsumus, Domine, fragilitas nostra subsistat, vt quæ sua conditione adteritur, tua clementia reparetur. Per.

A L I A.

Præsta, quæsumus, Domine, familiæ supplicanti, ut dum à cibis corporalibus se abstinere, à vitiis mente ieiunent. Per.

SUPER OBLATA.

Deus fidelis, qui fidelia promissa confirmas, dum vocatas gentes ex fide iustificas, tu cognitionem nobis indiuiduæ tribue Trinitatis, ut pacifici conuersemur inter filios unitatis: quò istius sanctæ confessionis sacrificio potenter oblato, visitationem tuam iugiter mereamur ex alto. Per.

PRÆFATIO.

Vere dignum, & iustum est, æquum, & salutare, Nos tibi semper, & ubique gratias agere, Domine sancte, Pater omnipotens, æterne Deus: Qui nos ideo collectis terræ fructibus, per abstinentiam tibi gratias agere voluisti, ut ex ipso deuotionis genere nosceremus, non hæc ad exuberantiam corporalem, sed ad fragilitatis sustentationem nos percepisse: ut quod ex his parcius sumeremus, egentium proficeret alimentis: Et salutaris castigatio, mortalitatis insolentiam mitigaret: Et pietas largitoris, nos tuæ benignitati commendatos efficeret: sicque donis uteremur transitoriis, ut disceremus inhiare perpetuis. Per Christum Dominum nostrum.

AD COMPLENDVM.

Sumentes, Domine, dona cœlestia suppliciter deprecamur, ut quæ sedulâ seruitute, donante Te, gerimus, dignis sensibus tuo munere capiamus. Per Dominum nostrum.

A L I A.

Quæsumus, omnipotens Deus, preces nostras respice, & tuæ super nos viscera pietatis impende, ut qui ex nostra culpa affligimur, ex tua pietate misericorditer liberemur. Per.

FERIA VI.

Præsta, quæsumus omnipotens Deus, ut observationes sacras annuâ deuotione recolentes, & corpore tibi placeamus & mente. Per.

SUPER OBLATA.

Accepta tibi sint, Domine, quæsumus, nostri dona ieiunij: quæ expiando nos tuâ gratiâ dignos efficiant, & ad sempiterna promissa perducant. Per.

PRÆFATIO.

Vere dignum, & iustum est, æquum, & salutare, Nos tibi semper, & ubique gratias agere, Domine sancte, Pater omnipotens, æterne Deus: Qui iusto pioque moderamine, & pro peccatis flagella irrogas, & post flagella veniam propitiatus condonas, & peccatorum vitam potius volens

quàm mortem, non eos ad interitum condemnas, sed vt corrigantur, miseratus expectas. Per Christum Dominum nostrum.

AD COMPLENDVM.

Quæsumus, omnipotens Deus, vt de perceptis muneribus gratias exhibentes, beneficia potiora sumamus. Per Dominum nostrum Iesum Christum.

SABBATO IN XII. LECT.

OMnipotēs sempiterne Deus, qui per continentiam salutarem, & corporibus mederis & mentibus, Maiestatem tuam supplices exoramus, vt piâ ieiunantium deprecatione placatus, & præsentia nobis subsidia præbeas & futura. Per.

ALIA.

Da nobis, quæsumus, omnipotens Deus, vt ieiunando tua gratia satiemur; & abstinendo, cunctis efficiamur hostibus fortiores. Per Dominum nostrum.

ALIA.

Tuere, quæsumus, Domine, familiam tuam, vt salutis æternæ remedia, quæ, Te aspirante, requirimus, Te largiente consequamur. Per Dominum nostrum.

ALIA.

Tribue, quæsumus, Domine, fidelibus tuis, vt & ieiunio con-

uenienter aptentur, & suscepta solemniter castigatio corporalis ad fructum nostrarum transeat animarum. Per Dominum nostrum.

ALIA.

Vt nos, Domine, tribuis solempne tibi deferre ieiunium, sic nobis, quæsumus, indulgentiæ præsta subsidium. Per.

ALIA.

Deus, qui tribus pueris mitigasti flammam ignium, concede propitius, vt nos famulos tuos non exurat flamma vitiorum. Per Dominum nostrum.

SUPER OBLATA.

Hæc Hostia, Domine, quæsumus, & vincula nostræ iniquitatis absoluat, & tuæ nobis misericordiæ dona conciliet. Per Dominum nostrum.

PRÆFATIO.

Verè dignum, & iustum est, æquum & salutare, Nos tibi semper, & vbique gratias agere, Domine sancte, Pater omnipotēs, æternæ Deus: Et tibi sanctificare ieiunium, quod nos ob ædificationem animarum & castigationem corporum seruare docuisti: quia, restrictis corporibus, animæ saginantur: in quo homo non ster affligitur exterior, dilatatur interior. Memento, quæsumus, Domine, ieiuniorum nostrorum & misericordiarum tuarum, quas peccatoribus piè semper ieiunan-

tibus contulisti; & præsta, vt non solum à cibis, sed à peccatis omnibus abstinentes, deuotionis tibi ieiunio placeamus. Per Christum Dominum.

BENEDICTIO

Deus fons indulgentiæ suscipiat propitius litationem abstinentiæ vestræ. Amen. Impleat corda vestra suarum delectationibus hostiarum, & det vobis posse suis parere præceptis. Amen. Vt quod non potestis carnali ex infirmitate perficere, ipsius gratiæ vbertate mereamini adimplere. Amen. Quod ipse præstare dignetur.

AD COMPLENDVM.

Perficient in nobis, Domine, quæsumus, tua sacramenta quod continent, vt quæ nunc specie gerimus, rerum veritate capiamus. Per.

SVPER POPVLVM.

Gaudeat, Domine, quæsumus, plebs tua beneficiis impetratis: & cui fiduciam sperandæ pietatis indulges, optatæ misericordiæ præsta benignus effectum. Per Dominum nostrum.

V. KALENDAS OCTOB.
Nat. SS. Cosmæ & Damiani.

A Desto, Domine, Martyrum deprecatione Sanctorum, & quos pati pro tuo nomine volui-

sti, fac tuis fidelibus suffragari. Per.

SVPER OBLATA.

Anticipa nos misericordia tua, priusquam zelus iræ deficiat, misericors Deus: & hæc dona sanctifica, vt, adiuti patrociniis beatorum, quorum propter te sanguis effusus est, propitiationem tuam cum peccatorum venia consequamur. Per.

AD COMPLENDVM.

Sit nobis, Domine, sacramenti tui certa saluatio: quæ cum Beatorum Martyrum tuorum Cosmæ & Damiani meritis imploratur. Per.

III. KALENDAS OCTOB.
Dedicatio Basilicæ S. Archangelis Michaelis.

DEus, qui miro ordine Angelorum ministeria, hominumque dispensas, concede propitius, vt quibus tibi ministrantibus in coelo semper assistitur, ab his in terra nostra vita muniatur.

SVPER OBLATA.

Hostias tibi, Domine, laudis offerimus, suppliciter deprecantes, vt easdem Angelico pro nobis interueniente suffragio, & placatus accipias, & ad salutem nostram prouenire concedas. Per Dominum.

PRÆFATIO.

Vere dignum, & iustum est, æquum & salutare, Nos tibi semper & ubique gratias agere, Domine sancte, Pater omnipotens, æterne Deus: Sancti Michaëlis Archangeli merita prædicantes: quamuis enim nobis sit omnis Angelica veneranda sublimitas, quæ in Maiestatis tuæ consistit conspectu, illa tamen est propensius honoranda, quæ in eius ordinis dignitate, coelestis militiæ meruit principatum. Per Christum Dominum nostrum.

BENEDICTIO.

Deus qui ad salutem nostram Angelorum suorum utitur ministerio, eorum vos munimine cõmuni custodiat custodia. Amen. Det vobis mentium puritatem, & iugem corporum castitatem, qui eorum electis omnibus repromisit æqualitatem. Amen. Quique illis certissimam suæ permansionis tribuit fiduciam, ipse vos fidei, spei, caritatisque perseverabili virtute confirmet, atque ad eorum beatitudinis societatem perducatur. Amen. Quod ipse præstare dignetur.

AD COMPLENDVM.

Beati Archangeli tui Michaëlis intercessione suffulti, supplices, Te Domine, deprecamur, ut quos honore prosequimur, contingamus & mente. Per Dominum.

SUPER POPVLVM.

Adesto plebi tuæ, misericors Deus: & ut gratiæ tuæ beneficia potiora percipiat, Beati Michaëlis Archangeli fac supplicem deprecationibus subleuari. Per Dominum nostrum.

NONIS OCTOBRIS NAT.
Sancti Marci Papæ.

EXaudi, Domine, quæsumus, preces nostras: & interueniente Beato Marco Confessore tuo atque Pontifice, supplicationes nostras placatus intende. Per Dominum nostrum.

SUPER OBLATA.

Benedictio tua, Domine, larga descendat: quæ munera nostra, deprecante Sancto Marco confessore tuo atque Pontifice, tibi reddat accepta, & nobis sacramentum redemptionis efficiat. Per Dominum nostrum.

AD COMPLENDVM.

Da, quæsumus, Domine, fidelibus populis Sanctorum tuorum semper veneratione lætari, & eorum perpetua supplicatione muniri. Per Dominum.

PRIDIE IDVS OCTOBRIS
Nat. S. Calisti Papæ.

Deus, qui nos conspicias ex nostra infirmitate deficere, ad amorem tuum nos misericorditer

diter per Sanctorum tuorum exempla restaura. Per Dominum nostrum.

SVPER OBLATA.

Mystica nobis, Domine, profit oblatio, quæ nos & à reatibus nostris expediat, & perpetua saluatione confirmet. Per.

AD COMPLENDVM.

Quæsumus, omnipotens Deus, vt reatum nostrum munera sacra purificent, & recte viuendi nobis operentur effectum. Per Dominum nostrum.

XV. KALENDAS NOVE MB.
Nat. S. Lucæ Euangelistæ.

INterueniat pro nobis, Domine, quæsumus, Sanctus tuus Lucas Euangelista, qui Crucis mortificationem iugiter in suo corpore pro tui nominis honore portauit. Per Dominum nostrum.

SVPER OBLATA.

Donis nos coelestibus, da quæsumus, Domine, libera mente seruire, vt munera, quæ deferimus, interueniente Beato Euangelista tuo Luca, & medelam nobis operentur & gloriam. Per.

PRÆFATIO.

Vere dignum, & iustum est, æquum, & salutare, Nos tibi sem-

per, & vbique gratias agere: Domine sancte, Pater omnipotens, æterne Deus: Et Te in tuorum Sanctorum meritis gloriosis colaudare, benedicere, & prædicare: Qui eos dimicantes contra antiqui serpentis machinamenta, & proprii corporis blandimenta, inexpugnabili virtute Rex gloriæ roborasti. Ex quibus Beatus Lucas Euangelista tuus, assumpto scuto fidei, & galea salutis, & gladio Spiritus sancti, & viriliter contra vitiorum incentiua pugnavit, & Euangelicæ nobis dulcedinis fluentia manauit. Vnde petimus immensam, Domine, pietatem tuam, vt qui cum tot meritorum donasti prærogatiuis, nos eius & informes exemplis, & adiuues meritis. Per Christum.

BENEDICTIONEM
require, in natali.

AD COMPLENDVM.

Præsta, quæsumus, omnipotens æterne Deus, vt id, quod de sancto Altari tuo accepimus, precibus Beati Euangelistæ tui Lucæ sanctificet animas nostras, per quod tuti esse possimus. Per.

VI. KALENDAS NOVE MB.
Vigilia Apostolorum Simonis
& Iudæ.

Concede, quæsumus, omnipotens Deus, vt sicut Aposto-

lorum tuorum Simonis & Iudæ
gloriosa natalitia præuenimus,
sic ad tua beneficia promerenda,
Maiestatem tuam pro nobis ipsi
præueniant.

SVPER OBLATA.

Muneribus nostris, Domine,
Apostolorum Simonis & Iudæ
festa præcedimus, humiliter po-
stulantes, vt quæ conscientia no-
stræ præpediuntur obstaculis, il-
lorum meritis grata reddantur.
Per.

PRÆFATIO.

Vere dignum, & iustum est,
æquum & salutare, Nos tibi sem-
per, & vbiq; gratias agere, Do-
mine sancte, Pater omnipotens,
æterne Deus: Quia tu es mirabi-
lis in omnibus sanctis tuis, quos
& nominis tui confessione præ-
claros, & suscepta pro te fecisti
passione gloriosos. Vnde sicut illi
ieiunando, orandoque certave-
runt, vt hanc possent obtinere vi-
ctoriam, ita nos eorum exemplis
informemur, vt ad celebranda
præsentia festa idonei inuenia-
mur, & ad æterna percipienda
eorum interuentu digni iudice-
mur. Per Christum.

AD COMPLENDVM.

Sumpto, Domine, sacramento,
suppliciter deprecamur, vt inter-
cedentibus Beatis Apostolis, quod
temporaliter gerimus, ad vitam
capiamus æternam. Per.

AD VESP.

Omnipotens sempiterne Deus,
mundi Creator & Rector, qui
Beatos Apostolos nominis tui
gloria sublimasti, exaudi, quæsu-
mus, Domine, populum tuum
cum Sanctorum tuorum tibi pa-
trociniis supplicantem, vt nobis
& pacis donum tribuas, & conti-
nuatum proficiat ad fidei & cari-
tatis augmentum. Per Dominum
nostrum.

V. KALENDAS NOVEMB.
Nat. Apostolorum Simonis
& Iudæ.

DEus, qui nos per Beatos Apo-
stolos tuos ad agnitionem
tui nominis venire tribuisti, da
nobis gloriam sempiternam pro-
ficiendo celebrare, & celebra-
ndo proficere. Per.

SVPER OBLATA.

Gloriam, Domine, Sanctorum
Apostolorum perpetuam vene-
rantes, quæsumus, vt eam sacris
mysteriis expiati, dignius cele-
bremus. Per.

PRÆFATIO.

Vere dignum & iustum est,
æquum & salutare, Nos tibi sem-
per, & vbiq; gratias agere, Do-
mine sancte, Pater omnipotens,
æterne Deus: Te in tuorum Apo-
stolorum glorificantes honore, qui
& illis tribuisti beatitudinē sem-
piternam, & infirmitati nostræ

talia præstitisti suffragia, per quæ
tua possimus adipisci subsidia, &
peruenire ad præmia repromissa.
Per Christum.

BENEDITIONEM R. Q.

AD COMPLENDVM.

Perceptis, Domine, sacramentis
suppliciter te rogamus, vt interce-
dentibus Beatis Apostolis tuis,
quæ pro illorum veneranda geri-
mus passione, nobis proficiant ad
medelam Per.

A L I A.

Exaudi nos Deus salutaris no-
ster, & Apostolorum tuorum
nos tuere præfidiis, quorum do-
nasti fideles esse doctrinis. Per.

PRIDIE KALENDAS

Nouembris Vigilia omnium
Sanctorum.

Domine Deus noster, multi-
plica super nos gratiam
tuam, & quorum præuenimus
gloriosa solemnia, tribue subse-
qui in sancta professione lætitiā.
Per.

SUPER OBLATA.

Altare tuum, Domine Deus,
muneribus cumulamus oblati-
da, quæsumus, vt ad salutem no-
stram omnium Sanctorum tuo-
rum precatione proficiant, quo-
rum solemnia ventura præcurri-
mus. Per.

AD COMPLENDVM.

Sacramentis, Domine, & gau-
diis optata celebritate expletis,
quæsumus, vt eorum precibus ad-
iuuemur, quorum recordationi-
bus exhibentur. Per.

SUPER POPVLVM.

Erudi, quæsumus, Domine, po-
pulum tuum spiritualibus instru-
mentis: & quorum præstas solem-
nia præuenire, fac eorum & con-
sideratione deuotum, & defensio-
ne securum. Per.

KALENDIS NOVEMBRIS

Nat. S. Cæsarij Martyris.

Deus, qui nos beati Martyris
tui Cæsarij annuā solemni-
tate lætificas, concede propitius,
vt cuius natalitia colimus, etiam
actiones imitemur. Per.

SUPER OBLATA.

Hostias tibi, Domine, Beati Cæ-
sarij Martyris tui dicatas meritis
benignus assume, & ad perpe-
tuum nobis tribue prouenire sub-
sidium. Per.

AD COMPLENDVM.

Quæsumus, omnipotens Deus,
vt, qui coelestia alimenta perce-
pimus, intercedente Beato Cæsa-
rio Martyre tuo per hæc contra
omnia aduersa muniamur. Per
Dominum.

EODEM DIE NAT. omnium Sanctorum.

Omnipotēs sempiternē Deus, qui nos omnium Sanctorum merita sub vna tribuisti celebritate venerari, quæsumus, vt desideratam nobis tuæ propitiationis abundantiam, multiplicatis intercessionibus, largiaris. Per.

SVPER OBLATA.

Munera tibi, Domine, nostræ deuotionis offerimus: quæ & pro cunctorum tibi grata sint honore Sanctorum, & nobis salutaria, Te miserante, reddantur. Per.

PRÆFATIO.

Vere dignum, & iustum est, æquū & salutare, Nos tibi semper & vbique gratias agere, Domine sancte, Pater omnipotens, æternē Deus: Et clementiam tuam suppliciter obsecrare, vt cum exultantibus Sanctis in cœlestis regni cubilibus gaudia nostra subiungas. Et quos virtutis imitatione non possumus sequi, debitæ venerationis contingamus affectu. Per Christum.

BENEDICTIO.

Sanctorum suorum meritis vos Dominus faciat benedici, & contra aduersa omnia eorum intercessione muniri. Amen. Eorum efficiant suffragia felices, quorum

festiuitatis diem celebratis oūantes. Amen. Quò eorum imitantes exempla ad cœlestia possitis peruenire promissa. Amen. Quod ipse præstare dignetur.

AD COMPLENDVM.

Sanctorum omnium gloriosa confessio, Deus, tribue nobis, vt quæsumus, per hæc sancta quæ sumpsimus, tuorum admixti conciliis, misericordiæ tuæ dapibus saginemur. Per.

ALIA.

Da, quæsumus, Domine, fidelibus populis omnium Sanctorum semper veneratione lætari, & eorum perpetua supplicatione muniri. Per.

Quattuor Coronatorum nomina hæc sunt: Seuerus, Seuerianus, Victorinus, & Carpophorus, quorum dies natalis per incuriam neglectus minime reperiri poterat; ideo statutum est, vt in eorum Ecclesia, horum quinque Sanctorum, qui in Missa recitantur, natalis celebretur, vt cum istis eorum quæque memoria pariter fiat.

VI. IDVS NOVEMBRIS

Natiuit. SS. Quattuor Coronatorum.

Præsta, quæsumus, omnipotens Deus, vt qui gloriosos Martyres, Claudium, Nicostratum, Symphonianum, Castorium,

atque Simplicium, fortes in sua confessione cognouimus, pios apud te in nostra intercessione sentiamus. Per.

SVPER OBLATA.

Benedictio tua, Domine, larga descendat, quæ & munera nostra deprecantibus Sanctis tuis, tibi reddat accepta: & nobis sacramentum redemptionis efficiat. Per.

PRÆFATIO.

Verè dignum, & iustum est, æquum, & salutare, Nos tibi semper, & ubique gratias agere, Domine sancte, Pater omnipotens, æterne Deus: celebrantes Sanctorum natalitia Coronatorum: Quia dum tui nominis per eos gloriam frequentamus, in nostræ fidei augmento succrescimus. Per Christum.

AD COMPLENDVM.

Cœlestibus refecti sacramentis & gaudiis, supplices te, Domine, deprecamur, vt quorum gloriamur triumphis, protegatur auxiliis. Per.

V. IDVS NOVEMBRIS
Nat. S. Theodori Martyris.

DEus, qui nos Beati Theodori Martyris tui confessione gloriosa circundas & protegis, præsta nobis eius imitatione proficere, & oratione fulciri. Per.

SVPER OBLATA.

Suscipe, Domine, fidelium preces cum oblationibus Hostiarum, & intercedente Beato Theodoro Martyre tuo, per hæc piæ deuotionis officia ad cœlestem gloriam transeamus. Per.

AD COMPLENDVM.

Præsta nobis, Domine, quæsumus, intercedente Beato Theodoro Martyre tuo, vt quæ ore contigimus, purâ mente capiamus. Per.

III. IDVS NOVEMBRIS
Nat. S. Mennæ Martyris.

Præsta, quæsumus, omnipotens Deus, vt qui Beati Mennæ Martyris tui natalitia colimus, intercessione eius in tui nominis amore roboremur. Per.

SVPER OBLATA.

Beati Mennæ Martyris tui, Domine, solemnia recensentes, quæsumus, vt eius auxilio, tua beneficia capiamus, pro quo tibi Hostias laudis offerimus. Per.

AD COMPLENDVM.

Benedictio tua, Deus, impleat corda fidelium, talesque perficiat, qui & Martyrum honorificent passiones, & remedia salutis æternæ, eisdem patrocinantibus, adsequantur. Per.

EODEM DIE NAT.
S. Martini Confessoris.

DEus, qui conspicias, quia ex nulla nostra virtute subsistimus, concede propitius, ut intercessionem Beati Martini Confessoris tui atque Pontificis, contra omnia aduersa muniamur. Per Dominum nostrum.

SUPER OBLATA.

Beati Martini Pontificis, quaesumus, Domine, nobis pia non desit oratio, quæ & munera nostra conciliet, & tuam nobis indulgentiam semper obtineat. Per Dominum nostrum.

PRÆFATIO.

Verè dignum, & iustum est, æquum & salutare, Nos tibi semper, & ubique gratias agere, Domine sancte, Pater omnipotens, æterne Deus: Cuius munere Beatus Martinus Confessor pariter & sacerdos, & bonorum operum incrementis excreuit, & variis virtutum donis exuberavit & miraculis coruscavit: Qui, quod verbis docuit, operum exhibitione compleuit: & documento simul & exemplo subditis ad cœlestia regna pergendi ducatum præbuit. Vnde tuam clementiam petimus, ut eius qui tibi placuit, exemplis ad bene agendum informemur, meritis muniamur, inter-

cessionibus adiuvemur, qualiter ad cœleste regnum, illo interueniente, Te opitulante, peruenire mereamur. Per Christum.

AD COMPLENDVM.

Tua, Domine, sancta fumentes, suppliciter deprecamur, ut quorum veneramur confessionem, præsidia sentiamus. Per.

SUPER POPVLVM.

Exaudi, Domine, populum tuum, tota tibi mente subiectum, & Beati Martini Pontificis supplicatione custodi, ut corpore & corde protectus, quod piè credit, appetat: & quod iuste sperat, obtineat. Per.

X. KALENDAS DECEMB.
Nat. sanctæ Cæcilie.

DEus, qui nos annua beatæ Cæcilie Martyris tuæ solemnitate lætificas, da, ut quam veneramur officio, etiam piæ conuersationis sequamur exemplo. Per.

SUPER OBLATA.

Hec Hostia, Domine, placationis & laudis, quaesumus, ut, interueniente Beata Cæcilia Martyre tua, nos tua propitiatione dignos semper efficiat. Per.

PRÆFATIO.

Vere dignum, & iustum est, æquum & salutare, Nos tibi semper, & ubique gratias agere, Domine sancte, Pater omnipotens,

æterne Deus: Qui in infirmitate virtutem perficis, & humani generis inimicum non solum per viros, sed etiam per feminas vincis: Cuius munere Beata Cæcilia, & in virginitatis proposito, & in confessione fidei roborata est, ut nec ætatis lubrico ab intentione mutaretur, nec blandimentis carnalibus demulceretur, nec sexus fragilitate deterreretur, nec tormentorum immanitate vinceretur: sed seruando corporis ac mentis integritatem, cum virginitatis & martyrij palma æternam mereretur adipisci beatitudinem. Per Christum.

AD COMPLENDVM.

Sic nos, Domine, gratia tua, quæsumus, semper exerceat, ut & diuinis instauret nostra corda mysteriis, & sanctæ Cæcilie Martyristuæ commemoratione lætificet. Per Dominum nostrum.

IX. KALENDAS DECEMB.
Nat. S. Clementis.

OMnipotēs sempiternæ Deus, qui in omnium Sanctorum tuorum es virtute mirabilis, da nobis in Beati Clementis annua solemnitate lætari, qui filij tui Martyr & Pontifex, quod ministerio gessit, testimonio comprobauit: & quod prædicauit ore, confirmauit exemplo. Per.

SUPER OBLATA.

Sacrificium tibi, Domine, laudis offerimus, pro sancti celebritate Clementis, ut propitiationem tuam, quam nostris operibus non mereremur, pij Suffragatoris intercessionibus assequamur. Per.

PRÆFATIO.

Vere dignum & iustum est, æquum & salutare, Nos tibi semper & vbique gratias agere, Domine sancte, Pater omnipotens, æterne Deus: Et in hac die, quam Beati Clementis passio consecrauit, & nobis venerabilem exhibuit: Qui Apostolica prædicatione imbutus, doctrinis coelestibus educatus, successionis dignitate conspicuus, & Martyr insignis & Sacerdos refulsit egregius. Per Christum Dominum nostrum.

AD COMPLENDVM.

Da, quæsumus, Domine Deus noster, ut sicut tuorum commemoratione Sanctorum temporali gratulamur officio, ita perpetuo lætemur aspectu. Per.

EODEM DIE NAT. S.
Felicis.

PRæsta, quæsumus omnipotens Deus, ut Beatæ Felicis Martyris tuæ solemnia referentes, meritis ipsius protegamur & precibus. Per.

SUPER OBLATA.

Suscipe vota tuorum, Domine, famulorum: & oblatum tibi pro commemoratione Beatæ Felicitatis, pacifici libaminis sacrificium propitiatus intende. Per, &c.

AD COMPLENDVM.

Supplices te rogamus, omnipotens Deus, ut interuenientibus Sanctis tuis, & tua in nobis dona multiplices, & tempora nostra disponas. Per.

VIII. KALENDAS DECEMB.

Nat. Sancti Chrysogoni
Martyris.

Adesto, Domine, supplicationibus nostris, ut, qui ex iniquitate nostra reos nos esse cognoscimus. Beati Chrysogoni Martyristui intercessione liberemur. Per.

SUPER OBLATA.

Oblatis, quæsumus, Domine, placare muneribus, & intercedente Beato Chrysogono Martyre tuo, à cunctis nos defende periculis. Per.

PRÆFATIO.

Vere dignum, & iustum est, æquum, & salutare, Nos tibi sæper, & ubique gratias agere, Domine, sancte, Pater omnipotens, æterne Deus: Qui nos assiduis Martyrum passionibus consolaris, & eorum

sanguinem triumphalem, quem pro professione nominis tui infidelibus præbuere fundendum, ad tuorum facis auxilium transire fidelium.

AD COMPLENDVM.

Tui, Domine, perceptione sacramenti, & à nostris mundemur occultis, & ab hostium liberemur insidiis. Per.

III. KALENDAS DECEMB.

Nat. S. Saturnini Martyris.

Deus, qui nos Beati Saturnini Martyris cui concedis natalitio perfrui, eius nos tribue meritis adiuuari. Per.

SUPER OBLATA.

Munera tibi, Domine, dicata sanctifica, & intercedente Beato Saturnino Martyre tuo, per eadem nos placatus intende. Per Dominum nostrum.

AD COMPLENDVM.

Sanctificet nos, Domine, quæsumus, tui perceptio sacramenti, & intercessione Sanctorum tibi reddat acceptos. Per.

EODEM DIE VIGILIA

Sancti Andreae.

Quæsumus omnipotens Deus, ut Beatus Andreas Apostolus tuus nobis imploret auxilium,

ut à

ut à nostris reatibus absoluti, à cunctis etiam periculis exuamur. Per Dominum nostrum.

SYPER OBLATA.

Sacrandum tibi, Domine, munus offerimus, quò Beati Andreae solemniam recolentes, purificationem quoque nostris mentibus imploramus. Per.

PRÆFATIO.

Vere dignum, & iustum est, æquum & salutare, Nos tibi semper, & ubique gratias agere: Domine sancte, pater omnipotens, æterne Deus: Et Maiestatem tuam suppliciter exorare, ut qui Beati Andreae Apostoli festum solemnibus ieiuniis, & deuotis præuenimus officiis, illius apud Maiestatem tuam, & adiuuemur meritis, & instruamur exemplis. Per. Christum.

AD COMPLENDVM.

Perceptis, Domine, sacramentis, suppliciter exoramus, ut intercedente Beato Andrea Apostolo tuo, quæ pro illius veneranda gerimus passione, nobis proficiant ad medelam. Per.

ALIA.

Tuere nos, misericors Deus, & Andreae Apostoli tui, cuius natalitia præuenimus, semper gubernam præfidiis. Per Dominum nostrum.

AD VESPEROS.

Adiuuet Ecclesiam tuam tibi, Domine, supplicando, Beatus Andreas Apostolus, & pius interuentor efficiatur, qui tui nominis extitit prædicator. Per Dominum.

AD MATVTINOS.

Deus, qui es Sanctorum tuorum splendor mirabilis, qui hunc diem Beati Andreae martyrio consecrasti, da Ecclesiæ tuæ de eius natalitio semper gaudere, ut apud misericordiam tuam exemplis eius protegatur & meritis. Per.

PRIDIE KALENDAS
Decembris Natale Sancti
Andreae.

Maiestatem tuam supplices, Domine, exoramus, ut sicut Ecclesiæ tuæ Beatus Andreas Apostolus extitit Prædicator & Rector, ita apud te sit pro nobis perpetuus intercessor. Per.

SYPER OBLATA.

Sacrificium nostrum tibi, Domine, quæsumus, Beati Andreae precatio sancta conciliet, ut cuius honore solemniter exhibetur, meritis efficiatur acceptum. Per Dominum nostrum.

PRÆFATIO.

Verè dignum, & iustum est, æquum & salutare, Nos tibi semper & ubique gratias agere, Domine sancte, Pater omnipotens, æterne Deus: Quoniam adest nobis dies magnifici votiua mysterij, qua venerandus Andreas Apostolus germanum se gloriosi Apostoli tui Petri, tam prædicatione Christi tui, quàm conuersatione monstrauit: vt id, quod liberâ prædicauerat voce, nec pendens taceret in Cruce: Auctoremque vitæ perennis tam in hac vita sequi, quàm in mortis genere meruit imitari: vt, cuius præcepto terrena in semetipso crucifixerat desideria, eius exemplo ipse patibulo figeretur. Vtrique igitur germani piscatores, ambo cruce eleuantur ad cælum: vt, quos in huius vitæ cursu gratia tua tot vinculis pietatis obstrinxerat, hos immarcescibilis in regno cælorum neceret & corona. Et quibus erat vna causa certaminis, vna retributio esset & præmij. Per quem, Maiestatem tuam.

BENED. REQ. IN NATAL.

AD COMPLENDVM.

Sumpsimus Domine, diuina mysteria, Beati Andreæ festiuitate lætantes, quæ sicut tuis sanctis ad gloriam, ita nobis, quæsumus, ad veniam prodesse perficias. Per Dominum.

AD VESPEROS.

Da nobis, quæsumus, Domine Deus noster, Beati Apostoli tui Andreæ intercessionibus subleuari, vt per quos Ecclesiæ tuæ superni muneris rudimenta donasti, per eos subsidia perpetuæ salutis impendas. Per Dominum nostrum.

ALIA.

Exaudi, Domine, populum tuum cum Sancti Apostoli tui Andreæ patrocinio supplicantem, vt tuo semper auxilio securâ tibi possit deuotione seruire. Per.

IDIBVS DECEMBRIS
Nat. S. Lucie Virginis.

Exaudi nos Deus salutaris noster, vt sicut de Beatæ Lucie festiuitate gaudemus, ita piæ deuotionis erudiamur effectu. Per.

SUPER OBLATA.

Quæsumus, virtutum cælestium Deus, vt sacrificia pro Sanctæ tuæ Lucie solemnitate delata, desiderium nos temporale doceant habere contemptum, & ambire dona faciant cælestium gaudiorum. Per.

AD COMPLENDVM.

Læti, Domine, sumpsimus sacramenta cælestia; quæ, intercedente pro nobis Beata Lucia Martyre tua, ad vitam nobis proficiant sempiternam. Per Dominum.

A L I A.

Intercessio nos, Domine, quæsumus, Sanctæ Lucie Martyris tuæ votiua confoueat, vt eius sacrata natalitia & temporaliter frequentemus, & conspiciamus æterna. Per Dominum nostrum.

XII. KALENDAS

Ianuarij Nat. S. Thomæ
Apostoli.

DA nobis, quæsumus, Domine, Beati Apostoli tui Thomæ solemnitatibus gloriari, vt eius semper & patrociniis subleuemur, & fidem congruâ deuotione sectemur. Per.

SUPER OBLATA.

Debitum, Domine, nostræ reddimus seruitutis, suppliciter exorantes, vt suffragiis Beati Thomæ Apostoli in nobis tua munera tuearis, cuius honorando confessionem, laudis tibi Hostias immolamus. Per Dominum nostrum.

PRÆFATIO.

Vere dignum, & iustum est, æquum, & salutare, Nos tibi semper, & vbique gratias agere, Domine sancte, Pater omnipotens, æternæ Deus: Qui Ecclesiam tuam in Apostolicis tribuisti consistere fundamentis, de quorum Collegio Beati Thomæ Apostoli tui solemnia celebrantes, tua

Domine, præconia non taceamus. Per Dominum nostrum.

R. Q. BENED. IN NATALI.

AD COMPLENDVM.

Conserua, Domine, populum tuum: & quem Sanctorum tuorum præfidiis non desinis adiuuare, perpetuis tribue, gaudere remediis. Per.

SUPER POPVLVM.

Da populo tuo, quæsumus, Domine, Spiritum veritatis & pacis: & intercedente Beato Thoma Apostolo tuo, & Te tota mente cognoscat, & quæ tibi sunt placita, toto corde sectetur. Per Dominum nostrum Iesum Christum.

INCIPIT ORDO AD
Ecclesiam Dedicandam.

Primitus enim antequam Pontifex introeat Ecclesiam, inluminentur XII. candela per circuitum Ecclesie: & induant se vestimentis sacris. Et cum venerint ad ostium Ecclesie, percutiat Pontifex ter superliminare de cambuta sua, dicens ante portam Antiphonam, Tollite portas principes vestras. Et canant ipsum Psalmum totum ante ostium, & aperto ostio intrantes dicant. Pax huic domui. Deinde incipiat Clerus Litaniam. Et cum vene-

rint Sacerdotes, vel Leuita ante altare, prosternant se super stramenta cum Pontifice usque dum dicatur, Agnus Dei. Vt autem surrexerint ab oratione, non dicat Pontifex. Dominus vobiscum; Sed, Oremus, tantum. Et Diaconus dicat, Flectamus genua; Postquam orauerint, dicat, Leuate. Et sequitur oratio.

Magnificare, Domine, Deus noster, in sanctis tuis, & in hoc templo ædificationis tuæ appare: vt qui omnia in filiis adoptionis operaris, ipse semper in tuâ hæreditate lauderis. Per Dominum nostrum Iesum Christum filium tuum.

Deinde incipiat Pontifex de sinistro angulo ab Oriente scribens per pavementum cum cambuttâ suâ, A, B, C, usque in dextrum angulum Occidentis, incipiens iterum similiter à dextro angulo Orientis, A, B, C, scribit usque in sinistrum angulum Occidentis Basilica.

Deinde veniens ante altare dicat: Deus in adiutorium meum intende, Domine ad adiuuandum me festina. Gloria Patri, & Filio, & Spiritui sancto. Sicut erat in principio, & nunc & semper, & in sæcula sæculorum. Amen, Absque. Alleluia. Deinde sequitur exorcismus aquæ.

Discede, immunde Spiritus, ab omnibus, quibus fides nostra

vsura est, Religiosi officij Sacramentis. Nec præendas culpam criminis, qui agnoscis potentiam Saluatoris. Non est meriti confidentia, sed præcepti. Licet ipsa potestas ministerij dignitas sit ministri. Te igitur per communem Deum, aquæ creatura conuenio: vt conseruato motu sensibilitatis, intellegens subici seruitio, quo placere Deo nitimur, non recuses. Omnem à te communionem dæmonum, omne collegium iniquitatis expurges. Totam phantasmatis labem capax dominicæ protectionis extermines: vt gratiâ sanctificationis indepta tuo, nostroque pariter creatori debito famulatu deseruiens omnem Spirituum prauorum nequitiam quocumque loco fueris aspersa deicias, & sanctæ copiam benedictionis infundas. Per Dominum nostrum Iesum Christum, qui venturus est iudicare viuos & mortuos, & sæculum per ignem.

DEINDE DICAT HANC ORATIONEM.

Sanctificare per verbum Dei vnda coelestis, sanctificare aqua Christi calcata vestigiis. Quæ montibus pressa non clauderis, quæ scopulis inlisa non frangeris, quæ terris diffusa non deficis. Tu sustines aridam, portas montium pondera, nec dimergis. Tu cœlorum vertice contineris,

circumfusa per totum lauas omnia, nec lauaris. Tu fugientibus populis Hæbræorum in molem durata constringeris, tu rursus falsis resoluta vorticibus Nili accolæ perdis, & hostilem globum freto sæuiente persequeris. Vna eademque es salus fidelibus, & ultio criminosis. Te per Moysen percussa rupes euomit, nec abdita cautibus latere potuisti, cum Maiestatis imperio iussa prodires. Tu gestata nubibus imbre iucundo arua fecundas. Per te aridis æstu corporibus dulcis ad gratiã, salutaris ad vitam potus infunditur. Tu intus scaturiens venis, aut spiritum inclusa vitalem, aut succum fertilem præstas. Nec siccatis examinata visceribus, solemnes neget terra prouentus. Per te initium, per te finis exultat: vel potius ex Deo tuum est, vt terminum nesciamus. At tu, Domine omnipotens Deus, cuius virtutum non nescij, dum aquarum merita promimus, operis insignia prædicamus, benedictionis auctor, salutis origo, te supplices deprecamur & quæsumus, vt imbrem gratiæ tuæ super hanc domum cum abundantia tuæ benedictionis infundas, bona omnia largiaris, prospera tribuas, aduersa repellas. Malorum fautorem dæmonem destruas, Angelum lucis amicū, bonorum prouisorem defensoremque constituas. Domum in tuo nomine coeptam, te

adiutore perfectam benedictio tua in longum mansura confirmet. Tuum hæc fundamēta præsidium, culmina tegumentum, ostia introitum, penetralia mereantur accessum. Sit per lustrationem vultus tui vtilitas hominum, stabilitas parietum, sit positæ crux inuicta liminibus, vtrique postes gratiæ tuæ inscriptione signentur, ac per multitudinem propitiationis tuæ visitoribus domus huius sit pax cum abundantia, sobrietas cum modestia, redundantia cum misericordia. Inquietudo omnis & calamitas longè recedat, inopia, pestis, morbus, languor, incursusque malorum spirituum tua semper visitatione discedat. Et ita fusa in hoc loco nostræ supplicationis oratio extensos eius terminos & atria circumiecta percurrat, sicque per cunctos angulos ac recessus data benedictio huius gurgitis purificatione perlabatur: vt semper hîc lætitia quietis, gratia hospitalitatis, abundantia frugis, reuerentia religionis, copia sit salutis. Et vbi inuocatur sanctum tuum nomen, bonorum succedat copia, malorum tentamenta procul effugiant. Et mereamur Angelum pacis, castitatis, & veritatis, qui nos semper ab omnibus malis custodiat, protegat atque defendat. Per Dominum.

BENEDICTIO AQUÆ.

Domine Deus, Pater omnipotens, statutor & conditor omnium elementorum, qui per Iesum Christum filium tuum Dominum nostrum elementum hoc aquæ in salutem humani generis esse voluisti, te supplices deprecamur, ut, exauditis orationibus nostris, eam tuæ pietatis respectu sanctifices; atque ita omnium spirituum immundorum ab ea recedat incurio, ut ubicumque fuerit in nomine tuo aspersa, gratia tuæ benedictionis adueniat, & mala omnia te propitiante procul recedant. Per eundem Dominum nostrum Iesum Christum.

EXORCISMVS SALIS.

EXorcizo te, creatura salis, in nomine Patris, & Filij & Spiritus sancti, qui te per Elizeum in aquam mitti iussit, ut sanarentur aquæ steriles: qui diuinâ oris sui voce ait discipulis suis: *Vos estis sal terræ*, & per Apostolum sum vas electionis, *sermo vester sal sit conditus*. Ideoque efficere sal exorcizatum, ut sis in remissionem peccatorum, & sanitatem mentium, in protectionem animæ atque corporis, in confirmationem salutis ad expellendas, & excludendas omnes dæmonum tentationes, in nomine Dei Patris om-

nipotentis, & Iesu Christi Filij eius, & Spiritus sancti viuentis in sæcula sæculorum.

BENEDICTIO SALIS.

Virtutis tuæ inuictam fortitudinem deprecamur Domine sancte Pater omnipotens æterne, Deus, qui inter omnia necessaria, quæ per Iesum Christum Dominum nostrum procreari iussisti, non minimam gratiam conferre dignatus es sal, ut ex illo possint vniuersa condiri, quæ omnibus ad escam per eundem tuum Filium Dominum nostrum procreasti. Ideoque te supplices exoramus, ut hoc sal digneris aspicere, quatenus ex Maiestatis tuæ virtute contra omnes spiritus immundos valorem possit accipere. Expellat ab omni loco, ubi tua fuerit inuocatione aspersum, quicquid potest esse pestiferum, ut exhibeat plenum salutis effectum. Deterreat omnes præstigias inimici, & omnia monstruosorum genera longius faciat effugari. Grauedines omnes, phantasiasque compescat, & per signum Crucis Filij tui Domini nostri Iesu Christi tutelam fidelissimam desiderantibus præstet. Qui tecum viuit & regnat Deus.

Et miscetur sal & cinis, faciensque ter inde crucem super ipsam aquam dicat hanc orationem.

OREMVS.

Æterne omnipotens Deus, qui nobis à te conditam creaturam aquæ in fide distinxisti; vt liquorem simplicem ad lauacrum, salisam soliditatem præberes ad condimentum: quatenus & sordida possent abluī, & fatua imbui: quò & noxa tolleretur originalis, & corrigeretur error ad viam salutis: te officij nostri functione immeriti deprecamur, vt hæc salis & aquæ in tuo nomine facta permixtio, clementiæ tuæ sanctificetur obtutu. Quodque mysterialiter Baptismo commodum, culpæ traduci inimicum, sapientiæ aptum, errori præstas aduersum, sancti Spiritus tui sanctitate reddas sanctificatum; nec vllò contagio reddatur immundum, quòd tua fieri credimus maiestate beatum. Sed ita per te præbeat plenum sanctificationis effectum, vt vbi-cumque inuocato nomine tuo fuerit manu emissum, vel quolibet modo adsumptum, expulsis & explosis omnibus insidiis contrariæ potestatis, & cuncta dæmonum machinamenta ex eodem loco fugata deficient, & sanctorum Angelorum custodia semper inibi mansura consistat. Per.

Deinde miscetur vinum cum aquâ, & dicit hanc orationem.

OREMVS.

Creator & conseruator humani generis, dator gratiæ spiritalis, largitor æternæ salutis, tu Domine permitte Spiritum sanctum tuum super vinum hoc aquâ mixtum, vt armata virtute cœlestis defensionis ad consecrationem huius Ecclesiæ vel altaris proficiant. Per Dominum nostrum Iesum Christum.

Inde facit crucem de digito suo cum ipsa aquâ in dextra parte, per quatuor cornua altaris. Inde veniens ante altare cum hyssopo aspergit ipsum altare septem vicibus canendo Antiphonã. Asperges me, Domine hyssopo & mundabor, cum ipso Psalmo. Et vadit in circuitu altaris spargendo. Deinde in dextrâ parte per parietes Ecclesiæ vsque dum veniens ante altare spargit iterum de super in circuitu altaris vel Ecclesiæ canendo Antiphonã. Exurgat Deus. Cum ipso Psalmo vsque dum veniens iterum ante altare aspergit de super, & in circuitu Ecclesiæ canendo Antiphonam, Sanctificauit Dominus tabernaculum suum; quia hæc est Psalmus, Deus Deus noster, & Ecce nunc. Et mittit ex ministris aut Clericis duos vel tres qui extrinsecus Ecclesiæ parietes vna voce psallant. Interim ipse Pontifex vadit de ipso altari spargendo per medium Ecclesiæ in longum & latum, faciendo crucem super pavementum cum Antiphona, Domus mea domus

orationis vocabitur; *cum versu*, Narrabo nomen tuum fratribus meis. *Item versus*, Domine dilexi. *cum Gloria & veniens in medio Ecclesie dicit*. Oremus. *Et dicit Diaconus*, Flectamus genua, *postea dicit*, Leuate. *Et dicit orationem*.

Deus qui loca nomini tuo dedicata sanctificas, effunde, de super hanc sanctificationis domum gratiam tuam, ut ab omnibus hic inuocantibus te, auxilium tue misericordiae sentiat. Per Dominum nostrum Iesum Christum.

Iterum dicit, Oremus, & *Diaconus*, Flectamus genua, *postea dicit*, Leuate. *Et sequitur oratio*.

Deus sanctificationum omnipotens dominator, cuius pietas sine fine sentitur, Deus, qui caelestia simul, & terrestria moderaris, seruans misericordiam tuam populo tuo ambulanti ante conspectum gloriae tuae, exaudi preces seruorum tuorum: ut sint oculi tui aperti super domum istam die ac nocte. Hancque basilicam in honore sancti *III.* sacris mysteriis institutam, clementissimus dedica, miseratus in lustra, proprio splendore clarifica. Omnemque hominem venientem adorare in loco hoc placatus admitte, propitius dignare respicere, & propter nomen tuum magnum, & manum tuam fortem & brachium excelsum in habitaculo hoc supplicantes libens protege, dignanter exaudi, aeterna defensione conser-

ua: ut semper felices, semper tua religione laetantes constanter in sanctae Trinitatis fide Catholica perseuerent. Per Dominum nostrum Iesum Christum filium tuum, qui tecum viuit & regnat Deus in unitate eiusdem.

Ipsa expleta incipit Antiphonam, Introibo ad altare Dei mei, *ipsam canendo, cum ipso Psalmo*. *Vadit ante altare, & fundit, quod remansit de ipsa aqua ad basin altaris*. *Et extergitur altare de linteo; postea offert incensum, & mittit oleum super altare, in medio crucem faciens, & super quatuor angulos cum Antiphona canendo*. Erexit Iacob, *cum Psalmo*, Fundamenta eius; & unxit cum manu sua ipsum lapidem semper incensum in circuitu ipsius altaris alio Sacerdote faciente. Post expleto Psalmo, mittit iterum oleum similiter sicut prius canendo Antiphonam, Mane surgens Iacob, *cum Psalmo*, Bonum est confiteri Domino. Ipso expleto mittit Chrisma similiter canendo Antiphonam Ecce odor filij mei, *cum Psalmo*, Lauda Ierusalem Dominum. *Item Antiphonam*, Vnxit te Dominus, *Psalum*, Eructauit cor meum. Deinde in circuitu Ecclesie per parietes dextro in dextro faciens crucem cum pollice de ipso Chrismate cum Antiphona, Sanctificauit Dominus. *Psalum*, Magnus Dominus, &, Ecce nunc. *Item dicit Antiphonam*, Lapidet pretiosi, *Psalum*. Lauda Ierusalem. *Inde faciens crucem incensi super*

super altare dicit, Oremus Diaconus, ut supra. Et dicit orationem super altare.

Dei Patris omnipotentis misericordiam, dilectissimi fratres, deprecemur, ut hoc altare sacrificiis spiritualibus consecrandum, vocis nostrae exoratus officio praesenti benedictione sanctificet: ut in eo semper oblationes famulorum suorum studio suae deuotionis impositas benedicere & sanctificare dignetur, & spiritali placatus incenso precanti familiae suae promptus exauditor adsistat. Per Dominum nostrum Iesum Christum filium tuum qui venturus. *Iterum dicit, Oremus. Diaconus ut supra.*

SEQUITUR BENEDICTIO.

Deus omnipotens, in cuius honore altare hoc sub inuocatione tui nominis, indigni consecramus, clemens & propitius preces nostrae humilitatis exaudi, & praesta, ut in hac mensa sint tibi libamina accepta, sint grata, sint pingua, & Spiritus sancti tui semper rore perfusa: ut omni tempore in hoc loco supplicantis tibi familiae tuae anxietates releues, aegritudines cures, preces exaudias, vota suscipias, desiderata confirmes, postulata concedas. Per Dominum.

Deinde dicit Antiphonam, Confirma hoc Deus, cum Gloria.

Deinde tenentibus Subdiaconis vel acolythis lintheamina, vel omnia ornamenta Ecclesiae, seu vasa sacra quaecunque ad cultum Dei & Ecclesiae pertinere videntur, benedicit ea Pontifex.

BENEDICTIO AD LIN-
theamina, vel ad omnia in
vsum Basilicae.

OMnipotens, & misericors Deus, qui ab initio utilia & necessaria hominibus creasti, templaque manu hominum facta nomini sancto tuo dicari, tuaeque habitationis loca vocari voluisti; quique per famulum tuum Moysen vestimenta Pontificalia, & Sacerdotalia, seu Leuitica, & alia quaeque diuersi generis ornamenta ad cultum & decorem Tabernaculi, & altaris tui fieri decreuisti: exaudi propitius preces nostras, & omnia haec diuersarum specierum ornamenta in vsum tuae huius basilicae vel altaris ad honorem & gloriam tuam praeparata purificare & sanctificare, benedicere & consecrare per nostrae humilitatis seruitutem digneris: ut & diuinis cultibus sacrisque ministeriis apta existant, & his confectioni corporis & sanguinis Iesu Christi Filij tui Domini nostri, dignis pareatur famulatibus, qui tecum viuunt & regnat.

A L I A.

Omnipotens sempiterne Deus, à quo omnia immūda purgantur, & in quo omnia purgata clarescunt, supplices famuli tui, tuam omnipotentiam inuocamus: vt ab hoc vase, vel vestimento, quæ tibi offerunt famuli tui. *Ill.* omnis spiritus immundus, confusus longè discedat, & per fidei benedictionem huic sancto altari tuo sint perfecta, & utilia ad opus ministerij tui, Te iuuante sanctificata permaneant. Per Dominum nostrum Iesum.

BENEDICTIO SVPER
munus, quod quis Ecclesiæ
offert.

DEus, cuius verbo & potentiâ facta sunt omnia, cuius dono percipimus, quæ ad vitæ remedium possidemus, te supplices nixis precibus exoramus, vt de sede Maiestatis tuæ huic oblationi fidelium sanctificator accedas. Suscipe de manu famulorum tuorum. *Ill.* munus oblatum, quod à tuâ clementiâ benedictum, in huius sanctuarij tui vsum maneat consecratum. Sint hæc in conspectu tuo libenter accepta, sicut quondam Abel alumni tui, vel Melchisedec munera tibi placuerunt oblata. Et quia ob honorem tui amoris Ecclesiam tuam

summis nituntur decorare obsequiis: tu eis Domine magna pro paruis recompensa: vt deuotionem eorum accipiens, peccata dimittas, fide eos repleas, indulgentiâ foueas, misericordiâ protegas, aduersa destruas, prospera concedas. Habeant in hoc sæculo bonæ actionis documentum caritatis studium, sancti amoris effectum, & in futuro cum sanctis Angelis adipiscantur perpetuum regnum. Per Dominum.

A L I A.

Exaudi nos, Domine, quæsumus, vt hæc lintamina, aliaque indumenta, necnon & vasa sancto altari tuo atque Ecclesiæ tuæ, cunctoque sacri ministerij vsui præparata, benedicere & sanctificare dignetur. Per Dominum nostrum Iesum Christum.

AD CONSECRANDAM
Patenam.

Consecramus & sanctificamus hanc Patenam ad faciendum in eâ Corpus Domini nostri Iesu Christi patientis crucem pro salute nostrâ omnium, qui cum Patre & Spiritu sancto viuit & regnat per cuncta sæcula sæculorum. Amen.

ITEM ALIA.

INDE FACIENS SIGNVM

Crucis de oleo sancto super
Patenam dicit.

Consecrare & sanctificare digneris, Domine, patenam hanc per istam vñtionem, & nostram benedictionem, in Christo Iesu Domino nostro, qui vivis, &c.

BENEDICTIO PATENÆ.

Domine, Deus omnipotēs, qui per Moysem famulum tuum tabernaculi tui altare, & vasa omnia diuino cultui mancipasti, clementiam tuam supplices deprecamur, vt hoc vas aptum cultibus tuis, dignumque altaribus reddas: vt sanctificatum in nomine tuo, corporis tui pretiosum ferculum deputetur. Qui vivis & regnas cum Patre in vnitate Spiritus sancti. Per omnia secula seculorum. Amen.

AD CALICEM

benedicendum.

Oremus, dilectissimi Fratres, vt Dominus Deus noster, Calicem in vsum sui ministerij consecrandum, cœlestis gratiæ inspiratione sanctificet: & ad humanam benedictionem plenitudinem diuini fauoris accommodet. Per Dominum.

OREMVS.

Dignare Domine Calicem istum in vsum ministerij tui, piā, famuli tui. *Ill.* deuotione formatum eā sanctificatione perfundere, quā Melchisedech famuli tui sacratum Calicem perfudisti. Et quod arte, vel metallo effici non potest altaribus tuis dignum, fiat tuā benedictione pretiosum, Per Dominum.

ITEM ALIA.

Deus, qui Moyfi famulo tuo in Oreb monte seruanda populo tuo præcepta disponens, templum sanctum tuum qualiter ædificaret instituisti; sacra quoque vasa, quæ inferri altari tuo deberent, ad instar vasorū cœlestium docuisti: precamur, vt hunc Calicem, in quo celebraturi sumus sacro-sancta mysteria, emissionē sancti Spiritus tui cœlesti benedictione sanctifices, gratūque & acceptabilem habeas, atque benedicas, ac dignè sociatum vasculis tuis, & acceptabilem deferat famulatum, & dignè tuis mysteriis consecratur. Per Dominum nostrum Iesum Christum filium tuum.

Deinde vadunt ad eum locum, in quo reliquie præterita nocte cum vigilijs fuerunt & eleuent eas.

V ij

ALIA. OREMVS.

ORATIO QUANDO
eleuantur Reliquiæ.

OREMVS.

AVfer à nobis, quæsumus, Domine, iniquitates nostras, ut ad Sancta sanctorum puris mereamur mentibus introire. Per Dominum.

ALIA.

Fac nos, Domine, sanctorum tuorum specialiter dicata membra contingere, quorum cupimus patrocinia incessanter habere. Per Dominum.

Finita hac oratione eleuent eas cum feretro, & cum magno honore cantando has Antiphonas. Ambulate Sancti Dei. Antiphona. De Hierusalem. Ant. Ecce populus. Ant. Cum iucunditate. Cum crucibus, & thuribulis, & candelabris multisque luminaribus. & veniant ad Basilicam, in quâ deponenda sunt. Et mox, ut intro pedem intulerint, dicat hanc orationem.

OREMVS.

Domum tuam, quæsumus, Domine, clementer ingredi, & in tuorum tibi cordibus fidelium perpetuam constitue mansionem: ut cuius ædificatione subsistit, huius fiat habitatione præclara. Per Dominum.

DEus, qui sacrandorum tibi auctor es munerum, effunde super hanc orationis domum benedictionem tuam: ut ab omnibus hîc inuocantibus nomen tuum, defensionis tuæ auxilium sentiatur. Per Dominum nostrum Iesum Christum filium.

Deinde pergant ad altare, ubi condenda sunt: & extenso velo inter eos & populum, & recondat Pontifex propriâ manu ipsas reliquias in loco altaris, canendo Antiphonam. Exultabunt Sancti in gloria, cum Psalmo. Laudate Dominum de coelis. Item Antiphonam. Cantate Domino canticum nouum. Psalmum ipsum. Item Antiphonam. Sub altare Dei sedes accepistis, Psalmum. Laudate Dominum in Sanctis eius. Finito hoc dicat hanc orationem.

OREMVS.

DEus qui ex omni coaptatione Sanctorum æternum tibi condis habitaculum, da ædificationi tuæ incrementa cœlestia, ut quorum hîc reliquias pio amore complectimur, eorum semper meritis adiuuemur. Per Dominum.

Post hac vestiatur altare cum Antiphona. In velamento alarum tuarum, Psalmum. Deus, Deus meus ad te luce vigilo. Et dicatur hac oratio.

O R E M V S.

DEscendat, quæsumus, Domine, Deus noster, Spiritus sanctus tuus super hoc altare: qui & populi tui dona sanctificet, & sumentium corda dignanter emundet. Per Dominum.

Inde reuertatur Pontifex in sacrarium cum ordinibus suis, & induant se vestimentis aliis solemnibus, interim ornetur Ecclesia, & accendantur luminaria multa: & incipiat cantor Antiphonam ad introitum. Terribilis est locus iste. Et procedat Pontifex de sacrario cum ordinibus suis, sicut consuetudo est in festiuitatibus. Celebretur ibi solemniter missa more solito, ordine suo, cum Gloria in excelsis Deo. Totâ verò hebdomadâ Missæ publicæ in Ecclesia fiant.

ORATIONES AD MISSAS
in dedicatione Ecclesiæ.

DEus, qui inuisibiliter omnia contineres; & tamen pro salute generis humani signa tuæ potentia visibiliter ostendis; templum hoc Maiestate tuæ inhabitationis inlustra: vt omnes quicunque huc deprecaturi conuenerint, ex quacunque ad te tribulatione clamauerint, consolationis tuæ beneficia consequantur. Per Dominum.

S V P E R O B L A T A.

Omnipotens sempiterne Deus,

altare nomini tuo dicatum cœlestis virtutis benedictione sanctifica, & omnibus in te sperantibus auxilij tui munus ostende: vt hîc sacramentorum virtus, & votorum obtineatur effectus. Per Dominum nostrum.

P R Æ F A T I O.

Vere dignum, & iustum est, æquum & salutare, Nos tibi semper, & vbique gratias agere, Domine sancte, Pater omnipotens, æterne Deus: Per quem te supplices deprecamur, vt altare hoc sanctis vsibus præparatum cœlesti dedicatione sanctifices. Et sicut Melchisedech Sacerdotis præcipui oblationem dignatione mirabili suscepisti; ita imposita huic nouo altari munera semper accepta ferre digneris: vt populus, qui in hanc Ecclesiæ domum sanctam conuenerit, per hæc libamina cœlesti sanctificatione saluatus, animarum quoque suarum salutem perpetuam consequatur. Per quem Maiestatem.

I T E M P R Æ F A T I O.

Vere dignum & iustum est, æquum & salutare, Nos tibi semper & vbique gratias agere, Domine sancte, Pater omnipotens, æterne Deus: Qui cum vbique sis totus, & cum vniuersa tuâ Maiestate contineas, sacrari tamen tibi loca tuis mysteriis apta voluisti: vt ipsæ orationum domus suppli-

cum mentes ad inuocationem nominis tui incitarent. Effunde, quæsumus, super hunc locum gratiam tuam, & omnibus te inuocantibus auxilij tui munus ostende: vt hîc sacramentorum virtus omnium fidelium corda confirmet. Per eundem Dominum.

B E N E D I C T I O.

Benedicat & custodiat vos, omnipotens Dominus, domumque hanc sui muneris præsentia inlustrare, atque suæ pietatis oculos super eam die ac nocte dignetur aperire. Amen. Concedatque propitius, vt omnes, qui ad dedicationem huius Basilicæ deuotè conuenistis, intercedente beato. *III.* & cæteris sanctis suis, quorum reliquiæ hîc pio venerantur amore vobiscum, hinc veniam peccatorum vestrorum reportare valeatis. Amen. Quatenus eorum interuentu ipsi templum sancti Spiritus, in quo sancta Deus Trinitas iugiter habitare dignetur, efficiamini: & post huius vitæ labentis excursus ad gaudia æterna feliciter peruenire mereamini. Amē. Quod ipse præstare dignetur.

A D C O M P L E N D V M.

Quæsumus, omnipotens Deus, vt in hoc loco, quem nomini tuo indigni dicauimus, cunctis penitentibus aures tuæ pietatis accommodes. Per.

A L I A.

Sanctorum tuorum, Domine, precibus confidentes, quæsumus, vt per ea quæ sumpsimus, æterna remedia capiamus. Per.

S V P E R P O P V L V M.

Copiosa beneficia, quæsumus, Domine, Christianus populus adsequatur: vt qui in honorem Sanctorum tuorum sacrandis tibi liminibus deuotus occurrit, & vitæ subsidia præsentis accipiat, & gratiam sempiternæ redemptionis inueniat. Per.

A L I A.

Dona, Domine, virtutem populo tuo, & effice nos templum Spiritus sancti: vt tibi de corde puro holocaustum acceptabile præparemus. Per.

 I N A N N I V E R S A R I O
 Dedicationis Basilicæ.

DEus, qui nobis per singulos annos, huius sancti templi tui consecrationis reparas diem, & sacris semper mysteriis repræsentas incolumes; exaudi preces populi tui, & præsta, vt quisquis hoc templum beneficia petiturus ingreditur, cuncta se impetrasse lætetur. Per Dominum.

SVPER OBLATA.

Annue, quæsumus, Domine, precibus nostris, ut quicumque intra templi huius, cuius anniuersariū dedicationis diem celebramus, ambitum continemur, plenā tibi atque perfectā corporis & animæ deuotione placeamus; ut, dum hæc præsentia vota reddimus, ad æterna præmia te adiuvante peruenire mereamur. Per.

Vere dignum, & iustum est, æquum, & salutare, Nos tibi semper, & ubique gratias agere, Domine sancte, Pater omnipotens, æterne Deus: Et pro annuā deuotione tabernaculi huius honorem tibi debitum referre per Christum Dominum nostrum: cuius virtus magna, pietas copiosa. Respice, quæsumus de cælo, & vide, & visita domum istam; ut si quis in ea nomini tuo supplicarit, libenter exaudias, & satisfacientibus libenter ignoscas: Hic tibi Sacerdotes tui sacrificium laudis offerant, hic fidelis populus vota persoluat, hic peccatorum onera deponantur, hic fides sancta stabilietur. Hic pietas absoluta redeat. Hic iniquitas emendata discedat. Inueniat apud te, Domine, locum veniæ, quicumque satisfaciens huc confugerit, & conscio dolore victus altaria tua riuis suarū eluerit lacrimarum. Hic, si quando populus tuus tristis mœstusque conuenerit, adquiesce rogari, &

rogatus indulgē petentibus. Per quem.

AD COMPLENDVM.

Multiplica, Domine, quæsumus, per hæc sancta, quæ sumpsimus, veritatem tuam in manibus nostris: ut te in templo sancto iugiter adoremus, & in conspectu tuo cum sanctis Angelis gloriemur. Per.

SVPER OBLATA.

Deus, qui Ecclesiam tuam vni-geniti tui sponsam vocare dignatus es, utque haberet gratiam per fidei deuotionem, haberet etiam ex nomine pietatem: da, ut omnis hæc plebs nomini tuo seruiens, huius vocabuli consortio digna esse mereatur. Et Ecclesia tua in templo, cuius anniuersarius dedicationis dies celebratur, tibi collecta, te timeat, te diligat, te sequatur: ut dum iugiter, per eius vestigia graditur, ad cœlestia promissa ipso ducente peruenire mereatur, Qui tecum.

IN VIGILIA APOSTOLORVM.

COncede nobis, quæsumus, Omnipotens Deus, venturam Apostoli tui *III.* solemnitatem congruo præuenire honore, & venientem dignā celebrare deuotione. Per.

SUPER OBLATA.

Accepta tibi sit, Domine, nostræ deuotionis oblatio, & ad Apostolicam puriores faciat nos venire festiuitatem. Per.

PRÆFATIO.

Vere dignum, & iustum est, æquum & salutare, Nos tibi semper, & vbique gratias agere, Domine sancte, Pater omnipotens, æterne Deus: Et venientem natalem Beati Apostoli tui *Ill.* debitâ seruitute præuenire, suppliciter obsecrantes, vt ipsum nos apud tuam clementiam sentiamus habere patronum, quem tua gratia largiente meruimus æternæ salutis suscipere ministrum. Per Christum.

AD COMPLENDVM.

Præsta nobis, æterne largitor, eius vbique protegi oratione, cuius natalitia per hæc sancta, quæ sumpsimus, votiuo præuenimus obsequio. Per.

AD VESPEROS.

Sancti tui nos, quæsumus, Domine, *Ill.* Apostoli solemnitas, quam præuenimus, tueatur: quia tantò fiducialius tuo nomine supplicamus, quantò frequentius Apostolorum intercessionibus confouemur. Per Dominum nostrum.

ALIA.

Deus, tuorum gloria iustorum, præsta quæsumus, vt sancti tui *Ill.* ctius diem passionis celebrando

præuenimus, sentiamus auxilium. Per.

AD MATVTINOS.

Deus; qui es omnium Sanctorum tuorum splendor mirabilis, qui- que hunc diem Beati Apostoli tui *Ill.* martyrio consecrasti, da Ecclesiæ tuæ de natalitio tantæ festiuitatis lætari, vt, quæ Apostolorum tuorum prædicatione floruit, eorum exemplis muniatur, & intercessionibus adiuuetur. Per Dominum.

MISSA IN VIGILIA
vnius Martyris.

Quæsumus, omnipotens Deus, vt nostra deuotio, quæ natalitia Beati *Ill.* Martyris antecedit, patrocinia nobis eius accumulet. Per.

SUPER OBLATA.

Magnifica, Domine, Beati *Ill.* solennia recensemus, quæ promptis cordibus ambientes, oblati muneribus, & suscipimus & præi- mus. Per Dominum nostrum.

PRÆFATIO.

Vere dignum, & iustum est, æquum, & salutare, Nos tibi semper, & vbique gratias agere, Domine sancte, Pater omnipotens, æterne Deus: Et gloriosi *Ill.* Mar- tyris pia certamina præcurrendo, cuius

cuius honorabilis annua recursione solemnitates, & perpetua semper & noua est: quia & in conspectu tuæ Majestatis permanet mors tuorum pretiosa iustorum, & restaurantur incrementa lætitiæ, cum felicitatis æternæ recoluntur exordia. Per Christum.

AD COMPLENDVM.

Sancta tua, Domine, in Beati *III.* Martyris pretiosa passio, quam præimus, nos refoueat: quibus & iugiter satiamur, & semper desideramus expleri. Per Dominum.

SVPER POPVLVM.

Præsta, quæsumus, omnipotens Deus, vt qui Sancti Martyris tui *III.* solemnia præimus, eius etiam virtutes imitemur. Per.

AD VESPEROS.

Deus, qui nobis Beati *III.* Martyris tui natalitia gloriosa præire concedis, tribue quæsumus, eius nos semper & beneficiis præueniri, & orationibus adiuuari. Per.

A L I A.

Deus, qui nos Beati Martyris tui *III.* concedis natalitia præuenire, eius nos tribue meritis adiuuari. Per.

AD MATVTINOS.

Omnipotens sempiterne Deus, fortitudo certantium, & Martyrum palma, solemnitatem hodiernæ diei propitius intueri, & Ecclesiam tuam continuâ fac celebritate lætari, vt quod meritis

non præsumit, intercessione Beati Martyris tui *III.* assequi mereatur. Per Dominum nostrum.

A L I A.

Deus, mundi Creator & Rector, qui hunc diem in Beati *III.* martyrio consecrasti: concede propitius, vt omnes, qui martyrij eius merita venerantur, intercessionibus eius ab æternis gehennæ incendiis liberentur. Per.

MISSA IN NAT. VNIVS Martyris.

VOtiuos, Domine, quæsumus, Beati Martyris tui *III.* natalis nos semper excipiat: qui & iucunditatem nobis suæ glorificationis infundat, & nos tibi reddat acceptos. Per Dominum nostrum.

SVPER OBLATA.

Præsentia munera, quæsumus Domine, ita serenâ pietate intueri, vt sancti Spiritus perfundantur benedictione, & in nostris cordibus eam dilectionem validius infundant, per quam Sanctus Martyr *III.* omnia corporis tormenta deuicit. Per.

PRÆFATIO.

Verè dignum, & iustum est, æquum & salutare, Nos tibi semper, & vbique gratias agere, Domine sancte, Pater omnipotens, æterne Deus: Et in præsentī festi-

uitate Sancti Martyris tui *Ill.* tibi confitendo laudis Hostias immolare: Tuamque immensam pietatem implorare, ut sicut illi dedisti cælestis palmam triumphi, sic eo suffragante nobis emendationem ac veniam concedas peccati, ut in te exultemus in misericordia, in quo ille lætatur in gloria. Per Christum.

ITEM ALIA PRÆFATIO.

Vere dignum, & iustum est, æquum & salutare, Nos tibi semper, & ubique gratias agere, Domine sancte, Pater omnipotens, æterne Deus: Er te in omnium Martyrum tuorum triumphis laudare. Quoniam tuis donis atque muneribus Beati Martyris tui *Ill.* passionem hodierna solemnitate veneramur: qui pro confessione IESU CHRISTI filij tui Domini nostri diuersa supplicia sustinuit, & eadem vincens, coronam perpetuitatis promeruit. Per quem.

ITEM ALIA PRÆFATIO.

Vere dignum & iustum est, æquum & salutare, Nos tibi semper, & ubique gratias agere, Domine sancte, Pater omnipotens, æterne Deus, per Christum Dominum nostrum: Cuius gratia Beatum *Ill.* in sacerdotium elegit, doctrina ad prædicandum erudit, potentia ad perseuerandum

confirmavit, ut per sacerdotalem infulam perueniret ad martyrij palmam. Docensque subditos, instruens viuendi exemplo, confirmans patiendo, ad te coronandus perueniret, qui persecutorum minas intrepidus superasset. Cuius interuentus nos, quæsumus, à nostris mundet delictis, qui tibi placuit tot donorum prærogatiuis. Per quem, Maiestatem.

BENEDICTIO.

Beati Martyris tui *Ill.* intercessionem vos Dominus benedicat, & ab omni malo defendat. Amen. Extendat in vos dexteram suam propitiationis, qui cum suscepit per supplicia passionis. Amen. Quò eius in cælo mereamini habere consortium, cuius deuotis mentibus in terrâ celebratis triumphum. Amen. Quod ipse præstare dignetur, cuius regnum.

AD COMPLENDVM.

Sumpsimus, Domine, Sancti *Ill.* Martyris solemnitate cælestia sacramenta: cuius suffragiis, quæsumus, largiaris, ut quod temporaliter gerimus, æternis gaudiis consequamur. Per.

SUPER POPVLVM.

Fac, quæsumus, Domine Deus noster, ut intercedente Beato Martyre tuo *Ill.* populum tuum in tua deuotione gaudere: quia perpetua est & plena felicitas, si bo-

norum omnium seruiamus Auctori. Per Dominum nostrum Iesum Christum.

ALIAE ORATIONES.

Sancti *Ill.* Martyris tui, Domine, nos oratio sancta conciliet, quæ sacris virtutibus veneranda refulget. Per Dominum nostrum.

A L I A.

Beati Martyristui *Ill.* quæsumus Domine precibus adiuuemur, & eius dignè solemnities celebrantes tuo nomini fac nos semper esse deuotos. Per.

A L I A.

Beati Martyris tui *Ill.* quæsumus Domine, nos patrocinium conlatum non deserat: quod fragilitatem nostram & precibus tueatur & meritis. Per.

A L I A.

Deus, qui sanctam nobis huius diei solemnitatem pro commemoratione Beati Martyristui *Ill.* fecisti, adesto familiæ tuæ precibus: & da, ut cuius hodie festa celebramus, eius meritis & intercessionibus adiuuemur. Per Dominum nostrum.

A L I A.

Plebs tua, Domine, sancti Martyris tui *Ill.* Te glorificatione magnificet, & eodem semper precante te mereamur habere Rectorem. Per Dominum nostrum.

MISSA IN VIGILIA plurimorum Martyrum.

BEatorum Martyrum *Ill. & Ill.* natalitia veneranda, quæsumus, Domine, Ecclesia tua deuota suscipiat, & fiat magnæ glorificationis amore deuotior. Per.

SUPER OBLATA.

Hæc Hostia, Domine, quæsumus, emundet nostra delicta, & aduenturam festiuitatem sanctorum Martyrum tuorum *Ill.* celebrandam, subditorum sibi corpora mentesque sanctificet. Per.

PRÆFATIO.

Vere dignum, & iustum est, æquum & salutare, Nos tibi semper & vbique gratias agere, Domine sancte, Pater omnipotens, æterne Deus: Misericordiæ dator, & totius bonitatis auctor: qui ieiuniis, orationibus, & eleemosynis, peccatorum remedia, & virtutum omnium tribuis incrementa; Te humili deuotione precamur, ut qui sanctis tuis *Ill.* quorum festa præuenimus, martyrij dedisti coronam, intercessionibus eorum ad hæc agenda nobis tribuas indefessam efficaciam. Per Christum.

AD COMPLENDVM.

Pasce nos, Domine, tuorum gaudiis vbique Sanctorum, quia nostræ salutis augmenta sunt, quoties illis honor impenditur,

in quibus tu mirabilis prædicaris.
Per.

SUPER POPVLVM.

Protegè, Domine, plebem
tuam, & quam Martyrum tuorum
Ill. assiduâ tribuisti festiuitate de-
uotam, tibi semper placitam fie-
ri precibus concede iustorum.
Per.

ALIA.

Sint tibi, Domine, quæsumus,
nostri munera grata ieiunij, quia
tunc eadem in Sanctorum *Ill.*
digna commemoratione deferi-
mus, si & actus illorum pariter
subsequamur. Per.

ALIA.

Præsta, quæsumus, omnipotens
Deus, vt populus tuus ad plenæ
deuotionis affectum, Beatorum
Martyrum *Ill.* natalitiis præpare-
tur, & eorum patrocinio prome-
rente plenæ capiat securitatis
augmentum. Per Dominum.

ALIA.

Deus, qui nos annua Beato-
rum Martyrum tuorum *Ill.* solem-
nia frequentare concedis, præsta
quæsumus, vt & deuotis eadem
mentibus celebremus, & inter-
cessionibus adiuuemur. Per Do-
minum nostrum.

AD MATVTINOS.

Deus, qui hodiernam diem San-
ctorum tuorum *Ill.* martyrio con-
secrafti, da nobis salutem mentis
& corporis, vt illorum passioni sit
veneratio ex nostra deuotione,

& nobis auxilium proueniat de
eorum sanctissima intercessione.
Per.

IN NAT. PLVRIMORVM
Martyrum.

Omnipotēs sempiternæ Deus,
qui per gloriosi bella certa-
minis ad immortales triumphos
martyres extulisti, da cordibus
nostris dignam pro eorum com-
memoratione lætitiā, vt quos
pio amore amplectimur, eorum
precibus adiuuemur.

SUPER OBLATA.

Munera tibi, Domine, nostræ
deuotionis offerimus, quæ & pro
tuorum tibi grata sint honore iu-
storum, & nobis salutaria, Te mi-
serante, reddantur. Per.

PRÆFATIO.

Vere dignum, & iustum est, æ-
quū & salutare, Nos tibi semper &
vbique gratias agere, Domine
sancte, Pater omnipotens, æterne
Deus: Qui Sanctorum Martyrum
tuorum pia certamina ad copio-
sam perducis victoriā, atque
perpetuum eis largiris trium-
phum, vt Ecclesiæ tuæ semper sint
in exemplum: præsta nobis, quæ-
sumus, vt per eorum intercessio-
nem, quorum festa celebramus,
pietatis tuæ munera capiamus,
Per Christum.

BENEDICTIO.

Benedicat vobis Dominus Beatorum Martyrum suorum *Ill.* suffragiis, & liberet ab aduersitatibus cunctis. Amen. Commendet vos eorum intercessio gloriosa, quorum in conspectu eius est mors pretiosa. Amen. Vt sicut illi per diuersa genera tormentorum celestis regni sunt sortiti hereditatem, ita vos eorum mereamini consortium per bonorum operum exhibitionem Amen. Quod ipse prestare dignetur.

AD COMPLENDVM.

Presta nobis, quaesumus, Domine, vt quæ pro Martyrum tuorum *Ill.* beata passione peregrimus, ipsorum nobis fiant intercessione salutaria, in quorum natalitiis sunt exultanter impleta. Per Dominum nostrum.

ALIA.

Omnipotens sempiterne Deus, qui in Sanctorum tuorum cordibus flammam tuæ dilectionis accendis, da mentibus nostris eandem fidei & caritatis virtutem, vt quorum gaudemus triumphis, proficiamus exemplis. Per.

ALIA ORATIO.

Ad defensionem fidelium, Domine, quaesumus, dexteram tuæ Maiestatis extende: &, vt perpetuâ pietatis tuæ protectione muniantur, intercessio pro his non

desit Martyrum continuata sanctorum. Per.

ALIA.

Omnipotens & misericors Deus, fidelium lumen animarum, adesto votis solemnitatis hodiernæ, & Ecclesiæ tuæ gaudiis de Beatorum Martyrum *Ill.* gloria conceptis benignus aspira, vt & corda nostra passione ipsorum igniantur, & apud misericordiam tuam eorum iuuemur meritis, quorum gaudemus exemplis. Per Dominum nostrum.

ALIA.

Concede, quaesumus, omnipotens Deus, vt Sanctorum Martyrum tuorum, quorum celebramus victorias, participemus præmiis. Per Dominum nostrum.

IN VIGILIA VNIVS
Confessoris.

Concede nobis, quaesumus, Omnipotens Deus, venturam Beati Confessoris tui *Ill.* solemnitatem congruo præuenire honore, & venientem digna celebrare deuotione. Per Dominum nostrum.

SUPER OBLATA.

Accepta tibi sit, Domine, nostræ deuotionis oblatio, & ad Sancti Confessoris tui *Ill.* puriores faciat nos venire festiuitatem. Per.

PRÆFATIO.

Verè dignum, & iustum est, æquum, & salutare, Nos tibi semper, & ubique gratias agere, Domine sancte, Pater omnipotens, æterne Deus: Et Maiestatem tuam suppliciter exorare, vt qui Beati *III.* Confessoris tui festum solemnibus ieiuniis, & deuotis præuenimus officiis, illius apud Maiestatem tuam & adiuuemur meritis, & instruamur exemplis. Per.

AD COMPLENDVM.

Beati Confessoris tui *III.* Domine, suffragiis exoratus perceptâ nos sacramenti tui virtute defende. Per Dominum nostrum.

SUPER POPVLVM.

Benedictionis tuæ, Domine, gratiam, intercedente Confessore tuo *III.* suscipiamus, vt cuius præueniendo, gloriâ celebramus, eius supplicando auxilium sentiamus. Per Dominum nostrum.

AD VESPEROS.

Concede, quæsumus, omnipotens Deus, vt ad meliorem vitam Sancti Confessoris tui *III.* exempla nos prouocent, quatenus cuius sollemnia præuenimus, etiam actus imitemur, & intercessionibus adiuuemur. Per.

A L I A.

Concede, quæsumus, omnipotens Deus, vt sicut Confessoris tui *III.* gloriosa natalitia præuenimus, sic ad tua beneficia prome-

renda, Maiestatem tuam pro nobis ipse præueniat. Per.

AD MATVTINOS.

Adesto, Domine, populo tuo, vt Beati Confessoris tui *III.* merita præclara suscipiens, ad impetrandam misericordiam tuam semper eius patrocinis adiuuetur & meritis. Per Dominum nostrum.

A L I A.

Absolue, quæsumus, Domine, tuorum delicta populorum, & a peccatorum nexibus, quæ pro nostra fragilitate contraximus, intercedente Beato Confessore tuo *III.* liberemur. Per Dominum nostrum.

MISSA IN NAT. VNIVS
Confessoris.

Misericordiam tuam, quæsumus Domine, nobis, interueniente Beato Confessore tuo *III.* clementer impende, & nobis peccatoribus ipsius propitiare suffragiis. Per.

SUPER OBLATA.

Propitiare, quæsumus, Domine, supplicationibus nostris: & interueniente pro nobis Sancto *III.* Confessore tuo, his sacramentis cælestibus seruientes, ab omni culpa liberos esse, concede vt purificante nos gratia tua, iisdem, quibus famulamur, mysteriis emundemur. Per.

P R Æ F A T I O.

Vere dignum, & iustum est, æquum, & salutare, Nos tibi semper, & vbiq̃ue gratias agere, Domine sancte, Pater omnipotens, æterne Deus: Et in hac die, quam transitu sacro Beati Confessoris tui *Ill.* consecrasti: Quæsumus ergo clementiam tuam, vt des nobis illam sequi doctrinam, quam ille & verbo docuit, & opere compleuit. Quatenus nos adiuuari apud misericordiam tuam, & exemplis eius sentiamus & meritis. Per Christum Dominum nostrum.

A L I A P R Æ F A T I O.

Vere dignum, & iustum est, æquum & salutare, Nos tibi semper, & vbiq̃ue gratias agere, Domine, sancte, Pater omnipotens, æterne Deus: Et Te in Sanctorum tuorum virtute laudare, quibus pro meritis suis beatitudinis præmia contulisti. Quoniam semper in manu tua sunt, & non tanget illos tormentum mortis, quos, Te custodiente, beatitudinis sinus intercludit. Vbi perpetua semper exultatione lætantur, vbi etiam Beatus Confessor tuus *Ill.* sociatus exultat. Petimus ergo, vt memor sit miseriarum nostrarum, & de tua misericordia nobis impetret beatitudinis suæ consortium, Per Christum.

B E N E D I C T I O.

Omnipotens Deus det vobis copiam Benedictionis, qui beatum *Ill.* sibi adsciuit virtute confessionis. Amen. Et qui illum fecit coruscare miraculis, vos exornet bonorum operum incrementis. Amen. Quò eius & exēplis eruditi, & intercessione muniti, cuius depositionis diem celebratis, illi possitis in cœlesti regno adiungi. Amen. Quod ipse præstare dignetur.

A D C O M P L E N D V M.

Præsta, quæsumus, omnipotens Deus, vt de perceptis muneribus gratias exhibentes, intercedente Beato Confessore tuo *Ill.* beneficia potiora sumamus. Per.

S V P E R P O P V L V M.

Aures pietatis tuæ, quæsumus, Domine, precibus nostris inclina, vt qui peccatorum nostrorum flagellis percutimur, intercedente Beato Confessore tuo *Ill.* miserationis tuæ gratiâ liberemur. Per.

A L I A.

Sancti Confessoris tui *Ill.* nos, quæsumus, Domine, tuere præsiidiis, vt eius semper intercessionibus adiuuemur. Per.

A L I A.

Adesto, quæsumus, Domine, precibus nostris, quas in Sancti

Confessoris tui *Ill.* commemoratione deferimus, ut qui nostræ iustitiæ fiduciam nō habemus, eius, qui tibi placuit, precibus adiuuemur. Per Dominum nostrum.

A L I A.

Exultemus, quæsumus, Domine Deus noster in solemnitate Beati Confessoris tui *Ill.* ut eius sacra natalitia celebrantes, ad impetrandam misericordiam tuam, semper eius patrociniiis adiuuemur. Per.

A L I A.

Omnipotens sempiterne Deus, cui cuncta famulantur elementa, exaudi propitius, intercedente pro nobis Confessore tuo *Ill.* orationem nostram, & tribue nobis misericordiam tuam: & quæcumque præcipis, ut agamus, ipse adiuua ut implere possimus. Per Dominum nostrum.

A L I A.

Sancti Confessoris tui *Ill.* tribue nos, Domine, supplicationibus foueri, ut cuius depositionem annuo celebramus obsequio, eius apud te intercessionibus & meritis adiuuemur. Per.

MISSA IN VIGILIA plurimorum Confessorum.

BEatorum Confessorum tuorum, Domine, *Ill.* natalitia præcuntes, supplices Te rogamus,

ut quos cælesti gloria sublimasti, tuis adesse concedas fidelibus. Per.

S U P E R O B L A T A.

Sacrificium, Domine, quod pro Beatis Confessoribus tuis *Ill.* offert nostra deuotio, eorum meritis augeat nobis, Te donante, suffragium. Per.

P R A E F A T I O.

Verè dignum & iustum est, æquum & salutare, Nos tibi semper, & ubique gratias agere, Domine sancte, Pater omnipotens, æterne Deus: Sanctorum tuorum *Ill.* solemnitatem præuenimus, concede propitius, ut qui donis tuis ita extiterunt gloriosi, apud te nostris existant nominibus idonei interuectores. Per Christum.

A D C O M P L E N D V M.

Quæsumus, Domine, salutaribus repleti mysteriis, ut quorum solemnitatem præimus, eorum orationibus adiuuemur. Per.

S U P E R P O P U L V M.

Conserua, quæsumus, Domine, familiam tuam, & benedictionum tuorum propitius vbertate purifica, ut per intercessionem Beatorum Confessorum tuorum *Ill.* & eruditionibus tuis semper multiplicetur, & donis. Per Dominum nostrum.

A L I A.

Propitiare misericors Deus, supplicationibus nostris, & populum tuum

tuum peruigili protectione custodi, ut, qui Beatorum Confessorum tuorum *III.* solemnia praeuenimus, tribuas nobis ex eorum imitatione prospera mundi despiceret, & nulla eius aduersa formidaret. Per.

ALIA.

Deus, qui Beatos Confessores tuos *III.* Sanctorum tuorum meritis coequasti, da nobis in eorum celebritate gaudere, ut quorum commemorationem agimus, eorum imitatione proficiamus, & intercessionibus subleuemur. Per Dominum nostrum Iesum Christum.

IN NAT. PLVRIMORVM
Confessorum.

PRæsta, Domine, quæsumus, ut sicut Sanctorum tuorum *III.* nos natalitia celebranda non deserunt, ita iugiter suffragiis comitentur. Per.

SUPER OBLATA.

Munera, Domine, plebis tuæ, quæsumus, Beatorum Confessorum tuorum *III.* fiant grata suffragiis, & pro quorum triumphis tuo nomini offeruntur, ipsorum digna perficiantur & meritis. Per Dominum nostrum.

PRÆFATIO.

Vere dignum, & iustum est, æquum & salutare, Nos tibi semper, & ubique gratias agere, Domine sancte, Pater omnipotens, æterne Deus: Et Maiestatem tuam supplici deuotione exorare, ut Beatorum Confessorum tuorum *III.* quorum hodie festa celebramus, obtentu, mereamur tuum obtinere auxilium Per Christum.

ALIA PRÆFATIO.

Vere dignum & iustum est, æquum & salutare, Nos tibi semper & ubique gratias agere, Domine sancte, Pater omnipotens, æterne Deus: Et Te in tuorum honore Sanctorum *I. I.* glorificare, qui & illis pro certaminis constantia beatitudinem tribuisti sempiternam, & infirmitati nostræ talia præstitisti suffragia, quæ pro eorum meritis possis audire dignanter. Per Christum.

BENEDICTIO.

Sanctorum suorum Confessorum *III.* meritis vos Dominus faciat benedici, & contra aduersa omnia eorum intercessione muniri. Amen. Eorum efficiat suffragio felices, quorum festiuitatis diem celebratis ouantes. Amen. Quò eorum imitantes exempla, ad cœlestia peruenire possitis promissa. Amen. Quod ipse præstare dignetur.

AD COMPLENDVM.

Et natalitiis Sanctorum, Domine, & sacramenti munere vegetati, quæsumus, vt bonis, quibus per tuam gratiam nunc fouemur, perfruamur æternis. Per Dominum nostrum.

SUPER POPVLVM.

Adesto, Domine, precibus populi tui cum Sanctorum *Ill.* patrocinio supplicantis, vt, quod propria fiducia non præsumit, suffragantium meritis consequatur. Per.

A L I A.

Magnificantes, Domine, misericordiam tuam suppliciter exoramus, vt qui nos Sanctorum tuorum frequentibus facis natalitiis interesse, perpetuis tribuas interesse consortiis. Per.

A L I A.

Da nobis omnipotens Deus, in Sanctorum tuorum Te semper commemoratione laudare, quia refouere curabis, quos in honore tuo perseuerare concedis. Per Dominum nostrum.

A L I A.

Sanctorum tuorum *Ill.* Domine, suffragiis imploramus, vt à cunctis liberemur offensis. Per Dominum nostrum.

A L I A.

Exaudi nos omnipotens & misericors Deus, & Sanctorum tuorum nos vbique tuere præsidiiis. Per.

A L I A.

Tribue, quæsumus, Domine, Sanctos tuos iugiter orare pro nobis, & semper eos clementer digneris audire. Per Dominum nostrum.

A L I A.

Sancti tui, quæsumus, Domine, iugiter nobis à te, & veniam postulent, & profectum. Per.

IN VIGILIA
Virginum

Sanctæ Martyris tuæ *Ill.* Domine, supplicationibus tribue nos foueri, vt cuius venerabilem solemnitatem præuenimus obsequio, eius intercessionibus commendemur & meritis. Per Christum.

SUPER OBLATA.

Muneribus nostris, Domine, Sanctæ *Ill.* Martyris tuæ festa præcedimus, præsta quæsumus, vt, quæ peccatorum nostrorum præpediuntur obstaculis, illius meritis reddantur accepta. Per Dominum nostrum.

PRÆFATIO.

Vere dignum, & iustum est, æquum, & salutare, Nos tibi semper, & vbique gratias agere, Domine sancte, Pater omnipotens, æterne Deus: Et Te Beata *Ill.* natalitia præueniēdo, laudare, præ-

dicare, & benedicere: quam tãto ad Te exempla gradiamur. Per munere sublimasti, vt ei confer- Dominum nostrum.
res & virginitatis coronam & martyrij palmam. Cuius interuentus nos, quæsumus, à nostris mundet delictis, & supernorum ciuium faciat adscisci consortiis. Per Christum.

PRÆFATIO.

Vere dignum, & iustum est, æquum & salutare, Nos tibi semper, & vbique gratias agere, Domine sancte, Pater omnipotens, æterne Deus: Et Te Beatae *Ill.* natalitia præueniendo, laudare, prædicare, & benedicere: quam tanto munere sublimasti, vt ei conferres virginitatis coronam, & martyrij palmam: sicque virtute fidei, & decore pudicitiae polleteret, vt cælestia regna Virgo pariter & Martyr intraret. Per Christum.

AD COMPLENDVM.

Quæsumus, omnipotens Deus, vt quorum nos tribuis communicare memoriis, eorum facias veraciter imitatores. Per.

IN NAT. VIRGINVM.

DEus, qui inter cetera potentiae tuae miracula, etiam in sexu fragili victoriam martyrij contulisti, concede propitius, vt cuius natalitia colimus, per eius

SUPER OBLATA.

In Sanctæ Virginis *Ill.* festiuitate pretiosa, tua, Domine mirabilia prædicantes, munera votiuadeferimus: præsta quæsumus, vt sicut eius tibi grata sunt merita, sic nostræ seruitutis accepta redantur officia. Per Dominum nostrum.

PRÆFATIO.

Vere dignum, & iustum est, æquum & salutare, Nos tibi semper, & vbique gratias agere, Domine sancte, Pater omnipotens, æterne Deus, per Christum Dominum nostrum. Quem Beata Virgo pariter & Martyr *Ill.* & diligendo timuit, & timendo dido dilexit. Illique coniuncta est moriendo, cui se consecrauerat castè viuendo. Et pro eo temporalem studuit sustinere poenam, vt ab eo perciperet gloriam sempiternam. Quæ, dum duplicem vult sumere palmam in sacri certaminis agone, & de corporis integritate, & de fidei puritate, laboriosius duxit longa antiqui hostis sustinere tentamenta, quàm vitam præsentem citò amittere per tormenta. Quoniam cum in martyrio proponantur ea, quæ terreant, in carnis vero delectamentis ea, quæ mulceant, molestius sustinetur hostis occultus, quàm supera-

tur infestus. Cum ergo in utroque,
tui sit muneris quod vicit, quia ni-
hil valet humana fragilitas, nisi
tua hanc adiuuet pietas; pro no-
bis, quaesumus, tua pietatem exo-
ret, quae à te accepit, ut vinceret.
Et quae Unigeniti tui intrare me-
ruit thalamum, intercessione sua
inter mundi huius aduersa nobis
praestet auxilium. Per quem, Ma-
iestatem tuam.

PRAEFATIO.

Vere dignum, & iustum est,
aequum & salutare, Nos tibi sem-
per & ubique gratias agere, Do-
mine sancte, Pater omnipotens,
aeternae Deus, per Christum Do-
minum nostrum: Cuius caritatis
ardore, Ista, & omnes Sanctae Vir-
gines, à Beata Maria exemplum
Virginitatis accipientes, praesen-
tis saeculi voluptates ac delicias
contempserunt. Quoniam tuo
dono actum est, ut postquam Vir-
go de Virgine prodiit, sexus fra-
gilis esset fortis: & in quo fuit pec-
candi facilitas, esset vincendi fe-
licitas. Antiquusque hostis, qui
per antiquam Virginem genus
humanum se vicisse gloriabatur,
per sanctas nunc Virgines, se qua-
ces potius Mariae, quam Euae, vin-
catur. Et in eo maior ei confusio
crescat, quod de eo etiam sexus fra-
gilis iam triumphat. Quapropter
immensam pietatem tuam humi-
liter exposcimus, ut per earum in-
tercessionem, quae & sexum vice-

runt & saeculum, tibi que placue-
runt & virginitatis decore, & pas-
sionis vigore, nos mereamur &
inuisibilem hostem superare, &
Unigenito tuo, Domino nostro,
adhærere. Per quem, Maiesta-
tem.

BENEDICTIO.

Benedicat vobis Dominus qui
Beatae Virgini *Ill.* concessit, &
decorem Virginitatis, & gloriam
passionis Amen. Et cuius opitula-
tione illa meruit, & sexus fragili-
tatem, & persequentium rabiem
devincere, vos possitis & vestro-
rum corporum inlecebras, & an-
tiqui hostis machinamenta supe-
rare. Amen. Quod sicut illa sexu
fragili virile nixa est certamen ad-
ire, & post certamen de hostibus
triumphare: ita vos in hac mor-
talitate viuentes valeatis & anti-
quum hostem devincere, & ad
regna coelestia peruenire. Amen,
Quod ipse praestare.

ALIA BENEDICTIO.

Omnipotens Dominus, inter-
cedentibus sanctis Virginibus suis
Ill. vos dignetur benedicere, qui
de antiquo hoste non solum per
viros, verum etiam per foeminas
voluit triumphare. Amen. Et qui
illis voluit centesimi fructus do-
num decore Virginitatis & ago-
ne Martyrij conferre, vos digne-
tur & vitiorum squaloribus expur-
gare, & virtutum lampadibus

exornare. Amen. Quatenus virtutum oleo ita pectorum vestrorum lampades possint repleri, ut cum eis coelestis sponsi thalamum valeatis ingredi. Amen. Quod ipse prestare dignetur, cuius regnum & imperium.

AD COMPLENDVM.

Auxilientur nobis, Domine, sumpta mysteria, & intercedente Beata *Ill.* Martyre tua, sempiternâ protectione confirmet. Per Dominum nostrum.

— SUPER POPVLVM.

Indulgentiam nobis, Domine, Beata *Ill.* Martyr imploret, quæ tibi semper grata extitit, & merito castitatis, & tuæ professione virtutis. Per Dominum nostrum Iesum Christum filium tuum.

— ALIA MISSA.

DEus, qui nos hodie Sanctæ Virginis *Ill.* annuâ solemnitate lætificas: concede propitius, ut eius adiuuemur meritis, cuius castitatis inradiamur exemplis. Per Dominum nostrum.

— SUPER OBLATA.

Grata sit tibi, Domine, hæc oblatio plebis tuæ, quam tibi offerimus in honorem Sanctæ *Ill.*

Virginis, ut cunctis proficiat ad salutem. Per.

AD COMPLENDVM.

Adiuuent nos quæsumus, Domine, & hæc mysteria sancta, quæ sumpsimus, & Beata *Ill.* Virginis intercessio veneranda. Per.

BENEDICTIO VESTIVM
Virginis, vel viduæ.

DEus, æternorum bonorum fidelissime promissor, & certissime persolutor; qui vestimentum salutare, & indumentum æternæ iucunditatis tuis fidelibus promissisti, clementiam tuam suppliciter exoramus, ut hæc indumenta humilitatem cordis, & contemptum mundi significantia, quibus famula tua *Ill.* sancto visibiliter est informanda proposito, propitius bene $\times$ dicas, & beatæ castitatis habitum, quem, Te inspirante suscepit, Te protegente custodiat: & quam vestibus venerandæ professionis induis temporaliter, beatâ facias immortalitate vestiri. Per Dominum nostrum.

ITEM ALIA.

Deus, bonarum virtutum dator, & omnium benedictionum largus infusor, exaudi preces nostras, & hanc vestem, qua famula

tua *Ill.* pro conseruandæ castitatis signo, se adoperiendam exposcit, bene $\times$ dicere & sanctificare digneris. Per Dominum.

BENEDICTIO VESTIS Virginis.

Exaudi, omnipotens Deus, preces nostras, & hanc vestem, quâ famula tua *Ill.* ad se operiendam exposcit, vberriam benedictionis imbre perfunde, sicut perfudisti oras vestimentorum Aaron benedictione profluente à capite in barbam vnguenti. Et sicut benedixisti vestes omnium religioforû tibi per omnia placentium, ita eam benedicere dignare; ac præsta clementissime Pater, vt supradictæ famulæ tuæ hæc sit vestis salubris protectio, hæc cognitio religionis, hæc initium sanctitatis, hæc contra omnia tela inimici robusta defensio, vt centesimi muneris opulentiam perseueranti continentia dicitur. Per Dominum nostrum.

Benedictio Virginis ab Episcopo dicenda, quæ fit in Epiphania, vel secunda feria Paschæ, aut quando Apostolorum natalitia celebrantur, & vestimenta nigra forinsecus gestant.

Respice propitius super hanc famulam tuam *Ill.* vt sanctæ virginittis propositum, quod, Te

inspirante, suscepit, Te gubernante, custodiat. Per.

CONSECRATIO.

Deus, castorum corporum benignus inhabitator, & incorruptarum amator animarum, qui humanam substantiam in primis hominibus diabolicâ fraude vitiatam, ita in Verbo tuo, per quod omnia facta sunt, reparas, vt eam non solum ad primæ originis innocentiam reuoces, sed etiam ad experientiam quorundam bonorum, quæ in nouo sæculo sunt habenda, perducas, & obstrictos adhuc conditione mortalium, iam ad similitudinem prouchas Angelorum; respice super hanc famulam tuam *Ill.* quæ tibi deuotionem suam offert, à quo & ipsa idem votum assumpsit. Sit in ea, Domine, per donum Spiritus tui, prudens modestia, sapiens benignitas, grauis leuitas, casta libertas, ferueat in caritate, & nihil extra Te diligat, laudabiliterque viuat, & laudari non appetat, Te timeat, Tibi amore seruiat: Tu ei honor, tu gaudium, tu in mœrore solatium, tu in ambiguitate consilium, tu in iniuria defensio, in tribulatione patientia, in paupertate abundantia, in ieiunio cibus, in infirmitate sis medicina: Per Te, quem diligere super omnia appetit, quod est professâ custodiat, vt & hostem antiquum

deuincat, & vitiorum squalores expurget. Quatenus centesimi fructus dono virginitatis decorari, virtutumque lampadibus exornari, & electarum Virginum tuarum consortio, Te donante, mereatur vniri. Per eundem.

MISSA IN CONSECRATIONE Virginis.

DA, quæsumus, Domine, famulæ tuæ *Ill.* quam virginitatis honore dignatus es decorare, inchoati operis cōsummatum effectum, & vt perfectam tibi offerat plenitudinem, initia sua mereatur perducere ad finem. Per.

SVPER OBLATA.

Oblatis Hostiis, Domine, quæsumus, præsentis famulæ tuæ *Ill.* perseuerantiam perpetuæ virginitatis accommoda, vt apertis ianuis, summi Regis aduentu, regnum cæleste cum lætitia mereatur intrare. Per.

AD COMPLENDVM.

Respice, Domine, famulæ tuæ *Ill.* debitam seruitutem, vt inter humanæ fragilitatis incerta, nullis aduersitatibus opprimatur, quæ de tuâ protectione confidit. Per.

ORATIO AD ABBATISSAM faciendam.

Exaudi, Domine, preces no-

stras: & super hanc famulam tuam *Ill.* Spiritum tuæ benedictionis emitte, vt cælesti munere ditata, & tuæ gratiam possit Maiestatis acquirere, & bene viuendi aliis exemplum præbere. Per Dominum nostrum Iesum Christum.

ORATIO AD ANCILLAS Dei velandas.

FAmulas tuas Domine, tuæ custodia muniat pietatis, vt Virginitatis sanctæ propositum, quod te inspirante susceperunt, te protegente inlæsum custodiant. Per Dominum.

ORATIO AD ABBATEM faciendum.

Concede, quæsumus, omnipotens Deus, & famulum tuum *Ill.* quem ad regimen animarum elegimus, gratiæ tuæ dono proficere, vt te largiente cum ipsa tibi nostra electione placeamus. Per Dominum.

HEBDOMADA II. POST Pentecostem.

DEus, in te sperantium fortitudo, adesto propitius inuocationibus nostris: & quia sine te nihil potest mortalis infirmitas, præsta auxilium gratiæ tuæ, vt in sequendis mandatis tuis, & voluntate tibi & actione placeamus. Per.

SUPER OBLATA.

Oblationem nostram, quæsumus, Domine, misericorditer acceptare, & sanctificare digneris, ut eius sanctificatione nobis salus proueniat, & defensio sempiterna. Per.

PRÆFATIO.

Vere dignum, & iustum est, æquum, & salutare, Nos tibi semper & ubique gratias agere, Domine sancte, Pater omnipotens, æterne Deus: Qui Ecclesiæ tuæ filios sicut non cessas erudire, ita non desinis adiuuare: ut & scientiam, Te miserante, recta faciendi, & possibilitatem capiant exequendi. Per. Christum.

BENEDICTIO.

Benedicat vobis Dominus, & custodiat vos. Amen. Inluminet faciem suam super vos, & misereatur vestri. Amen. Conuertat vultum suum ad vos, & donet vobis pacem. Amen. Quod ipse præstare dignetur, cuius regnum & imperium sine fine permanet, per omnia sæcula, sæculorum. Amen. Benedictio Dei Patris & Filij & Spiritus sancti. Et pax Domini sit semper vobiscum. Et cum spiritu tuo.

AD COMPLENDVM.

Tantis, Domine, repleti munc-

ribus, quæsumus, ut & salutaria dona capiamus, & à tua numquam laude cessemus. Per.

SUPER POPVLVM.

Fideles tuos, Domine, benedictio desiderata confirmet, quæ eos & à tua voluntate faciat numquam discrepare, & tuis semper indulgeat beneficiis gratulari. Per eundem Dominum nostrum.

HEBDOMADA III. POST Pentecosten.

Sancti nominis tui, Domine, stimorem pariter & amorem fac nos habere perpetuum, quia numquam tua gubernatione destituis, quos in soliditate tuæ dilectionis instituis. Per Dominum.

SUPER OBLATA.

Oblatio nos, Domine, tuo nomini dicanda purificet, & de die in diem ad cælestis vitæ transferat actionem. Per.

PRÆFATIO.

Vere dignum & iustum est, æquum & salutare, Nos tibi semper, & ubique gratias agere, Domine sancte, Pater omnipotens, æterne Deus, per Christum Dominum nostrum: Per quem, Maiestatem tuam suppliciter exoramus,

mus, vt ab Ecclesia tua quidquid est noxium tu repellas; & quod eidem salutare est, largiaris: Nosque contra superbos spiritus humilitatem tribuas rationabilem custodire, cum gratiam tuam clementer nobis impendis: nec humani incertos consilij derelinquas, sed tuâ, quæ falli non potest, gubernatione disponas. Per quem.

BENEDICTIO.

Propitietur Dominus cunctis iniquitatibus vestris, & sanet omnes languores vestros. Amen. Redimat de interitu animam vestram, & satiet in bonis desiderium vestrum. Amen. Auferat à vobis cor lapideum, & det vobis cor carneum. Amen. Quod ipse præstare.

AD COMPLENDVM.

Sumptis muneribus, Domine, quæsumus, vt cum frequentatione mysterij, crescat nostræ salutis effectus. Per Dominum.

SUPER POPVLVM.

Deus, qui Te in rectis ac sinceris manere pectoribus asseris, da nobis tuâ gratia tales existere, in quibus habitare digneris. Per Dominum nostrum Iesum Christum.

HEBDOMADA IV. POST Pentecosten.

DEprecationem nostrâ, quæsumus, Domine, benignus exaudi: & quibus supplicandi præstas affectum, tribue defensionis auxilium. Per eundem.

SUPER OBLATA.

Munera, Domine, oblata sanctifica, vt tui nobis Vnigeniti corpus & sanguis fiant. Per Dominum.

P RÆFATIO.

Vere dignum, & iustum est, æquum, & salutare, Nos tibi semper, & vbique gratias agere, Domine sancte, Pater omnipotens, æterne Deus: Cuius hoc mirificum opus ac salutare mysterium fuit, vt perditum dudum atque prostratum, de diabolo & mortis aculeo, ad hanc gloriam vocaremur, qua nunc genus electum, sacerdotiumque regale, populus acquisitionis, & gens sancta vocaremur. Agentes igitur indefessas gratias, sanctamque munificentiam tuam prædicantes, Maiestati tuæ hæc sacra deferimus, quæ nobis ipse salutis nostræ auctor Christus instituit. Per quem, Maiestatem tuam.

BENEDICTIO.

Benedicat vobis Dominus nostri oris alloquio, & cor vestrum

sinceri amoris copulet nexu perpetuo. Amen. Floreatis rerum præsentium copiis, iustitiâ acquisitis, gaudeatis perenniter fructibus sincerissimæ caritatis. Amen. Tribuat vobis Dominus dona perennia, ut post tempora feliciter dilatata, percipiatis gaudia sempiterna. Amen. Quod ipse præstare dignetur.

AD COMPLENDVM.

Sacris muneribus, Domine, perceptis, quæsumus ut nos eorum virtute, & à vitiis omnibus expies, & donis tuæ gratiæ iugiter repleas. Per Dominum nostrum.

SUPER POPVLVM.

Tempora nostra, quæsumus, Domine, pio favore prosequere, & quibus cursum tribuis largiorem, præsta continuum benignus auxilium. Per Dominum nostrum.

HEBDOMADA V. POST Pentecosten.

Protector in te sperantium Deus, sine quo nihil est validum, nihil sanctum, multiplica super nos misericordiam tuam, ut te Rectore, te Duce, sic transeamus per bona temporalia, ut non amittamus æterna. Per Dominum nostrum.

SUPER OBLATA.

Respice, Domine, munera sup-

plicantis Ecclesiæ, & salutis credentium perpetuâ sanctificatione sumenda, concede. Per.

PRÆFATIO.

Verè dignum, & iustum est, æquum & salutare, Nos tibi semper, & ubique gratias agere, Domine, sancte, Pater omnipotens, æterne Deus: Et omnipotentiam tuam iugiter implorare, ut nobis & præsentis vitæ subsidium, & æternæ tribuas præmium sempiternum. Quò sic mutabilia dona capiamus, ut per hæc ad incommutabilia dona peruenire valeamus: sic temporalis lætitiæ tempora transeant, ut eis gaudia sempiterna succedant. Per Christum Dominum nostrum.

BENEDICTIO.

Emundet Dominus conscientias vestras ab omni malitia, & repleat sanctificatione perpetuâ. Amen. Vota vestra clementer intendat, & peccata omnia propitiatus indulgeat. Amen. Quæ piè optatis miseratus adtribuat, ac quæ pauescitis, pius propugnator procul repellat. Amen. Quod ipse præstare dignetur.

AD COMPLENDVM.

Sancta tua nos, Domine, sumpta viuificent & misericordiæ sempiternæ præparent expiatis. Per Dominum nostrum.

SUPER POPVLVM.

Respice Domine propitius plebem tuam, & toto tibi corde sub-

iectam, præfidiis inuictæ pietatis
ad tolle. Per Dominum.

HEBDOMADA VI. POST
Pentecosten.

DA nobis, quæsumus, Domine, ut & mundi cursus pacifico nobis tuo ordine dirigatur, & Ecclesia tua tranquillâ deuotione lætetur. Per Dominum.

SVPER OBLATA.

Ascendant, quæsumus Domine, preces humilitatis nostræ in conspectu clementiæ tuæ, & descendat super hæc oblata virtus tuæ diuinitatis, quam nostris quoque purificandis mentibus largiaris. Per Dominum.

PRÆFATIO.

Verè dignum, & iustum est, æquum & salutare, Nos tibi semper & ubique gratias agere, Domine sancte, Pater omnipotens, æterne Deus: Maiestatem tuam suppliciter deprecantes, ut opem tuam petentibus dignanter impendas, & desiderantibus benigni tribuas profutura. Per Christum Dominum.

BENEDICTIO.

Omnipotens Deus suâ vos clementiâ benedicat, & sensum vobis sapientiæ salutaris infundat. Amen. Catholicæ fidei vos docu-

mentis enutriat, & in sanctis operibus perseverabiles reddat. Amē. Gressus vestros ab errore conuertat, & viam vobis pacis & caritatis ostendat. Amen. Quod ipse præstare dignetur.

AD COMPLENDVM.

Mysteria nos, Domine, sancta purificent, & suo munere tueantur. Per.

SVPER POPVLVM.

Exaudi nos, Deus salutaris noster, & dies nostros in tua pace dispone, ut à cunctis perturbationibus liberati, tranquillâ tibi seruitute famulemur.

HEBDOMADA VII. POST
Pentecosten.

DEus, qui diligentibus te bona inuisibilia præparasti, infunde cordibus nostris tui amoris affectum, ut te in omnibus, & super omnia diligentes, promissiones tuas, quæ omne desiderium superant, consequamur. Per.

SVPER OBLATA.

Propitiare, Domine, supplicationibus nostris, & has oblationes famulorum famularumque tuarum benignus assume, ut quod singuli obtulerunt ad honorem nominis tui, cunctis proficiat ad salutem. Per Dominum nostrum.

PRÆFATIO.

Verè dignum, & iustum est, æquum & salutare, Nos tibi semper, & ubique gratias agere, Domine sancte, Pater omnipotens, æterne Deus, per Christum Dominum nostrum: Verum æternūque Pontificem, & solum sine peccati macula sacerdotem. Cuius sanguine, fidelium corda mundantur: cuius institutione, placationis tibi Hostias non solum pro delictis populi, sed etiam pro nostris offensionibus immolamus: Tuam poscentes clementiam, ut omne peccatum, quod carnis fragilitate contraximus, ipso summo pro nobis Antistite interueniente, solvatur. Per quem.

BENEDICTIO.

Amoueat à vobis Dominus totius maculas simultatis, & imbuat vobis munera puræ dilectionis. Amen. Subiugent in vobis relaxationem carnis & sanguinis, & opem conferat perpetuæ castitatis. Amen. Idque vos in præsentis sæculo diligere faciat, quod à coelestis paradisi hæreditate non diuidat. Amen. Quod ipse præstare dignetur.

AD COMPLENDVM.

Quos cælesti, Domine, dono satiasti, præsta, quæsumus, ut à nostris mundemur occultis, & ab hostium liberemur insidiis. Per.

SUPER POPVLVM.

Protegat, Domine, quæsumus, tua dextera populum supplican-tem, ut præsentem vitam sub tua gubernatione transcurrans, mereatur inuenire perpetuam. Per Dominum nostrum.

HEBDOMADA VIII. POST Pentecosten.

Deus virtutum, cuius est totum, quod est optimum, insere pectoribus nostris amorē tui nominis: & præsta in nobis religionis augmentum, ut quæ sunt bona nutrias: ac pietatis studio, quæ sunt nutrita custodias. Per.

SUPER OBLATA.

Propitiare, Domine, supplicationibus nostris, & has populi tui oblationes benignus assume: & ut nullius sit irritum votum, & nullius vacua postulatio, præsta, quæsumus, ut quod fideliter petimus, efficaciter consequamur. Per Dominum.

PRÆFATIO.

Verè dignum, & iustum est, æquum, & salutare, Nos tibi semper, & ubique gratias agere, Domine sancte, Pater omnipotens, æterne Deus: Et tibi vouere contriti sacrificium cordis, tibi litare humiliati victimam pectoris. A quo omne bonum sumimus, omnem iucunditatem haurimus,

Precamur itaque, ut tibi cōscien-
tia nostra famuletur, & ut in te de
die in diem meliorata proficiat,
tuæ gratiæ intemerata subdatur.
Nostris nos, quæsumus, Domine,
euacua malis, tuisque reple per
omnia bonis, ut perceptâ gratiâ,
quam nostra non exigunt merita,
à cunctis aduersitatibus liberati,
& in bonis omnibus confirmati,
supernis ciuibus mereamur con-
iungi. Per Christum.

BENEDICTIO.

Inclinet Dominus aurem suam
ad preces vestræ humilitatis, &
det vobis gratiam suæ benedi-
ctionis, & præmium sempiternæ
salutis. Amen. Semper & ubique
Dominum propitium habeatis, &
in eius laudibus exultetis. Amen.
Omnium peccatorum vestrorum
vincula soluat, & ad gloriam sem-
piternam peruenire vos faciat.
Amen. Quod ipse præstare.

AD COMPLENDVM.

Repleti, Domine, muneribus
tuis, quæsumus, ut eorum munde-
mur effectū, & muniamur auxi-
lio. Per eundem.

SUPER POPVLVM.

Da nobis, quæsumus, Domine,
ut in tua gratia veraciter confi-
dentes, & quæ digna sunt postule-
mus, & iugiter postulata suma-
mus. Per,

HEBDOMADA IX. POST
Pentecosten.

DEus, cuius prouidentia in
sui dispositione non fallitur,
Te supplices exoramus, ut noxia
cuncta submoueas, & omnia no-
bis profutura concedas. Per.

SUPER OBLATA.

Deus, qui legalium differentias
Hostiarum, vnius sacrificij perfe-
ctione sanxisti, accipe sacrificium
à deuotistibi famulis, & pari be-
nedictione, sicut munera Abel,
sanctifica: ut, quod singuli obtule-
runt, ad Maiestatis tuæ honorem,
cunctis proficiat ad salutem. Per
Dominum nostrum.

PRÆFATIO.

Vere dignum & iustum est,
æquum & salutare, Nos tibi sem-
per, & ubique gratias agere, Do-
mine sancte, Pater omnipotens,
æterne Deus: Et tuam misericor-
diam totis nisibus exorare, ne pro
nostra nos iniquitate condemnes,
sed pro tua pietate in via recta
semper disponas: nec sicut mere-
mur, delinquentibus irascaris: sed
fragilitati nostræ inuicta bonitate
subuenias. Per Christum.

BENEDICTIO.

Sanctificet vos Domini gratia,
& ab omni malo custodiat. Amē.
Arceat à vobis omne quod ma-

lum est, & spiritus vestros corporaque purificet. Amen. Alliget vos sibi vinculo caritatis, & pax eius abundet in cordibus vestris. Amen. Quod ipse præstare.

AD COMPLENDVM.

Tua nos, Domine, medicinalis operatio, & à nostris peruersitatibus clementer expediat, & ad ea, quæ recta sunt, perducatur. Per.

SVPER POPVLVM.

Plebistua, quæsumus, Domine, ad te semper corda conuerte, vt quam tantis facis patrociniis adiuuari, perpetuis non desinas gubernare præfidiis. Per.

HEBDOMADA X. POST Pentecosten.

LArgire nobis, Domine, quæsumus, semper spiritum cogitandi quæ recta sunt, propitius & agendi, vt qui sine te esse non possumus, secundum te viuere valeamus. Per.

SVPER OBLATA.

Suscipe munera, quæsumus, Domine, quæ de tua largitate deferimus, vt hæc sacrosancta mysteria gratiæ tuæ operante virtute, & præsentis vitæ nos conuersatione sanctificent, & ad gaudia sempiterna perducant. Per Dominum nostrum.

P R Æ F A T I O.

Verè dignum, & iustam est, æquum & salutare, Nos tibi semper, & vbique gratias agere, Domine sancte, Pater omnipotens, æterne Deus: Et tuam misericordiam exorare, vt Te annuente valeamus, quæ mala sunt, declinare; & quæ bona sunt, consequenter explere: & quia nos fecisti ad tua sacramenta pertinere, Tu clementer in nobis eorum munus operare. Per Christum.

B E N E D I C T I O.

Multiplicet in vobis Dominus copiam suæ benedictionis, & confirmet vos in spe regni coelestis. Amen. Actus vestros corrigat, & vos ad coelestis paradisi hæreditatem perducatur. Amen. Talique intentione repleti valeatis, quæ ei in perpetuum placeatis. Quod ipse præstare.

AD COMPLENDVM.

Sumptis, Domine, tuæ institutionis muneribus, quæsumus, vt nos eorum & munditiâ purges, & potenti virtute defendas. Per Dominum.

SVPER POPVLVM.

Concede, quæsumus, omnipotens Deus, vt viam tuam deuotâ mente currentes subripientium delictorum laqueos euadamus. Per Dominum nostrum.

BENEDICTIO.

HEBDOMADA XI. POST
Pentecosten.

Præsta quæsumus, omnipotens & misericors Deus, vt inter huius vitæ caligines, nec ignorantia fallente mergamur, nec præcipiti studeamus voluntate peccare: sed quibus fiduciam sperandæ pietatis indulges, optatæ misericordiæ præsta benignus effectum. Per.

SVPER OBLATA.

Concede nobis hæc, quæsumus, Domine, dignè frequentare mysteria: quia quoties huius Hostiæ commemoratio celebratur, opus nostræ redemptionis exercetur. Per.

PRÆFATIO.

Verè dignum & iustum est, æquum & salutare, Nos tibi semper, & vbique gratias agere, Domine sancte, Pater omnipotens, æterne Deus: Et tibi debitam seruitutem, per ministerij huius impletionem persolvere: quia non solum peccantibus veniam tribuis, sed etiam præmia petentibus impertiris. Et quod perpeti malis operibus promeremur, magnificæ pietate depellis, vt nos ad tuæ reuerentiæ cultum, & terrore cogas, & amore perducas. Per Christum.

Deus qui est vita mortalium, salusque peccatorum, auferat à vobis omnes maculas delictorum. Amen. Induat vos decore virtutum, sanctificet mentes, purificet voluntates, & donet vobis sanctorum consortium Angelorum. Vt probabiles fide, & opere immaculati, perueniatis ad æternam gaudiorum coelestium hæreditatem. Amen. Quod ipse præstare.

AD COMPLENDVM.

Tui nobis, Domine, communio sacramenti, & purificationem conferat, & tribuat vnitatem. Per.

SVPER POPVLVM.

Conserua, quæsumus, Domine, tuorum corda fidelium, & gratiæ tuæ virtute corrobora, vt & in tua sint supplicatione deuoti, & tuâ dilectione sinceri. Per Dominum nostrum.

HEBDOMADA XII. POST
Pentecosten.

Deus, qui omnipotentiam tuam parcendo maximè, & miserando manifestas, multiplica super nos misericordiam tuam, vt ad tua promissa currentes, coelestium bonorum facias esse consortes. Per Dominum nostrum.

SUPER OBLATA.

Tibi, Domine, sacrificia dicata reddantur, quæ sic ad honorem nominis tui deferenda tribuisti, ut eadem remedia fieri nostra præstares. Per Dominum.

PRÆFATIO.

Verè dignum, & iustum est, æquū, & salutare, Nos tibi semper & ubique gratias agere, Domine sancte, Pater omnipotens, æterne Deus: Cuius primum tuæ pietatis indicium est, si tibi nos facias toto corde subiectos, & spiritum nobis tantæ deuotionis infundas, ut propitius largiaris consequenter auxilium. Per Christum.

BENEDICTIO.

Deuotionem vestram Dominus dignanter intendat, & suæ vobis benedictionis dona concedat. Amen. Talique vos in præsentis sæculo subsidio muniat, ut paradisi vos in futuro habitatores efficiat Amen. Sicque corda vestra sanctificando benedicat, & benedicendo sanctificet; ut vobiscum, imò in vobis eum habitare delectet. Amen. Quod ipse præstare.

AD COMPLENDVM.

Quæsumus, Domine Deus noster, ut quos diuinis reparare non desinis sacramentis, tuis non destituas benignus auxiliis. Per.

SUPER POPVLVM.

Fideles tuos, Domine, quæsumus, corpore pariter & mente pu-

rifica, ut tuâ inspiratione compuncti, noxias delectationes vitare præualeant: atque, ut earum non capiantur illecebris, tuâ semper suauitate pascantur. Per.

HEBDOMADA XII. POST Pentecosten.

OMnipotēs sempiternæ Deus, qui abundantiam pietatis tuæ, & merita supplicum excedis & vota: effunde super nos misericordiam tuam, ut dimittas quæ conscientia metuit, & adicias quod oratio præsumit. Per.

SUPER OBLATA.

Respice, Domine, quæsumus, nostram propitius seruitutem, ut quod offerimus, sit tibi munus acceptum, sit nostræ fragilitatis subsidium. Per.

PRÆFATIO.

Verè dignum, & iustum est, æquum & salutare, Nos tibi semper & ubique gratias agere, Domine sancte, Pater omnipotens, æterne Deus: Qui nos castigando sanas, & refouendo benignus erudis, dum magis vis saluos esse correctos, quam perire deiectos. Per Christum Dominum nostrum.

BENEDICTIO.

Gratiâ suâ vos Dominus locupleter, & coelesti benedictione multiplicet. Amen. Ab omni vos aduersitate

aduersitate defendat, & piâ semper miseratione custodiat. Amen. Petitiones vestras placatus intendat, & culparum omnium vobis veniam clementer adtribuat. Amen. Quod ipse præstare.

AD COMPLENDVM.

Sentiamus, Domine, quæsumus, tui perceptione sacramenti subsidium mentis & corporis, vt in vtroque saluati, cælestis remedij plenitudine gloriemur. Per.

SVPER POPVLVM.

Tuere, Domine, populum tuum, & salutaribus præfidiis semper adiutum beneficiis adtolle continuis & mentis & corporis. Per.

HEBDOMADA XIV. POST Pentecosten.

OMnipotens sempiterne Deus, per quem coepit esse, quod non erat, & factum est visibile, quod latebat, stultitiam nostri cordis emunda: & quæ in nobis sunt vitiorum secreta purifica, vt possimus tibi Domino purâ mente seruire. Per Dominum.

SVPER OBLATA.

Offerimus tibi, Domine, Hostiam placationis & laudis, humiliter implorantes, vt & eam placabili pietate respicias, & offerentium preces clementi largitate exaudias. Per.

PRÆFATIO.

Verè dignum, & iustum est, æquum, & salutare, Nos tibi semper, & vbique gratias agere, Domine sancte, Pater omnipotens, æterne Deus: Quia tu in nostra semper faciens infirmitate virtutem, Ecclesiam tuam inter aduersa crescere tribuisti: vt cum putaretur oppressa, tunc potius præualeret exaltata: dum simul & experientiam fidei declarat afflictio, & victoriosissima semper perseuerat, Te adiuuante, deuotio. Per Christum.

BENEDICTIO.

Det vobis Dominus munus suæ benedictionis, & repleat vos spiritu veritatis & pacis. Amen. Quatenus sic per viam salutis deuotâ mente curratis, vt subrepentium delictorum laqueos salubriter euadatis. Amen. Sicquæ efficiamini in eius supplicatione deuoti, & in mutuâ dilectione sinceri, vt ad cœleste regnum peruenire possitis securi. Amen. Quod ipse præstare.

AD COMPLENDVM.

Viuificet nos, quæsumus, Domine, huius participatio sancta mysterij, & pariter nobis expiationem tribuat & munimen. Per.

SVPER POPVLVM.

Omnipotens & misericors Deus, de cuius munere venit, vt tibi à fidelibus tuis dignè & laudabiliter seruiatur, tribue, quæ

sumus nobis, vt ad promissiones
tuas sine offensione curramus.
Per.

HEBDOMADA XV. POST
Pentecosten.

OMnipotēs sempiternae Deus,
da nobis fidei, spei & cari-
tatis augmentum: & vt mereamur
assequi quod promittis, fac nos
amare quod præcipis. Per.

SVPER OBLATA.

Propitiare, Domine, populo
tuo, propitiare muneribus, vt hac
oblatione placatus, & indulgen-
tiam nobis tribuas, & postulata
concedas. Per.

PRÆFATIO.

Verè dignum, & iustum est,
æquum & salutare, Nos tibi sem-
per, & vbiq; gratias agere, Do-
mine sancte, Pater omnipotens,
æternæ Deus: Qui nos de donis
bonorum temporalium ad per-
ceptionem prouehis æternorum,
& hæc tribuis & illa largiris, vt &
mansuris iam incipiamus inseri,
& prætereuntibus non teneri:
tuum est enim quòd viuimus: quia
licet peccati vulnere natura no-
stra sit vitiata, tui tamen est operis,
vt terreni generati ad cælestia re-
nascamur. Per Christum.

BENEDICTIO.

Benedictio vos Domini comi-

tetur vbiq; sibiq; vos semper
faciat adhærere. Amen. Ipse vos
suâ benedictione saluificet, qui
dignatus est plasmare potenter.
Amen. Atque ita vos præstet feli-
citer viuere, vt cœlestis beatitu-
dinis efficiat cohæredes. Amen.
Quod ipse præstare.

AD COMPLENDVM.

Cælestibus, Domine, donis sa-
tios, quæsumus, vt & voluntate
piè recteq; viuendi, & virtute
atque efficacîâ perficiendi, nos
iugiter donare digneris. Per Do-
minum, &c.

SVPER POPVLVM.

Conserua, quæsumus, Domine,
populum tuum, & quem saluari-
bus præfidiis non desinis adiuua-
re, perpetuis tribue gaudere be-
neficiis & mentis & corporis. Per
Dominum nostrum.

HEBDOMADA XVI. POST
Pentecosten.

CVstodi, Domine, Ecclesiam
tuam propitiatione perpe-
tua: & quia sine te labitur huma-
na mortalitas, tuis semper auxiliis
& abstrahatur à noxiis & ad salu-
taria dirigatur. Per Dominum.

SVPER OBLATA.

Hostiam sacrificij singularis ti-
bi, Domine, deferentes petimus,
vt eius virtute nos & à peccatis
emacules, & tua sanctificatione
dignos efficias. Per Dominum.

P R Æ F A T I O.

Verè dignum, & iustum est, æquum & salutare, Nos tibi semper, & ubique gratias agere, Domine sancte, Pater omnipotens, æterne Deus, per Christum Dominum nostrum: Qui æternitate Sacerdotij sui, omnes tibi fervientes sanctificat Sacerdotes: quoniam mortali carne circumdati, ita quotidianis peccatorum remissionibus indigemus, ut non solum pro populo, sed etiam pro nobis eiusdem Te Pontificis sanguis exoret. Per, quem.

B E N E D I C T I O.

Concedat vobis omnipotens Deus, munus suæ benedictionis, qui vestræ est conscius infirmitatis. Amen. Et qui vobis tribuit supplicandi affectum, tribuat consolationis auxilium. Amen. Ut ab eo & præsentis & futuræ vitæ subsidium capiatis, cuius vos bonitate creatos esse creditis. Amen. Quod ipse præstare.

A D C O M P L E N D V M.

Præsta nobis, misericors Deus, ut placationem tuam promptis mentibus exoremus, & per sacramenta, quæ sumpsimus, peccatorum veniam consequentes, à noxiis liberemur incurfibus. Per Dominum.

S U P E R P O P V L V M.

Propitiare, Domine populo

tuo, & ab omnibus illum absolute peccatis, ut quod nostris offensionibus promeremur, tua indulgentia repellatur. Per.

HEBDOMADA XVII. POST Pentecosten.

ECclesiam tuam, Domine, miseratio continuata mundaet & muniat, & quia sine te non potest salua consistere, tuo semper munere gubernetur. Per Dominum.

S U P E R O B L A T A.

Tua nos, Domine, sacramenta custodiant: & contra diabolicos tueantur semper incurfus. Per Dominum nostrum.

P R Æ F A T I O.

Verè dignum, & iustum est, æquum & salutare, Nos tibi semper & ubique gratias agere, Domine sancte, Pater omnipotens, æterne Deus: Et te incessanter precari, ut qui Te Auctore sustinimus, Te dispensante dirigamur. Non nostris sensibus relinquamur, sed ad tuæ reducti semper tramitem veritatis, hæc studeamus exercere quæ præcipis, ut possimus dona percipere quæ promittis. Per Christum.

B E N E D I C T I O.

Omnipotens Deus peccatorum vestrorum maculas purget, & suâ

vos benedictione inlustret Amen. Repleat vos spiritualium donis virtutum, & perseverare faciat in bonis propositum vestrum. Amen. Sicque humilitatem vestram benignus acceptet, ut suae vos pietatis remuneratione locupletet. Amen. Quod ipse prestare dignetur.

AD COMPLENDVM.

Mentes nostras & corpora possideat, Domine, quaesumus, doni caelestis operatio, ut non noster sensus in nobis, sed iugiter eius praeueniat effectus. Per Dominum.

SUPER POPVLVM.

Adesto, Domine, supplicationibus nostris, & nihil de sua conscientia praesumentibus, ineffabili miseratione succurre, ut quod non habet fiducia meritorum, tua conferat largitas inuicta donorum. Per.

HEBDOMADA XVIII. POST Pentecosten.

Absolue, quaesumus, Domine, tuorum delicta populorum, & a peccatorum nostrorum nexibus, quae pro nostra fragilitate contraximus, tua benignitate liberemur. Per.

SUPER OBLATA.

Pro nostrae seruitutis augmento

sacrificium tibi laudis offerentes, quaesumus, Domine, ut quod immeritis contulisti, propitius exequaris. Per Dominum.

PRÆFATIO.

Verè dignum, & iustum est, æquum & salutare, Nos tibi semper & ubique gratias agere, Domine sancte, Pater omnipotens, æterne Deus: Quia cum laude nostra non egeas, grata tibi tamen est tuorum deuotio famulorum: nec te augent nostra præconia, sed nobis proficiunt ad salutem. Quoniam sicut fontem vitæ præterire causa moriendi est, sic eodem iugiter redundare, effectus est sine fine viuendi. Per Christum.

BENEDICTIO.

Omnipotens Deus caelesti vos protectione circumdet, & suae benedictionis dono locupletet. Amen. Concedatque vobis, ut qui in solâ spe gratiae caelestis innitimini, caelesti etiam protectione muniamini. Amen. Quatenus & in praesenti saeculo mortalis vitae solatia capiat, & sempiternae gaudia comprehendere valeatis, Quod ipse prestare.

AD COMPLENDVM.

Salutaris Hostiae participatione recreati, quaesumus, omnipotens Deus, ut eius potentiâ singulari nos ipsos tibi holocaustum facias sempiternum. Per.

SVPER POPVLVM.

Da, quæsumus, Domine, populo tuo & mentem, qua tibi deuotus existat: & intellectum, quo iusta deoscat: & propitiationem tuā, quā piē desiderantibus profutura perficias. Per.

perpetuo vos circundet auxilio, & benedictionum suarum repleat dono. Amen. Ab omni vos prauitate defendat, & donis coelestibus exuberare concedat. Amen. Quò corpore mundati ac mente, talem ei exhibeatis seruitutem, per quam suam consequi valeatis propitiationem. Amen. Quod ipse.

HEBDOMADA XIX. POST Pentecosten.

OMnipotēs sempiternæ Deus, misericordiam tuam ostende supplicibus, vt qui de meritum qualitate diffidimus, non iudicium tuum, sed indulgentiam sentiamus. Per Dominum.

SVPER OBLATA.

Huius te, Domine, muneris oblatione placemus, & perpetuæ vitæ participes huius operatione reddamur. Per.

PRÆFATIO.

Verè dignum & iustum est, æquum & salutare, Nos tibi semper, & vbiq; gratias agere, Domine sancte, Pater omnipotens, æternæ Deus, per Christum Dominum nostrum: Qui vicit diabolum & mundum, hominēq; paradiso restituit, & vitæ ianuas credentibus patefecit. Per quem.

BENEDICTIO.

Omnipotens Deus dexteræ suæ

AD COMPLENDVM.

Cælestis mensæ, quæsumus, Domine, sacrosancta libatio corda nostra purget semper & pascat, Per Dominum nostrum.

SVPER POPVLVM.

Adesto, Domine, populis tuis in tua protectione fidentibus, & tuæ se dexteræ suppliciter inclinantes, perpetuā defensione conserua. Per.

HEBDOMADA XX. POST Pentecosten.

FAc nos, Domine, quæsumus, tibi prompta voluntate subiectos, & ad supplicandum, tibi nostras semper excita voluntates. Per.

SVPER OBLATA.

Munda nos, Domine, sacrificij præsentis effectū, & perfice miseratus in nobis, vt eius mereamur esse participes. Per.

PRÆFATIO.

Verè dignum, & iustum est, æquum & salutare, Nos tibi semper, & vbiq; gratias agere, Domine sancte, Pater omnipotens, æterne Deus: Et tuam Maiestatem humiliter implorare, vt Iesus Christus filius tuus Dominus noster sua nos gratia protegat & conseruet: & quia sine ipso nihil rectè valemus efficere, ipsius munere capiamus, vt tibi semper placere possimus. Per quem, Maiestatem.

BENEDICTIO.

Purificet omnipotens Deus vestrorum cordium arcana, & benedictionis suæ vobis tribuat incrementa. Amen. Ab omnibus vitæ præsentis periculis exuamini, & virtutum spiritualium ornamentis induamini. Amen. Quò illius adiutorio fulti sic ei seruia-
tis in terris, vt ei coniungi valeatis in coelis. Amen. Quod ipse.

AD COMPLENDVM.

Purifica, Domine, quæsumus, mentes nostras benignus, & renoua cælestibus sacramentis, vt consequenter & corporum præsens pariter & futurum capiamus auxilium. Per.

SUPER POPVLVM.

Respice, Domine, propitius ad debitam tibi populi seruitutem,

vt inter humanæ fragilitatis incerta, nullis aduersitatibus opprimatur, qui de tua protectione confidit. Per Dominum nostrum.

HEBDOMADA XXI. POST Pentecosten.

DA, quæsumus, Domine, populo tuo diabolica vitare contagia, & Te solum Dominum puro corde sectari. Per.

SUPER OBLATA.

Maiestatem tuam, Domine, suppliciter deprecamur, vt hæc sancta, quæ gerimus, & præteritis nos delictis exuant & futuris. Per.

PRÆFATIO.

Verè dignum, & iustum est, æquum & salutare, Nos tibi semper & vbiq; gratias agere, Domine sancte, Pater omnipotens, æterne Deus: Et suppliciter Te exorare, vt sic nos tuis bonis instruas sempiternis, vt temporalibus quoque consolari digneris: sic præsentibus refouere, vt ad gaudia nos mansura perducas. Per Christum.

BENEDICTIO.

Omnipotens Deus aduersa à vobis excludat, & suæ super vos benedictionis dona propitiatus infundat. Amen. Corda vestra efficiat sacris intenta doctrinis, quò

possint repleri beneficijs sempiternis. Amen. Quatenus & exsequenda intelligentes, & intellecta exsequentes & inter aduersa mundi inueniamini indemnes, & beatorum spirituum efficiamini cohæredes. Amen. Quod ipse præstare dignetur.

AD COMPLENDVM.

Sacrificium, quod tuæ, Domine Deus, obtulimus, pietati, nobis ad veniam nostrorum proficiat peccatorum, & tuæ miserationis semper tribuat solatium. Per Dominum nostrum Iesum Christum.

SUPER POPVLVM.

Benedictionem tuam, Domine, populus fidelis accipiat, qua corpore saluatus ac mente, & gratam tibi semper exhibeat seruitutem, & propitiationis tuæ beneficia semper inueniat. Per Dominum nostrum.

HEBDOMADA XXII. POST Pentecosten.

Dirigat corda nostra, Domine, quæsumus, tuæ miserationis operatio, quia tibi sine te placere non possumus. Per Dominum.

SUPER OBLATA.

Deus, qui nos per huius sacri-

cij veneranda commercia, vnius summæque diuinitatis participes efficis, præsta quæsumus, vt & tuam cognoscamus veritatem, & eam dignis mentibus ac moribus assequamur. Per Dominum nostrum.

PRÆFATIO.

Verè dignum, & iustum est, æquum & salutare, Nos tibi semper, & vbiq; gratias agere, Domine, sancte, Pater omnipotens, æterne Deus: Qui propterea iure punis errantes, & clementer refoues castigatos, vt nos à malis operibus abstrahas, & ad bona facienda conuertas: Quia non vis inuenire, quod damnes, sed esse potius quod corones. Qui cum pro nostris meritis iugiter mereamur affligi, tutamen iudicium ad correctionem temperans, non perpetuam exerces ad poenam. Iuste enim corrigis, & clementer ignoscis: in vtroque verax, in vtroque misericors. Qui nos ea lege disponis, vt coercendo in æternum perire non sinas, & parcendo spatium tribuas corrigendi. Qui ideo malis præsentibus nos flagellas, vt ad bona futura perducas: ideo bonis temporalibus consolaris, vt de sempiternis facias certiores. Quò te & in prosperis & in aduersis piâ semper confessione laudemus. Per Christum Dominum nostrum.

BENEDICTIO.

Omnipotens Deus, dies vestros in suâ pace disponat, & suæ vobis benedictionis dona concedat. Amen. Ab omnibus vos perturbationibus liberet, & mentes vestras suæ pacis tranquillitate consolidet. Amen. Quatenus spei, fidei, & caritatis gemmis ornati, & præsentem vitam transigatis inlæsi, & ad æternam perueniatis securi. Amen. Quod ipse præstare dignetur.

AD COMPLENDVM.

Gratias tibi referimus, Domine, sacro munere vegetati, tuam misericordiam deprecantes, vt dignos nos eius participatione perficias. Per Dominum.

SUPER POPVLVM.

Familiæ tuæ, quæsumus Domine, esto protector: & misericordiam tuam concede poscenti, quâ tibi semper fiat obediens, & tua dona percipiat. Per.

 HEBDOMADA XXIII. POST Pentecosten.

OMnipotens & misericors Deus, vniuersa nobis aduersantia propitiatus exclude, vt mente, & corpore pariter expediti, quæ tua sunt, liberis mentibus exsequamur. Per Dominum nostrum.

SUPER OBLATA.

Da, quæsumus, omnipotens Deus, sic nos sacris muneribus tuam veniam promereri, vt nostros corrigamus excessus: sic fatentibus relaxare delictum, vt coerceamus in suis prauitatibus obstinatos. Per Dominum.

PRÆFATIO.

Verè dignum, & iustum est, æquum & salutare, Nostibi semper & vbique gratias agere, Domine sancte, Pater omnipotens, æterne Deus: Et clemētiam tuam suppliciter exorare, vt Filius tuus Iesus Christus Dominus noster, qui se vsque in finem sæculi suis promisit fidelibus adfuturum, & præsentiae corporalis mysteriis non deferat quos redemit, & Maiestatis suæ beneficiis non relinquat. Per quem, Maiestatem.

BENEDICTIO.

Benedictionis Domini gratia vos semper protegat, & ab omni malo defendat. Amen. Mundet vos ab omni crimine peccatorum, & sibi met placere faciat in æternum. Amen. Vbique vobis Dominus placatus occurrat, & suæ benedictionis opem dignantet adtribuat. Amen. Quod ipse præstare dignetur.

AD

AD COMPLENDVM.

Tua nos, Domine, medicinalis operatio, & à nostris peruersitatibus clementer expediat, & tuis faciat semper inhærere mandatis. Per.

SVPER POPVLVM.

Familiam tuam, quæsumus, Domine, dextera tua perpetuo circumdet auxilio, vt ab omni prauitate defensa, donis cælestibus prosequatur. Per.

HEBDOMADA XXIV. POST
Pentecosten.

LArgire, quæsumus, Domine, fidelibus tuis indulgentiam placatus & pacem, vt pariter ab omnibus mudentur offensis, & securâ tibi mente deseruiant. Per.

SVPER OBLATA.

Cælestem nobis præbeant hæc mysteria, quæsumus, Domine, medicinam: & vitia nostri cordis expurgent. Per Dominum nostrum.

PRÆFATIO.

Verè dignum, & iustum est, æquum & salutare, Nos tibi semper, & vbiq; gratias agere, Domine sancte, Pater omnipotens, æterne Deus: Maiestatem tuam suppliciter deprecantes, vt expul-

sis azymis vetustatis, illius agni cibo satiemur & poculo, qui & nostram imaginem reparauit, & suam nobis gratiam repromisit, Iesus Christus filius tuus.

BENEDICTIO.

Omnipotens Dominus adaperiat cor vestrum in lege suâ, & humiliet animas vestras ad capienda mandata cœlestia. Amen. Quicquid vobis pro salute animarum vestrarum os mortalitatis nostræ enarrat, acceptum vobis pietas diuina efficiat. Amen. Vt diuinis sermonibus animati cum eis qui pro vobis inuigilant, ad æternam beatitudinem mereamini peruenire inlæsi. Amen. Quod ipse præstare dignetur.

AD COMPLENDVM.

Sacrificium salutis nostræ tibi offerentes, quæsumus, Domine Deus noster, vt concedas nobis purificatis mentibus semper tuæ pietatis celebrare mysterium. Per Dominum nostrum.

SVPER POPVLVM.

Da salutem, quæsumus, Domine, populo tuo mentis & corporis, & perpetuis consolationibus tuorum reple corda fidelium, vt tua protectione releuati, & piâ tibi deuotione complacent, & tua semper beneficia consequantur. Per.

HEBDOMADA XXV. POST
Pentecosten.

DEus, qui nos regendo con-
seruas, parcendo iustificas,
& à temporali tribulatione nos
eripe, & gaudia nobis æterna lar-
gire. Per Dominum nostrum.

SUPER OBLATA.

Suscipe, Domine, propitiatus
Hostias, quibus & te placari vo-
luisti, & nobis salutem potenti
pietate restitui. Per.

PREFATIO.

Verè dignum, & iustum est, æ-
quum, & salutare, Nos tibi sem-
per, & ubique gratias agere, Do-
mine sancte, Pater omnipotens,
æterne Deus, per Christum Do-
minum nostrum: Per quem san-
ctum & benedictum nomen Ma-
iestatis tuæ ubique veneratur,
adoratur, prædicatur, & colitur:
Qui est origo salutis, via virtutis,
& tuæ propitiatio pietatis. Per
quem,

REQ. BEN.

AD COMPLENDVM.

Immortalitatis alimoniam con-
sequuti, quæsumus, Domine, vt
quod ore percepimus, mente se-
stemur. Per Dominum nostrum.

SUPER POPVLVM.

Familiam tuam, quæsumus, Do-
mine, continuâ pietate custodi,

vt à cunctis aduersitatibus Te pro-
tegente sit libera, & in bonis acti-
bus tuo nomini sit deuota. Per
Dominum.

HEBDOMADA XXVI. POST
Pentecosten.

DEus, refugium nostrum &
virtus, adesto piis Ecclesiæ
tuæ precibus auctor ipse pietatis,
& præsta, vt quod fideliter peti-
mus, efficaciter consequamur.
Per.

SUPER OBLATA.

Da, misericors Deus, vt hæc sa-
lutaris oblatio & à propriis nos
reatibus indefinenter expediat,
& ab omnibus tueatur aduersis.
Per Dominum nostrum.

PREFATIO.

Verè dignum, & iustum est,
æquum & salutare, Nos tibi sem-
per & ubique gratias agere, Do-
mine sancte, Pater omnipotens,
æterne Deus: Et tibi debitas lau-
des pio honore deferre, & mira-
bilium tuorum inenarrabilia præ-
conia deuota mentis veneratione
celebrare. Téque ineffabilem, at-
que inuisibilem Deum laudare,
benedicere, adorare. Per Chri-
stum Dominum nostrum.

REQ. BEN.

AD COMPLENDVM.

Cælesti lumine, quæsumus, Do-
mine, semper & ubique nos præ-

ueni, vt myſterium, cuius nos par-
ticipes eſſe voluiſti, & puro cer-
namus intuitu, & digno percipia-
mus effectū. Per.

SVPER POPVLVM.

Proteſtor in te ſperantium,
Deus, ſalua populum tuum, vt à
peccatis liber, & ab hoſte ſecu-
rus, in tua ſemper gratia perſeue-
ret. Per Dominum noſtrum Je-
ſum Chriſtum.

HEBDOMADA XXVII. POST
Pentecoſten.

EXcita, quæſumus, Domine,
tuorum fidelium voluntates,
vt diuini operis fructum propen-
ſius exequentes, pietatis tuæ re-
media maiora percipiant. Per
Dominum.

SVPER OBLATA.

Propitius eſto, Domine, ſuppli-
cationibus noſtris, & populi tui
oblationibus, precibusque ſuſcep-
tis, omnium noſtrum ad te corda
conuerte, vt à terrenis cupidita-
tibus liberi, ad cæleſtia deſideria
tranſeamus. Per.

PRÆFATIO.

Verè dignum & iuſtum eſt,
æquum, & ſalutare, Noſ tibi ſem-
per, & vbique gratias agere, Do-
mine ſancte, Pater omnipotens,
æterne Deus: Cuius eſt operis,
quòd conditi ſumus; muneris,
quòd viuimus; pietatis, quòd tua

erga nos dona cognoscimus.
Quamuis enim natura noſtra
peccati vitiata ſit vulnere, à terre-
nis tamen ad cæleſtia prouehitur
tuo inenarrabili munere. Per
Chriſtum.

REQ. BEN.

AD COMPLENDVM.

Concede nobis, Domine, quæ-
ſumus, vt quidquid in noſtra men-
te vitioſum eſt, ſacramenti quod
ſumpſimus medicatione curetur.
Per.

SVPER POPVLVM.

Excita, Domine, tuorum cor-
da fidelium, vt ſacris intentata do-
ctrinis, & intelligant quod ſe-
quantur, & ſequendo fideliter ap-
prehendant. Per Dominum no-
ſtrum.

HEBDOMADA V. ANTE
Nat. Domini.

EXcita, Domine, potentiam
tuam, & veni, & quod Eccle-
ſiæ tuæ promiſiſti, vſque in finem
ſæculi clementer operare. Qui
viuis & regnas cum Deo Patre in
vnitate Spiritus ſancti Deus. Per
omnia.

SVPER OBLATA.

Sacrificium tibi, Domine, ce-
lebrandum placatus intēde, quod
& nos à vitiis noſtræ conditionis
emundet, & tuo nomini redda-
acceptos. Per.

PRÆFATIO.

Verè dignum, & iustum est, æquum, & salutare, Nos tibi semper, & ubique gratias agere, Domine sancte, Pater omnipotens, æterne Deus, per Christum Dominum nostrum: Cuius primi aduentus mysterium, ita nos facias dignis laudibus & officiis celebrare, præsentemque vitam inculpabilem ducere, vt secundum valeamus interriti expectare. Per quem, Maiestatem.

BENEDICTIO.

Concedat vobis Dominus præmium sinceræ caritatis, vt cum omnibus semper in pace viuatis. Amen. Inimicorum omnium infidias superetis, & præsentem vitam sincerissimè peragatis. Amē. Sitis etiam à reatu conscientiae liberi, vt nihil metuatis in die iudicii postfuturi. Quod ipse.

AD COMPLENDVM.

Animæ nostræ, quæsumus, Domine Deus, hoc potiantur desiderio, vt à tuo Spiritu inflammentur, vt sicut lampades diuino munere satiati, ante conspectum venientis Christi filij tui velut clara lumina fulgeamus. Per eundem.

SUPER POPVLVM.

Preces populi tui, quæsumus, Domine, clementer exaudi, vt qui de aduentu Vnigeniti filij tui secundum carnem letantur, in secundo, cum venerit in Maiestate

sua, præmium æternæ vitæ percipiant. Per.

HEBDOMADA IV. ANTE
Nat. Domini.

EXcita, Domine, quæsumus, potentiam tuam & veni, vt ab imminentibus peccatorum nostrorum periculis, Te mereamur protegente eripi, Te liberante, saluari. Qui viuis & regnas.

SUPER OBLATA.

Intende, quæsumus, Domine, sacrificium singulare, vt huius participatione mysterij, quæ speranda credimus, expectata sumamus. Per Dominum.

PRÆFATIO.

Verè dignum, & iustum est, æquum & salutare, Nos tibi semper, & ubique gratias agere, Domine sancte, Pater omnipotens, æterne Deus: Cui proprium est & singulare quòd bonus es, & nulla vnquam à te ~~es~~ commutatione diuersus; propitiare, quæsumus, supplicationibus nostris, & Ecclesiae tuæ misericordiam tuam quam deprecamur, ostende, manifestas plebi tuæ Vnigeniti tui, & incarnationis mysterium, & aduentus admirabile sacramentum, vt in vniuersitate nationū constet esse perfectum, quod Vatum oraculis fuit ante promissum: percipiantque dignitatem adoptionis, quos

exornat confessio veritatis. Per quem.
uere mereamur. Qui tecum uiuit
& regnat Deus.

BENEDICTIO.

Omnipotens Deus, cuius Vnigeniti aduentum & præteritum creditis & futurum expectatis. Eiusdem aduentus vos inlustratione sanctificet, & suâ benedictione locupletet. Amen. In præsentis vitæ stadio vos ab omni aduersitate defendat, & se vobis in iudicio placabilem ostendat. Amen. Quò à cunctis contagiis peccatorum liberati, illius tremendi examinis diem expectetis interriti. Amen. Quod ipse.

AD COMPLENDVM.

Suscipiamus, Domine, misericordiam tuam in medio templi tui, & reparationis nostræ ventura solemnia congruis honoribus præcedamus. Per.

AD POPVLVM.

Da, quæsumus, Domine, populo tuo Spiritum veritatis & pacis, vt & Te per aduentum Vnigeniti tui totâ mente cognoscat, & quæ tibi sunt placita, toto corde sectetur. Per eundem Dominum nostrum.

**HEBDOMADA III. ANTE
Nat. Domini.**

EXcita, Domine, corda nostra ad præparandas Vnigeniti tui vias, vt per eius aduentum purificatis tibi mentibus ser-

SUPER OBLATA.

Placare, Domine, quæsumus, humilitatis nostræ precibus & hostiis, & vbi nulla suppetunt suffragia meritorum, tuæ nobis indulgentiæ succurre præsidiiis. Per.

PREFATIO.

Verè dignum, & iustum est, æquum & salutare, Nos tibi semper, & vbi que gratias agere, Domine sancte, Pater omnipotens, æterne Deus : Qui tuo inenarrabili munere præstitisti, vt natura humana ad similitudinem tui condita, dissimilis per peccatum & mortem effecta, nequaquam in æterna damnatione periret : sed vnde peccatum mortem contraxerat, inde vitam tua pietas immensa repararet : & antiquæ Virginis facinus, noua & intemerata Virgo Maria piaret. Quæ ab Angelo salutata, ab Spiritu sancto obumbrata, illum gignere meruit, qui cuncta nasci suo nutu concessit : quæ mirabatur & corporis integritatem, & conceptus foecunditatem : gaudebâtque suū paritura Parentem, Iesum Christum Dominum nostrum. Per quem.

BENEDICTIO.

Deus, cuius aduētus incarnationis præteritus creditur, & iudicii venturus expectatur, vos antequā veniat expiet ab omni cōtagione

delicti. Amen. Prius in vobis diluat omne quod illâ futurâ examinatione puniturus est; vt cû iustus aduenerit iudex, non in vobis inueniat quod condēnet. Amē. Quo veniente non incurratis suppliciū æternum, sed remuneremini donarijs sempiternis. Amen. Quod ipse præstare dignetur.

AD COMPLENDVM.

Repleti cibo spiritalis alimonie, supplices Te, Domine, deprecamur, vt huius participatione mysterij, doceas nos terrena despicere, & amare coelestia. Per Dominum nostrum, &c.

SUPER POPVLVM.

Da, quæsumus, omnipotens Deus, cunctæ familiæ tuæ hanc voluntatem, Christo filio tuo Domino nostro venienti, in operibus iustis aptos occurrere, vt eius dexteræ sociati, regnum mereantur possidere coeleste. Per eundem Dominum nostrum.

 HEBDOMADA II. ANTE
Nat. Domini.

AVrem tuam, quæsumus, Domine precibus nostris accommoda, & mentis nostræ tenebras gratiâ tuæ visitationis inlustra. Per Dominum.

SUPER OBLATA.

Deuotionis nostræ tibi, quæsumus, Domine, iugiter Hostia immoletur, quæ & sacri peragat in-

stituta mysterij, & salutare tuum nobis mirabiliter operetur. Per eundem Dominum nostrum.

PRÆFATIO.

Verè dignum, & iustum est, æquum & salutare, Nos tibi semper, & vbiq; gratias agere, Domine sancte, Pater omnipotens, æterne Deus: Per Christum Dominum nostrum: Cuius incarnatione salus facta est mundi, & passionem redemptio procurata est hominis procreati: ipse nos, quæsumus, ad æternum præmium perducatur, qui redemit de tenebris infernorum, iustificetque in aduentu secundo, qui nos redemit in primo. Quatenus illius nos à malis omnibus defendat sublimitas, cuius nos ad vitam erexit humilitas. Per quem, Maiestatem tuam.

BENEDICTIO.

Omnipotens Deus vos placato vultu respiciat, & in vos donum suæ benedictionis infundat. Amē. Et qui hos dies incarnatione Vnigeniti sui fecit solemnes, à cunctis præsentis & futuræ vitæ aduersitatibus reddat indemnes. Amen. Vt qui de aduentu Redemptoris nostri secundum carnem deuotâ mente lætamini, in secundo, cum in maiestate venerit, præmiis æternæ vitæ ditemini. Amen. Quod ipse præstare dignetur.

AD COMPLENDVM.

Imploramus, Domine, clementiam tuam, vt hæc diuina subsidia à vitiis expiatis, ad festa ventura nos præparent. Per.

MENSIS X. FERIA IV.

PRæsta, quæsumus, omnipotens Deus, vt redemptionis nostræ ventura solemnitas, & præsentis nobis vitæ subsidia conferat, & æternæ beatitudinis præmia largiatur. Per Dominum.

A L I A.

Festina, quæsumus, Domine, ne tardaueris, & auxilium nobis supernæ virtutis impende, vt aduentus tui consolationibus subleuentur qui in tua pietate confidunt Qui viuïs & regnas.

SUPER OBLATA.

Grata tibi sint, Domine, munera, quibus mysteria celebrantur nostræ libertatis & vitæ. Per Dominum nostrum Iesum Christum.

PRÆFATIO.

Verè dignum, & iustum est, æquum & salutare, nos tibi semper, & vbique gratias agere, Domine sancte, Pater omnipotens, æterne Deus: Per Christum Dominum nostrum: Qui ab antiquis Patribus expectatus, ab Angelo nunciatus, à Virgine conceptus,

in fine sæculorum hominibus est præsentatus. Qui adpropinquante Natiuitatis suæ festo, ita, quæsumus, sit nobis placatus, qualiter Tecum, & cum Spiritu sancto ad nos veniat nobiscum perpetim permanurus. Per quem.

AD COMPLENDVM.

Conseruent nos, quæsumus, Domine, munera tua: & per aduentum Vnigeniti tui tribuant nobis vitam æternam. Qui tecum.

SUPER POPVLVM.

Gratiæ tuæ, quæsumus, Domine, supplicibus tuis tribue largitatem, vt mandata tua, Te opitulante, sectantes, consolationem præsentis vitæ percipiant & futuræ. Per Dominum.

FERIA VI.

EXcita, Domine, quæsumus, potentiam tuam & veni, vt hi qui in tua pietate confidunt, ab omni citiùs aduersitate liberentur. Qui viuïs & regnas.

SUPER OBLATA.

Præsta, quæsumus, Domine, vt dicato muneri congruentem nostræ deuotionis offeramus effectum. Per.

PRÆFATIO.

Verè dignum, & iustum est, æquum & salutare, Nos tibi semper, & vbique gratias agere, Domine sancte, Pater omnipotens, æterne Deus: Qui sanctificator &

institutor es abstinentiæ, cuius nullus finis, nullusque est numerus, effunde, quæsumus, super nos in diebus ieiuniorum nostrorum, Spiritum gratiæ salutaris, & ab omnibus nos perturbationibus sæculi huius, tua defensione conserva: ut qui Unigeniti tui celebramus aduentum, continuum eius sentiamus auxilium. Per quem, Maiestatem tuam.

AD COMPLENDVM.

Profint nobis, Domine, sumpta mysteria, pariterque nos & à peccatis exuant, & præfidiis tuæ propitiationis adtollant. Per Dominum nostrum.

SABBATO IN XII. LECT.
Mensis X.

DEus, qui conspicias quia ex nostra prauitate affligimur, concede propitius, ut ex tua visitatione consolemur. Per.

ALIA.

Concede, quæsumus omnipotens Deus, ut qui sub peccati iugo ex vetustâ seruitute deprimimur, expectatâ Unigeniti Filij tui nouâ natiuitate liberemur. Qui tecum uiuit & regnat Deus.

ALIA.

Indignos nos quæsumus, Domine famulos tuos, quos actionis propriæ culpa contristat, Unigeniti Filij tui aduentu lætifica. Qui tecum.

ALIA.

Præsta, quæsumus, omnipotens Deus, ut Filij tui ventura solemnitas, & præsentis nobis vitæ remedia conferat, & præmia æterna concedat. Per eundem.

ALIA.

Preces populi tui quæsumus Domine clementer exaudi, ut qui iustè pro peccatis nostris affligimur, pietatis tuæ visitatione consolemur. Per Dominum.

ALIA AD MISSAM.

Deus, qui tribus pueris mitigasti flammias ignium, concede propitius, ut nos famulos tuos, non exurat flamma vitiorum. Per Dominum nostrum.

SVPER OBLATA.

Ecclesiæ tuæ, Domine, munera sanctifica: & concede, ut per hæc veneranda mysteria, pane cœlesti refici mereamur. Per Dominum nostrum.

PRÆFATIO.

Verè dignum, & iustum est, æquum, & salutare, Nos tibi semper, & ubique gratias agere, Domine sancte. Pater omnipotens, æterne Deus: Qui non solum peccata dimittis, sed ipsos etiam iustificas peccatores, & reis non tantum peccata relaxas, sed dona largiris & præmia: Cuius nos pietatem supplices exoramus, ut qui ieiuniis & votis solemnibus natiuitatem Unigeniti tui praueni-

mus,

mus, illius dono & præsentiis vitæ
perturbationibus careamus, &
æterna munera capiamus. Per
quem, Maiestatem tuam.

AD COMPLENDVM.

Quæsumus Domine Deus no-
ster, vt sacrosancta mysteria, quæ
pro reparationis nostræ munimi-
ne contulisti, & præsens nobis
remedium esse facias & futurum.
Per.

DOMINICA I. ANTE
Nat. Domini.

EXcita, Domine, potentiam
tuam & veni, & magna nobis
virtute succurre: vt per auxilium
gratiæ tuæ, quod nostra peccata
præpediunt, indulgentiâ tuæ pro-
pitiatiōis acceleres. Qui viuis &
regnas, cū Deo Patre in vnitāte
Spiritus sancti, Deus. Per omnia.

SVPER OBLATA.

Hæc tibi Domine, oblata be-
nignus sanctificanda adsume li-
bamina, vt eorum perceptione
expiemur à crimine, & aduentus
Filij tui gloriam mereamur in-
territi præstolari. Per eundem
Dominum nostrum.

PRÆFATIO.

Verè dignum & iustum est,
æquum & salutare, Nos tibi sem-
per, & vbiq; gratias agere, Do-

mine sancte, Pater omnipotens,
æterne Deus: Per Christum Do-
minum nostrum: Quem Ioannes
præcessit nascendo, & in desertis
eremi prædicando: Cuius veno-
randæ natiuitatis proxime ventu-
ra solemnitas ita nos, quæsumus,
tibi placitos reddat, vt cum fructu
bonorum operum ad regna coe-
lestia introducat, vt parando in
cordibus nostris viam Domino,
fructusque dignos poenitiæ fa-
ciendo, per prædicationem Ioan-
nis obtemperemus monitis no-
stri Saluatoris. Sicque peruenia-
mus per Filium Sterilis, ad Filium
Virginis: per Ioannem hominem
magnum, ad eundem Dominum
nostrum hominem Deum: qui si-
cut venit ad nos redimendum oc-
cultus, ita viuificet, cum ad iudi-
candum venerit manifestus. Per
quem.

BENEDICTIO.

Deus, qui vos & prioris aduen-
tus gratiâ reparauit, & in secundo
daturum se vobis regnum cum
sanctis Angelis repromisit, ad-
uentus sui vos inlustratione sancti-
ficet. Amen. Vincula vestra dis-
soluat, antequam veniat, vt libe-
rati à vinculis peccatorum, inter-
riti tremendum eius exspectetis
aduentum. Amen. Et quem ve-
nisse interris pro vestrâ salute cre-
ditis, venturumque ad iudiciū
sustinetis, eius aduentus gloriam
impauidi mereamini contueri.

Amen. Quod ipse præstare dignetur.

AD COMPLENDVM.

Tribue nobis, Domine, cœlestis mensæ virtute satiatis, & desiderare quæ recta sunt, & desiderata percipere. Per.

SVPER POPVLVM.

Adiuua, Domine, fragilitatem plebis tuæ, vt ad votiuum magnæ festiuitatis effectum, & corporaliter gubernata recurat, & ad perpetuam gratiam deuotâ mente perueniat. Per.

ORATIONES DE AD-
uentu Domini quotidianis
diebus.

Concede, quæsumus, omnipotens Deus, vt magnæ festiuitatis ventura solemnia prospero celebremus effectû, pariterque reddamur & intenti cœlestibus disciplinis, & de nostris temporibus lætiores. Per.

A L I A.

Conscientias nostras, quæsumus, Domine, visitando purifica, vt veniens Iesus Christus filius tuus Dominus noster, paratam sibi in nobis inueniat mansionem. Qui tecum.

A L I A.

Propè esto, Domine omnibus expectantibus Te in veritate, vt

in aduentu Filij tui Domini nostri placitis tibi actibus præsentemur. Per eundem Dominum nostrum.

A L I A.

Concede, quæsumus, omnipotens Deus, hanc gratiam plebi tuæ, aduentum Vnigeniti tui cum summa vigilantia expectare, vt sicut ipse auctor nostræ salutis docuit, velut fulgentes lampadas, in eius occursum nostras animas præparemus. Per.

A L I A.

Mentes nostras, quæsumus, Domine, lumine tuæ visitationis illustra, vt esse, Te largiente, mereamur & inter prospera humiles, & inter aduersa securi. Per Dominum.

A L I A.

Præsta, quæsumus, omnipotens Deus, vt Filij tui ventura solemnitas, & præsentis vitæ nobis remedia conferat, & præmia æterna concedat. Qui tecum viuit, & regnat Deus.

A L I A.

Concede, quæsumus, omnipotens Deus, vt quia sub peccati iugo ex vetusta seruitute deprimimur, expectatâ Vnigeniti Filij tui noua, natiuitate liberemur. Qui tecum.

A L I A.

Quæsumus omnipotens Deus: preces nostras respice, & tuæ super nos viscera pietatis impende, vt qui ex nostra culpa affligimur,

Saluatore nostro adueniente, respicemus. Per, &c. Qui tecum viuit.

A L I A.

Voci nostræ, quæsumus, Domine, aures tuæ pietatis accommoda, & cordis nostri tenebras lumine tuæ visitationis illustra. Qui viuis.

A L I A.

Porrigere nobis, Domine dexteram tuæ venerationis, & veni : & peccata nostra propitiatus absolue. Qui viuis & regnas.

A L I A.

Festinantes, omnipotens Deus, in occursum Filij tui Domini nostri, nulla impediunt opera actus terreni, sed cœlestis Sapientiæ eruditio faciat nos eius esse consortes. Qui tecum.

A L I A.

Præsta, quæsumus, omnipotens Deus, vt quia pro peccatis nostris meremur affligi, per aduentum Filij tui à cunctis aduersitatibus liberemur. Per.

A L I A.

Deus, qui nostrâ nos conspicias semper infirmitate destitui, aduentus Filij tui nos visitatione custodi. Qui tecum viuit & regnat.

A L I A.

Adesto, quæsumus, omnipotens Deus, atque in cunctis actionibus nostris, & adspirando nos præueni, & adiuuando custodi. Qui viuis.

A L I A.

Præueniat nos, quæsumus, omnipotens Deus, tua gratia semper, & subsequatur, vt per aduentum Vnigeniti tui, quem summo cordis desiderio sustinemus, & præsentis vitæ subsidia & futuræ etiam consequamur. Qui tecum viuit & regnat Deus.

A L I A.

Deus, qui conspicias, quia in tua pietate confidimus, concede propitius, vt per aduentum Vnigeniti tui, de cœlesti semper protectione gaudeamus. Qui tecum viuit, & regnat Deus.

A L I A.

Subueniat nobis, Domine, misericordia tua, vt ab imminentibus peccatorum nostrorum periculis, Te mereamur veniente, saluari. Qui viuis & regnas.

A L I A.

Excita, Domine, potentiam tuam, & veni, vt tua propitiatione saluemur, qui viuis.

A L I A.

Festina, ne tardaueris, Domine Deus noster, & à diabolico furore nos potenter libera. Qui viuis.

A L I A.

Exultemus, quæsumus, Domine Deus noster, omnes recti corde in vnitæte fidei congregati, vt veniente Saluatore nostro Filio tuo, immaculati occurramus illi in eius Sanctorum comitatu. Qui tecum.

A L I A.

Fac nos, quæsumus, Domine, mala nostra toto corde respuere, ut veniente Filio tuo Domino nostro, bona eius capere valeamus. Qui tecum viuit.

A L I A.

Præcinge quæsumus, Domine Deus noster, lumbos mentis nostræ diuinâ tua virtute potenter, ut veniente Domino nostro Iesu Christo Filio tuo, digni inueniamur æternæ vitæ conuiuio, & vota cœlestium dignitatum ab ipso percipere mereamur. Qui tecum viuit & regnat.

A L I A.

Fac nos, quæsumus, Domine Deus noster, peruigiles atque sollicitos aduentû expectare Christi Filij tui Domini nostri: ut dum venerit pulsans, non dormientes peccatis, sed vigilantes, & in suis inueniat laudibus exultantes. Qui tecum viuit & regnat Deus.

INCIPIVNT ORATIONES
pro peccatis.

SVccurre quæsumus, Domine, populo supplicanti, & opem tuam tribue benignus infirmis; ut sincerâ tibi mente deuoti, & præsentis vitæ remediis gaudeant, & futuræ. Per Dominum.

A L I A.

Deus, qui iustè irasceris, & clementer ignoscis, afflicti populi

lacrimas respice, & iram tuæ indignationis, quam iustè meremur, propitiatus auerte. Per Dominum.

A L I A.

Quæsumus, omnipotens Deus, ut qui nostris fatigamur offensis, & merito nostræ iniquitatis affligimur, pietatis tuæ gratiam consequi mereamur. Per.

A L I A.

Deus, cui proprium est miseriari semper, & parcere, suscipe deprecationem nostram, & quos delictorum catena cōstringit, misericordia tuæ pietatis absoluat. Per Dominum nostrum.

A L I A.

Da nobis, quæsumus, Domine, de tribulatione lætitiâ: ut, qui diu pro nostris peccatis affligimur, intercedente beato Ill. martyre tuo, in tua misericordiâ respiremus. Per Dominum nostrum Iesum Christum.

A L I A.

Clamantium ad te, quæsumus, Domine, preces dignanter exaudi; ut sicut Niniuitis in afflictione positus pepercisti; ita & nobis in præsentis tribulatione succurras. Per.

A L I A.

Tribulationem nostram, quæsumus, Domine, propitius respice, & iram tuæ indignationis, quam iustè meremur propitiatus auerte. Per Dominum.

A L I A.

Deus, qui peccantium animas non vis perire, sed culpas: contine, quam meremur, iram, & quam precamur, super nos effunde clementiam, ut de moerore gaudium tuæ misericordiæ consequi mereamur. Per.

A L I A.

Quæsumus omnipotens Deus, afflicti populi lacrymas respice, & iram tuæ indignationis auerte; ut qui reatum nostræ infirmitatis agnoscimus, tuâ consolatione liberemur. Per.

A L I A.

Deus, qui culpâ offenderis, poenitentiam placaris, preces populi tui supplicantis propitius respice, & flagella tuæ iracundiæ, quæ pro peccatis nostris meremur, auerte. Per Dominum.

A L I A.

Parce, Domine, parce populo tuo; ut dignis flagellationibus castigatus in tuâ miseratione respiraret. Per Dominum nostrum Iesum Christum.

A L I A.

Deus, refugium pauperum, spes humilium, salusque miserorum, supplicationes populi tui clementer exaudi, ut quos iustitia verberum fecit afflictos, abundantia remediorum faciat consolatos. Per.

A L I A.

Præsta, quæsumus, omnipotens, Deus, ut qui offensam nostram per flagella cognoscimus, tuæ consolationis gratiam sentiamus. Per Dominum nostrum.

A L I A.

Ne despicias, omnipotens Deus, populum tuum in afflictione clamantem, sed propter gloriam nominis tui tribulatis succurre placatus. Per.

A L I A.

Exaudi, Domine, gemitum populi tui; nec plus apud te valeat offensio delinquentium, quam misericordia tua indulta fletibus supplicantium. Per.

A L I A.

Omnipotens Deus, misericordiam tuam nobis placatus impende; ut qui te contemnendo, culpam incurrimus, confitendo veniam consequamur. Per.

A L I A.

Moueat pietatem tuam quæsumus, Domine, subiectæ tibi plebis affectus, & misericordiam tuam supplicatio fidelis obtineat. Per.

A L I A.

Auerte, quæsumus, Domine, iram tuam propitiatus à nobis, & facinora nostra, quibus indignationem tuam prouocamus, expelle. Per Dominum.

A L I A.

Memor esto, quæsumus, Domine, fragilitatis humanæ; & qui

iuste verberas peccatores, parce propitiatus afflictis. Per.

A L I A.

Aures tuæ pietatis, quæsumus, Domine, precibus nostris inclina; ut qui peccatorum nostrorum flagellis percutimur, miserationis tuæ gratiâ liberemur. Per.

INCIPIUNT ORATIONES
Quotidianæ.

VOx clamantis Ecclesiæ ad aures, Domine, quæsumus, tuæ pietatis ascendat, ut perceptâ veniâ peccatorum, Te fiat operante, deuota, Te protegente, securâ. Per Dominum nostrum.

A L I A.

Propitiare, Domine, supplicationibus nostris, & exorabilis tuis esto supplicibus, ut cōcessa venia, quam precamur, perpetuo misericordiæ tuæ munere gloriemur. Per Dominum nostrum.

A L I A.

Nostris, Domine, quæsumus, propitiare temporibus, ut tuo munere dirigatur, & Romana securitas, & deuotio Christiana. Per Dominum nostrum.

A L I A.

Dies nostros, quæsumus, Domine placatus intende, pariterque

nos & à peccatis absolue propitius, & à cunctis eripe benignus aduersis. Per.

A L I A.

Quæsumus, omnipotens Deus, ne nos tua misericordia derelinquat, quæ & errores nostros semper amoueat, & noxia cuncta depellat. Per.

A L I A.

Præsta, quæsumus, omnipotens Deus, ut inter innumeros vitæ præsentis errores, tuo semper moderamine dirigamur. Per Dominum nostrum.

A L I A.

Perpetua, quæsumus, Domine, pace custodi, quos in te sperare donasti. Per Dominum nostrum.

A L I A.

Adesto nobis misericors Deus, & tuæ pietatis nobis propitius dona concede. Per.

A L I A.

Rege nostras, Domine, propitius voluntates, ut nec propriis iniquitatibus implicentur, nec subdantur alienis. Per Dominum nostrum.

A L I A.

Comprime, Domine, quæsumus, noxios semper incursus, & salutarem temporibus nostris propitius da quietem. Per.

A L I A.

Ab omnibus nos defende, quæsumus Domine, semper aduersis & continuis tuere præsidiiis. Per Dominum.

ALIA.

Da, quæsumus, omnipotens Deus, vt qui infirmitatis nostræ conscijs de tua virtute cōfidimus, sub tua semper pietate gaudeamus. Per Dominum nostrum.

ALIA.

Fac nos, quæsumus, Domine Deus noster, in tua deuotione gaudere, quia perpetua est, & plena felicitas, si bonorum omnium seruiamus Auctori. Per.

ALIA.

Omnipotens sempiterne Deus, fac nos tibi semper & deuotam gerere voluntatem, & Maiestatij tuæ sincero corde seruire. Per Dominum nostrum.

ALIA.

Deus, à quo cuncta bona procedunt, largire supplicibus vt cogitemus, Te inspirante, quæ recta sunt, & Te gubernante, eadem faciamus. Per.

ALIA.

Vox nostra, te Domine, semper deprecetur, & ad aures tuæ pietatis ascendat. Per Dominum.

ALIA.

Præsta, quæsumus, omnipotens Deus, vt liberis tibi mentibus seruiamus. Per Dominum nostrum.

ALIA.

Vt tuam, Domine misericordiam consequamur, fac nos tibi toto corde esse deuotos. Per.

ALIA.

Suscipe, Domine preces nostras, & clamantium ad te pia corda propitius intende. Per.

ALIA.

Cunctas, Domine, semper à nobis iniquitates repelle, vt ad viam salutis æternæ securâ mente curramus. Per Dominum nostrum.

ALIA.

Redemptor noster, aspice Deus, & tibi nos iugiter seruire concede. Per Dominum nostrum.

ALIA.

Deus cæli, terræque dominator, auxilium nobis tuę defensionis benignus impende. Per.

ALIA.

Præsta, quæsumus, misericors Deus, vt tibi placitâ mente seruiamus. Per Dominum nostrum.

ALIA.

Purificet nos indulgentia tua, Deus, & ab omni semper iniquitate custodiat. Per.

ALIA.

Adesto nobis misericors Deus, & tua circa nos propitiatus dona custodi. Per.

ALIA.

A cunctis iniquitatibus nostris exue nos, Domine, & in tua pace gaudere. per.

ALIA.

Vincula, Domine quæsumus, humanæ prauitatis abrumpe, vt ad confitendum nomen tuum liberâ mente curramus. Per.

A L I A.

Tua nos, Domine, quæsumus, gratia benedicat, & ad vitam perducatur æternam. Per Dominum nostrum.

A L I A.

Vide, Domine, infirmitates nostras, & celeri nobis pietate succurre. Per Dominum nostrum.

A L I A.

Fac nos, Domine, quæsumus, mala nostra toto corde respuere, ut bona tua capere valeamus. Per.

A L I A.

Esto nobis propitius Deus, ut tua nos misericordia subsequatur. Per Dominum nostrum.

A L I A.

Præueniat nos quæsumus, Domine, misericordia tua, & voces nostras clementia tuæ propitiationis anticipet. Per.

A L I A.

Celeri nobis quæsumus, Domine, pietate succurre, ut deuotio supplicantiū ad gratiarum transeat actionem. Per.

A L I A.

Delicta nostra, Domine, quibus aduersa dominantur, absterge: & tuā nos ubique miseratione custodi. Per.

A L I A.

Absolue, Domine, quæsumus, nostrorum vincula peccatorum: & quicquid pro eis meremur, auerte. Per.

A L I A.

Ascendant ad Te, Domine,

preces nostræ: & ab Ecclesia tua cunctam repelle nequitiam. Per.

A L I A.

Clamantes ad Te, Deus, dignanter exaudi, ut nos de profundo iniquitatis eripias, & ad gaudia æterna perducas. Per.

A L I A.

Concede nobis, quæsumus, Domine, veniam delictorum, & eos qui te impugnare moliantur, expugna. Per.

A L I A.

Tua nos, Domine, quæsumus, gratia semper & præueniat, & sequatur, &c.

A L I A.

Respice nos misericors Deus, & nomini tuo perfice veraciter obsequentes. Per.

A L I A.

Tuere nos, superne moderator, & fragilitatem nostram tuis defende præfidiis. Per.

A L I A.

Vt nostris excessibus, Domine, temperemus, tua nos Præcepta concede iugiter operari. Per.

A L I A.

Aufer à nobis, quæsumus, nostras Domine, prauitates, ut non indignationem tuam, sed indulgentiam sentiamus. Per.

A L I A.

Vt cunctis nos, Domine, foueas adiumentis, tuis apta propitius disciplinis. Per.

A L I A.

A L I A.

Oculi nostri ad te Domine, semper intendant: vt auxilium tuum, & misericordiam sentiamus. Per.

A L I A.

Peccata nostra, quæsumus, Domine, memor humanæ conditionis absolue, & quicquid eorum retributione meremur, auerte. Per.

A L I A.

Porrige nobis, Deus, dexteram tuam, & auxilium nobis supernæ virtutis. Per.

A L I A.

Exaudi nos, Domine, Deus noster, & Ecclesiam tuam inter mundi turbines fluctuantem, clementi gubernatione moderare. Per.

A L I A.

Intende, Domine, quæsumus, supplices tuos, & pariter nobis indulgentiam tribue benignus & gaudium. Per.

A L I A.

Respice nos, omnipotēs, & misericors Dominus, & ab omnibus tribulationibus propitiatus absolue. Per.

A L I A.

Iniquitates nostras ne respicias, Deus, & sola nobis misericordia tua profit indignis. Per.

A L I A.

Fac nos Domine, Deus noster, tuis obedire mandatis: quia tunc nobis prospera cuncta proueniēt, si te totius vitæ sequamur auctorem. Per.

Orationes alia vespertinales.

OMnipotēs sempiterne Deus, vespere, & manè, & meridie Maiestatem tuam suppliciter deprecamur, vt expulsis de cordibus nostris peccatorum tenebris, ad veram lucem, quæ Christus est, nos facias peruenire. Per.

A L I A.

Vespertinæ laudis officia persoluentes, clementiam tuam, Domine, humili prece deprecamur, vt nocturni insidiatoris fraudes, Te protegente, vincamus. Per.

A L I A.

Propitiare, Domine, vespertinis supplicationibus nostris, & fac nos sine vilo reatu matutinis tibi laudibus præsentari. Per.

A L I A.

Exaudi, Domine, famulos tuos vespertina nomini tuo vota redentes: & quos per singula diei momenta seruasti, per noctis quietem custodire dignare. Per.

Oratio ad Crucem.

Quæsumus, Domine Deus noster, vt per vexillum sanctæ Crucis Filij tui ad conterendas aduersariorum insidias, nos in tuæ protectionis securitate constituas. Per eundem.

Dd

A L I A.

Supplicēs clementiam tuam quæsumus, omnipotens Deus, ut ab hoste maligno defendas, quos per lignum Sanctæ Crucis Filij tui armis iustitiæ, pro salute mundi triumphare iussisti. Per eundem Dominum.

A L I A.

Deus, qui pro nobis Filium tuum Crucis patibulum subire voluisti, ut inimici à nobis expelleres potestatem: concede nobis famulis tuis, ut antiqui hostis insidias tanti virtute mysterij superantes, sincerissimâ Tibi perpetuò mente famulemur. Per eundem Dominum.

A L I A.

Deus, cuius Filius per trophæum Crucis, mundum redimere dignatus est, concede propitius, ut qui de redemptione nostra lætamur, æternis gaudiis perfrui mereamur. Per eundem Dominum.

A L I A.

Deus, qui per sanguinem Crucis Domini nostri Iesu Christi Filij tui dedisti pacem hominibus, & cælestium collegium Angelorum, da nobis & tuæ pacis ubertate repleri, & Angelicæ societatis unitate lætari. Per eundem Dominum.

Oratio ad Completorium.

ORiatur in nobis, Domine, nascentibus tenebris, auro-
ra iustitiæ, ut peracto die, Tibi suppliciter gratias agentes, etiam manè dignanter respicias vota soluentes. Per.

A L I A.

Gratias Tibi agimus, Domine, custoditi per diem, grates tibi exsoluimus custodiendi per noctem: repræsentata nos, quæsumus, Domine, matutinis horis incolu-
mes, ut nos omni tempore habeas laudatores. Per Dominum nostrum.

A L I A.

Illumina, quæsumus, Domine, tenebras nostras, & totius noctis insidias tu repelle propitius. Per.

A L I A.

Quæsumus, Domine Deus noster, diei molestias, noctis quiete sustentata, ut, necessaria temporum vicissitudine succedente, nostra reficiatur infirmitas. Per.

A L I A.

Adesto, Domine, precibus nostris, & die noctuque nos protege, ut quibuslibet alternationibus temporum, tua semper incommutabilitate firmemur. Per Dominum nostrum.

A L I A.

Deus, qui inluminas noctem & lucem post tenebras facis, concede nobis: ut hanc noctem sine impedimento Sathanæ trāseamus, atque matutinis horis ad altare tuum recurrentes tibi Deo gratias referamus. Per.

A L I A.

Tuus est dies, Domine, & tua est nox, concede nobis ut hanc noctem, &c. *ut in superiori.*

A L I A.

Tuus est dies, Domine, & tua est nox, concede solem iustitiæ permanere in cordibus nostris ad repellendas tenebras cogitationum iniquarum. Per.

Incipiunt Orationes Matutinales.

Inlumina, Domine, quæsumus, in Te corda credentium, ut tuo semper munimine, & tuo auxilio protegamur. Per.

A L I A.

Tua nos, Domine, veritas semper inluminet, & ab omni prauitate defendat. Per Dominum.

A L I A.

Salua nos, omnipotens Deus, & lucem nobis cōcede perpetuam. Per Dominum nostrum.

A L I A.

Exaudi nos misericors Deus, &

mentibus nostris gratiæ tuæ lumen ostende. Per.

A L I A.

Matutina supplicum vota, Domine, propitius intueri, & occulta cordis nostri remedio tuæ clarifica pietatis, ut desideria tenebrosa non teneant, quos lux cælestis gratiæ reparauit. Per.

A L I A.

Emitte, quæsumus, Domine, lucem tuam cordibus nostris, ut mandatorum tuorum lege percepta, in via tua ambulantes, nihil patiamur erroris. Per.

A L I A.

Omnipotens sempiterne Deus, apud quem nihil obscurum est, nihil tenebrosum, emitte lucem tuam cordibus nostris, &c. *ut in superiori.*

A L I A.

Deus qui vigilantes in laudibus tuis cælesti mercede remuneras, tenebras de cordibus nostris auferre digneris, ut splendore luminis tui semper gaudeamus. Per.

A L I A.

Exurgentes de cubilibus nostris auxilium gratiæ tuæ matutinis, Domine precibus imploramus, ut discussis tenebris vitiorū, ambulare mereamur in luce virtutū. Per.

A L I A.

Te lucem veram, & lucis Auctorem, Domine, deprecamur, ut digneris à nobis tenebras depellere vitiorum, & clarificare nos luce virtutum. Per.

Dd ij

A L I A.

Auge in nobis, Domine, quæsumus, fidem tuam, & Spiritus sancti lucem in nobis semper accende. Per.

A L I A.

Deus, qui tenebras ignorantiae verbi tui luce depellis, auge in cordibus nostris virtutem fidei, quam dedisti; ut ignis, quem gratia tua fecit accendi, nullis tentationibus possit extinguī. Per.

A L I A.

Auribus percipe, Domine, quæsumus, verba oris nostri, clamoremque matutinum pius scrutator intellige, ut orandi ad te nobis sit fida deuotio, tuaque doneatur nobis diluculo contemplatio, & peccatorum omnium exoptata remissio. Per.

A L I A.

Veritas tua, quæsumus, Domine, luceat in cordibus nostris, & omnis falsitas inimici destruat, Per Dominum nostrum.

A L I A.

Sensibus nostris, quæsumus, Domine, lumen sanctum tuum benignus infunde, ut Tibi semper simus deuoti, cuius sapientia creati sumus, & prouidentia gubernamur. Per.

ITEM AD MATVTINOS
Lucescente die.

Deus, qui diem discernis à nocte, actus nostros à tenebrarum distingue caligine, ut semper, quæ sancta sunt meditantes, in tua iugiter luce viuamus. Per Dominum.

A L I A.

Gratias tibi agimus, Domine sancte, Pater omnipotens, æterne Deus, qui nos de transacto noctis spatio ad matutinas horas perducere dignatus es, quæsumus, ut dones nobis diem hunc sine peccato transire, quatenus ad vesperrum, & semper tibi Deo gratias referamus. Per.

A L I A.

Gratias agimus inenarrabili pietati tuæ omnipotens Deus, qui nos depulsâ noctis caligine ad diei huius principium perduxisti, & abiectâ ignorantiae cæcitate, ad cultum tui nominis atque scientiam reuocasti: in labere sensibus nostris, omnipotens Pater; ut in præceptorum tuorum lumine gradientes, te ducem sequamur & principem. Per.

A L I A.

Deus, qui nos ad principium huius diei peruenire fecisti da

nobis hunc diem sine peccato transire; vt in nullo à tuis semitis declinemus; sed ad tuam iustitiam faciendam nostra semper procedant eloquia. Per.

AD PRIMAM.

Dirigere dignare, Domine sancte, Pater omnipotens æterne Deus, hodie corda & corpora nostra in opera mandatorum tuorum: vt in hac die ad nullum declinemus peccatum: sed semper quæ sancta sunt meditemur, atque opere compleamus: & tuo vbique auxilio muniamur. Per Dominum nostrum Iesum Christum, Filium tuum qui tecum viuit & regnat Deus in vnitæte eiusdem Spiritus.

MISSA PRO PECCATIS.

EXaudi, quæsumus, Domine, supplicum preces, & confidentium tibi parce peccatis; vt pariter nobis indulgentiam tribuas benignus & pacem. Per.

SUPER OBLATA.

Adesto nobis quæsumus, Domine, & preces nostras benignus exaudi: vt quod fiducia non habet meritorum, placatio obtineat hostiarum. Per.

PRÆFATIO.

Verè dignum, & iustum est, æquum & salutare, Nos tibi sem-

per, & vbique gratias agere, Domine sancte, Pater omnipotens, æterne Deus: Suppliciter implorantes, vt nos ab omnibus peccatis clementer eripias, & à cunctis protegas benignus inimicis. Per Christum.

INFRA.

Hanc igitur oblationem Domine, quam tibi offerimus pro peccatis, atque offensionibus nostris, vt omnium delictorum nostrorum remissionem consequi mereamur, quæsumus, Domine, vt placatus accipias, diesque nostros in tuâ pace disponis.

AD COMPLENDVM.

Præsta nobis, æterne Saluator, vt percipientes hoc munere veniam peccatorum, deinceps peccata vitemus. Per Dominum.

ALIA.

Sancta tua nos, Domine, quæsumus, à peccatis exuant, & celestis vitæ vigore confirment. Per.

Orationes tempore belli.

OMnipotens, & misericors Deus, à bellorum nos, quæsumus, turbine fac quietos: quia bona nobis cuncta præstabis, si pacem dederis & mentis & corporis. Per.

A L I A.

Omnipotens Deus, Christiani nominis inimicos virtute, quæsumus, tuæ comprime Maieſtatis, ut populus tuus & fidei integritate lætetur, & temporum tranquillitate ſemper exultet. Per.

MISSA IN TEMPORE BELLII.

Deus, regnorum omnium, regumque dominator, qui nos & percutiendo ſanas, & ignoscendo conſervas, præſtende nobis miſericordiam tuam, ut tranquillitate pacis, tuâ poteſtate firmatâ, ad remedia correctionis utamur. Per.

A L I A.

Deus, cuius regnum, regnum eſt omnium ſæculorum, ſupplicationes noſtras clementer exaudi: & Chriſtianorum regnum tibi ſubditum protege, ut in tua virtute ſidentes, & tibi placeant, & ſuper omnia regna præcellant. Per.

I T E M A L I A.

Deus, qui conteris bella, & impugnatores in te ſperantium potentia tuæ deſenſionis expuñas: auxiliare implorantibus miſericordiam tuam, ut omniū Gentium feritate compreſſa, indefeſſa Te gratiarum actione laudemus. Per.

S U P E R O B L A T A.

Sacrificium, Domine, quod immolamus intende, ut ab omni nos exuat bellorum nequitia, & in tuæ protectionis ſecuritate conſtituat. Per Dominum.

P R Æ F A T I O.

Verè dignum, & iuſtum eſt, æquum, & ſalutare, Nos tibi ſemper, & ubique gratias agere, Domine ſancte, Pater omnipotens, æterne Deus: Te toto corde proſtrati ſuppliciter exorantes, ut & præteritorum nobis concedas veniam delictorum, & ab omni mortalitatis incurſu continuâ nos miſeratione protegas. Quia tunc deſenſionem tuam non diffidimus ad futuram, cum à nobis ea, quibus Te offendimus, dignanter expuleris. Per Chriſtum.

A D C O M P L E N D U M.

Sacro-ſancti corporis & ſanguinis Domini noſtri Ieſu Chriſti reſeſtione vegetati, ſupplices te rogamus, omnipotens Deus, ut hoc remedio ſingulari ab omnium peccatorum nos contagione purifices, & à periculorum munias incurſione cunctorum. Per eundem.

A L I A.

Proteſtor noſter aspice Deus, & ab hoſtium nos deſende periculis, ut omni perturbatione ſub-

motā, liberis tibi mentibus seruiamus. Per Dominum.

sterij, & pariter nobis expiationem tribuat & munimen. Per Dominum nostrum.

ITEM ALIA MISSA.

Hostium nostrorum, quæsumus, Domine, elide superbiam, & dexteræ tuæ virtute prosterne. Per.

SVPER OBLATA.

Huius, Domine, quæsumus, virtute mysterij, & à nostris munde-
mur occultis, & ab inimicorum liberemur insidiis. Per.

PRÆFATIO.

Verè dignum, & iustum est, æquum, & salutare, Nos tibi semper, & ubique gratias agere, Domine sancte, Pater omnipotens, æterne Deus: Qui subiectas tibi glorificas potestates, suscipe, quæsumus, propitius preces nostras, & vires adde Principibus nostris, vt qui se dexterâ tua expetunt protegi, nulla possint aduersitate superari: fidelem quoque populum tuum potentiæ tuæ muniat inuicta defensio, vt pio semper tibi deuotus affectu, & ab infestis liberetur inimicis, & in tua iugiter gratia perseueret. Per Christum.

AD COMPLENDVM.

Viuificet nos, quæsumus, Domine, participatio tui sancta my-

ITEM ALIA MISSA.

Deus, qui prouidentia tuâ cælestia simul, & terrena moderaris, propitiare Christianorum rebus, & regibus, vt omnis hostium fortitudo, Te pro nobis propugnante, frangatur. Per Dominum.

ALIA.

Deus, seruientium tibi fortitudo regnorum, propitius Christianorum adesto semper Principibus, vt quorum tibi subiecta est humilitas, eorum ubique excellentior sit potestas. Per.

SVPER OBLATA.

Propitiare, Domine, precibus, & hostiis famulorum tuorum, & propter nomen tuum Christiani nominis defende Rectores, vt salus seruientium tibi Principum, pax tuorum possit esse populorum.

PRÆFATIO.

Verè dignum, & iustum est, æquum & salutare, Nos tibi semper, & ubique gratias agere, Domine sancte, Pater omnipotens, æterne Deus: Sub cuius potestatis arbitrio omnium regnorum con-

tinetur potestas; Te humiliter deprecamur, vt Principibus nostris propitius adesse digneris, vt qui tuâ expetunt protectione defendi, omnibus sint hostibus fortiores. Per Christum.

AD COMPLENDVM.

Protege, Domine, famulos tuos subsidiis pacis; & corporis, & spiritualibus enutrens eos alimētis, à cunctis hostibus redde securos. Per.

MISSA PRO PACE.

DEus, à quo sancta desideria, recta cōsilia, & iusta sunt opera, da seruis tuis illam, quā mundus non potest dare pacem: vt & corda nostra mandatis tuis dedita, & hostium sublata formidine tempora sint tua protectione tranquilla. Per.

A L I A.

Deus conditor mundi, sub cuius arbitrio sæculorum ordo decurritur, adesto inuocationibus nostris: & tranquillitatem pacis præsentibus concede temporibus; vt in laudibus misericordiæ tuæ incessabili exultatione lætemur. Per.

SUPER OBLATA.

Deus, qui credentes in te populos nullis finis concuti terroribus, dignare preces & hostias dicatæ

tibi plebis suscipere; vt pax tuâ pietate concessa Christianorum fines ab omni hoste faciat esse securos. Per Dominum.

AD COMPLENDVM.

Deus auctor pacis & amator, quem nosse, viuere; cui seruire, regnare est; protege ab omnibus impugnationibus supplices tuos: vt qui in defensione tua fidimus, nullius hostilitatis arma timeamus. Per.

A L I A.

Deus, qui misericordiæ tuæ potentis auxilio, & prospera tribuis, & aduersa depellis: vniuersa obstacula, quæ seruis tuis aduersantur, expugna: vt remoto terrore bellorum, & libertas secura, & religio sit quieta. Per.

MISSA PRO QVACVNQVE tribulatione.

DEus, infinitæ misericordiæ, & bonitatis immensæ, propitiare iniquitatibus nostris, & omnibus animarum nostrarum medere languoribus, vt peccatorum nostrorum remissione perceptâ, semper in tua benedictione lætemur. Per.

SUPER OBLATA.

Tuere nos, Domine, diuinis propitius sacramentis: & vt his congruè

gruè famulemur, eorum præsta
potenter effectum. Per eundem.

BENEDICTIO.

Deus, moestorum solatium, tri-
bulatorum refugium, suo vos bra-
chio foueat, & ab imminentibus
periculis inlæsos miseratus effi-
ciat. Amen. Dexteræ suæ vos om-
nipotentis clypeo muniat, &
muro suæ inexpugnabili fortitu-
dinis ab instanti tribulatione cir-
cuntegat Amen. Iræ suæ animad-
uersionis à vobis propitiatus auer-
tat, & portum vobis salutis indul-
gens in suæ vos protectionis inter-
ritos securitate constituat. Amen.
Quod ipse præstare.

AD COMPLENDVM.

Muniat, quæsumus, Domine,
fideles tuos sumpti viuificatio sa-
cramenti: & à vitiis omnibus ex-
peditos, in sancta faciat esse de-
uotione currentes. Per.

ITEM ALIA MISSA.

Deus, sub cuius oculis omne
cor trepidat, & omnes con-
scientiæ pauescunt, propitiare
omnium doloribus gementium,
& cunctorum medere vulneribus,
vt sicut nemo nostrum liber à cul-
pa est, ita nemo sit alienus à ve-
nia. Per.

ALIA.

Omnipotens sempiterne Deus,

qui timore sentiris, dilectione co-
leris, confessione placaris, mise-
ricordiam tuam effunde supplici-
bus, vt qui de meritorum quali-
tate diffidimus, non iudicium
tuum, sed indulgentiam sentia-
mus. Per.

SVPER OBLATA.

Suscipe, Domine, propitiatus
hostias, quibus & Te placari vo-
luisti, & nobis salutem patientiâ
pietatis tuæ restitui. Per.

AD COMPLENDVM.

Quos munere cælesti reficis,
Domine, diuino tuere præsidio, vt
tuis mysteriis perfruentes, nullis
subdamur aduersis. Per.

ITEM ALIA MISSA.

Deus, humilium consolator,
& fidelium fortitudo, pro-
pitius esto supplicibus: & da vt hu-
mana fragilitas, quæ per se pro-
cliuis est ad labem, per Te sem-
per reparetur ad veniam. Per.

ALIA.

Suscipe, misericors Domine,
supplicum preces, & secundum
multitudinem indulgentiarum tua-
rum ab omnibus nos absolue pec-
catis, vt ad omnia pietatis opera,
Te parcente, reparemur: & quos
venia feceris innocentes, auxilio
facias efficaces.

SUPER OBLATA.

Hæc Hostia, Domine, quæsumus, & ab occultis Ecclesiam tuam reatibus semper expediat, & manifestis conuenienter expurget. Per.

AD COMPLENDVM.

Purificent nos, Domine, sacramenta, quæ sumpsimus, & à cunctis efficiant vitiis absolutos. Per.

ITEM ALIA MISSA.

Quæsumus clemētiam tuam, Omnipotens Deus, vt, vbi nulla fiducia suppetit actionum, gratia tua copiosa resplendeat, & cum delicta remittit indignis, & cum beneficia præstat immeritis. Per Dominum.

A L I A.

Misericors & miserator, Domine, qui nos, parcendo sustentas, & ignoscendo sanctificas, dona veniam peccatis nostris, & sacramentis cælestibus seruientes, ab omni culpa liberos esse concede. Per Dominum.

SUPER OBLATA.

Hostias tibi, Domine, placationis offerimus, vt & delicta nostra miseratus absoluas, & nutantia corda Tu dirigas. Per Dominum.

AD COMPLENDVM.

Supplices, Te rogamus, omnipotens Deus, vt quos tuis reficis

sacramentis, Tibi placitis moribus dignanter informes. Per Dominum.

ORATIO.

Tempore (quod absit) mortalitatis.

Ecclesiæ tuæ, quæsumus, omnipotens Deus, placatus intende conuentum: & misericordia tua nos potius quàm ira præueniat: quia si iniquitates nostras obseruare volueris, nulla poterit creatura subsistere: sed admirabili pietate, quâ nos fecisti, ignosce peccantibus, vt opera manuum tuarum non facias interire. Per.

A L I A.

Exaudi, Domine, preces nostras, & ne velis cum seruis tuis adire iudicium: quia sicut in nobis nulla iustitia reperitur, de qua præsumere valeamus, ita Te fontem pietatis agnoscimus, à quo & à peccatis nostris nos absolui, & à necessitatibus liberari confidimus. Per Dominum.

SUPER OBLATA.

Per hæc, quæsumus, veniat, Domine, sacramenta nostræ redemptionis effectus, qui nos & ab humanis retrahat semper excessibus, & ad salutaria cuncta perducatur. Per Dominum nostrum.

AD COMPLENDVM.

Huius operatio nos, Domine, sacramenti, quæsumus, purificet semper & muniat. Per.

ITEM ALIA MISSA.

DEus, cuius misericordiâ cælestium quoque virtutum indigēt potestates, & in cuius conspectu nullus est hominum absque forde, & poena peccati: delicta populi, quæsumus, auerte propitiatus, vt quos propriæ conscientiæ reatus accusat, bonitatis tuæ patientia faciat veniam promereri. Per.

ALIA.

Deus, cuius tanta est excellentia pietatis, vt, vno peccatore conuerso, maximum gaudium facias in cælis haberi: respice in exiguum populi portionem, vt omni depulsâ vexatione, hæreditas tua & numero augeatur, & deuotione proficiat. Per.

SVPER OBLATA.

Protegat nos, Domine, quæsumus hostia salutaris: & quæ ad honorem nominis tui immolatur, nobis profit ad veniam. Per.

AD COMPLENDVM.

Sancta tua, nos, Domine, sumpta viuificent, & misericordiæ sempiternæ præparent expiatis. Per Dominum.

ITEM ALIA MISSA.

EXaudi, Domine, quæsumus, populum tuum de tua misericordia malorum suorum veniam supplicantem: & quia potens es dimittere peccata, supplicia, quæ nostris meremur operibus, potentiâ tuæ pietatis auerte. Per.

ALIA.

Iram tuam, quæsumus, Domine, à populo tuo miseratus auerte, quam nostris quidem meremur operibus, sed humana fragilitate sustinere non possumus; illa nos itaque contine pietate, quam præstare soles indignis. Per.

SVPER OBLATA.

Concede nobis, Domine, quæsumus, vt hæc hostia salutaris, & nostrorum fiat purgatio peccatorum, & tuæ propitiatio potestatis. Per Dominum nostrum.

AD COMPLENDVM.

Plebem nomini tuo subditam, Domine, propitius intueri, & ei tuas consolationes iugiter per cælestem gratiam dignanter operari. Per Dominum.

Ee ij

ITEM ALIA MISSA.

DEus; qui non mortem, sed poenitentiam desideras peccatorum, populum tuum, quaesumus, ad Te conuerte propitius, ut dum tibi deuotus extiterit, iracundiae tuae ab eo flagella amoueas. Per.

ALIA.

Populum tuum, quaesumus, omnipotens Deus, ab ira tua ad Te confugiētem paternā recipe pietate, ut qui tuae Maiestatis flagella formidant, de tua mereantur venia gratulari. Per.

SUPER OBLATA.

Subueniat nobis, Domine, quaesumus, sacrificij praesentis operatio, quae nos & ab erroribus vniuersis potenter absoluat, & à totius eripiat perditionis incursum. Per Dominum.

AD COMPLENDVM.

Tuere nos, Domine, quaesumus, tua sancta sumentes, & ab omni propitius iniquitate defende. Per.

ALIA.

Exaudi nos, Deus salutaris noster, & intercedente Beato Martyre tuo *M.* populum tuum & ab iracundiae tuae terroribus libera, & misericordiae tuae fac largitate securum. Per Dominum nostrum.

ORATIONES.

Ad pluuiam petendam.

Terram tuam, Domine, quam videmus nostris iniquitatibus tabescentem, caelestibus aquis infunde, atque inriga beneficiis gratiae sempiternae. Per Dominum.

ALIA.

Da nobis, Domine, quaesumus, pluuiam salutarem, & aridam terrae faciem fluentis caelestibus dignanter infunde. Per Dominum nostrum.

ALIA.

Omnipotens sempiterne Deus, qui saluas omnes, & neminem vis perire, aperi fontem benignitatis tuae, & terram aridam aquis fluenti caelestis dignanter infunde. Per.

ALIA.

Delicta nostra, Domine, nos ipsi cognoscimus, ut ipsius terrae foeditas monstrat, transgressionis excessus: Tu autem, piissime Pater, qui coelum clausisti contumacibus & ingratis, reuerentibus humilibus & contritis, concede deprecantibus subsidia pluuiarum, & largire macerentibus abundantiam. Per Dominum.

ALIA.

In afflictione maxima constitutis consolationem tribue, fons

largissime pietatis : descendat, quæsumus, pluuia salutaris, ut omnia quæ sub cælo sunt, inrigentur ab aquis, pascere seruos tuos imbribus consuectis, quos ad laudem tuæ creare dignatus es Maiestatis. Per.

ALIA.

Omnipotens Deus qui solus aquas emittis è cælis, dona seruis tuis beneficium pluuiæ salutaris, ut quod facinore nostro suspenditur, tuo iam gratuito munere prorogetur. Per.

MISSA.

Ad pluuiam postulandam.

DEus, in quo uiuimus, mouemur, & sumus, pluuiam nobis tribue congruentem, ut præsentibus subsidiis sufficienter adiuti, sempiterna fiducialius appetamus. Per.

ALIA.

Delicta fragilitatis nostræ, Domine, quæsumus, miseratus absolue, & aquarum subsidia præbe cælestium, quibus terrena conditio vegetata subsistat. Per.

SVPER OBLATA.

Oblatis, Domine, placare muneribus, & opportunum nobis tribue pluuiæ sufficientis auxilium. Per Dominum nostrum.

AD COMPLENDVM.

Tuere nos, quæsumus, Domine,

tua sancta sumentes, & ab omnibus propitius absolue peccatis. Per Dominum.

ITEM ALIA MISSA.

OMnipotēs sempiternæ Deus, cuius munere elementa omnia recreantur, reminiscere miserationum tuarum, & salutiferos imbres humano generi concede propitius, quatenus foecunditatis tuæ alimoniis omnis terra lætetur. Per.

SVPER OBLATA.

Placare, Domine muneribus semper acceptis, & diuturnam tempera diffusis imbribus siccitatem. Per Dominum nostrum.

PRÆFATIO.

Verè dignum, & iustum est, æquum & salutare, Nos tibi semper, & ubique gratias agere, Domine sancte, Pater omnipotens, æternæ Deus: Obsecrantes misericordiam tuam, ut squallentes agri foecundis imbribus inrigentur: quibus pariter æstiu mitigentur ardores, & sæuientium morborum restinguatur accensio; ac salus hominibus, iumentisque proueniat: atque ut hæc, Te largiente, mereamur, peccata, quæ nobis aduersantur, relaxa: qui pluis super iustos & iniustos, etiam nostris offensionibus relaxatis,

expectata nubium munera largiaris, quibus & salus nobis, & alimenta præstentur. Per Christum.

AD COMPLENDVM.

Precibus populi tui, quæsumus, Domine, placatus aspira, ut veniam tribuas humanis excessibus, & opem miseris benignus impendas. Per Dominum nostrum.

ORATIONES.

Ad poscendam serenitatem.

Domine Deus, qui in ministerio aquarum salutis tuæ nobis sacramenta sanxisti, exaudi orationem populi tui: & iube terrores inundantium cessare pluiarum, flagellumque huius clementi, ad effectum tui conuertere mysterij, ut qui se regenerantibus aquis gaudent renatos, gaudeant his castigantibus esse correctos. Per.

ALIA.

Quæsumus omnipotens Deus, clementiam tuam, ut inundantiam coërceas imbrium, & hilaritatem tui vultus nobis impertiri digneris. Per Dominum.

MISSA AD POSCENDAM serenitatem.

AD Te nos, Domine, clamantes exaudi, & aeris serenita-

tem nobis tribue supplicantibus: ut qui pro peccatis nostris iuste affligimur, misericordiâ tuâ præueniente, clementiam sentiamus. Per Dominum.

SUPER OBLATA.

Præueniat nos, quæsumus, Domine, tua gratia semper, & subsequatur: & has oblationes, quas pro peccatis nostris nomini tuo consecrandas deferimus, benignus assume, ut per intercessionem Sanctorum tuorum cunctis nobis proficiant ad salutem. Per.

AD COMPLENDVM.

Plebs tua, Domine, capiat sacræ benedictionis augmentum: & copiosis beneficiorum tuorum subleuetur auxiliis, quæ tantis intercessionum deprecationibus adiuuatur. Per.

ORATIO AD REPELLEN-
dam tempestatem.

Deus qui omnium rerum Tibi ferientium naturam per ipsos motus aeris ad cultum tuæ Maiestatis instituis, tranquillitatem nobis misericordiæ tuæ, remotis largire terroribus, ut cuius iram expauimus, clementiam sentiamus. Per.

ORATIO CONTRA fulgura.

OMnipotēs sempiternae Deus, parce metuentibus, & propitiare supplicibus, ut post noxios ignes nubium, & vim procellarum, in materiam transeat laudis comminatio potestatis. Per.

A L I A.

Deus, cuius imperio nihil non verbo regitur, nihil non oratione mutatur, parce metuentibus, propitiare supplicibus, ut post noxios ignes nubium, & turbines procellarum, in materiam transeat laudis comminatio potestatis. Per Dominum nostrum.

ORATIO.

Pro fratribus in via dirigendis.

DEus, qui diligentibus Te, misericordiam tuam semper impendis, & à seruiantibus Tibi nullā es regione longinquus, dirige viam famuli tui *Ill.* in voluntate tua, ut Te protectore, & Te præduce, per iustitiæ semitas sine offensione gradiatur. Per Dominum.

A L I A.

Exaudi, Domine, preces no-

stras, & iter famuli tui *Ill.* propitius comitare, eique misericordiam tuam, sicut ubique es, ita ubique largire, quatenus ab omnibus aduersitatibus tua opitulatione defensus, iustorum desideriorum potiatur effectibus, & tibi gratiarum referat actionem. Per.

A L I A.

Deus, qui ad vitam ducis, & confidentes in Te paternā protectione custodis, quæsumus, ut præfenti famulo tuo à nobis egredienti angelicum tribuas comitatum, ut eius auxilio protectus, nullius mali concutiatur formidine, nullo comprimatur aduersitatis angore, nullis inruentis inimici molestetur insidiis, sed, spatiis necessarij itineris prospero gressu peractis, propriisque locis feliciter restitutus, vniuersos reperiat sospites, ac debitas exsoluat tuo nomini gratias. Per Dominum.

MISSA PRO ITER agentibus.

Adesto, Domine, supplicationibus nostris & viam famuli tui. *Ill.* in salutis tuæ prosperitate dispone, ut inter omnes viæ, & vitæ huius varietates, tuo semper protegatur auxilio. Per Dominum.

SUPER OBLATA.

Propitiare, quæsumus, Domine, supplicationibus nostris, & oblationes has, quas tibi offerimus pro famulo tuo *Ill.* benignus assume, ut viam illius, & præcedente gratiâ tua dirigas: & subsequente comitari digneris: ut de actu atque incolumitate eius secundum misericordiæ tuæ præsidia gaudeamus. Per.

PRÆFATIO.

Verè dignum, & iustum est, æquum, & salutare, Nos tibi semper, & ubique gratias agere, Domine sancte, Pater omnipotens, æterne Deus: A quo deuiare, mori: coram quo ambulare, vivere est. Qui fideles tuos in tua via deducis, & miseratione gratissimâ in veritatem inducis, qui Abraham, Isaac, & Iacob in præsentis viæ, & vitæ curriculo, custos, dux, & comes esse voluisti, & famulo tuo Tobia Angelum præuium præparasti: Cuius immensam misericordiam humillimis precibus imploramus, ut iter famuli tui *Ill.* cum suis in prosperitate dirigere, eumque inter viæ, & vitæ huius varietates digneris custodire: quatenus Angelorum tuorum præsidio fultus, intercessionem quoque Sanctorum tuorum munitus, à cunctis aduersitatibus tua miseratione defensus, profe-

ctionis, & reuersionis suæ felicitate potitus, & compos reddatur iustorum votorum, & de suorum lætetur remissione peccatorum. Per Christum.

BENEDICTIO.

Dirigat iter vestrum Dominus in beneplacito suo, vobisque inseparabiliter benignissimus custos inhæreat. Amen. Ducem vobis Archangelum Raphaëlem adhibeat, & omnem à vobis incommoditatem contrarietatemque propitiatus amoueat. Amen. Desideriorum vestrorum pia vota clementer impleat: ut & hîc bona consequi, & ad æternam beatitudinem peruenire feliciter mereamini. Amen. Quod ipse præstare.

AD COMPLENDVM.

Deus, infinitæ misericordiæ, & Maiestatis immensæ, quem nec spatia locorum, nec interualla temporum, ab his, quos tueris, disiungunt, adesto famulo tuo *Ill.* in te ubique fidenti, & per omnem, quam iturus est, viam, dux ei, & comes esse dignare: nihil illi aduersitatis noceat, nihil difficultatis obsistat: cuncta ei salubria, cuncta sint prospera: & sub ope dexterae tuæ, quidquid iusto expetierit desiderio, celeri consequatur effectu. Per.

ORA-

Antiphona. Hic accipiet benedictionem.

ORATIONES AD CLERICUM faciendum.

O Remus, dilectissimi Fratres, Dominum nostrum Iesum Christum pro hoc famulo suo *Ill.* qui ad deponendam comam capitis sui pro eius amore festinat: ut donet ei Spiritum sanctum, qui habitum religionis in eo perpetuum conseruet: & à mundi impedimento, vel sæculari desiderio cor eius defendat: ut sicut immutatur in vultu, ita manus dextera eius ei virtutis tribuat incrementa, & ab omni cæcitate spiritali oculos eius aperiat: & lumen ei æternæ gloriæ concedat, qui viuit cum Deo Patre in vnitæte eiusdem Spiritus sancti Deus. Per omnia sæcula sæculorum.

ITEM ALIA.

Adesto, Domine, supplicationibus nostris, & hunc famulum tuum benedicere dignare, cui in tuo sancto nomine habitum sacræ religionis imponimus: ut te largiente, & deuotus in Ecclesiâ persistere, & vitam percipere mereatur æternam. Per Dominum.

Dum tondes eum dicis Antiphonam. Tu es, Domine, qui restitues mihi hæreditatem meam. *Vers.* Dominus pars hæreditatis meæ, & Gloria. *Item alia Antiphona.* Hæc est generatio, & Gloria: *Item alia*

ORATIO POST TONSIONEM.

Præsta, omnipotens Deus, huic famulo tuo *Ill.* cuius hodie capitis comam pro diuino amore deposuimus, ut in tuâ dilectione perpetuò maneat: & eum sine macula in sempiternum custodias. Per Dominum.

ORATIONES ET PRECES super poenitentem confitentem peccata sua more solito.

EXaudi, Domine, preces nostras, & tibi confitentium parce peccatis: ut quos conscientia reatus accusat, indulgentia tuæ miserationis absoluat. Per Dominum.

ALIA.

Præueniat hunc famulum tuum, quæsumus, Domine, misericordia tua; ut omnes iniquitates eius celeri indulgentiâ deleantur. Per.

ALIA.

Adesto, Domine, supplicationibus nostris, nec sit ab hoc famulo tuo clementiæ tuæ longinqua miseratio. Sana vulnera, eiusque remitte peccata: ut nullis à te iniquitatibus separatus tibi Domino semper valeat adhærere. Per.

ALIA.

Domine Deus noster, qui offensione nostrâ non vinceris, sed satisfactione placaris, respice, quæsumus, ad hunc famulum, qui se tibi peccasse grauitè confiteatur. Tuum est ablutionem criminum dare, & veniam præstare peccantibus, qui dixisti poenitentiam te malle peccatorum, quàm mortem. Concede ergo Domine, hoc, vt tibi poenitentiae excubias celebret; & correctis actibus suis conferri sibi à te, sempiterna gaudia gratuletur. Per.

ALIA.

Precor, Domine, clementiam tuæ Maiestatis ac nominis; vt huic famulo tuo peccata & facinora sua confitenti veniam dare, & preteritorum criminum debita relaxare digneris; qui humeris filij tui ouem perditam reduxisti ad caulas; qui publicani precibus vel confessione placatus es. Tu etiam, Domine, & huic famulo tuo placare, tu eius precibus benignus adsisce: vt in confessione flebili permanens, clementiam tuam celeriter exoret; & sanctis altaribus restitutus spei rursus æternæ, & coelesti gloriæ reformetur. Per eundem Dominum nostrum.

ORATIONES AD RECONCILIANDUM POENITENTEM.

Adesto, Domine, supplicationibus nostris, & me qui etiam misericordiâ tuâ primus indigeo, clementer exaudi: & quem non electione meriti, sed dono gratiæ tuæ constituisti operis huius ministrum, da fiduciam tui muneris exequendi; & ipse in nostro ministerio quod tuæ pietatis est, operare. Per Dominum.

ALIA.

Præsta, quæsumus, Domine, huic famulo tuo dignum poenitentiae fructum: vt Ecclesiæ tuæ sanctæ, à cuius integritate deuiarat peccando, admissorum reddatur innoxius veniam consequendo. Per Dominum nostrum.

ITEM ALIA.

Deus, humani generis benignissime conditor, & misericordissime reformator, qui hominem inuidiâ diaboli ab æternitate deiectum, vnicij Filij tui sanguine redemisti, viuifica hunc famulum, quem tibi nullatenus mori desideras, & qui non derelinquis deuium, adsume correctum. Moueant pietatem tuam, quæsumus, Domine, huius famuli tui lacrimosa suspiria. Tu eius medere vulneribus, tu iacenti manum

porrige salutarem : ne Ecclesia tua aliquâ sui corporis portione vastetur : ne grex tuus detrimentum sustineat, ne de familiæ tuæ damno inimicus exultet: ne renatum lauacro salutari mors secunda possideat. Tibi ergo, Domine, supplices preces, tibi fletum cordis effundimus, tu parce confitenti : vt sic in hac mortalitate peccata sua te adiuuante defleat, qualiter in tremendi Iudicij die sententiam damnationis æternæ euadat : & nesciat quod terret in tenebris, quod stridet in flammis : atque ab erroris viâ ad iter reuersus iustitiæ, nequaquam vltra vulneribus faucietur : sed integrum sit ei atque perpetuum, & quod gratia tua contulit, & quod misericordia reformauit. Per eundem Dominum nostrum Iesum, &c.

MISSA PRO EPISCOPO
defuncto.

DA nobis Domine, vt animam famuli tui *III.* Episcopi, quam de sæculi educis laborioso certamine, Sanctorum tuorum coetui tribuas esse consortem. Per.

SVPER OBLATA.

Annue nobis, Domine, vt animæ famuli tui *III.* Episcopi hæc profit oblatio, quam immolando totius mundi tribuisti relaxari delicta. Per.

INTRA ACTIONEM.

Hanc igitur oblationem, quam tibi offerimus pro commemoratione depositionis animæ famuli tui *III.* Episcopi, quæsumus, Domine, vt placatus accipias : & quæ in corpore constitutum sedis Apostolicæ gubernaculo præesse voluisti, in electorum tuorum numero constitue Sacerdotum : Diesque nostros, &c.

SVPER DYPHTICIA.

Memento etiam, Domine, famulorum tuorum *III.* qui nos præcesserunt, & dormiunt in somno pacis.

I T E M.

Post lectionem.

Ipsis, Domine, & omnibus in Christo quiescentibus, locum refrigerij, lucis, & pacis indulgentiam deprecamur. Per Christum.

AD COMPLENDVM.

His sacrificiis, quæsumus, omnipotens Deus, purgata anima famuli tui *III.* Episcopi ad indulgentiam & refrigerium sempiternum peruenire mereatur. Per.

ALIA MISSA.

Pro Episcopo defuncto.

DEus, qui inter Apostolicos Sacerdotes famulum tuum *III.* Episc-

copum cēseri fecisti, præsta quæsumus, vt quorum vicem gerebat ad horam in terris, eorum perpetuo consortio lætetur in cælis. Per.

SUPER OBLATA.

Hæc oblatio, Domine, quæsumus, animam famuli tui *Ill.* Episcopi omnibus vitiis humanæ conditionis absoluat, quæ totius mundi tulit etiam immolata peccatum. Per.

PRÆFATIO.

Verè dignum, & iustum est, æquum & salutare, Nos tibi semper, & vbiq; gratias agere, Domine sancte, Pater omnipotens, æterne Deus: Deuotis clementiam tuam mentibus obsecrantes, vt animam *Ill.* Episcopi in electorum Tibimet Pontificum numero iubeas consistere gaudentem, vt qui hîc tuo pro eis supplex deserviebat Altari, gloriosa illic cū eis tua gratuletur & laude. Per Christum Dominum nostrum.

INTRA ACTIONEM.

Hanc igitur oblationem seruitutis nostræ, quam Tibi offerimus pro commemoratione animæ famuli tui *Ill.* Episcopi, quæsumus, Domine, placatus accipias, & cum præsulibus Apostolicæ dignitatis, quorum est sequutus officium, habere tribuas sempiternæ beatitudinis portionem, atque in-

ter Summi Pastoris efficias præcipua membra cēseri. Diesque nostros, &c.

AD COMPLENDVM.

Da veniam, Domine, quæsumus, per hæc sancta mysteria, animæ famuli tui *Ill.* Episcopi, vt cursu non terreatur malo, sed tuo protegatur auxilio. Per.

ALIA.

Præsta quæsumus, omnipotens Deus, vt anima famuli tui *Ill.* Episcopi, quam in hoc sæculo commorantem sacris muneribus decorasti, cælesti sede gloriosa exaltet. Per Dominum.

ITEM ALIA

Pro Episcopo defuncto.

SVscipe, Domine quæsumus, preces nostras pro anima famuli tui *Ill.* Episcopi, vt in Pontificum Tibimet placitorum perpetua sede lætetur. Per.

SUPER OBLATA.

Offerimus, Domine, hostias placationis, & laudis, vt perpetuæ misericordiae largitate, animam famuli tui *Ill.* Episcopi in lucis æternæ facias regione gaudere. Per.

PRÆFATIO.

Verè dignum & iustum est,

æquum, & salutare, Nos tibi semper, & ubique gratias agere, Domine sancte, Pater omnipotens, æterne Deus : Ineffabilem tuæ clementiæ potentiam suppliciter exorantes, vt famulus tuus *Ill.* Beatorum tabernaculis constitutus, euasisse se carnales gloriatur angustias, diemque iudicii, cum voto gratulationis expectet. Per Christum Dominum nostrum,

INTRA ACTIONEM.

Hanc igitur oblationem, quam Tibi offerimus pro anima famuli tui *Ill.* Episcopi quæsumus, Domine, vt placatus accipias, & quem tuis Altaribus seruire tribuisti, ad beatorum pertinere iubeas consortia Sacerdotum: Diesque nostros, &c.

AD COMPLENDVM.

Quæsumus, omnipotens Deus, vt animam famuli tui *Ill.* Episcopi in congregatione iustorum æternæ beatitudinis iubeas esse consortem. Per Dominum nostrum.

ALIA MISSA.

Pro Episcopo defuncto.

DEus, qui inter Apostolicos Sacerdotes famulum tuum *Ill.* Sacerdotali fecisti dignitate vigere, præsta quæsumus, vt eorum

quoque perpetuo adgregetur consortio. Per.

SUPER OBLATA.

Suscipe, Domine, quæsumus, pro anima famuli tui *Ill.* Episcopi sacerdotis, quas offerimus hostias, vt cui Pontificale donasti meritum, dones & præmium. Per Dominum.

AD COMPLENDVM.

Preces nostras, quæsumus, Domine, quas in famuli tui *Ill.* Episcopi depositione deferimus, propitiatus exaudi, vt qui nomini tuo ministerium fidele dependit, perpetua Sanctorum societate lætetur. Per Dominum.

MISSA.

Pro Episcopo defuncto.

DEus, qui inter Apostolicos Sacerdotes famulum tuum *Ill.* Pontificali fecisti dignitate vigere; præsta, quæsumus, vt eorum & perpetuo adgregetur consortio. Per Dominum.

SUPER OBLATA.

Hæc oblatio, Domine Deus, animam famuli tui *Ill.* ab omnibus vitijs humanæ conditionis absoluat, quæ totius mundi tollit etiam immolata peccatum. Per.

PRÆFATIO.

Verè dignum, & iustum est, æquum, & salutare, Nos tibi semper, & vbique gratias agere, Domine sancte, Pater omnipotens, æterne Deus: Deuotis clementiam tuam mentibus obsecrantes; animam famuli tui *Ill.* in electorum tibi met Pontificum numero gaudeas consistere gaudento: ut qui tuo pro eis supplex deserviebat altari, gloriosa illic cū eis gratuletur laude. Per Christum Dominū nostrum.

AD COMPLENDVM.

Deus, cuius misericordiae non est numerus, suscipe pro anima famuli tui *Ill.* Sacerdotis preces nostras: & lucis ei lætitiæque regionem in Sanctorum tuorum societate concede. Per Dominum.

MISSA

Pro sacerdote defuncto.

Praesta, quæsumus, Domine, ut anima famuli & Sacerdotis tui *Ill.* quam in hoc sæculo commorantem sacris muneribus decorasti, coelesti sede gloriosa semper exaltet. Per Dominum.

SUPER OBLATA.

Suscipe, Domine, quæsumus,

hostias pro animâ famuli, & Sacerdotis tui *Ill.* ut cui Pontificale donasti præmium, dones & meritum. Per.

AD COMPLENDVM.

Praesta, quæsumus, omnipotens Deus, ut animam famuli & Sacerdotis tui *Ill.* in Congregatione iustorum æternæ beatitudinis iubeas esse consortem. Per Dominum.

MISSA

Vnius defuncti.

Omnipotens sempiterne Deus, cui numquam sine spe misericordiae supplicatur, propitiare animæ famuli tui *Ill.* ut qui de hac vita in tui nominis confessione discessit, Sanctorum tuorum numero eum facias aggregari. Per Dominum nostrum.

SUPER OBLATA.

Propitiare, quæsumus, Domine, animæ famuli tui *Ill.* pro qua tibi hostias placationis offerimus: & quia in hac luce in fide mansit Catholicâ, in futura vita ei retributio condonetur. Per Dominum nostrum.

AD COMPLENDVM.

Praesta, quæsumus, omnipotens Deus, ut animam famuli tui *Ill.* ab

Angelis lucis susceptam, in præparata habitacula deduci facias Beatorum. Per.

M I S S A.

In die depositionis defuncti.

SIVE III. VII. TRIGESSIMOQUE.

Adesto, Domine, quæsumus, pro anima famuli tui *III.* cuius in depositione sua officium commemorationis impendimus, ut si aliqua ei secularis macula inhæsit, aut vitium mundiale infecit, dono tuæ pietatis indulgeas, & abstergas. Per Dominum.

A L I A.

Quæsumus, Domine, famulo tuo *III.* Cuius tertium vel VII. siue XXX. obitus sui diem commemoramus, Sanctorum tuorum, atque electorum largire consortium, & rorem ei misericordiæ tuæ perennem infunde. Per.

SUPER OBLATA.

Adesto, Domine, supplicationibus nostris, & hanc oblationem, quam tibi offerimus ob diem depositionis tertium, vel septimum, siue trigesimum pro anima famuli *III.* placatus ac benignus assume.

P R Æ F A T I O.

Verè dignum, & iustum est, æquum & salutare, Nos tibi semper, & ubique gratias agere, Domine sancte, Pater omnipotens, æterne Deus : per Christum Dominum nostrum. Per quem vita hominum, per quem resurrectio mortuorum. Per ipsum te Domine suppliciter deprecamur, ut animam famuli tui *III.* cuius diem depositionis tertium vel septimum siue trigesimum celebramus, indulgentiam largiri digneris perpetuam; atque contagijs mortalitatis exutam in æternæ saluationis partem restituas. Per quem Maiestatem.

A D C O M P L E N D V M.

Omnipotens sempiterne Deus, collocare dignare animam famuli tui *III.* Cuius diem depositionis III. aut VII. vel XXX. celebramus in sinibus Abrahamæ, Isaac, & Iacob, ut, cū dies agnitionis tuæ venerit, inter Sanctos & electos tuos eum resuscitari præcipias. Per eundem.

M I S S A.

In anniuersario unius defuncti.

PRæsta, Domine, quæsumus, ut anima famuli tui *III.* cuius anniuersarium depositionis diem

celebramus, his purgata sacrificiis, indulgentiam pariter & requiem capiat sempiternam. Per.

SUPER OBLATA.

Propitiare, Domine, supplicationibus nostris pro anima & Spiritu famuli tui *Ill.* cuius annua dies agitur: pro qua tibi offerimus sacrificium laudis, ut eam Sanctorum tuorum consortio sociare digneris. Per Dominum.

AD COMPLENDVM.

Suscipe, Domine, preces nostras, pro anima famuli tui *Ill.* ut si quæ ei maculæ de terrenis contagiis adhæserunt, remissionis tuæ misericordia deleantur.

MISSA

Plurimorum defunctorum.

Propitiare quæsumus, Domine, animabus famulorum, famularumque tuarum *Ill.* & *Ill.* misericordia sempiterna, ut mortalibus nexibus expeditas lux eos æterna possideat. Per.

SUPER OBLATA.

Hostias tibi, Domine, humilip latione deferimus, ut animæ famulorum famularumque tuarum per hæc placionis officia tuam misericordiam consequantur. Per.

AD COMPLENDVM.

Inueniant, quæsumus, Domine, animæ famulorum famula-

rumque tuarum *Ill.* & *Ill.* omniumque in Christo quiescentium, lucis æternæ consortium, qui in hac luce positi, tuum consequuti sunt sacramentum. Per.

INCIPIT ORDO ad Sacros Ordines Benedicendos.

Maiores gradus, ante Euangelium; Minores vero post Communionem dantur: & Minores quidem Dominicis diebus, si necesse est: Maiores vero in Sabbatis duo decim lectionum per quatuor Tempora tantummodo.

ORDINATIO OSTIARII.

Ostiarius cum ordinatur, postquam ab Archidiacono instructus fuerit, qualiter in domo Dei debeat conuersari, ad suggestionem Archidiaconi tradat ei Episcopus clauces Ecclesie, dicens: Sic age, quasi redditurus Deo rationem pro his rebus, quæ istis clauibus recluduntur: & tradat ei Diaconus ostium Ecclesie.

PRÆFATIO OSTIARII.

DEum patrem omnipotentem suppliciter deprecamur, ut hunc famulum suum *Ill.* benedicere dignetur quem in officium Ostiarij eligere dignatus est, ut sit ei fidelissima cura in diebus ac noctibus, ad distinctionem horarum

rum certarum ad inuocandum nomen Domini, adiuuante Domino nostro Iesu Christo, qui cum eo viuit, & regnat Deus in vnitate Spiritus sancti, per omnia sæcula sæculorum. Amen.

BENEDICTIO EIVSDEM.

Domine sancte, Pater omnipotens, æterne Deus, benedicere digneris hunc famulum tuum, *Ill.* Ostiarium, vt inter ianitores Ecclesiæ paret obsequia, & inter electos tuos partem tuę mereatur habere mercedis. Per Dominum nostrum.

ORDINATIO LECTORIS.

Lector, cum ordinatur, faciat de illo verbum Episcopus ad plebem, indicans eius fidem ac vitam, atque ingenium: post hac, spectante plebe, tradat ei codicem, de quo lecturus sit, dicens:

ACcipe, & esto verbi Dei re-lator, habiturus, si fideliter & vtiliter impleueris officium, partem cum his, qui verbum Dei ministrauerunt: Eligunt te fratres tui, vt sis lector in domo Dei tui, & agnoscas officium tuum, & impleas illud: potens est Deus, vt au-geat tibi gratiam.

BENEDICTIO LECTORIS.

Domine sancte Pater omni-

tens, æterne Deus, benedicere digneris famulum tuum hunc in officium Lectoris, vt assiduitate lectionum, distinctus atque ordinatus, & agenda dicat, & dicta opere compleat, & in vtroque sanctæ Ecclesiæ consulat. Per Dominum.

ORDINATIO EXORCISTÆ.

Exorcista, cum ordinatur, accipiat de manu Episcopi libellam, in quo scripti sunt exorcismi, dicente sibi Episcopo.

ACcipe, & commenda memoria, & habeto potestatem imponendi manum super energumenum, siue baptizatum, siue cathecumenum.

PRÆFATIO EXORCISTÆ.

Deum patrem omnipotentem supplices deprecamur, vt hunc famulum suum *Ill.* benedicere dignetur in officium Exorcistæ, vt sit spiritalis imperator ad abiciendos dæmones de corporibus obsessis cum omni nequitia eorum multiformi, adiuuante Domino nostro Iesu Christo. Qui cum eo viuit & regnat Deus in vnitate Spiritus sancti.

BENEDICTIO EXORCISTÆ.

Domine sancte, Pater omnipotens, æterne Deus, benedicere

digneris hunc famulum tuum *III.* in officiū Exorcistæ, & ad impositionem manuum & oris officium eum eligere digneris, ut imperium habeat spirituum immundorum coercendorum, & probabilis sit medicus Ecclesiæ, gratiæ curationum virtute confirmatus. Per Dominum.

ORDINATIO ACOLYTHI.

Acolythus, cū ordinatur, primū ab Episcopo doceatur, qualiter in officio suo agere debeat; sed ab Archidiacono accipiat ceroferarium cum cerco, ut sciat se ad accendenda Ecclesiæ luminaria mancipari, ita sibi dicente.

Accipite hoc gestatorium luminis, ut per illud valeatis aduersariorum tenebras effugare, & verissimum lumen, quod illuminat omnem hominem venientem in mundum, fideliter inuenire.

ACCIPIAT ET VRCEOLVM
vacuum ad fundendum
vinum in Eucharistia
Corporis Christi.

BENEDICTIO ACOLYTHI.

OMnipotēs sempiterne Deus, fons lucis, & origo bonitatis, qui per Iesum Christum filium tuum, lumen verum, mundum illuminasti, eiusque passionis my-

sterio redemisti, benedicere dignare hunc famulum tuū, quem in Acolythi officium cōsecramus, poscentes tuam clementiam, ut eius mentem & lumine scientiæ illustres, & pietatis tuæ rore irriges, ut ita perceptum ministerium peragat, qualiter ad æternam remunerationem peruenire mereatur. Per eundem Dominum nostrum.

ORDINATIO SVBDIACONI.

Cap. S. Gregorij.

SIcut, qui inuitatus renuit, quæ situs refugit, sacris est Altaribus remouendus, sic qui vltro ambit, vel importunum se ingerit, est proculdubio repellendus: nam qui nititur ad altiora conscendere, quid agit, nisi ut crescendo decrescat? Cur non perpendit, quia benedictio illi in maledictum conuertitur, qui ad hoc, ut fiat hæreticus, promouetur?

Subdiaconus cum ordinatur, quia manus impositionem non accipit, Patenam de manu Episcopi accipiat vacuum, & calicem vacuum: de manu Archidiaconi accipiat vrceolum cum aqua manili ac manutergium. Exhibeatur in conspectu Episcopi patena & calix vacuus, & dicat Episcopus.

Vide, cuius ministerium tibi

traditur : & ideo si vsque nunc fuisti tardus ad Ecclesiam, amodò debes esse assiduus : si vsque nunc somnolentus, amodò vigil : si vsque nunc ebriosus, amodò sobrius : si vsque nunc inhonestus, amodò castus : Oblationes, quæ veniunt in Altare, panes propositionis appellantur. De ipsis oblationibus tantum debet in Altari poni, quantum populo possit sufficere, ne aliquid putridum in sacratio remaneat. Pallæ, quæ sunt in substratorio, in alio vase debent lauari, in alio corporales pallæ. Vbi pallæ corporales lauatae fuerunt, nullum linteamen ibidem aliud debet lauari : & ipsa aqua in baptisterio debet vergi. Ideo te admoneo : Tutalem te exhibe, vt Deo placere possis.

ET TRADAT EI CALICEM
& patenam.

ORDINATIO SUBDIACONI.

Oremus Deum ac Dominum nostrum, vt super seruum suum *Ill.* quem ad Subdiaconatus officium vocare dignatus est, infundat benedictionem & gratiã suam, vt in conspectu suo fideliter seruiens, prædestinata sanctis præmia consequatur, auxiliante Domino nostro Iesu Christo, qui cum eo viuit & regnat Deus.

BENEDICTIO SUBDIACONI.

Domine sancte, Pater omnipotens æterne Deus, benedicere

digneris famulum tuum hunc, quem ad Subdiaconatus officium eligere dignatus es, vt cum sacratio tuo sancto strenuum sollicitumque cœlesti militiæ instituas, & sanctis Altaribus fideliter subministret, & requiescat super eum Spiritus sapientiæ & intellectus, Spiritus consilij & fortitudinis, Spiritus scientiæ & pietatis. Repleas eum Spiritu timoris tui, & eum ministerio diuino confirmes, vt obediens facto, atque dicto parens, tuam gratiam consequatur. Per Dominum nostrum, &c. In vnitate eiusdem, &c.

Ordo qualiter in Romana Ecclesia Diaconi & Presbyteri ordinandi sunt, Mensis primi, quarti, septimi, & decimi Sabbatorum die induodecim lect. ad Sanctum Petrum, vbi Missæ celebrantur. Postquam Antiphonam ad Introitum dixerint, data oratione, venit Archidiaconus, & offert eum, qui ordinandus, est Pontifici, ita dicens.

Postulat sancta mater Ecclesia Catholica, vt hunc Præsentem Subdiaconem, ad onus Diaconij, vel Diaconum ad onus Presbyterij ordinetis.

Interrogat Episcopus : Scis illum dignum esse? Respondet offerens.

Quantum humana fragilitas nosse sinit : & scio, & testificor

ipsum dignum esse ad huius onus officij.

Et tunc annunciat Pontifex

Populo, dicens:

Auxiliante Domino Deo & Salvatore nostro Iesu Christo.

ITERVM DICIT.

Auxiliante, Domino Deo & Salvatore nostro Iesu Christo, eligimus in ordinem Diaconij, siue Presbyterij *Ill.* Subdiaconū, siue Diaconū de titulo *Ill.* Presbyterum de titulo *Ill.* Si quis autem habet aliquid contra hos viros, pro Deo & propter Deum cum fiducia exeat, & dicat: Veruntamen memor sit conditionis suæ.

Et post modicum interuallum mox incipiunt omnes Kyrie eleison, cum Letania: Hac expletâ ascendunt ipsi electi ad sedem Pontificis, & benedicit eos ad quod vocati sunt: & descendentes stant in ordine suo, benedictione percepta. Diaconus cum ordinatur, solus Episcopus, qui eum benedicit, manum super caput illius ponat, quia non ad Sacerdotium, sed ad ministerium consecratur. Ad ordinandū Diaconum & Presbyterum, prima Oratio dicitur legendo. Et sequitur Oratio. Et non dicitur, Verè dignum, in consecratione.

O Remus, dilectissimi, Deum Patrem omnipotentem, vt

super hunc famulum suum, quem in sacrum ordinem dignatur assumere, benedictionis suæ gratiam clemēter effundat, eique donum cōsecrationis indulgeat, per quod eum ad præmia æterna perducatur, auxiliante Domino nostro Iesu Christo. Qui cum eo viuit & regnat.

O R E M V S.

Exaudi, Domine, preces nostras: & super hunc famulum tuum Spiritum tuæ benedictionis emitte, vt cœlesti munere ditatus, & tuæ gratiam possit Maieſtatis acquirere, & bene viuendi aliis exemplum præbere. Per Dominum nostrum, &c. In vnitatem eiusdem, &c.

C O N S E C R A T I O.

Adesto, quæsumus, omnipotens Deus, honorum dator, ordinum distributor, officiorūq; dispositor. Qui in te manens innouas omnia, & cuncta disponens per Verbum, Virtutem, Sapientiāque tuam Iesum Christum filium tuum Dominum nostrum, sempiternā prouidentia præparas, & singulis quibusque temporibus aptanda dispensas. Cuius corpus Ecclesiam tuam cœlestium gratiarum varietate distinctam, suorumque connexam discretionem membrorum per legem mirabilem totius compagis vnitam in augmentū templi

tui, crescere dilatarique largiris, sacri muneris seruitutem trinis gradibus ministrorū nomini tuo militare constituens. Electis ab initio Leui filiis, qui in mysticis operationibus domus tuæ fidelibus excubiis permanentes, hæreditatem benedictionis æternæ, sorte perpetuā possiderent. Super hunc quoque famulum tuū, quæsumus, Domine, placatus intende, quem tuis sacrariis seruiturum in officium Diaconi suppliter dedicamus. Et nos quidem tanquam homines diuini sensus & summæ rationis ignari, huius vitam quantum possumus existimamus. Te autem, Domine, ea quæ nobis sunt ignota, non transeunt: Te occulta non fallunt. Tu cognitor secretorum, Tu scrutator es cordium, Tu eius vitam cœlesti poteris examinare iudicio, quo semper præuales, & admissa purgare, & ea quæ sunt agenda concedere. Emitte in eum, Domine, quæsumus, Spiritum sanctum, quo in opus ministerij tui fideliter exsequendi, septiformis gratiæ tuæ munere roboretur. Abundet in eo totius forma virtutis, auctoritas modesta, pudor cōstans, innocentiae puritas, & spiritalis obseruatio disciplinæ: In moribus eius præcepta tua fulgeant, vt suæ castitatis exemplo imitationem sancta plebs adquirat: & bonum conscientiae testimonium proferens, in Christo fir-

mus, & stabilis perseueret: dignisque successibus, de inferiori gradu per gratiam tuam capere potiora mereatur. Per eundem Dominum nostrum Iesum Christum.

QUANDO STOLAM
eum induis, dices.

Per hoc signum vobis Diaconatus officium humiliter imponimus, vt firmamentum mensæ diuinæ tanquam sustentacula columnarum esse possitis, & præcones regis cœlestis inreprehensibiliter existare mereamini.

Presbyter cum ordinatur, Episcopo eum benedicente, & manum super caput eius tenente, etiam omnes Presbyteri, qui praesentes sunt, manus suas iuxta manum Episcopi super caput eius teneant.

ORATIO AD PRESBYTEROS Ordinandos.

Remus, Dilectissimi, Deum Patrem omnipotentem, vt super hunc famulum suum, quem ad Presbyterij munus elegit, cœlestia dona multiplicet: & quæ eius dignatione suscipit ipsius exsequatur auxilio, auxiliante Domino nostro Iesu Christo.

O R E M V S.

Exaudi nos quæsumus, Domine

G g iij

Deus noster: & super hunc famulum tuum benedictionem sancti Spiritus, & gratiæ sacerdotalis effunde virtutem, vt quem tuæ pietatis aspectibus offerimus consecrandum, perpetuâ muneris tui largitate prosequaris. Per Dominum.

CONSECRATIO.

Domine sancte, Pater omnipotens, æterne Deus, honorum auctor, & distributor omnium dignitatum, per quem proficiunt vniuersa, per quem cuncta firmantur, amplificatis semper in melius naturæ rationalis incrementis per ordinem congrua ratione dispositum. Vnde & Sacerdotales gradus atque officia Leuitarum, sacramentis mysticis instituta creuerunt: vt, cum Pontifices summos regendis populis præfecisses, ad eorum societatis & operis adiumentum, sequentis ordinis vires & secundæ dignitatis eligeres. Sic in Eremo per septuaginta virorum prudentium mentes Moyse spiritum propagasti quibus ille adiutoribus vsus in populo innumeras multitudines facile gubernauit. Sic in Eleazaro & Ithamar filiis Aaron, paternæ plenitudinis abundantiam transfudisti, vt ad Hostias salutes, & frequentioris officij sacramenta ministerium sufficeret Sacerdotum: Hac prouidentia, Domine, Apostolis

Filij tui, doctores fidei, comites addidisti, quibus illi orbem totum secundis prædicatoribus impleuerunt. Quapropter infirmitati quoque nostræ, Domine hæc adiumenta largire: quia quantò magis fragiliores sumus, tantò his pluribus indigemus. Da quæsumus, omnipotens Pater in hunc famulum tuum Presbyterij dignitatem: innoua in visceribus eius Spiritum sanctitatis: & acceptum à te, Deus, secundi meriti munus obtineat, censuramque morum exemplo suæ conuersationis insinuet. Sit probus cooperatore ordinis nostri, & luceat in eo totius forma iustitiæ: vt bonam rationem dispensationis sibi creditæ redditurus, æternæ beatitudinis præmia consequatur. Per eundem Dominum.

HIC VESTIS ET CASVLAM.

Benedictio Patris, & Filij, & Spiritus sancti descendat super te, vt sis benedictus in ordine sacerdotali, & offeras placabiles Hostias pro peccatis atque offensionibus populi omnipotenti Deo. Cui sit honor & gloria in sæcula sæculorum.

CONSECRATIO MANVS.

Consecrentur manus istæ, quæsumus, Domine, & sanctificentur per istam unctionem, & nostram benedictionem, vt quæcunque benedixerint, benedicta sint: & quæ-

cūque sanctificauerint, sanctificentur. Per.

Episcopus cum ordinatur, duo Episcopi ponant & teneant Euangeliorum codicem super caput eius, & uno super eum fundente benedictionem: Reliqui omnes Episcopi, qui adsunt, manibus suis caput eius tangant.

ORATIO AD ORDINANDOS EPISCOPOS.

O Remus, dilectissimi nobis, ut his viris ad utilitatem Ecclesiae prouidendam electis, benignitas omnipotentis Dei, gratiae suae tribuat largitatem. Per Dominum nostrum.

BENEDICTIO EPISCOPORVM.

Adesto supplicationibus nostris Omnipotens Deus: & quod humilitatis nostrae gerendum est ministerio, tuae virtutis impleatur effectu. Per.

ALIA.

Propitiare, Domine, supplicationibus nostris: & inclinato super hunc famulum tuum cornu gratiae Sacerdotalis, benedictionis tuae in eo effunde virtutem. Per.

CONSECRATIO.

Deus honorum omnium, Deus

omnium dignitatum, quae gloriae tuae sacratis famulantur ordinibus. Deus, qui Moysen famulum tuum secreti familiaris affatu inter caetera coelestis documenta culturae, de habitu quoque indumenti Sacerdotalis instituens, electum Aaron mystico amictu vestiri inter sacra iussisti, ut intelligentiae sensum de exemplis priorum caperet secutura posteritas, ne eruditio doctrinae tuae ulli deesset aetati. Cum & apud veteres reuerentiam ipsa significationum species obtineret, & apud nos certiora essent experimenta rerum, quam aenigmata figurarum. Illius namque Sacerdotij anterioris habitus nostrae mentis ornatus est, & Pontificalem gloriam non iam nobis honor commendat vestiū, sed splendor animarum: quia & illa, quae tunc carnalibus blandiebantur obtutibus, ea potius, quae in ipsis erant intelligenda, poscebant. Et idcirco huic famulo tuo, quem ad summi Sacerdotij ministerium elegisti, hanc, quaesumus, Domine, gratiam largiaris, ut quicquid illa velamina in fulgore auri, in nitore gemmarum, in multimodi operis varietate signabant, hoc in eius moribus actibusque clarescat. **Hic ACCIPIS CHRISMA.** Comple, Domine, in Sacerdote tuo, mysterij tui summam, & ornamentis, totius glorificationis instructum, coelestis vnguenti flore sanctifica.

Hic mittatur chrisma super caput eius. Hoc, Domine, copiosè in eius caput ✠ influat, hoc in oris subiecta ✠ decurrat, hoc in totius corporis extrema descendat, ut tui Spiritus virtus, & interiora eius repleat, & exteriora circumtegat. Abundet in eo constantia fidei, puritas dilectionis, sinceritas pacis: tribuas ei, Domine, cathedram Episcopalem ad regendam Ecclesiam tuam, & plebem vniuersam. Sis ei auctoritas, sis ei firmitas, sis ei potestas. Multiplices super eum benedictionem & gratiam tuam, ut ad exorandam sèper misericordiam tuam, tuo munere semper idoneus, tuam gratiam possit esse deuotus. Per.

SI PAPA ORDINATVS
est, hæc addi debent in loco
vbi scriptum est.

Et idcirco huic famulo tuo, quæ Apostolicæ sedis Præsulem & primatem omnium qui in orbe terrarum sunt Sacerdotum, ac vniuersalis Ecclesiæ tuæ doctorem dedisti, & ad summi Sacerdotij ministerium elegisti, hanc quæsumus Domine gratiam largiaris.

SVPER OBLATA.

Hæc Hostia, Domine, quæsumus, emundet nostra delicta, & sacrificium celebrandum subditorum tibi corpora mentesque sanctificet. Per Dominum nostrum.

INFRA ACTIONEM.

Hanc igitur oblationem seruitutis nostræ, sed & cunctæ familiæ tuæ, quam tibi offerimus, etiam pro famulo tuo *Ill.* quem ad Episcopatus ordinem promouere dignatus es; quæsumus, Domine, ut placatus accipias, & propitius in eo tua dona custodias, ut quod diuino munere consequutus est, diuinis effectibus exequatur. Diesque nostros, &c.

AD COMPLENDVM.

Hæc nos communio, Domine, purget à crimine, & cœlestis remedij faciat esse consortes. Per Dominum nostrum Iesum Christum.

ORATIO IN NAT. PAPÆ.

DEus, qui licet sis magnus in magnis, mirabilia tamen gloriosus operaris in minimis, concede mihi indigno famulo tuo, sacris conuenienter seruire mysteriis: atque in omnibus tua misericordia protegat, quem conscientiae reatus accusat. Per.

ALIA.

Deus, qui populis tuis indulgentiam consulis, & amore dominaris, da Spiritum sapientiæ, quibus dedisti regimen disciplinæ, ut de profectu sanctarum ouium fiant gaudia æterna pastorum. Per Dominum nostrum.

SVPER

SVPER OBLATA.

Hostiam tibi, Domine, laudis exoluo, suppliciter implorans, vt quod immerito mihi contulisti, intercedente Beato Petro Apostolo tuo, propitius exequaris. Per.

PRÆFATIO.

Verè dignum, & iustum est, æquum, & salutare, Nos tibi semper, & vbiq; gratias agere, Domine sancte, Pater omnipotens, æterne Deus: vt quia in manu tua diesque nostri vitæ consistit, sicut honorem nobis indignis largiris ministerij, sic quoque tribuas rationabilis obsequij propitius incrementum. Et tua dona in nobis custodias, vt eius suffragiis apud te semper reddar acceptus, cuius me vice hodie Ecclesiæ tuæ præesse voluisti. Per Christum.

AD COMPLENDVM.

Corporis sacri & pretiosi sanguinis repleti libamine, quæsumus, Domine Deus noster, vt gratiæ tuæ munus, quod nobis immeritis contulisti, intercedente Beato Petro Apostolo tuo, propitius muniendo custodias. Per Dominum nostrum.

MISSA PROPRIA IN
die ordinationis suæ.

Deus, qui non propriis suffra-

gantibus meritis, sed solâ ineffabilis gratiæ largitate me familiæ tuæ præesse iussisti; tribue tibi dignè persolvere ministerium sacerdotalis officij, & Ecclesiasticis conuenienter seruire ministeriis, plebémque commissam, Te in omnibus protegente, gubernare concede. Per.

ALIA.

Deus, mundi Creator & Rector, ad humilitatis meæ preces placatus attende, & me famulum tuum, quem nullis suffragantibus meritis, sed immensâ largitate clementiæ tuæ celestibus mysteriis seruire tribuisti, dignum sacris Altaribus fac ministrum, vt quod mea celebrandum voce depromitur, tua sanctificatione firmetur. Per Dominum nostrum.

SVPER OBLATA.

Ad gloriam, Domine, tui nominis, annua festa, repetentes Sacerdotalis exordij, Hostiam tibi laudis offerimus, suppliciter exorantes, vt cuius ministerij vice tibi seruimus, immeriti suffragij eius reddamur accepti. Per.

INTRA ACTIONEM.

Hanc igitur oblationem, quam tibi offero ego tuus famulus & sacerdos ob diem, in quo me dignatus es ministerio sacro constituere sacerdotem; obsecro, Domine, placatus suscipias, Maiestatem

Hh

tuam supplex exorans, ut in me,
quod largiri dignatus es, propi-
tius custodire digneris. Diesque
nostros, &c.

BENEDICTIO.

Omnipotens Deus, qui in po-
pulo suo ministerio utitur Sacer-
dotum, conferat vobis suæ propi-
tiationis, & benedictionis do-
num. Amen. Quique me indi-
gnum nullis existentibus meritis,
sed gratuitâ sua pietate huic Ec-
clesiæ præesse voluit, suffragiis
Sanctorum suorum me ab omni-
bus vinculis peccatorum absol-
uat, sanctisque suis altaribus stre-
num dignumque ministrum ef-
ficiat. Amen. Quatenus per exem-
pla Sanctorum Sacerdotum, qui
in hac sede, & in hoc ministerio
ei placuerunt, gradientes, gregēq;
commissum secundū suam volun-
tatem, eo opitulante regentes ab
omnium pastorum pastore Chri-
sto Domino præmia Sanctis pro-
missa vnâ cum subditis percipere,
& in Electorum numero merea-
mur adiungi. Amen. Quod ipse
præstare dignetur.

AD COMPLENDVM.

Repleantur consolationibus
tuis, Domine, quæsumus, tuorum
corda fidelium, pariterque etiam
& de Ecclesiæ Præsule, & de suo-
rum votorum plenitudine gratia-
rum referant actionem. Per.

ORATIONES PRO ADEPTA dignitate.

DEus, cui omnis potestas &
dignitas famulatur, da fa-
mulo tuo *Ill.* prosperum suæ di-
gnitatis effectum, in qua te sem-
per timeat, tibi que iugiter place-
re contendat. Per Domnium.

ALIA.

Omnium, Domine fons bono-
rum, iustorumque prouectuum,
tribue, quæsumus *Ill.* famulo tuo
adeptam bene gerere dignita-
tem; & à te sibi præstitam bonis
operibus comprobare. Per Do-
minum nostrum.

ORATIO AD ABBATEM faciendum.

Quæsumus, omnipotēs Deus,
famulum tuum *Ill.* quem ad
regimen animarum elegimus,
gratiæ tuæ dono prosequere; ut Te
largiente cum ipsa tibi nostra ele-
ctione placeamus. Per.

INCIPIVT APOLOGIÆ.

Impellit ministrandi officium
hostia salutaris populi pro de-
licto, terret conscientia indebiti

Sacerdotij pro reatu. Si à me omniū Sacerdotum peripsa sacrificium offeratur, pollutæ conscientiaë crimen augetur. Si tantæ Maiestati, vniuersæ carnis iudici non offertur, negligentiaë reatus adscribitur. Inter hæc tuæ, omnipotens, libramen pietatis implo-ro, cuius ultionis diem accusante conscientia pertimesco. Ne indignum, quæso, misericordia tuâ iudices, quem à tempore poenitentiaë non excludis. Suspende securum, donec cultor vineæ admoueat co finum stercoreis infructuosæ arboris ad radicem: Parce mihi, Domine clementissime, poenitenti, qui Dauid post lapsum clementer ad veniam reuocasti, qui Petri, misericors, amarè flentis lacrimas respexisti, qui latronem in Crucis patibulo tanti facinoris reum diuinâ gratiâ illustrasti, cui mox obtinuit confessio perspicuè Dei Filium, fides præmium, poena veniam, lamenta gaudia sempiterna: dum confessor in cruce possessor exstitit paradisi post crucem. Sed quia verba veniâ tuæ pietatis indigent, quæ indigni Sacerdotis opera nō commendant, saltem adstantium vota suscipe: vt & mihi suis apud te precibus veniam, & eorum meritis sacrificia nostrorum vulnerum salubriter nobis conferant medicinam: vt quia omnipotens pro omnibus factus es hostia pro peccatis, adsis nobis sanctificatio

in sacrificio pro delictis, Christe, Saluator mundi, qui cum æterno Patre vnâ cum Spiritu sancto viuis & regnas Deus. Per omnia sæcula sæculorum.

ITEM APOLOGIA.

Ante oculos tuos, Domine reus conscientiaë testis adsisto: Rogare vix audeo, quod impetrare non mereor. Tu enim scis, Domine, omnia quæ aguntur in nobis. Eru-bescimus confiteri, quod per nos non timemus admittere. Verbis tibi tantum obsequimur, corde mentimur: & quod velle nos dicimus, nolle nostris actibus adprobamus. Parce, Domine, confitentibus ignosce. Peccauimus, miserere, Te rogamus. Et quia in Sacramentis tuis meus sensus infirmus est, præsta, quæsumus; vt qui ex nobis duri cordis verba non suscipis, per Te nobis veniam largiaris. Per Dominum.

ITEM APOLOGIA.

Conscientia quidem trepidi, omnipotens Deus, ad altare tuum accedimus, sed fiduciam de tuæ pietatis misericordia retinemus. Et licet ad celebranda sacrificia semper inueniamur indigni: sed si recedimus, veremur de inobedientiâ condemnari. Pro qua re dignare nos pietate paternâ placito vultu respicere, & cordis

nostri interiora purgare. Et si nos peccatorum nostrorum reatu constringimur, nostrarum tamen precum obtentu tibi sint, quaesumus, Domine, in omnibus placita mysteria consecranda. Per.

ficas singulorum hostias immolare, meque tibi audaciter accedentem non finas perire; sed dignare lauare, ornare, & leniter suscipere. Per Dominum nostrum Iesum.

ITEM APOLOGIA.

Ignosce, Domine, ignosce, quod dum rogare compellor, dum per immunda labia nomen sanctum tuum adsumo, & cum pudendorum actuum secreta confiteor, non habeo apud te nec verba sine crimine. Tu enim conscientiae meae vulnera, & cogitationum mearum occulta nosti, & immunditias meas tu solus agnoscis. Miserere mihi, Domine, miserere mihi, ignosce mysterij tui secreta tractanti: nec indignum misericordiae tuae iudices, quem pro aliis rogare permittis; & in quo testimonium boni operis non agnoscis, officium saltim dispensationis creditae non recuses. Per Dominum nostrum.

ITEM ALIA.

Rogo te, Deus Sabaoth altissime, Pater sancte, uti me tunica castitatis digneris accingere, lumbosque meos balteo tui amoris ambire, ac renes cordis mei igne tuae caritatis vrere: ut pro peccatis meis possim intercedere, & adstantis populi peccatorum veniam promereri, ac paci-

ITEM ALIA.

Ante aeterni regis Christi praesentiam nostra indigna accedunt praekoniam, quae valent populi impetrare delicta. Liore torquetur conscientia; quia a sacris mysteriis offerendis se ingerit criminosa; & dum respicit admissa, terretur tuis conspectibus adstare confusa. Sed quaeso humilis reus, quia ad te post lapsum redeo deuius, iaceo saucius, in te vilis respiro, bone medice, vulneratus: ut qui sacrificia altaribus tuis munda offerri praecipis, cum offerentium meritis sacerdotis indigni labia polluta sanctifices, qui indigere me miserum tua, Christe Saluator inclyte, misericordia recognoscis. Qui viuis & regnas.

ITEM ALIA IN FESTI-
uitate Sanctorum.

Eripiat nos, quaesumus, Domine: & sicut per Moysen famulum tuum peccata populi dimisisti; ita per intercessionem Sanctorum tuorum nostra omnium iubeas relaxari dilecta. Per Dominum.

ITEM APOLOGIÆ COTI-
dianæ Sacerdotis propriæ.

Regi cunctorum per cuncta re-
gnanti sæcula sæculorum.

ITEM ALIA.

Mordacis conscientiæ stimulis,
& delictorum nostrorum recor-
datione commoniti te Deum in-
dulgentiæ deprecamur, vt quic-
quid dicto, facto, cogitatione pec-
catum est, siue lubricæ ætatis im-
pulsu, siue ignorantie errore com-
missum, pietas Domini nostri Ie-
su Christi resolueret ac indulgere
dignetur. Per.

ITEM ALIA.

Indignum me, Domine, sacris
tuis esse fateor, qui innumeris co-
tidie peccatis fuscior. Quid ego
te blandis verbis rogare præsumo,
quem improbis sæpe factis offen-
do? Tu enim mihi medicinam
ingeris, ego sanitati meæ contra-
ria ago. Legem tuam sacris indi-
tam paginis lego, sanam verò dis-
ciplinam infelix neglego. Ad
tuum quidem altare quasi deuo-
tus accedo, sed à præceptis tuis
contumaci corde recedo. Da er-
go mihi Domine, cor compun-
ctum, quo veraciter odio habeam
peccatum. Meum est, si donaue-
ris, delicta deflere: tuum est etiam
nubem ea citò delere, vt qui
hanc palmam amiserim inimico
fraudante, ad veniam saltem per-
tineam te Domino miserante. Ti-
bi enim Deo est honor regum

Proiectis nobis, Domine, in
condemnationem operum no-
strorum, da capiti nostro aquam,
& oculis nostris fontem infunde
lacrimarum, vt peccati maculas
abluendo vltices poenarum flam-
mas fletuum vbertate vincamus.
Quia tibi non sunt occulta quæ
gerimus. Sit in nobis, Domine,
non oristantum confessio, sed &
doloris: non excusatio criminum,
sed lamentatio peccatorum. Ca-
stos enim nostri corporis oculos
lasciuie mundi violauit aspectus.
Mores corrupti, disciplina vitiata,
simulatio in vultu, fallacia in ver-
bis, dolus in corde, volubilitas in
linguâ, operatio stulta, mens du-
bia, concupiscentia carnalis, sol-
licitudo carnis, obliuio animæ,
neglegentia sanctitatis, super hæc
autem mortis timor increuit. Mi-
serere nobis, Domine, miserere
nobis. Da præteritis veniam, præ-
sentibus emendationem, futuris
largire custodiam. Per.

ITEM ALIA.

Ita Domini immensi criminis
rei conscientia teste confundi-
mur, vt ad officium tuum nec se-
curi possimus venire, nec liberi.
Quis enim pensans peccatum

suum, nec se à facie tua vellet abscondere, si liceret tantę maiestatis oculos declinare, si aut euasurus lateret, aut occultus euaderet? Aut quis non magis videre te cuperet, si non iam hinc quemcunque peccantem prospicis, plus timeret? Ergo quia tu vbique nos inuenis, ad te confugimus, quem fugere non valemus. Restat miseris non latebras interuenire, sed lacrimas. Foueat indulgentia, quos terret offensa. Minatur potentia, sed misericordia consoletur. Ex te est, qui liberet, per te est qui excuset. Parce pater omnipotens; & quos aspicias humiles per reatum, erectos munerare digneris in præmio. Et quos intelligis per confessionem miseris, non facias in examinatione confusos. Per Dominum.

ITEM ALIA IN TRIBV- latione.

Si ante oculos tuos Domine, culpas quas fecimus & plagas, quas excipimus conferamus; minus est quod patimur, maius est quod meremur. Peccati poenam sentimus, & peccandi pertinaciam non vitamus. In flagellis tuis fragilitas nostra frangitur, & iniquitas non mutatur. Mens ægrota torquetur, & ceruix dura non flectitur. Vita in dolore suspirat, & in opere non emendat. Si expectas non corrigimur: si vindicas,

non duramus. Confitemur in correptione quod fecimus, obliuiscimur in visitatione quod fleuimus. Si impresseris manum, facienda promittimus: si suspende-
ris gladium, promissa non facimus: si ferias, clamamus, vt parcas: si parcas, iterum te prouocamus, vt ferias: Si angustia veniunt, tempus petimus poenitendi, si misericordia subueniat, abutimur patientiâ, quæ pepercit. Adhuc plaga inlata vix præterit, etiam non recolit mens ingrata quod pertulit. Si citius nos audias, ex misericordia insolescimus, si tardius, ex impatientiâ murmuramus. Te, Domine, volumus feruare quod feceris, non timemus obseruare quod iusseris. Habes, Domine, confitentes reos: parce, quia pius es. Nouimus quod nisi dimittas, rectè nos punias. Sed apud te est multa miseratio, & propitiatio per abundans. Præsta sine merito quod rogamus, qui fecisti ex nihilo, qui rogarent. Clamantibus nobis ad te, Domine, miserere; moueat misericordiam tuam vox fidelis & flebilis; atque illa, de quâ totum speramus, pietas non reputet quod offendimus, dum respicit quod rogamus: & cum grandis sit miseria esse nos reos, maior tibi sit clementia esse nos miseros. Tuo supplices auxilio ante te & criminis nostri mala ponimus, & dolores à te precando misericordiam, quam peccando

repulimus, exspectamus. Præstetur his de indulgentiâ, quod rogaris accipere, quos agnoscis fiduciam de tua iustitia non habere. Erige nos, Domine Deus noster, & alleua in misericordiâ tuâ, in communione salutis, & gaudio caritatis, dum ipsi saluari ex munere tuo cupimus, etiam fide & pace cuncta regentium gaudeamus. Per Dominum.

ITEM ALIA.

Ignosce, Domine, commaculatæ viæ conscientie sordido, & criminum confusione captiuo, qui pro me obtinere nihil mereor, pro aliis rogaturus adsisto. Profero ad te, si digneris, Domine gemitus captiuorum, tribulationes plebium, pericula populorum, angustias pauperum, necessitates peregrinorum, inopias debilium, desperationes languentium, defectus senum, suspiria iuuenum, vota virginum, lamenta viduarum. Et quoniam in eadem, quæ populum tuum catena constringit, communes lugeo passionnes, non obsit populo tuo oratio subiugato peccatis. Per me tibi offertur votum, per te meum compleatur officium. Per.

A L I A.

Deus ad quem accedere mundi desideramus, & ob cuius gloriam in honorem tuorum marty-

rum expiari deprecamur, in vitam nos tibi præpara hostiam; cordium quoque nostrorum abdita omni crimine laua, & spiritali reple lætitiâ. Quique coram te, & pro nostris, & pro fratrum delictis iugemescimus, exaudiri à te quantocyus mereamur, ut nec nostro puniamur, nec alieno peccato: ut iustitiâ & sanctitate vestiti præsentemur tibi indemnes in die iudicii.

A L I A.

Dimitte Deus, quicquid, per intemperantiam mordacis lingue incauta oris nostri increpatio momordit in subditos. Quicquid minus de boni perfectione diximus, parce: quicquid incongruum, vel minus temperatè protulimus, tu ignosce. Non incautū præsumptio puniat, sed agnoscentem me iniquitates meas pietas miserationis tuæ absoluat. Et quia non mihi alibi est fiducia, nisi in misericordiâ tuâ, tu & os meum præconio veritatis perenna, & opus pleniori vbertate sanctifica: ut & indignum me salues, & commissum mihi gregem pro tuâ pietate iustifices. Quicquid in illis vitiatum respicis, sana; quicquid in me vitiosum inspicis, cura. Si quam vitio tepiditatis meæ, vel incuriâ contraxerunt, vel contrahunt labem, omitte. Si quo etiam me ignorante, vel cognito, deciderunt in crimine, atque si

exempli mei offendiculo proruerunt, ignosce: & pro culpistalibus misero mihi ultionis non restituas vicem. His tamen quibus increpationis visus sum adhibere iudicium, & increpatio ipsa eis proficiat ad salutem, & oratio hæc interpellans commisso eos reuocet ab errore: vt non perferant tartareos cruciatus, quibus, vt pote mortales, pœnitentiæ indiximus leges: quò vtrorúmque incommodis parcens, illorum iniquitatibus tribuas veniam, & meam abluas contractam de regendi incommoditate offensam. Præbe, Deus, aurem sacrificiis nostris, & me mihi que commissos tuis adscribe in paginis: quò cum grege mihi credito, & à cuncto eluar crimine, & ad te merear peruenire in pace. Pacatum redde, Deus, nostrorum cordium habitaculum expulsionem carnalium vitiorum. Et qui in subditis conor summam exercere virtutum, pacatis mentium corporúmque incommodis pacificus merear te iudicante coronari cum Angelis. Fac ergo, quæsumus, nos pie Deus, aspicientes in conspectu tuo, flammescens tuæ gratiæ dono; vt zelus tuæ domus nos comedat. Atque ita per vigorem sancti Spiritus regentes subditos temperemus; vt & disciplinis nostri regiminis obtineant lucrum, & illorum duritia frangatur, ac vita sanctificetur. Suscipe,

Domine, votorum nostrorum libamina: & per hæc quicquid in subditos correctionis verbo, vel merito impertimus, non ad discordiam nostri, sed ad perpetuum dulcedinis gaudium & nobis, & illis profecisse lætemur. Ablue nos, Deus, & alieno, & nostro delicto: vt in vtroque spiritalis gratiæ efficientiam capientes, fiducialius tuo nomini supplicemus. Per Dominum.

ORATIONES AD VISITANDUM INFIRMUM.

Imprimis faciant sacerdotes asperso sale aquam benedictam, & aspergant eam cum antiphonâ & orationibus super ipsum infirmum, & super domum eius.

EXORCISMVS SALIS.

Exorcizo te, creatura salis, per Deum viuum, per Deum verum, per Deum, qui te per Helisæum Prophetam in aquam mitti iussit: vt sanaretur sterilitas aquæ: vt efficiaris sal exorcizatum in salutem credentium, & sis omnibus te sumentibus sanitas animæ & corporis: & effugiat, atque discedat ab eo loco, quo aspersus fueris, omnis phantasia & nequitia, vel versutia diabolicæ fraudis, omnisque Spiritus immundus adiuratus, per eum qui venturus est iudicare viuos & mortuos, & sæculum per ignem.

BENE:

BENEDICTIO SALIS.

Immensam clementiam tuam, omnipotens æterne Deus, humiliter imploramus, ut hanc creaturam salis, quam in usum generis humani tribuisti, benedicere & sanctificare tuâ pietate digneris, ut sit omnibus salus mentis & corporis: ut quicquid eo tactum vel respersum fuerit, careat omni immunditiâ, omnique impugnatione spiritalis nequitiae. Per.

EXORCISMVS AQVÆ.

Exorcizo te creatura aquæ, in nomine Dei Patris omnipotentis, & in nomine Iesu Christi filii eius Domini nostri, ut fias aqua exorcizata, ad effugandam omnem potestatem inimici, & ipsum inimicum eradicare, & explantare valeas cum Angelis suis apostaticis per virtutem Domini nostri Iesu Christi, qui venturus est iudicare viuos & mortuos, & seculum per ignem.

BENEDICTIO AQVÆ.

Deus, qui ad salutem humani generis, maxima quæque sacramenta in aquarum substantiam condidisti, adesto inuocationibus nostris, & elemento huic multimodis purificationibus, præparato virtutem tuæ benedictionis effunde: ut creatura mysterii tui tibi seruiens ad abiciendos dæmones, morbosque pellen-

dos diuinæ gratiæ sumat effectum: ut quicquid in domibus, vel in locis fidelium hæc vnda resperferit, careat omni immunditiâ libere-
tur à noxia. Non illic resideat spiritus pestilens, non aura corrumpens; discedant omnes insidiæ latentis inimici: & si quid est quod aut incolumitati habitantium inuidet, aut quieti, aspersione huius aquæ effugiat: ut salubritas per inuocationem tui nominis expetita, ab omnibus sit impugnationibus defensa. Per.

BENEDICTIO SALIS

& aquæ pariter. Hic mittitur sal in aquam.

Deus inuictæ virtutis auctor, & inseparabilis imperii rex ac semper magnificus triumphator, qui aduersæ dominationis vires reprimis, qui inimici rugientis sæuitiam superas, qui hostiles nequitias potenter expugnas, te, Domine tremantes ac supplices deprecamur, ac petimus: ut hanc creaturam salis & aquæ dignanter accipias, benignus inlustres, pietatis tuæ more sanctifices: ut ubicunque fuerit aspersa, per inuocationem sancti tui nominis omnis infestatio immundi spiritus abi-ciatur, terrorque venenosi serpentis procul pellatur, & præsentia sancti Spiritus nobis misericordiam poscentibus ubique adesse dignetur. Per Dominum.

ORATIO, QUANDO
aqua spargitur in domo.

EXaudi nos, Domine sancte,
Pater omnipotens, sempiter-
ne Deus, & mittere dignare An-
gelum tuum sanctum de coelis, qui
custodiat, foueat, protegat, visitet
& defendat omnes habitantes in
hoc habitaculo. Per.

BENEDICTIO DOMVS

Adesto, Domine, supplicatio-
nibus nostris, & hanc domum se-
renis oculis tuæ pietatis inlustra.
Descendat super habitantes in eâ
gratiæ tuæ larga benedictio: vt in
his manufactis habitaculis cum
salubritate manentibus ipsi tuum
semper sint habitaculum. Per
Dominum.

A L I A.

Exaudi nos, Domine sancte, Pa-
ter omnipotens, æterne Deus, vt
si qua sunt aduersa, si qua contra-
ria in hac domo famuli tui *Ill.* au-
thoritate maiestatis tuæ pellantur.
Per.

BENEDICTIO VVÆ VEL FAVÆ.

Benedic, Domine, hos fructus
nouos vuvæ, siue fauvæ, quos tu,
Domine, per rorem coeli, & inun-
dantiam pluuiarum, & tempora
serena atque tranquilla ad matu-
ritatem perducere dignatus es, ad

percipiendum nobis cum gratia-
rum actione in nomine Domini
nostri Iesu Christi, qui tecum.

BENEDICTIO AD FRUCTVS NOVOS.

Domine, sancte Pater omnipo-
tens, æterne Deus, qui cælum &
terram, & omnia creasti, te suppli-
ces quæsumus, vt hunc fructum
nouum benedicere, & sanctificare
digneris, & multiplicare abūdan-
ter offerentibus tibi: vt repleas
eorum cellaria cum fortitudine
frumenti, & vini: vt lætantes in eis
referant tibi Deo omnipotenti
laudes & gratias. Per.

BENEDICTIO AD OMNIA quæ volueris.

Benedic, Domine, creaturam
istam: vt sit remedium salutare
generi humano. Præsta per inuo-
cationem nominis tui; vt quicun-
que ex eâ sumpserit, corporis sani-
tatem, & animæ tutelam perci-
piat. Per.

BENEDICTIO PANIS.

Benedic, Domine, creaturam
istā panis, sicut benedixisti quin-
que panes in deserto: vt omnes
gustantes ex eo, accipiant tam
corporis, quàm animæ sanitatem,
qui viuis cū Deo Patre in vnitatem.

ORATIO AD CAPILLA- turam.

Omnipotēs, sempiterne Deus;
respice propitius super hunc

famulum tuum *Ill.* quem ad novam tondendi gratiam euocare dignatus es, tribuens ei remissionem omnium peccatorum, atque celestium donorum consortium esse præceptorum, Per.

ORATIO AD BARBAS
tondendas.

DEus, cuius spiritu creatura Domnis adulta congaudet, exaudi preces nostras super hunc famulum tuum *Ill.* iuuenili ætate decore lætantes, & primis auspiciis, ad tondendum, exaudi, Domine, ut in omnibus protectionis tuæ munitus auxilio coelestem benedictionem accipiat: & præsentis vitæ præfidiis gaudeat & æternæ. Per.

ORATIO AD INFIRMUM
vngendum.

INungo te de oleo sancto, sicut unxit Samuel David in regem & prophetam. Operare creatura olei in nomine Patris omnipotentis: ut non lateat illic spiritus immundus, neque in membris illius, neque in medullis; neque in nulla compagine membrorum: sed in te habitet virtus Christi altissimi, & Spiritus sancti, Per eundem.

ORATIO AD VISITAN-
dum infirmum.

DEus, qui famulo tuo Ezechiae ter quinos annos ad vitam donasti: ita & famulum tuum illum à lecto ægitudinis tuæ potentia erigat ad salutem. Per.

ALIA.

Respice, Domine, famulum tuum in infirmitate sui corporis laborantem, & animam refoue, quam creasti: ut castigationibus emundata, continuò se sentiat tuam medicinam saluatum. Per.

ALIA.

Deus, qui facturæ tuæ pio semper dominaris affectu, inclina aurem tuam supplicationibus nostris, & famulum tuum *Ill.* ex adversa valetudine corporis laborantem placatus respice, & visita in salutari tuo, ac coelestis gratiæ præsta medicinam. Per.

ALIA.

Deus, qui humano generi, & salutis remedium, & vitæ æternæ munera contulisti, conserua famulo tuo *Ill.* tuarum dona virtutum: & concede, ut medelam tuam non solum in corpore, sed etiam in animâ sentiat. Per.

ALIA.

Virtutum coelestium Deus, qui ab humanis corporibus omnem languorem & omnem infirmitatem præcepti tui potestate depellis, adesto propitius huic famulo

tuo *Ill.* vt fugatis infirmitatibus,
& viribus receptis nomen sanctum
tuum instauratâ protinus sanitate
benedicat. Per Dominum.

A L I A.

Domine sancte, Pater omnipo-
tens, æterne Deus, qui fragilita-
tem conditionis nostræ infusâ vir-
tutis tuæ dignatione confirmas: vt
salutaribus remediis pietatis tuæ
corpora nostra & membra vege-
tentur, super hunc famulum tuum
illum propitiatus intende: vt om-
ni necessitate corporeæ infirmita-
tis exclusâ, gratia in eo pristinae sa-
nitatis perfecta reparetur. Per
Dominum.

DEINDE A SACERDOTE DI-
catur hæ Oratio.

Domine Deus, qui per Aposto-
lum locutus es, *Infirmatur quis in
vobis, inducat presbyteros Ecclesia, &
orent super eum, ungentes eum oleo
sancto in nomine Domini: & oratio
fidei saluabit infirmum: & alleuabit
eum Dominus: & si in peccatis est,
dimittentur ei:* Cura, quæsumus
redemptor noster, gratiâ Spiritus
sancti languores istius infirmi: &
sua sana vulnera, eiusque dimitte
peccata atque dolores cunctos
cordis, & corporis expelle, ple-
nâque & interiùs exteriùsque sa-
nitatem misericorditer redde: vt
ope misericordiæ tuæ restitutus &
sanatus ad pristina pietatis tuæ re-
paretur officia. Per.

*Et sic flectat genu vel genua qui est
languidus, & stet ad dexteram sa-*

*cerdotis, & sic decantetur hæ An-
tiphona.*

Dominus locutus est discipulis
suis: *In nomine meo demonia eicite:
& super infirmos manus vestras im-
ponite, & bene habebunt.* PSAL. Deus
Deorum Dominus locutus est. Et re-
petit: *In nomine meo, &c.*

S E Q V I T V R O R A T I O.

Oremus Dominum nostrum
Iesum Christum, & cum omni sup-
plicatione rogemus; vt hunc fa-
mulum suum *Ill.* per Angelum san-
ctum suum visitare, lætificare &
confortare dignetur.

S E Q V I T V R A N T.

Succurre, Domine, infirmo isto
Ill. & medica eum spiritali medi-
camine; vt in pristina sanitate re-
stitutus, gratiarum tibi sanus re-
ferat actiones PSAL. Ad Dominum
cum tribularer. S E Q V I T V R A L I A
A N T. Sana, Domine infirmum istum,
cuius, ossa turbata sunt, & cuius
anima turbata est valde: sed tu,
Domine conuertere, & sana eum,
& eripe animam eius. PSAL. Do-
mine, ne in furore tuo arguas me:
cum Gloria: & repetent: Sana me
Domine: & sic perungat infirmum
de oleo sanctificato, cruces fa-
ciendo in collo & gutture, & in-
ter scapulas, & in pectore: seu in
loco, vbi plus dolor imminet, am-
plius perungatur: & supplicando
dum vngitur infirmus, dicat vnus
ex sacerdotibus hanc orationem.

S E Q V I T V R O R A T I O.

Inungo te de oleo sancto in no-

mine Patris & Filij & Spiritus sancti: vt non lateat in te spiritus immundus, neque in membris, neque in medullis, neque in nulla compagine membrorum: sed in te habitet virtus Christi altissimi, & Spiritus sancti: quatenus per huius operationem mysterij, & per hanc sacrati olei vnctionem, atque nostram deprecationem virtute sanctæ Trinitatis medicatus, siue fons, pristinam & immelioratam recipere merearis sanitatem. Per eundem.

SEQUITVR HÆC ORATIO.

Domine, Deus Saluator noster, qui es vera salus, & medicina, & a quo omnis sanitas, & medicamentum venit, quique nos Apostoli documento instruis: vt languentes olei liquore orantes tangeremus, respice propitius super hunc famulum tuum *Ill.* & quem languor curuat ad exitum, & virium defectus trahit ad occasum, medela tuæ gratiæ restituat in salutem. Sana quoque, quæsumus, omnium medicator eius febrium, & cunctorum languorum cruciatus, ægritudinēque, & dolorum omnium dissolue tormenta, viscerūque ac cordium interna medica: medullarum quoque & cogitationum: sana discrimina vlcus, vanitatumque putredines euacua, conscientiarūque atque plagarum obducito cicatrices veteres, immensasque remoue passiones: carnis ac sanguinis materiam

reforma, delictorumque cunctorum veniam tribue: sicque illum tua pietas iugiter custodiat: vt nec ad correptionem aliquando sanitas, nec ad perditionem nunc, te auxiliante, perducatur infirmitas: sed fiat illi hæc olei sacra perunctio morbi, & languoris præsentis expulsio, atque peccatorum omnium optata remissio. Per Dominum nostrum.

ALIA.

Propitietur Dominus cunctis iniquitatibus tuis, & sanet omnes languores tuos, redimatque de interitu vitam tuam, & satiet in omnibus desiderium tuum, qui solus in Trinitate vnus Deus viuit & regnat per immortalia secula seculorum. Amen.

Deinde communicet eum Corpore & Sanguine Domini. Et sic faciant illi per septem dies, si necessitas fuerit, tam de communione, quam de alio officio, & suscitabit eum Dominus: & si in peccatis fuerit, dimittentur ei.

Debent etiam sacerdotes & ministri sanctæ Ecclesiæ cum summa reuerentia infirmis decantare per singulos dies vespertas & matutinos cum hymno. Christe cælestis medicina Patris & reliq. & cum Antiphonis, siue lectionibus & orationibus ad hæc pertinentibus.

Multi enim sacerdotum infirmos perungunt in superinquinque sensus corporis, id est, in superciliis oculorū, & in naribus deintus, & in narium summitate siue exterius, & in labiis

exterius: & in manibus exterius, id est, de foris. In omnibus ergo his membris crucem faciant de oleo sacro dicentes. In nomine Patris, & Filij, & Spiritus Sancti.

Hoc enim faciant, ut si in quinque sensibus mentis & corporis aliqua macula inhaesit, hac medicina Dei sanetur.

ORATIO IN CONSUMMATIONE huius Officij.

OMnipotēs sempiternae Deus, qui subuenis in periculis & necessitate laborantibus, Maiestatem tuam supplices exoramus, ut mittere digneris sanctum Angelum tuum, qui famulum tuum *Ill.* in angustiis & necessitatibus laborantem, consolationibus tuis attollat, quibus & de praesenti consequatur auxilio, & aeterna remedia comprehendat. Per Dominum nostrum.

MISSA PRO EPISCOPO vel congregatione.

OMnipotēs sempiternae Deus, qui facis mirabilia magna solus, praetende super famulum tuum *Ill.* & super cunctos illi commissos spiritum gratiae salutaris: & ut in veritate tibi complacent, perpetuum eis rorem tuae benedictionis infunde. Per Dominum.

SUPER OBLATA.

Hostias, Domine, famuli tui *Ill.* & omnium sibi commissorum placatus intende: & quas in honorem nominis tui deuota mente pro eis celebramus, proficere sibi sentiant ad medelam Per Dominum.

AD COMPLENDVM.

Famulum tuum *Ill.* & omnes sibi commissos per haec caelestia munera perpetuo, Domine, comitare praesidio: eosque fouere non desinens, dignos fieri sempiterna redemptione concede. Per.

ALIA MISSA.

OMnipotēs sempiternae Deus, miserere famulo tuo, & dirige eum secundum tuam clementiam in viam salutis aeternae, ut te donante, tibi placita cupiat, & tota virtute perficiat. Per.

SUPER OBLATA.

Proficiat quæsumus Domine, haec oblatio, quam tuae supplices offerimus Maieitati ad salutem famuli tui *Ill.* ut tua prouidentia eius vita inter aduersa & prospera ubique dirigatur. Per.

AD COMPLENDVM.

Sumentes, Domine, perpetuae Sacramenta salutis, tuam deprecamur clementiam: ut per ea famulum tuum ab omni aduersitate protegas. Per.

ALIA AD COMPLENDVM.

Famulū tuū, quæsumus Domine

tuâ semper protectione custodi : vt liberâ tibi mente deseruiat , & te protegente à malis omnibus sit securus. Per.

MISSA VOTIVA.

Deus, qui iustificas impium, & non vis mortem peccatorum, Maiestatem tuam suppliciter deprecamur, vt famulum tuum *Ill.* de tua misericordiâ confidentem cœlesti protegas benignus auxilio, & assiduâ protectione conserues : vt tibi iugiter famuletur, & nullis tentationibus à te separetur. Per.

SVPER OBLATA.

Huius, Domine, quæsumus, virtute mysterij & à propriis nos munda delictis, & famulum tuum *Ill.* ab omnibus absolue peccatis. Per.

AD COMPLENDVM.

Purificent nos, Domine, quæsumus, sacramenta quæ sumpsimus, & famulum tuum *Ill.* ab omni culpâ liberum esse concede : vt quia conscientie reatu constringitur, cœlestis remedii plenitudine gloriatur. Per.

MISSA SPECIALIS SACERDOTIS.

FAc me, quæso, omnipotens Deus, ita iustitia indui : vt in

Sanctorum tuorum merear exultatione lætari : quatenus emundatus ab omnibus sordibus peccatorum, consortium adipiscar placentium sacerdotum, meque tua misericordia à vitiis omnibus exuat, quem reatus propriæ conscientie grauat. Per.

SVPER OBLATA.

Deus, qui te præcipis à peccatoribus exorari, tibi que sacrificiū contriti cordis offerri ; hoc sacrificium, quod indignis manibus meis offero, acceptare dignare : vt & ipse tibi hostia, & sacrificium esse merear, miseratus concede, quò per ministerij huius exhibitionem, peccatorum omnium percipiam remissionem. Per.

AD COMPLENDVM.

Huius mihi, Domine, sacramenti perceptio sit peccatorum remissio, & tuæ pietatis optata propitiatio : vt per hæc te opitulante efficiar sacris mysteriis dignus, quæ de tua pietate confisus frequentare præsumo indignus. Per.

MISSA PRO SALVTE viuorum.

Prætende, Domine, misericordiam tuam famulis & famulabus tuis *Ill.* dexteram cœlestis auxilij : vt te toto corde perquirant : & quæ digna postulant,

adsequantur : & medelam tuam non solum in corpore ; sed etiam in anima sentiant. Per.

SVPER OBLATA.

Propitiare, Domine, supplicationibus nostris, & has oblationes famulorum, famularumque tuarum, quas tibi pro incolumitate eorum offerimus, benignus assume : & ut nullius sit irritum votum, nullius vacua postulatio, præsta, quæsumus, ut quod fideliter petimus, efficaciter consequamur. Per.

AD COMPLENDVM.

Da famulis & famulabus tuis, quæsumus, Domine, in tuâ fide & sinceritate constantiam : ut in caritate diuina firmati, nullis tentationibus ab eius integritate velantur. Per.

MISSA PRO FAMILIARIBUS.

DEus, qui caritatis dona per gratiam sancti Spiritus tuorum cordibus fidelium infudisti : da famulis tuis pro quibus tuam deprecamur clementiam, salutem mentis & corporis, ut te totâ virtute diligant, & quæ tibi placita sunt, totâ dilectione perficiant. Per.

SVPER OBLATA.

Miserere, quæsumus, Domine

Deus, famulis tuis pro quibus hoc sacrificium laudis, tuæ offerimus Maieitati : ut per hæc sancta supernæ benedictionis gratiam obtineant, & gloriam æternæ beatitudinis adquirant. Per.

AD COMPLENDVM.

Diuina libantès mysteria, quæsumus, Domine, ut hæc salutaria sacramenta illis proficiant ad prosperitatem & pacem, pro quorum dilectione hæc tuæ obtulimus Maieitati. Per Dominum.

MISSA COTIDIANA PRO Rege.

QUæsumus, omnipotens Deus, ut famulus tuus *Ill.* qui tuâ miseratione suscepit regni gubernacula, virtutum etiam omnium percipiat incrementa : quibus decenter ornatus, & vitiorum monstra deuitare, & ad te, qui via veritas & vita es graciosus valeat pervenire. Per.

SVPER OBLATA.

Munera, quæsumus, Domine, oblata sanctificata : ut & nobis Unigeniti tui Corpus, & Sanguis fiant, & *Ill.* Regi ad obtinendam animæ corporisque salutem, & te largiente usquequaque proficiant. Per Dominum.

AD

AD COMPLENDVM.

Hæc, Domine, oratio salutaris famulum tuum *Ill.* ab omnibus tueatur aduersis, quatenus & Ecclesiasticæ pacis obtineat tranquillitatem, & post istius temporis decursum ad æternam perueniat hæreditatem. Per.

MISSA PROPACE.

DEus, à quo sancta desideria, recta consilia, & iusta sunt opera: da seruis tuis illam, quam mundus dare non potest, pacem: vt & corda nostra mandatis tuis dedita, & hostium sublata formidine, tempora sint tua protectione tranquilla. Per.

SVPER OBLATA.

Deus, qui credentes in te populos nullis finis concuti terroribus, dignare & preces & hostias dicatæ tibi plebis suscipere, vt pax tuâ pietate concessa, Christianorum fines ob omni hoste faciat esse securos.

AD COMPLENDVM.

Deus, auctor pacis & amator, quem nosse viuere, cui seruire regnare est, protege ab omnibus in pugnationibus supplices tuos:

vt qui in defensione tua confidimus, nullius hostilitatis arma timeamus. Per.

MISSA PRO QVACVNQUE tribulatione.

Ineffabilem misericordiam tuam, Domine, nobis clementer ostende: vt simul nos & à peccatis exuas, & à poenis quas pro his meremur eripias. Per.

SVPER OBLATA.

Purificet nos, Domine, quæsumus, muneris præsentis oblatio, & dignos sacræ participatione perficiat. Per.

AD COMPLENDVM.

Præsta Domine, quæsumus, vt terrenis affectibus expiati, ad superni plenitudinem sacramenti, cuius libauimus sancta, tendamus. Per.

MISSA PRO INFIRMIS.

OMnipotens sempiterne Deus, salus æterna credentium exaudi nos pro famulis tuis *Ill.* quibus misericordiæ tuæ imploramus auxilium, vt redditâ sibi fanitate, gratiarum tibi in Ecclesia tuæ referant actiones. Per Dom.

SUPER OBLATA.

AD COMPLENDVM.

Deus, sub cuius nutibus vitæ nostræ momenta decurrunt, suscipe preces & hostias famulorum tuorum, pro quibus ægrotantibus misericordiæ tuæ imploramus auxilium: vt de quorum periculis metuimus, de eorum salute lætemur. Per Dominum.

Deus, infirmitatis humanæ singulare præsidium auxiliij tui super infirmos tuos ostende virtutem: vt ope misericordiæ tuæ adiuti Ecclesiæ tuæ sanctæ repræsentari mereantur. Per Dominum nostrum Iesum Christum filium tuum.

FINIS.





A P P E N D I X
AD LIBRVM SACRAMENTORVM
S. GREGORII PAPAE.

*MISSA VETVS EX CODICE RATOLDI
Abbatis Corbeiensis.*



DOMINICA IN DIE PASCHÆ. *Primò antequam Episcopus Missam celebret, ingredietur quoddam oratorium, & secundum cordis compunctionem seipsum libamine orationis Deo offerat. Dicet orationem hanc.*

Via Sanctorum omnium Iesu Christe, qui ad te venientibus claritatis gaudium contulisti, introitum templi istius Spiritus sancti luce perfunde: qui locum istum sanctorum tuorum Martyrum nomine, vel sanguine consecrasti: præsta, quæsumus omnipotens Deus, ut omnes * isti intercedentes obtineant veniam pro delictis, ab omnibus liberentur angustiis, impetrent quicquid petierint pro necessitatibus

suis, placere semper præualeant coram oculistuis; quatenus per te & per S. Petrum militem tuum muniti mereamur aulam paradisi introire. Per.

Hora verò diei tertia arma sibi deferantur Sacerdotalia, quæ induet extra chorum sinistra partis in loco secretarij. Dum introierit in secretarium. Dicat hanc orationem.

Omnipotens & misericors Deus, qui Sacerdotum ministerio ad tibi seruiendum, & supplicandum uti dignaris; quæsumus immensam clementiam tuam, & quicquid modò visitamus, visites; quicquid benedicimus, benedicas: sitque ad nostræ humilitatis introitum, sanctorum tuorum meritis, fuga dæmonum, Angeli pacis ingressus. Per.

Primò quidem minister deferat caligas, usque ad genu tendentes, & dicat. Tu Domine, optamus, iubeas benedicier omnes. Respondet Episcopus.

TOtius honestatis auctor omnipotens Deus, ad reprimendas antiqui hostis versutias, per nostræ feruitutis mysterium iube sanctificari has caligas: ut & in gressu resplendeat Euangelij veritas, & mente fidei exerceatur integritas. Per omnia.

Deinde minister det sandalia, & dicat, ut supra. Respondet Episcopus.

INdue me, Domine, calceamentis iustitiæ, quem Ioannes vidit vestitum podere: ut possim tibi omni tempore cum timore feruire. Per omnia.

Post hac verò ornet se ceteris indumentis, & minister administret superhumerales, & dicat, Iube benedicere, Respondet Episcopus.

Virtus summa Deus, cunctorum rector opimus, Tu benedic nostrum, quo nunc ornatur, amictum: Ut feruire tibi valeamus corde pudico. Per omnia.

Postea ministret ei albam & dicat, ut supra.

Vestibus Angelicis induti rex pietatis.

Possimus libare pij libamen odoris,

Clemens & prauæ purges contagia mentis,

Ac citius delenda malæ contagia mentis. Per omnia.

Postea ministret ei cingulum, & dicat, ut supra.

Scrutator cordis, & castæ mentis amator.

Tu lumbos præcinge meos, Deus intime iudex,

Mortificans prauos in casto corpore gestus. Per omnia.

Postea detur ei baltheum pudicitie, & dicat minister, ut supra. Respondet Episcopus.

ROgo te, altissime Deus Sabaoth, Pater sancte, ut me castigare digneris, accingere, & meos lumbos baltheo tui timoris ambire, & renes cordis mei tuæ caritatis igne vrere: ut pro peccatis meis possim intercedere, & adstantis populi peccatorum veniam promereri, ac pacificas singulorum hostias immolare. Per.

Tum minister offerat ei stolam incunditatis, gerens vitam geminam contemplationis. Et dicat ut supra. Respondet Episcopus.

COlla iugo subdenda tuo, Deus alme, sacrato,

Ad cuius dignum pretiosa morte sepulchrum,

Virtus Angelica confederat ordine mundo. Per omnia.

Custodi dextrâ, rex benedicite, tuâ. Per omnia.

*Super hac itaque ministretur ei tunica gyris in tintinabulis * mirice resecta, & dicat minister ut supra. Respondet Episcopus.*

Postea ministretur ei casula: tandem verò rationale coharens iunctim super humerali. Et dicat minister ut supra. Respondet Episcopus.

Sanctifica tunicam, quâ nunc super induor, istam,

Spes æterna Deus cunctorum certa, salûsque,

Omnipotens æterne Deus: sine numine cuius

Tu memor esto mei toto te corde petenti,

Nil humana valet deuoti condere virtus.

Exequar ut dignus coelestis munia vitæ:

Et qui me sacris voluisti vestibus uti,

Dumque meis manibus tractatur mystica virtus,

Da seruire tibi, iudex pie, mente fideli. Per omnia.

Dispereat quicquid contraxerat ordo veterinus. Per omnia.

Deinde ministretur ei aqua ad manus, & pecten ad caput, & dicat minister, ut supra. R. EP.

Deturque manui laua manipulus castitatis: & dicat minister, Iube, Domine benedicere. Respondet Episcopus.

Omnipotēs & misericors Deus, precor clementiam tuam, ut me audaciter accedentem non sinas perire, sed dignare lauare, ornare, & leniter suscipere. Per omnia.

Qui super astra sedes, qui regni sceptrâ tueris,

Summus adesto Deus, mihi mer tua iussa sequenti,

Ac leuem capiti complexibus adhibe dextram,

Auxiliûmque mihi tribuas per cuncta benignus,

Vt valeam castâ tibi sistere perpeti vita. Per omnia.

Tunc ministrentur ei manica, ut supra.

Digna manus nostras Christi custodia seruet,

Vt tractare queant nostræ monumenta salutis. Per omnia.

Postea detur ei annulus in dextra manu de super manica. Dicat minister ut supra. R. EP.

Cum omni quoque diligentia Episcopus veneretur à suis. Eo autem rationabiliter flamineato, accedat ordinatim omnis processio. VII. aut V. aut III. et si non Presbyter, & Diaconus. Presbyter ad dextram & Diaconus.

Pignore me fidei signatum pacis & arrâ

Presbyter ad dextram & Diaconus.

nus ad sinistram. Subdiaconus vero ante oculos eius teneat Euangelium: qui etiam stipatus sit duobus acolythis, aut pluribus cum candelabris & turibulis. Interim sane præparet se schola, & cantor eorum medius annuente Episcopo inchoat Antiphonam. Resurrexi. Psal. Domine probasti me. Properante Episcopo ad templi vestibulum, & ad ostium secretarij, osculetur Euangelium: & postea cum omni diligentia incedant. Finitoque introitu ingrediatur medius Pontifex cum Collegio processionis. Eo autem adstante & orante dicat hanc orationem.

Suscipe confessionem meam, vnica spes salutis meæ Domine Deus meus: quia gulâ, ebrietate fornicatione libidine, acediâ, somnolentia, negligentia, ira, cupiditate, inuidiâ, malitiâ, odio, detractatione, periurio, falsitate mendacio, vanâ gloriâ, leuitate, ac superbiâ perditus sum: & omnino cogitatione, locutione, actione, atque omnibus sensibus extinctus. qui iustificas impios & viuificas mortuos, viuifica me, resuscita me, & miserere mei, Deus meus.

Annuente Episcopo incipiatur Psalmus à cantore, cum introitu reciprocanse. Interim quoque osculetur omnes sibi circumdatos incipiens sinistrè, alternatimque veniens dextrè.

Hoc autem expleto, Episcopus signo, digiti sui, * inchoet Cantor, Gloria Patri. Et properet Episcopus

ad altare stipantibus ministris. dicat hanc orationem.

Indignum me, Domine, sacris tuis esse fateor, qui innumeris quotidie peccatis fuscior. Quid ego blandiste, Domine, verbis rogare præsumo, quem improbis sæpissime factis offendo? Tu enim.

Domine, mihi medicinam ingeris ægro, legem tuam, Domine, sacris paginis inditam lego: sanam verò disciplinam infelix negligo. Ad tuum quidem altare quasi deuotus accedo: Sed à præceptis tuis contumaci corde recedo. Da ergo mihi, Domine, quæso, cor compunctum, quod veraciter odio habeat peccatum. Meum est, si donaueris, delicta deflere, tuum est ea ut niuem citò delere. Et licet palmam amiserim inimico fraudante, ad veniam saltem perueniam te miserante. Tibi Deo est honor, regnum regi cunctorum cuncta regnanti in sæcula sæculorum. Amen.

Mora quidem orationis factâ, sicut ordinati sunt, alter alterutrum Presbyteri & Diaconi osculentur altaris cornua: Et ultimus Episcopus ministrantibus illis osculetur Euangelium ab ipsis eleuatum & apertum, à Subdiacono scilicet in altaris medio positum. Et tunc canatur, Kyrie eleison. Et ipsis ducentibus perueniat Episcopus ad solium. Et tunc incipiat, Gloria in excelsis Deo. Post hac autem canatur Missa secundum sui usum. Et annunciat Episcopus, Pax

vobis. Resp. Et cum Spiritu tuo.

O R A T I O.

DEVS, qui hodierna die per
vni genitum tuum, &c.

*Exinde procedat Subdiaconus in
ambonem, & legat Epistolam. Ex-
purgate. Resp. Hæc dies, Alleluia.
Pascha nostrum.*

*Incedat siquidem Diaconus cum
thuribulo, aliusque minister cum thu-
re genuflectentes ad genua sedentis
Episcopi: & mittat incensum, fu-
mum suavis odoris & dicat.*

Mitto incensum in odorem suavi-
tatis, in nomine sanctæ & indi-
uiduæ Trinitatis.

*Et diaconus postulans inclinato ca-
pite benedictionem, & dicat. Iube,
Domine, benedicere. Respondet
Episcopus. Dominus sit in corde
tuo, & in ore ad proferendam
Euangelij Lectionem.*

*Accipiens ipse Euangelium & deos-
culetur eum & altare. Et ascendat in
ambonem * ad nuntiandi verba eter-
næ felicitatis. Legatur Euangelium.
Maria Magdalænæ. Finito Euange-
lio portetur Euangelium à subdiaco-
no, ut osculetur Episcopus & omnes
post illum. Et dicat Episcopus, Do-
minus vobiscum. Resp. Et cum Spi-
ritu tuo. Oremus. Tunc incipiat of-
fertorium. Terra tremuit,*

*Eo autem finito, & oblatione re-
ceptâ, cum omni processione reuertat-
ur ad solium: & exuat manicas, la-
uetque manus, & sic ingrediatur*

*propitiatorium, & omnis processio of-
ferat sibi oblationem, & ad ultimum
incensum, & dicat has orationes dum
incensatur.*

Domine Deus noster, supplici
deuotione deposcimus, ut sicut
suscepisti munera Abel, Noë, Aa-
ron, Zachariæ, & Samuel, & om-
nium Sanctorum tuorum, sic ma-
nu nostra peccatrice suscipere di-
gneris incensum istud in odorem
suauitatis, & remissionem om-
nium peccatorum nostrorum. Per
Dominum.

A L I A.

Placetur, Domine, hoc thymia-
mate furor tuus contra me, & con-
tra locum istum, & contra popu-
lum istum; & præsta propitius, ut
fumus boni odoris tibi simus
ad capiendam vitam æternam.
Per.

*Postea verò ordinent se more Eccle-
siastico. Hoc est, Diaconi ante altare,
Subdiaconi retro, Episcopus in medio,
quia in ore duorum vel trium stat
omne verbum, inclinantes capita
quo usque dicat. Per omnia sæcula
sæculorum. Resp. Amen. Et dicat
hanc orationem super oblata. Susci-
pe, quæsumus Domine preces po-
puli tui cum oblationibus hostia-
rum. Require retro in Sabbatho sancto.
Tunc verò post hanc erigunt se: Et
Acolythi ministrent aquam ad ma-
nus Diaconum, & manutergium. Et
dicat Pontifex alta voce. Per omnia*

saecula saeculorum. *Resp.* Amen.
 Sursum corda. *Resp.* Habemus ad
 Dominum. Gratias agamus Do-
 mino Deo nostro. *Resp.* Dignum
 & iustum est.

PRÆFATIO.

Verè dignum & iustum est, æquū
 & salutare. Te quidem omni tem-
 pore, vt supra.

*Dum dicatur, Sanctus, inclinant
 se omnes, & Episcopus dicat hanc
 orationem interim.*

DEus, qui non mortē, sed pœ-
 nitentiā desideras peccatorū,
 me miserū fragilemque peccatorē
 à tua non repellas pietate: neque
 aspicias ad peccata, & ad scelera
 mea, & immundas turpesque co-
 gitaciones meas, quibus flebiliter
 à tua disiungor voluntate: sed ad
 misericordiam tuam, & ad fidem
 deuotionemque eorum, qui per
 me peccatorem tuam expetunt
 misericordiam. Et quia me indi-
 gnum medium inter te & popu-
 lum tuum fieri voluisti, fac me di-
 gnum talem, vt possim tuam exo-
 rare misericordiam pro me, & pro
 eodem populo tuo. Et adiunge vo-
 ces nostras vocibus Sanctorum,
 Angelorūque tuorū: vt sicut illi te
 laudant incessanter & infatigabi-
 liter in æternā beatitudine: ita nos
 quoque eorum interuentu merca-
 mur laudare te inculpabiliter in
 hac peregrinatione. Per Dominū
 Te igitur clementissime Pater.

Communicantes, & memoriam
 venerantes, vt supra.

Hanc igitur oblationem serui-
 tutis nostræ, vt supra.

*Antequam dicatur, per quem
 hæc omnia. Benedictio carnis.*

Deus vniuersæ carnis, qui Noë,
 & filijs eius, &c.

Per quem hæc omnia, Domine,
 semper bona creas, sanctificas, vi-
 uificas.

*Acolythus verò cum patena stet retro
 Diaconos inclinās se cum diaconibus,
 vsque dicat Episcopus, Nobis quoque
 peccatoribus Diaconus igitur qui
 Euangelium legit, inde precauens quod
 super calicem Episcopus faciat signū
 crucis, & praueniāt sibi subleuans
 calicem in conspectu Domini: & re-
 uertatur ad locum suum citò. Siqui-
 dem subdiaconi à retro altari. ubi
 memoriam vel nomina viuorum &
 mortuorum nominauerunt, vel reci-
 tauerunt, procedunt post Diaconum
 inclinantes capita. Dominica oratio-
 ne finitā accipiat subdiaconus pate-
 nam de manu Acolythi, & det Diacono,
 & ille deferat Episcopo: & post hæc
 stabiliantur in loco quo erant, ante-
 quam legeretur Euangelium, quorū-
 que benedictio & pacis osculum fue-
 rint finita. Deinde dum dicat Episco-
 pus. Per omnia saecula saeculorum.
Resp. Amen. Post Dominicam ora-
 tionem dum finierint. Libera nos à
 malo. Annuente Episcopo dicat dia-
 conus. Humiliate vos ad benedi-
 ctionē. Et populus. *Resp.* Deo gratias.
 Et Episcopus dicat hanc benedictionē.
 Benedicat*

Benedicat vos omnipotens Deus hodierna interueniente Paschali solemnitatem, &c.

Et inde accipiens partem corporis Domini & dicat, Pax Domini sit semper vobiscum. Resp. Et cum spiritu tuo. Et annuente Episcopo dicat Cantor. Agnus Dei, qui tollis peccata mundi. Interim osculetur Archidiaconum & ceteros. Inde vertens se ad altare dicat hanc orationem. Dominus vobiscum. Resp. Et cum spiritu tuo.

Hæc sacra sancta commixtio corporis & sanguinis Domini nostri Iesu Christi fiat omnibus sumentibus salus mentis & corporis: & ad vitam capiendam æternam præparatio salutaris. Per Dominum.

Dum frangitur Corpus.

EMittere digneris, Domine sanctum Angelum tuum ad sacrum & immortale mysterium scilicet Corpus & sanguinem tuum, nos enim frangimus, Domine, illud: tu dignare benedicere, & præsta, vt immaculatis sensibus, & manibus illud tractare valeamus, & dignè sumere. Per Dominum nostrum. Emitte Angelum tuum, Domine vt dignetur.

Post hæc itaque communicent se omnes singillatim, Episcopus quoque; eoque communicato dicat orationes hæc.

Perceptio corporis & sanguinis tui, Domine, quam ego indignus sumere præsumo

non mihi veniat ad iudicium & condemnationem, sed pro tuâ pietate profit mihi ad tutamentum mentis & corporis, qui cum Patre in vnitatem.

A L I A.

Domine Iesu Christe fili Dei viui, qui ex voluntate Patris cooperante Spiritu sancto per mortem tuam mundum viuificasti, libera me per hoc sacrum corpus & sanguinem tuum à cunctis iniquitatibus, & vniuersis malis meis, & fac me tuis obedire præceptis, & à te nunquam in perpetuum separari. Qui cum Patre.

A L I A.

Domine sancte Pater omnipotens æterne Deus, da mihi hoc corpus & sanguinem Domini nostri Iesu Christi ita sumere, vt merear per hoc remissionem omnium peccatorum meorum accipere, & tuo sancto Spiritu repleri: quia tu es benedictus, & præter te non est alius, cuius regnum gloriosum permanet in sæcula sæculorum. Amen.

Et Episcopus communicet Presbyteros & Diaconos cū osculo pacis, sicco tamen sacrificio: & subdiaconos, mixto sacrificio. Et Diaconi & Presbyteri summatim gustent cum calice tenente subdiacono, de ipso sanguine. Interim Cantor incipiat annuente Episcopo. COM. Pascha nostrum. Ps. Domine probasti me, cum Gloria. Hoc autem expleto, sedeat Episcopus in

L I

solio, & Lotis manibus tertio, reuer-
tatur ad altare. Et dicat collectam.

O R E M V S.

A D C O M P L E N D V M.

Spiritum nobis Domine. *Postea*
dicat Episcopus conuertens ad popu-
lum. Dominus vobiscum. Resp. Et
cum spiritu tuo. Annuente Episcopo
dicat Diaconus. Ite Missa est. Resp.
Ipse autem Episcopus deosculatur al-
tare, cum silentio dicit hanc oratio-
nem.

PLaceat tibi sancta Trinitas.
Ad S. Ioan. ad Vesp. concede
quæsumus omnipotens Deus. Ad
fontes. Præsta quæsumus omnipo-
tens Deus. Ad S. Andreæ. Præsta
quæsumus omnipotens Deus, vt
qui gratiam. Hactenus Missa Pas-
chalis.



ALIA MISSA VETVS EX CODICE

T I L I A N O.



IN CIPIT Ordo Ponti-
ficus, quando preparat se
ad Missam. Quando
lauat manus, dicat hanc
orationem.

LArgire sensibus nostris, om-
nipotens Pater: vt sicut exte-
rius abluuntur inquinamenta ma-
nuum: sic te à mudentur interius
pollutiones mentium, & crescat
in nobis sanctarum augmentum
virtutum. Per.

Postea se incipit sandalia Episco-
pus calciare, & dicit orationem hanc.

CAlcia Domine, pedes meos in
præparatione Euangelij pa-
cis, & protege in velamento ala-
rum tuarum.

Deinde cantet cum circumstanti-
bushos Psalmos.

QVam dilecta. Benedixisti, Do-
mine. Inclina Domine, *cum*
precibus. Exurge, Domine. Fiat
miseriordia tua, Domine. Deus
tu conuersus. Ostende nobis, Do-
mine. Ne intres in iudicium.
Propitius esto peccatis nostris. Do-
mine exaudi orationem.

Aures tuæ pietatis, mitissime
Deus, inclina precibus meis, &
gratia S. Spiritus illumina cor meum,
vt tuis ministeriis digne mini-
strare valeam, ac te æternâ cari-
tate diligere merear. Per.

Oratio sacerdotis ad Missam præ-
parandi.

OBumbra, Domine, caput meum
vmbraculo sanctæ fidei: & ex-
pelle à me nubila ignorantiae,
Amen.

Ad Albam.

INdue me, Domine, vestimento salutis, & circumda me loricâ fortitudinis. Amen.

Ad zonam.

Domine accinge in me custodiam mentis meę, nec ipsa mēs inflectatur spiritu elationis. Amen.

Ad stolam.

STola iustitię circunda, Domine, ceruicem meam: & ab omni corruptione peccati purifica mentem meam. Amen.

Ad Casulam.

INdue me, Domine, ornamento caritatis & pacis: vt vndique munus virtutibus possim resistere vitis, & hostibus mentis & corporis.

Postquam ad manipulum.

DA mihi, Domine sensum rectum, & vocem puram, vt implere possim laudem tuam.

*Postquam intrat in Ecclesiam, osculetur duos Presbyteros, & duos Diaconos, incipiens per se. Introibo ad altare Dei, cum Psalmo, Iudica me Deus. Interim dum cantetur versus ad Introitum dicit has orationes. Aufer à nobis iniquitates nostras, vt ad sancta sanctorum puris mentibus * introire.*

Alia Oratio.

OMnipotens Deus, qui me peccatorem sacris altaribus astare voluisti, & sancti nominis tui laudare potentiam: concede, quęsumus per huius sacramenti mysterium, meorum veniam pec-

catorum, vt tuę Maiestati digne ministrare merear. Per.

Deinde cum osculabitur, dicat.

Pax Christi quam nobis per Euangelium suum tradidit confirmet, & conseruet corda nostra & corpora in vitam æternā. Amē.

Confessio sacerdotis ante altare.

SVscipe confessionem meam vnica spes salutis meę, Domine, Deus meus. Gulâ, ebrietate, fornicatione, libidine, tristitiâ, acediâ, somnolentiâ, irâ, cupiditate, inuidiâ, malitiâ, odio, detractiōe, periurio, falsitate, mendacio, vanâ gloriâ, leuitate, ac superbiâ perditus sum, & omni cogitatione, locutione, actione, atque omnibus malis extinctus sum: sed tu, qui iustificas impios, & viuificas mortuos, viuifica me & resuscita me, Deus meus.

Oratio sacerdotis ante altare priusquam Missam incipiat.

DEus propitius esto mihi peccatori: quia tu es Deus immortalis, & sine peccato solus. Domine Deus meus indigno mihi famulo tuo indulge: quia peccator sum & indignus, qui pręsumo ad sanctum altare tuum accedere, & inuocare te: qui peccaui coram te, & coram Angelis tuis: sed tribue indulgentiam delictorū meorum, & confirma me in sancta Ecclesia tua, in fide orthodoxorū, & doce me facere voluntatē tuā omnibus diebus vitę meę, Qui viuīs.

Item oratio interim dum gloria in excelsis Deo cantatur.

Domine, Iesu Christe Redemptor mundi propitius esto mihi peccatori, omnibus modis in peccato iacenti, quia tu solus Domine Deus noster immortalis es, & sine peccato, indulge mihi miserrimo præsumenti accedere ad sanctum altare tuum & inuocare te: quia peccaui ab infantia meâ, usque nunc coram te, & coram omnibus sanctis tuis: sed per illorum intercessionem tribue mihi diuinâ clementiâ veniam peccatorum meorum, & doce me facere voluntatem tuam omnibus diebus vitæ meæ, Qui viuis & regnas.

Post collectam usque ad Euangelium prout sibi videatur, dicit has orationes.

Deus, qui de indignis dignos facis, de peccatoribus iustos de immundis mundos, munda corpus meum, & cor meum ab omni contagione & sorde peccati, & fac me dignum sanctis altaribus tuis ministrum & concede propitius, ut in hoc altari, ad quod indignus accedo, hostias placabiles offeram pietati tuæ pro peccatis & offensionibus meis, & innumeris cotidianisque excessibus, & grege mihi commisso, & famulo tuo N.* con coniugēque, ac populo sibi subiecto, & omnibus circumadstantibus, omnibusque mihi familiaritate coniunctis, atque omnibus me odio execrabili insectantibus, &

Ecclesiæ tuæ commissæ aduersantibus, cunctis fidelibus simul Christianis. Et per eum sit tibi meum votum, atque sacrificium acceptabile, qui se tibi Deo Patri obtulit in sacrificium Iesus Christus Dominus noster.

Ignosce, Domine, quod te rogare compellor, dū per immunda labia mea nomen sanctum tuū assumo: ut cum pudendorum actuum meorum secreta cōfiteor. Non habeo apud te verba sine crimine. Tu enim conscientiam meam vulnera, tu cogitationum mearum occulta nosti, & immunditiam meam tu solus agnoscis. Miserere mihi, Domine, miserere mihi: Ignosce mysterii tui secreta tractanti: nec indignum misericordiâ tuâ iudices, quem pro aliis rogare permittis: & in quo testimonium boni operis non agnoscis, officium saltim dispensationis creditæ non recuses, Saluator mundi, Qui viuis.

Cum incensum, antequam legatur Euangelium, mittit in thuribulum, dicat.

Odore coelestis inspirationis suæ accendat, & impleat Dominus corda nostra ad audienda & implenda Euangelii sui præcepta. Qui viuis.

Deinde inclinanti Diacono dicat Sacerdos.

Dominus in corde tuo, & in labiis tuis, ut annuncies competenter Euangelium pacis:

Perlecto autem Euangelio, afferatur ad salutandum Episcopo, & dicat.

Per istos sermones sancti Euangelii Filii tui Domini nostri Iesu Christi indulgeat Dominus peccata nostra.

Cum autem ornatum fuerit altare, antequam suscipiat præsul oblationes Presbyterorum, & Diaconorum, dum canuntur offertoria, ascendat ad altare, & humillime dicat hanc orationem.

ANte oculos tuos Domine, reus, conscientiae testis assisto. Rogare non audeo, quod impetrare non mereor. Tu enim scis, Domine, quae aguntur in nobis. Erubescimus confiteri, quod non timemus admittere. Verbis tibi tantum obsequimur, corde mentimur: & quod velle nos dicimus, nolle nostris actibus approbamus. Sed parce, Domine confitentibus, ignosce peccantibus, miserere te rogantibus. Et quia meus sensus in sacramentis tuis infirmus est, & apud te peccatores non habent verba sine crimine: praesta, Domine, ut si ex nobis indignis & peccatoribus duris cordis verba non suscipis, per te ipsum nobis veniam largiaris. Qui uiuis & regnas Deus & semper, & in aeterna saecula saeculorum.

Tunc conuertat se ad suscipiendas oblationes offerentium Presbyterorum vel Diaconorum, & dicat unusquisque hanc orationem.

Tibi Domino Deo Creatori meo hostiam offero pro remissione omnium peccatorum, & cunctorum fidelium tuorum.

Cum Diaconus libamen calicis accipit, dicat.

Acceptum sit omnipotenti Deo sacrificium istud.

Tunc redeat Sacerdos ad altare, & coram altari, antequam secretam dicat, aecuset se prius flebiliter, & dicat hanc orationem.

ANte conspectum diuinæ maiestatis tuæ reus assisto, qui inuocare nomen sanctum tuum praesumo. Miserere mihi, Domine, homini peccatori, ignosce indigno sacerdoti, per cuius manus hæc oblatio videtur offerri, parce labe peccatorum præ cæteris capitaliū polluto. Et ne intres in iudiciū cum seruo tuo scilicet vitiis ac voluptatibus carnis aggrauato. Recordare, Domine, quod caro sum. In tuo conspectu etiam cœli non sunt mundi, quantò magis nos homines mortales. Indignus sum, ut sim viuens. Tu qui non vis mortem peccatoris, da mihi veniam in carne constituto, ut per poenitentiae labores vitam æternam perfruar in cœlis per te, Iesu Christe.

Tunc puro corde offerat Domino oblatas altari superpositas dicens.

SVscipe, sancta Trinitas hanc oblationem, quam tibi offero pro me peccatore, & nostræ congregationis salute, & pro omni populo Christiano, & pro omnibus

eleemosynas nobis facientibus, & pro his etiam qui se commendaerunt in nostras orationes; & qui nostri memoriam in suis orationibus habent, ut hinc veniam recipiamus peccatorum, ut in futuro præmia consequi mereamur æterna. Amen.

Suscipe, sancta Trinitas, hanc oblationem, quam offero imprimis, ut iustum est in memoriam incarnationis, natiuitatis, passionis, resurrectionis, ascensionisque Domini nostri Iesu Christi, & in honorem omnium sanctorum tuorum, qui tibi placuerunt ab initio mundi, & quorum nomina, & reliquæ hinc continentur, & eorum, quorum festiuitas celebratur in terris, ut illis proficiat ad honorem, nobis autem ad salutem, ut illi omnes intercedere dignentur in coelis, quorum memoriam facimus in terris.

Suscipe, sancta Trinitas, hanc oblationem, quam tibi offero pro animâ famuli tui, quatenus te donante, perceptâ veniâ peccatorum, vitæ quoque sempiternæ immensa gaudia percipere mereatur.

Suscipe, sancta Trinitas, hanc oblationem, quam tibi offero pro animabus famulorum tuorum, & famularum, ut per hoc salutare sacrificium purgatæ, Sanctorum tuorum confortio mereatur adiungi.

Tunc Diaconus calicem offerat Sacerdoti super altare, & dicat.

Immola Deo sacrificium laudis, & redde Altissimo vota tua. Sit Dominus adiutor tuus, mundum te faciat, dum oraueris ad eum, exaudiat te.

Et Episcopus calicem offerens Domino dicat.

Domine Iesu Christe, qui in cruce passionis tuæ de latere tuo sanguinem & aquam, unde tibi Ecclesiam consecrares, manare voluisti, suscipe hoc sacrificium altari tuo superpositum; & concede, clementissime, ut pro redemptione nostrâ, & etiam pro totius mundi in conspectu diuinæ Maiestatis tuæ cum odore suauitatis tuæ ascendat, Iesu Christe.

Ad miscendum vinum cum aquâ.

Deus, qui humanæ substantiæ dignitatem mirabiliter condidisti, & mirabilius reformasti, da nobis, quæsumus, per huius aquæ & vini mysterium, eius diuinitatis esse consortes, qui humanitatis nostræ dignatus es fieri particeps Iesu Christe.

Tunc eleuata manu benedicat utrumque.

In nomine Domini nostri Iesu Christi sit sacrificium istud immaculatum, & à te Deo viuo & vero adunatum & benedictum.

Postea incensum accipiens ponat in thuribulum, dicens.

Per intercessionem sancti Gabrielis Archangeli stantis à dextris altaris incensi, & omnium electorum suorum, incensum istud

Dominus dignetur benedicere, & in odorem suauitatis accipere.

Tunc ponat incensum super sacrificium, & in circuitu altaris dicat.

Incensum istud à te benedictum ascendat ad te, Domine, & descendat super nos misericordia tua. Dirigatur oratio mea sicut incensum in conspectu tuo.

Quando odor eius sacrum incensi Episcopo vel ceteris porrigitur, unusquisque dicat.

Accendat in nobis Dominus ignem sui amoris, & flammam æternæ caritatis.

Tunc Sacerdos humillimè conuertat se ad circumstantes, & dicat.

Orate pro me misero peccatore ad Dominum nostrum Iesum Christum, ut meum sacrificiū vestrum sit acceptabile, in conspectu diuinæ pietatis.

Tunc dicatur à singulis.

Orent pro te omnes Sancti Dei. Memor sit Dominus omnis sacrificij tui, & holocaustum tuum pingue fiat. Exaudiat te Dominus pro nobis orantem. Misereatur tui omnipotens Deus, & dimittat tibi omnia peccata tua.

Postquam Sacerdos, Te igitur, Incipit, Diaconi & Subdiaconi cantent istos Psalmos.

Exaudiat te Dominus. Ad te, Domine, leuavi. Miserere mei Deus. Qui habitat. *Cum precibus.* Saluum fac seruum tuum. Desiderium cordis. Vitam petiit à te.

Oculi Domini super iustos. Fiat misericordia. Domine exaudi orationem. *Oratio pro Sacerdote.* Gaudet, Domine Deus, famulus tuus beneficiis impetratis: & cui fiduciam sperandæ pietatis tribuisti, optatæ misericordiæ præsta benignus effectum. *Item pro omnibus oratio.* Precibus nostris, quæsumus, Dñe, aures tuæ pietatis accommoda, & orationes supplicum, occultorum cognitor, benignus exaudi: ut te largiente ad veniam perueniamus æternam.

Expleta secreta, & oratione Dominica, cum dixerit, Pax Domini sit semper vobiscum, Misceatur Corpus Domini cum Sanguine.

Hæc sancta commixtio corporis & sanguinis Domini nostri Iesu Christi fiat omnibus nobis mentis & corporis ad æternam vitam capescendam præparatio salutaris. Per.

Postquam autem benedictio Episcopalis expleta est, accipiens partem quam antea affregit, terensque super calicem frangat & dicat.

Sancti sanguinis commixtio cū sancto corpore Domini nostri Iesu Christi pro sit omnibus fumentibus ad vitam æternam.

Quando corpus Domini in manus accipit dicat. Panem coelestem accipiam, & nomen Domini inuocabo.

Ad sumendum corpus Dominicum. Perceptio corporis tui Domine Iesu Christe, quod indignus sume-

re præsumo, non mihi proueniat in iudicium, & condemnationem, sed per tuam pietatem profit mihi ad tutamentum mentis & corporis. Qui uiuis.

Quando calicem accipit, dicat.

Quid retribuam Domino, &c. *Vt in Miss. Rom.*

Post sumptum, secretè.

Communicatio & confirmatio sancti sanguinis tui, Domine Iesu Christe, profit mihi in remissionem omnium peccatorum, & conseruet me in vitam æternam.

Domine Iesu Christe Fili Dei uiui, qui ex voluntate Patris cooperante * Sanctorum per mortem tuam mundum uiuificasti, libera me per hoc sacrum corpus, & sanguinem tuum, quatenus non sit mihi ad iudicium, neque ad condemnationem, sed ad remedium proficiat animæ meæ: & à cunctis iniquitatibus meis libera me Deus, & fac me tuis obedire mandatis, & à te, & à Sanctis tuis nunquam in perpetuum separari. Qui uiuis.

Domine sancte Pater omnipotens æterne Deus, da mihi hoc corpus & sanguinem Filij tui Domini nostri Iesu Christi ita sumere; ut merear per hoc remissionem peccatorum accipere, & tuo sancto Spiritu replei: quia tu es, & præter te non est alius, cuius gloriosum nomen permanet in sæcula sæculorum. Amen.

Deinde cum cæperit communicare clerum siue populum, dicat singulis.

Perceptio corporis Domini nostri sit tibi vita & salus, & redemptio omnium tuorum peccatorum.

Oratio sancti Gregorij Papa.

Corpus Domini nostri Iesu Christi profit mihi in remissionem omnium peccatorum ad vitam æternam.

Finita Missa postquam Diaconus dicit, Ite Missa est, veniat Sacerdos ante altare, & osculato dicat.

Placeat tibi sancta Trinitas obsequium seruitutis meæ & præsta ut hoc sacrificium quod oculis tuæ maiestatis indignus obtuli, sit tibi placens: mihi que & omnibus, pro quibus illud obtuli, sit te miserante propitiabile. Qui uiuis.

Alia Oratio.

Meritis & intercessionibus omnium Sanctorum suorum misereatur nobis omnipotens Dominus.

Expletis omnibus Episcopus rediens ad sacrarium cum Diaconibus & ceteris cantet Hymnum trium puerorum, & Laudate Dominum in sanctis eius. Postea preces. Confiteantur, Domine, omnia opera tua, & Sancti tui.

Exultabunt iusti. Exultent iusti. Non nobis, Domine, non nobis. Sacerdotes induam. Ne intres in. Domine Deus virtutum, Benedicat nos Deus, Deus. Domine exaudi.

Deinde Oratio. Deus, qui tribus pueris mitigasti flammam ignium, concede propitius per interuentum eorum, & omnium Sanctorum, ut nos famulos tuos non exurat flamma vitiorum. Per.

RITVS

RITVS ANTIQVVS CELE- brandæ Missæ.

Ex antiquo Codice manuscripto Prioratus Salicosani apud Ve-
locasses Ordinis Sancti Augustini Canoniconum
non longè à Vernone.

*Cuius Codicis initium est. Domino verè sancto & meritis hono-
rando, MAVRILIO venerabili S. Rotomagensis Ecclesiæ
Archiepiscopo, IOANNES Abrincacensis omnium
Episcoporum meritis infimus, corpore & spiritu
totius obedientiæ munus, &c.*



ISSA diei hoc ordine cele-
bretur. In pri-
mis in feriali-
bus diebus due
campanæ pul-
sentur, in festis
omnes. Ad GLORIA PATRI.
Choro Introitum à B. Cælestino
institutum canente, Sacerdos in
vestiario, cæterique ministri san-
ctis vestibus iuxta ordinem induân-
tur, scilicet Alba, Stola & Dalma-
tica Diaconus: Alba & Tunica &
Manipulo Subdiaconus, reliqui
tantum Albis, scilicet duo Acoly-
thi, vnus qui cantet Graduale, &
deferat candelabrum, alter qui
ALLEVIA, & ferat thuribulum.
Psalmo dicto, incipiente Choro
GLORIA PATRI, Sacerdos cæ-
terique ministri sic ad altare pro-
cedent. Diaconus præcedat Pres-
byterum, Subdiaconus præcedens
Diaconum ferat Euangeliū, Ce-
roferarius cum cereo præcedat
Subdiaconum, portitor thuribuli
ceroferarium. Dum ergo ante al-
tare venerint, Subdiaconus Euan-
gelium ponat super dextrum cor-
nu altaris, vbi vsque ad Euangeliū
manebit. Per altare Ierusalem
designatur, in qua ab initio aduen-
tus Domini Euangelica doctrina
retonuit, & inde vsque ad publicū
exiuit, vt scriptum est. *De Sion exhibit
lex, & Verbum Domini de Ierusalem.*
Postea Subdiaconus ad sinistram
Sacerdotis trāseat, Diaconus ad
dextram: vbi confessione inuicem
facta, Diaconum & Subdiaconum
oseuletur Sacerdos. Primū enim

Christus pacem Apostolis dedit, per eos Orbi transmisit. Post quæ Sacerdos, cæteri que ministri retro coram altari breuiter orent, stantes ordine suo: deinde primum ab oratione surgens inclinanti sibi inclinet Diacono, Diaconus inclinanti Subdiacono, Subdiaconus inclinanti sibi Choro. Diaconus verò post inclinationem utraque altaris cornua deosculans Sacerdoti medium altaris osculanti Euangelium osculandum offerat. Euangelio enim Christus præuaricationis Chirographum delens, pacem mundo dedit, cuius præconibus utrumque populum Iudaicum quippe & Gentilem sibi reconciliauit. Quòd altare Sacerdos osculatur, significat gentem Iudæam in Ierusalē morantē, quā Christus sibi reconciliauit, per Euangelium Gentilem populum. Dehinc pergit Sacerdos ad dextrum cornu altaris: dexteram enim Christus semper egit vitam: dextera enim vita acquiritur cælestis gloria. Diaconus post eum eandem imitando vitam consistat, quousque ei sedere innuat. Sessio Episcopi iuxta decreta Urbani Papæ & Carthaginense Concilium cæteris celsior debet fieri, in qua cathedra Pontificalis honorificè constituitur, &c. Ceroferarij verò usque ad Kyrie eleison ab Austro ad Aquilonem candelabra teneant: quo incepto ibidem dimittant. Per Austrum qui est ventus calidus, Spiritus sancti feruor designatur, qui veri Solis ortu ab Oriēte, ad Occidentem mundum illuminando diffunditur. Vnus verò tertius in medio ponatur, per quem ubi duo vel tres congregati fuerint in nomine Domini, Dominum adesse designatur. Per hoc quod incepto *Kyrie* cerei deponuntur, nos dum Dominum exoramus, cōtrito corde humiliari oportere demonstratur. Salutante Presbytero populum, iterum ibidem teneant. Oratione finitā ab Oriente ad Occidentē collocent. Duobus enim testamentis illuminantur quatuor partes mundi. Septem candelabra in Festis significant septem dona Spiritus sancti. Incipiente Subdiacono Epistolam, Sacerdos iuxta altare sedeat, & Diacono in loco suo sedere innuat; Subdiaconus verò excepto tempore ministrationis suæ in choro maneat. Propinquante Euangelij termino Sacerdos thymiama in thuribulo ponat, quo incensato altari ante Euangelium deferatur. Per thuribulum quod fragrantiam odoris emittit, fama bonorum operum quæ Christi doctrinam præcessit. Diaconus benedictione à sacerdote accepta ab altari Euangelium accipiens super sinistrum armum imponat. Per sinistrum enim armum vita temporalis designatur, in qua oportet Euangelium prædicari. Et Subdiaconus ante eum puluinar deferat. Per puluinar

quod præcedit, lex figuratur quæ
Euangelium præcessit: per plumas
quæ intus occultantur, myſteria
quæ in lege continebantur: per le-
uitatem plumæ præcepta veteris le-
gis leuia ad comparationem nouæ:
in illa enim dicitur, *Non occides.*
In noua verò, *qui irascitur fratri suo,*
reus erit iudicio. Sicque præce-
dentibus Ceroferario, thuribulū
quæ latore cum Processione ad pul-
pitum pergat, & supposito Euange-
lio ac incensato versus ad Aquilo-
nem Euangelium legat: per Aqui-
lonem enim infidelitas Gentium
designatur, quibus Euangelium ab
Apostolis igne Spiritus sancti ac-
censis prædicatur. Quo lecto can-
delabra extinguantur. Immola-
tione enim veri Agni, typici cessa-
uit immolatio, & cætera myſteria
quæ in lege continebantur & Pro-
phetis per candelabra designatis.
Incensum Sacerdoti in thuribulo
offeratur, & Euangelium primū
à Subdiacono sibi porrectum oscu-
letur, quod post à Diacono oscule-
tur. Et in festiuis diebus à Subdia-
cono omni clero, incenso præce-
dente, præsentetur. Euangelio le-
cto populus à Sacerdote salutetur:
offerenda incipiatur, quam fini-
tam versus sequatur. Interim verò
panis & vini oblatio à Subdiacono
Diacono, à Diacono offeratur
Presbytero. Cantor aquam linteo
coopertam in festis Diacono de-
ferat, quā Diaconus vino misceat.
Dulci enim Cantoris modulatio-

ne, populus piā deuotione & diui-
no amore accenditur, & sic ad Do-
minum currit, & vnum corpus in
Christo officitur. Per vinum Chri-
stus, per aquam populus, per lin-
team cooperturam aque labor mo-
dulationis Cantoris, quo libera-
tur populus à cogitationum prauis-
tate: lino enim labor exprimitur.
Aqua mixta vino, populus aduna-
tur Christo. Aliis diebus ministret
eam Acolythus. Sacerdos obla-
tionem ita componat, vt in dexte-
ra parte hostiæ calicem constituat:
à dextro enim latere Domini san-
guis defluxit & aqua. Sicque cor-
porali cooperta incensum desuper
offerat, & sic Diacono præbeat.
Diaconus verò in circuitu altaris
deferat, postea sacerdoti, deinde
ministro reddat, vt clero populū-
que deferat. Præterea accipiens
patenam de Altari Subdiacono
porrigat, subdiaconus verò si fue-
rit, Acolytho. Non licet enim
quidquam sacri ab altari auferre
alicui nisi Diacono vel Sacerdoti.
Tunc coram altari oret inclinatus
Sacerdos solus, postulando vt di-
gnus possit accedere ad altare &
insistere cultibus diuinis. Cæteri
verò ministri stent in oratione in
ordine suo. Post quæ versus ad po-
pulum orare moneat, conuersus-
que ad altare secretam Orationem
dicat: qua completa *Verè dignum*
deuota mente dulcique voce pro-
ferat, in cuius fine Hymnum San-
ctus, Sanctus, Sanctus, à B. Sixto in-

stitutum Chorus respondeat. Diaconus & ministri ad *Te igitur* perseuerent retrò sacerdotem vsque *Sed libera nos* inclinati. Domino enim patienti moerore & timore sui compatiebantur Apostoli. Per inclinationem Diaconorum significatur moestitia Apostolorum: per Subdiaconorum, sanctarum mulierum. Subdiaconi verò similiter inclinati sint in aspectu Sacerdotis, per quos exprimuntur sanctæ mulieres, quæ patiente Domino, fugientibus discipulis, licet timore & moerore percussis in his quæ de eo fiebant, erant intendentes: sed Domino de cruce deposito ac sepulto, inde recesserunt, & aromata sepulturæ parauerunt: ita Subdiaconi ab eo loco discedant, & Corpori ac Sanguini Christi ministrare satagant, offerentes paternam per manum Diaconi Sacerdoti ad frangendum in ea Corpus Domini, &c. Vbi ergo ad hæc verba venerit, scilicet, *Per quem hæc omnia Domine semper bona*, tunc Diaconus accedat, & dextera manu dextrum cornu corporalis accipiat, cum Sacerdote discooperiat. Sacerdos *Per ipsum* dicendo, oblata quatuor partes calicis tangat. Immolatione enim Corporis Christi redempta sunt quatuor climata mundi. Item oratione finita vterque calicem leuent, & sicul ponant, & cooperiant. Inde altare Diaconus osculetur, deinde dextram Sacerdotis scapulam, Per scapulam Sacerdotis lapis designatur, in quo Angelus ad sepulchrū resedit. Semper enim Angelus credendus est adesse immolationi Corporis Christi. Per Diaconum Ioseph exprimitur, per Sacerdotē Nicodemus, per eleuationem de altari hostiæ depositio Christi de cruce, per depositionem iterum in altari sepultura Christi. Post quæ Sacerdos Orationem Dominicam alta voce proferat. Per exaltationē Dñicæ Orationis demonstratur nostræ vnitas fraternitatis. Deus enim Pater noster pacis & cōcordiæ Magister, sic nos vnum pro omnibus orare docuit, quomodo in vno omnes portauit. Clero, *Sed libera nos à malo*, respondente Officium consecrationis perficiat. *Sed libera*, dicto Diaconus & Subdiaconus se erigant, & oculos in Dominici corporis consecrationem intendant. Alt enim Euangelista, quia noti eius à longè stabant, sua pectora percutientes. Vbi ergo ad locum *Da propitius pacem* venerit, qui mātili indutus tenuerat * Subdiacono, Subdiaconus Diacono, Diaconus Sacerdoti offerat, in qua Sacerdos corpus Domini tripliciter diuidat: quarum partium vnā Sacerdos calici immittens, *Pax Domini* alta voce dicendo, protinus subdat secreto, *Fiat commixtio corporis & sanguinis Domini nobis accipientibus in vitam aternā*. Aliā se, Diaconum, Subdiaconum. que communicet. Tertiā, viati-

cūm, si opus fuerit, in patina vsque ad finem Missæ referuet. Per particulam oblatae immissæ in calicem ostenditur corpus Christi quod resurrexit à mortuis: per comestā à Sacerdote vel populo viuificātem eos in Deo, Christi cum discipulis suis post resurrectionem conuersatio. Tertiam, quæ remanet in altari vocat sancta Ecclesia viaticū morientis, vt ostendatur non eos debere deputari morientes, sed dormientes qui in Christo moriuntur, dum tali tātōque ductore ad æternam vitam perducuntur. Si autem opus non fuerit, tertiam Sacerdos aut vnus ministrorum accipiat. Nō autem intincto pane, sed iuxta definitionē Toletani Concilij, seorsum corpore, seorsum sanguine, Sacerdos communicet, excepto populo, quem intincto pane, non auctoritate, sed summa necessitate timoris sanguinis Christi effusionis permittitur communicare. Dū ergo Sacerdos ministris communionem porrigit, vnumquemque primitus osculetur: & post qui cōmunicandus est manu Sacerdotis osculata, communionem ab eo accipiat. Postremò verò particulā quæ in calice remansit, Sacerdos sumat: & post Diacono calicem ad mundandum & sumendum quod remansit porrigat, qui in sinistrum cornu altaris calicem cum patena deferat, vbi partem sibi acci-

piat, & partem Subdicono tribuat. Post mundato vtroque vtrique participant. Acolythus verò alterum calicem Sacerdoti ad mundandos digitos deferat. Subdiaconus autē ad mundandum calicem & patenam Diacono seruiat. Post mundationem patenæ & calicis Acolythus vtrumque mantili inuolutum teneat vsque ad completionem primæ Postcommunione, suæque cæteri ministri Officia. Sacerdos, vt suprā diximus, partito corpore Domini, *Pax Domini* alta voce proferat, à quo vnus Canoniorum pacem accipiat, quam in vtroque Choro maioribus distribuat. Ipsi autem cæteris ita porrigāt, vt nullus de loco moueatur, sed à superiori accipiat, & inferiori tribuat. Vnus minorum vtriusque Chori à maioribus accipiat, & iuxta præscriptum ordinem cæteris distribuat. Hoc autem firmiter teneant iuxta Apostolum honore inuicem præuenientes, vt dantes pacem & recipientes semper inclinent. Per osculum pacis designatur nostræ utilitas Fidei. Chorus verò psallat *Agnus Dei*, quod Sergius l'apa tempore confectionis corporis Domini cantare præcepit: cuius Agni immolatio mundum redemit. Quo incepto candelabra illuminentur. Agni passione illuminatus est mundus, &c.



RITVS OLIM OBSERVATVS
in vñctione Regum Francorum.

EX CODICE RARTOLDI
Abbatis.



NCIPIT PERCVN-
CTATIO SIVE
ELECTIO EPIS-
COPORVM AC
CLERICORVM,
NEC NON PO-
PVLORVM AD

cum priuilegium & debitam legē
atque iustitiam seruabo, & defen-
sionem quantum potuero adiu-
uante Domino exhibebo, sicut
Rex in suo regno unicuique Epis-
copo & Ecclesiæ sibi commissæ
per rectum exhibere debet.

REGEM CONSECRANDVM
SIVE AD BENEDICENDVM.

DEINDE ALLOQVANTVR DVO
EPISCOPI POPVLVM IN ECCLESIA
INQVIRENTES EORVM VOLVNTA-
TEM, ET SI CONCORDES FVERINT,
AGANT DEO GRATIAS OMNIPO-
TENTI DECANTANTES. Te Deum
laudamus. ET DVO EPISCOPI AC-
CIPiant EVM PER MANVS, ET DE-
DVCANT ANTE ALTARE, ET PRO-
STERNET SE VSQVE AD FINEM,
Te Deum laudamus.

AMMONITIO EPISCOPORVM VEL
CLERICORVM SEV POPVLORVM
AD REGEM DICENDA ITA LE-
GATVR AB VNO EPISCOPO CO-
RAM OMNIBVS.

AVobis perdonari petimus, vt
unicuique de nobis, & Eccle-
siis nobis commissis canonicum
priuilegium ac debitam legem
atque iustitiam conseruetis, & de-
fensionem exhibeatis, sicut rex in
suo regno unicuique Episcopo
& Ecclesiæ sibi commissæ per re-
ctum exhibere debet.

RESPONSIO REGIS.

Promitto vobis & perdono,
quia unicuique de vobis &
Ecclesiis vobis commissis canoni-

INVOCATIO SVPER REGEM.
TE inuocamus, Domine, san-
cte, Pater omnipotens, æterne
Deus, vt hunc famulum tuum. N.
quem tuæ diuinæ dispensationis
prouidentiâ in primordio plasma-
tū, vsque ad hunc præsentem diem
iuuenili flore latantem crescere
concessisti, cum tuæ pietatis dono
ditatum plenumque gratia verita-

tis de die in diem coram Deo & hominibus ad meliora semper proficere facias : vt summi regiminis solium gratiæ supernæ largitate gaudens suscipiat, & misericordiæ tuo muto ab hostium aduersitate vndiq, munitus plebē sibi commissam cū prece propitiatio- nis, & virtute victoriæ feliciter regere mereatur. Per Dominum.

ITEM ORATIO.

DEus, qui populis tuis virtute consulis, & amore domina- ris, da huic famulo tuo Spiritum sapientiæ cum regimine discipli- næ : vt tibi toto corde deuotus in regni regimine maneat semper idoneus, tuoque munere ipsius tē- poribus securitas Ecclesiæ diriga- tur, & in tranquillitate deuotio Christiana permaneat: vt in bo- nis operibus perseuerans ad æter- num regnum te duce valeat per- uenire. Per.

A L I A.

IN diebus eius oriatur omnibus læquitas & iustitia, amicis adiu- torium, inimicis obstaculum, hu- milibus solatium, elatis correctio, diuitibus doctrina, pauperibus pie- tas, peregrinis pacificatio, propriis in patria pax & securitas, vnicui- que secundum suam mensuram moderatè gubernans, seipsum fe- dulus discat; vt tuâ irrigatus com- punctione toti populo tibi placita præbere vitæ possit exempla, & per viam veritatis cum grege gradiēs sibi subdito opes frugales abundā-

ter adquirat simul ad salutem non solum corporum, sed etiam cor- dium à te concessam cuncta acci- piat. Sicque in te cogitatum ani- mi consiliumque omne, compo- nens plebis gubernacula cum pa- ce simul, & sapientia semper inue- nire videatur; teque auxiliante præsentis vitæ prolixitatem perci- piat; & per tempora bona vsque ad summam senectutem perue- niat; huiusque fragilitatis finem perfectum ab omnibus vitiorum vinculis tuæ pietatis largitate li- beratus, & infinitæ prosperitatis præmia perpetua, Angelorumque æterna commercia consequatur. Per.

CONSECRATIO REGIS.

OMnipotens sempiterne Deus, Creator & gubernator coeli & terræ, conditor & dispositor Angelorum & hominum, Rex re- gum & Dominus dominorum, qui Abraham fidelem famulum tuum de hostibus triumphare fecisti, Moyfi & Iosue populo tuo prælatis multiplicem victoriam tribuisti: humilem quoque Dauid puerum tuum regni fastigio sublimasti, eumque de ore leonis, & de manu bestię atque Goliæ, sed & de gla- dio maligno Saül, & omnium ini- micorum eius liberaisti, & Salo- monem sapientiæ, pacisque inef- fabili munere ditasti: respice pro- pitius ad preces nostræ humilita- tis, & super hunc famulum tuum, quem supplici deuotione in re-

gnum. N. Albionis totius videlicet Francorum pariter eligimus, benedictionū tuarum dona multiplica, eumque dexterā tuæ potentiae semper ubique circumda: quatenus prædicti Abrahamæ fidelitate firmatus, Moyfi mansuetudine fretus, Iosue fortitudine munitus, David humilitate exaltatus, Salomonis sapientiā decoratus, tibi in omnibus complacat, & per tramitem iustitiæ inoffenso gressu semper incedat: & totius Albionis Ecclesiam deinceps cum plebibus sibi annexis ita enutriet, ac doceat, muniat, & instruat, contraque omnes visibiles, & inuisibiles hostes idem potenter regaliterque tuæ virtutis regimine amministret, ut regale solium videlicet Francorum sceptrum non deferat, sed ad pristinae fidei pacisque concordiam eorum animos te opitulante reformet: ut utrorumque horum populorum debitā subiectione fultus, cōdigno amore glorificatus per longum vitæ spatium paternæ apicem gloriæ tuā miseratione vnatim stabilire, & gubernare mereatur: tuæ quoque protectionis galeā munitus, & scuto insuperabili iugiter protectus armisque cœlestibus circumdatus optabilis victoriæ triumphū de hostibus feliciter capiat, terroremque suæ potentiae infidelibus inferat, & pacem tibi militantibus lætanter reportet: virtutibus necnon quibus præfatos fideles tuos

decorasti multiplici honoris benedictione condecora, & in regimine regni sublimiter colloca, & oleo gratiæ Spiritus sancti perunge. Hic VNGATUR OLEO. AN. *Vnixerunt Salomonem Sadoe Sacerdos, & Nathan Propheta regem in Gion, & accedentes læti dixerunt, vivat rex in æternum.* Unde vnixisti Sacerdotes, Reges & Prophetas, ac Martyres, qui per fidem vicerunt regna, operati sunt iustitiā, atque adempti sunt promissiones. Cuius sacratissima unctio super caput eius defluat, atque ad interiora descendat, & cordis illius intima penetret: & promissionibus, quas adepti sunt victoriosissimi reges, gratiā tuā, dignus efficiatur: quatenus, & in præsentī seculo feliciter regnet, & ad eorum consortium in cœlesti regno perueniat per Dominum nostrum Iesum Christum filium tuum, qui unctus est oleo lætitiæ præ consortibus suis, & virtute Crucis potestates aëreas debellavit, tartara destruxit, regnūque diaboli superavit, & ad cœlos victor ascendit; in cuius manu victoria, omnis gloria & potestas consistunt, & tecum vivit & regnat Deus in unitate eiusdem Spiritus. Per.

A L F A.

Deus electorum fortitudo & humilium celsitudo, qui in primordio per effusionem diluvij crimina mundi castigare voluisti, & per columbam ramum oliuæ portantem

portantem pacem terris redditam demonstrasti; iterumque Aaron famulum tuum per vñctionē olei sanxisti, & postea per huius vnguenti infusionem ad regendum populum Israëliticum Sacerdotes, reges, & prophetas perfecisti, vultumque Ecclesiæ in oleo exhilarandum per propheticam famuli tui vocem David esse prædixisti: ita, quæsumus, omnipotens pater, per huius creaturæ pinguedinem hunc seruum tuum sanctificare tua benedictione digneris, eumque in similitudine columbæ pacem simplicitatis populo sibi commisso præstare, & exempla Aaron in Dei seruitio diligenter imitari, regni que fastigia in consiliis scientiæ, & æquitate iudicij semper adsequi, vultumque hilaritatis per hanc olei vñctionem, te adiuuante, totius plebis paratum habere facias.

ALIA.

DEVS Dei Filius Christus Dominus noster, qui à Patre oleo exultationis vñctus est præ participibus suis ipse per præsentem sacri vnguinis infusionem Spiritus Paracliti super caput tuum infundat benedictionem, eandemque vsque ad interiora cordis tui penetrare faciat quatenus hoc visibili & tractabili dono inuisibilia percipere, & † temporalia regna iustis moderaminibus exsecuto, æternaliter cum eo regnare merearis. per.

HIC DETVR ANVLVS.

ACCipe anulum signaculum videlicet sanctæ fidei, soliditatem regni, augmentum potentia per † quæ scias triumphali potentia hostes repellere, hæreses destruere, subditos coadunare, & Catholicæ fidei perseverabilitati connecti. per.

† l. quem, ut in coronatione Henr. IV.

ORATIO POST ANVLVM datum.

DEVS, cuius est omnis potestas & dignitas, da famulo tuo pro Spiritu suæ dignitatis effectum, in qua te remunerante permaneat, semperque timeat, tibi que iugiter placere contendat. per.

HIC CINGATVR EI GLADIVS ab Archiepiscopo.

ACCipe hunc gladium cum Dei benedictione tibi collatum, in quo per virtutem Spiritus sancti resistere, & eiicere omnes inimicos tuos valeas, & cunctos sanctæ Dei Ecclesiæ aduersarios, regnumque tibi commissum tutari, atque protegere castra Dei per auxilium inuictissimi triumphatoris Domini nostri Iesu Christi, qui cum Patre in vnitæte Spiritus sancti viuit & regnat in secula seculorum.

ORATIO POST GLADIVM.

DEVS, qui prouidentia tua cælestia simul, & terrena moderaris, propitiare Christianissimo Regi nostro, ut omnis hostium suorum fortitudo virtute gladij

† l. temporali regno, ut in coronatione Henr. IV.

N

spiritualis frangatur, ac te pro illo pugnante penitus conteratur. per.

HIC CORONETVR.

Coronete Deus corona gloriæ atque iustitiæ honore, & opere fortitudinis; vt per officium nostræ benedictionis cum fide recta, & multiplici bonorum operum fructu ad coronam peruenias regni perpetui, ipso largiente, cuius regnum permanet in secula seculorum.

ORATIO POST CORONAM.

Deus perpetuitatis dux virtutum, cunctorum hostium victor, benedic hunc famulum tuum tibi caput suum inclinantem, & proluxa sanitate, & prospera felicitate eum conserua, & vbicunque pro quibus auxilium tuum inuocauerit, citò adsis, & protegas atque defendas. Tribue ei, quæsumus, Domine, diuitias gratiæ tuæ. Comple in bonis desiderium eius; corona eum in miseratione, & misericordia, tibi que Domino pia deuotione famuletur per Dominum nostrum.

HIC DETVR SCEPTRVM.

Accipe sceptrum regiæ maiestatis insigne, virgam scilicet rectam regni, virgam virtutis, qua te ipsum bene geras, sanctam Ecclesiam populumque Christianum tibi à Deo commissum regia virtute ab improbis defendas: prauos corrigas, rectos pacifices: & vt viam rectam tenere possint, tuo iuuamine dirigas:

quatenus de temporali regno ad æternum regnum peruenias: ipso adiuuante, cuius regnum & imperium sine fine permanet in secula seculorum.

ORATIO POST SCEPTRVM.

OMnium Domine fons bonorum cunctorumque Deus institutor profectuum, tribue, quæsumus, famulo tuo ill. adeptâ bene gerere dignitatem, & à te sibi præstitutum honorem dignare corroborare. Honorifica eum præ cunctis regibus terræ: vberi eum benedictione locupleta, & in solio regi firma stabilitate consolida: visita eum in sobole, præsta ei prolixitatem vitæ, in diebus eius semper oriatur iustitia, vt cum iocunditate & lætitia æterno gloriatur in regno. per Dominum nostrum Iesum Christum.

TUNC DATVR EI VIRGA.

Accipe virgam virtutis atque æquitatis, qua intelligas mulcere pios, & terrere reprobos. Erranti viam doce, lapsisque manum porrige, disperdasque superbos, & releues humiles; & aperiat tibi ostium Iesus Christus Dominus noster, qui de seipso ait: *ego sum ostium, per me si quis introierit, saluabitur.* Et ipse, qui est clavis David, & sceptrum domus Israel, qui aperit, & nemo claudit; claudit, & nemo aperit, sit tibi adiutor, qui educit vincit de domo carceris sedentem in tenebris & vmbra mortis: vt in om-

nibus sequi merearis eum, de quo Propheta David cecinit: *Sedes tua Deus, in seculum seculi, virga equitatis, virga regni tui: & imitando ipsum, qui dicit: diligas iustitiam, & odio habeas iniquitatem. Propterea vnxit te Deus, Deus tuus oleo lætitiæ, ad exemplum illius quem ante secula vnixerat præ participibus suis Iesum Christum Dominum nostrum.*

TVNC DICATUR BENEDICTIO.

EXtendat omnipotens Deus dexteram suæ benedictionis, & effundat super te donum suæ protectionis, & circundet te muro felicitatis, ac custodia suæ propitiationis, sanctæ Mariæ, ac beati Petri Apostolorum Principis, sanctique Gregorij Angelorum Apostolici atque omnium Sanctorum intercedentibus meritis indulgeat tibi Dominus omnia mala quæ gessisti. *Amen.*

Et tribuat tibi gratiam & misericordiam quàm humiliter ab eo deposcis, & liberet te ab aduersitatibus cunctis, & ab omnibus visibilium & inuisibilium inimicorum insidiis. *Amen.*

Angelos suos bonos semper, & ubique qui te præcedant, comitentur, & subsequantur, ad custodiam tui ponat; & à peccato seu gladio, & ab omnium periculorum discrimine sua potentia liberet. *Amen.*

Inimicos tuos ad pacis caritatisque benignitatem conuertat, &

bonis omnibus te gratiosum, & amabilem faciat; pertinaces quoque in tui insectatione, & odio confusione saluari induat; super te autem sanctificatio sempiterna floreat. *Amen.*

Victoriosum te atque triumphatorem de inuisibilibus atque visibilibus hostibus semper efficiat: & sancti nominis sui timorem, & amorem continuo cordi tuo infundat, & in fide rectâ, ac bonis operibus perseuerabilem reddat, & pace in diebus tuis concessa, cum palma victoriæ te ad perpetuum regnum perducatur. *Amen.*

Et qui te voluit super populum suum constituere regem, & in præsentī seculo felicem æternæ felicitatis tribuat esse consortem. *Amen.*

Quod ipse præstare dignetur.

ITEM ALIA BENEDICTIO.

Benedic, Domine, hunc Præsulem principem, qui regna omnium regum à sæculo moderaris. *Amen.*

Et tali eum benedictione glorifica; ut † Davidica teneat sublimitate sceptrum salutis, & sanctificæ propitiationis munere reperiatur locupletatus. *Amen.*

Da ei à tuo spiramine regere populum, sicut Salomonem fecisti regnum obtinere pacificum. *Amen.*

Quod ipse præstare dignetur.

† al Davidica.

† 1. secret.

REGIS STATUS DESIGNATUR. **S**ta & retine à modo * quem Shucusque paterna suggestione tenuisti hæreditario iure tibi delegatum per auctoritatem Dei omnipotentis, & per præsentem traditionem nostram omnium scilicet Episcoporum, cæterorumque Dei seruorum: & quantò clerum sacris altaribus propinquiorem prospicis, tantò ei potiorem in locis congruis honorem impendere memineris: quatenus mediator Dei, & hominum te mediatorem Cleri, & plebis in hoc regni solio confirmet, & in regnum æternum secum regnare faciat Iesus Christus Dominus noster Rex regum, & Dominus Dominantium, qui cum Patre & Spiritu sancto.

Reditudo regis est nouiter ordinati, & in solium sublimati hæc tria populo Christiano sibi subdito præcipere, in primis vt

Ecclesia Dei & omnis populus Christianus veram pacem † seruans in omni tempore. Aliud est, vt rapacitates, & omnes iniquitates omnibus gradibus interdicat. Tertium est, vt in omnibus iudiciis æquitatem & misericordiam præcipiat; vt illi & nobis indulgeat sua misericordia clemens, & misericors Deus, qui cum Patre.

ET TUNC DEOSCVLETVR OMNEM CLERVM POPVLVMQVE: ET DICAT VNVSQVISQVE VIVAT REX FELICITER IN SEMPTERNVM, TRIBVS VICIBVS, VIVAT REX, VT SVpra. ET POST EVANGELIVM OFFERAT REX AD MANVM ARCHIEPISCOPI OBLATIONEM ET VINVM, ET SIC PERAGATVR MISSA SVO ORDINE. DEINDE COMMVNICETVR AB ARCHIEPISCOPO CORPore ET SANGVINE CHRISTI: ET SIC REFERANT DEO GRATIAS, POST PERGANT AD MENSAM.

ITEM AD REGINAM

BENEDICENDAM.

DEBET ENIM ADDVCI IN ECCLESIAM, ET PROSTERNI ANTE ALTARE. ELEVATA AB ORATIONE AB EPISCOPIs, ET INCLINATO CAPITE, DICAT ARCHIEPISCOPVs HANC ORATIONEM.

Adesto, Domine, supplicationibus nostris, & quod humilitatis nostræ gerendum est ministerio, tuæ virtutis impleatur effectu. per.

TUNC DEBET CAPVT EIVS vngui oleo.

IN nomine Patris & Filij & Spiritus sancti proſit tibi hæc vnctio olei in honorem & confirmationem æternam.

SEQVITVR ORATIO POST
vñctionem.

OMnipotens, ſempiternus Deus, affluentem Spiritum tuæ benedictionis ſuper famulam tuam nobis orantibus propitiatus infunde; vt quæ per manus noſtræ impoſitionem hodie regina inſtituitur, ſanctificatione tua digna, & electa permaneat; vt nunquam poſtmodum de tua gratia ſeparetur indigna. per.

TVNC DEBET EI ANVLVS
mitti digito.

ACcipe fidei ſignaculum ſanctæ Trinitatis, quo poſſis omnes prauitates hæreticas deuotare, & barbaricas gentes virtute tibi † præſtitere ad agnitionem veritatis aduocare.

SEQVITVR ORATIO.

DEVS cuius eſt omnis poteſtas, & dignitas, da famulæ tuæ ill. ſigno tuæ fidei proſperum ſuæ dignitatis effectum; qua tibi ſemper firma maneat, tibi que iugiter placere contendat.

TVNC DEBET IMPONI
corona in Capite.

ACcipe coronam gloriæ, honorem iocunditatis, vt ſplendida fulgeas, & æterna exultatione coroneris. per Dominum.

ITEM ORATIO.

OMnium, Domine, fons bonorum, & cunctorum dator prouectuum, tribue famulæ tuæ ill. adeptam bene gerere dignitatem; & à te ſibi præſtitam in ea bonis operibus corrobora gloriam. per Dominum.

† l. præſtitam

illorum, & illarum, quam tibi offerunt ob diem tricesimum conjunctionis suæ, vel annalem, quo die eos iugali vinculo sociare dignatus es, placatus suscipias deprecamur. Ob hoc igitur reddant tibi vota sua Deo vero, & viuo, pro quibus tremendæ pietati suæ supplices fundimus preces: vt pariter bene ac pacificè senescant, & videant filios filiorum suorum vsque ad tertiam, & quartam progeniem, & te benedicant omnibus diebus vitæ suæ. per Christum Dominum nostrum. Quam oblationem.

PER COMPLES CANONEM PLENARIUM, & dicis Orationem Dominicam, & sic eam benedicis his verbis.

ORATIO.

DEVS, qui mundi crescentis exordium multiplicata prole benedicis, propitiare supplicationibus nostris, & super hanc famulam tuam illam opem benedictionis infunde, vt in coniugali consortio, affectu compari, mente consimili * sanitatem vt tua copulentur.

ITEM ORATIO.

PATER mundi conditor, nascentium genitor, multiplicandæ originis institutor, qui Adæ comitem tuis manibus addidisti, cuius ex ossibus ossa crescentia parem formam admirabili diuersitate signarent: hinc ad totius multitudinis incrementum con-

iugalis thori iussa consortia, totum inter * seculum conligarent, humani generis fœdera nexuerunt. Sic enim tibi, Domine, placitum fuit, sic enim necessarium fuit: vt quia longe est & infirmus, quod homini * filem, quam quod tibi Deo feceras, additur * fortiore sexus infirmior: vt vnum * efficeras ex duobus, & pari pignore soboles mixta merneret: tunc per ordinem fluere egesta posteritas, & in * prioris ventura sequeretur, nec vllum sibi finem in tam breui termino, quamuis essent caduca, proponerent. Adhæc igitur datæ sint legis instituta ventura. Quapropter huius familiæ tuæ, Pater, rudimenta sanctifica, vt bono & bene prospero sociata consortio legis æternæ iura custodiat: memineritque, Domine, non tantum ad licentiam coniugalem, sed ad obseruantiam fidei sanctorum pignorum diligata fidelis, & casta nubat in Christo inimitatrixque sanctarum permaneat fœminarum. Sit amabilis vt Rachel viro suo, sapiens vt Rebecca, longæua & fidelis vt Sara. Nihil ex hac subdolis ill. auctor præuaricationis vsurpet, nexa fidei mandatisque permaneat fœminarum, seruiens Deo vero deuota muniat infirmitatem suam robore disciplinæ, vni thoro iuncta contactus vitæ illicitos fugiat. Sit verecunda, grauis pudore, venerabilis,

doctrinis cœlestibus erudita, sit
fœcunda sobolem, sit probata,
& innocens, & ad Beatorum re-
quiem vsque ad cœlestia regna
perueniat.

POST HÆC DIC PAX VOBIS-
CVM, ET SIC EOS COMMVNICAS.
DEINDE POSTEA QVAM COM-
MVNICAVERINT DICIS SV-
PER EOS BENEDICTIO-
NEM HIS VERBIS.

Domine sancte, Pater omni-
potens iteratis ritibus te
supplices exoramus, pro quibus
apud te supplicatus est Christus
* coniunctionis famulorum tuo-
rum fouere digneris, * benedi-

ctiones tuas excipere mereantur:
vt filiorum successibus fœcun-
dentur, * sicut plurimi omnes
confirmare dignare. Auertantur
ab eis inimici insidiæ, omni-
potens, vt sanctitatem Patrem etiam
in ipso coniugio imitentur, qui
prouidentia tua, Domine, con-
iungi meruerunt. per Domi-
num nostrum Iesum Christum.

POST COMMVNIONEM.


EXaudi nos, Domine sancte,
Pater omnipotens, æterne
Deus, vt quod non * ministrentur
officio, tua benedictione potius
impleantur. per Dominum no-
strum Iesum Christum.

ELENCHVS



ELENCHVS CAPITVLORVM

huius Libri Sacramentorum.

1.  Rdo Missa. pag. 1.
2.  Canon Missa. p. 1.
3.  Vigilia natalis Domini ad no-
nam p. 4. c. 1.
4. Vigilia Domini in nocte. pag. 5. col. 1.
5. Missa in mane prima natalis Domini, siue
sancta Anastasia p. 6. c. 1.
6. Dies natalis Domini c. 2.
7. Natale S. Stephani p. 8. c. 2.
8. Natale S. Ioannis Euangelista p. 10. c. 1.
9. Natale Innocentium p. 11. c. 2.
10. Natale S. Sylvestri eodem die S. Ful-
gentij Episcopi p. 12. c. 2.
11. In octauis Domini p. 13. c. 1.
12. Dominica prima post natale Domini p.
14. c. 1.
13. Vigilia Theophania p. 15. c. 1.
14. Epiphania col. 2.
15. Dominica prima post Theoph. p. 17. c. 1.
16. In octauis Theophania col. 2.
17. Natale S. Felicis p. 18. c. 1.
18. Dominica secunda post Theoph. c. 2.
19. Natale S. Marcelli Papa p. 19. c. 1.
20. Natale S. Prisca Virginis col. 2.
21. Natale S. Fabiani p. 20. c. 1.
22. Natale S. Sebastiani c. ead.
23. Natale S. Agnetis c. 2.
24. Natale S. Vincentij p. 21. c. 1.
25. Conuersio S. Pauli p. 22. c. 1.
26. Natale S. Proiecti col. 2.
27. Natale S. Agnetis, de nativitate p. 23. c. 1.
28. Purificatio S. Mariae Virginis c. 2.
29. Natale S. Agatha Martyris p. 24. c. 1.
30. Dominica III. post Theophaniam p. 25. c. 1.
31. Dominica IV. post Theophaniam p. 26. c. 1.
32. Dominica V. post Theophaniam col. 2.
33. Dominica VI. post Theophaniam p. 27. c. 2.
34. Natale S. Valentini Martyris p. 20. c. 1.
35. Cathedra S. Petri col. 2.
36. Natale S. Matthiae Apostoli p. 29. c. 1.
37. Natale S. Gregorij Papa p. 30. c. 1.
38. Adnunciatio Angeli ad B. Mariam. c. 2.
39. In Septuagesima p. 32. c. 1.
40. In Sexagesima col. 2.
41. Dominica in Quinquagesima p. 33. c. 2.
42. Feria IV. caput Ieiunij p. 34. c. 1.
43. Feria V. intra Quinquagesimam p. 35. c. 1.
44. Feria VI. intra Quinquagesimam c. 2.
45. Sabbato intra Quinquag. p. 36. c. 1.
46. In Quadragesima col. 2.
47. Feria II. intra Quadrag. p. 36. c. 1.
48. Feria III. col. 2.
49. Feria IV. mensis primi p. 39. c. 1.
50. Feria V. intra Quadrag. p. 40. c. 1.
51. Feria VI. intra Quadrag. c. 2.
52. Sabbato in XII. lectionibus mensis pri-
mi p. 41. c. 1.
53. Dominica II. in Quadrag. p. 42. c. 1.
54. Feria II. in Hebdomada II. c. 2.
55. Feria III. in Hebdomada II. p. 43. c. 1.
56. Feria IV. in Hebdomada II. c. 2.
57. Feria V. in Hebdomada II. p. 44. c. 1.
58. Feria VI. in Hebdomada II. c. 2.
59. Sabbato in Hebdomada II. p. 45. c. 2.
60. Dominica III. in Quadrag. p. 46. c. 1.
61. Feria II. in Hebdomada III. c. 2.
62. Feria III. in Hebdomada III. p. 47. c. 1.
63. Feria IV. in Hebdomada III. c. 2.
64. Feria V. in Hebdomada III. p. 48. c. 2.
65. Feria VI. in Hebdomada III. p. 29. c. 1.
66. Sabbato in Hebdomada III. c. 2.
67. Dominica IV. in Quadrag. p. 50. c. 1.
68. Feria II. in Hebdomada IV. p. 51. c. 1.
69. Feria III. in Hebdomada IV. Quadra-
gesima c. 2.
70. Feria IV. in Hebdomada IV. p. 52. c. 1.

I N D E X

- 71 Feria V. in Hebdomada IV. p. 53. c. 1
 72 Feria VI. in Hebdomada IV. c. 2
 73 Sabbato in Hebdomada IV. p. 54. c. 1
 74 Dominica V. in Quadagesima de Pas-
 sione Domini p. 55. c. 1.
 75 Feria II. in Hebdomada V. c. 2
 76 Feria III. in Hebdomada V. p. 56. c. 1
 77 Feria IV. in Hebdomada V. c. 2
 78 Feria V. in Hebdomada V. p. 57. c. 1
 79 Ferio VI. in Hebdomada V. c. 2
 80 Sabbato ante ramos palmarum p. 58. c. 2
 81 Dominica in ramis palmarum p. 59. c. 1
 82 Feria II. post palmas col. 2
 83 Feria III. post palmas p. 60. col. 2
 84 Feria IV. p. 61. col. 1
 85 Feria V. p. 64. col. 2
 86 Feria VI. p. 69. c. 1
 87 Sabbato. p. 70. c. 1
 88 In die sancto Pasche p. 75. c. 2
 89 Feria II. in albis p. 76. c. 2
 90 Feria III. in albis p. 77. c. 2
 91 Feria IV. in albis p. 78. col. 2
 92 Feria V. in albis p. 79. c. 1
 93 Feria VI. in albis p. 80. c. 1
 94 Sabbato in albis p. 81. c. 1
 95 Dominica octavi Pasche col. 2
 96 Alie orationes Paschales p. 82. c. 2
 97 Natale SS. Tiburtij & Valeriani &
 Maximi p. 83. col. 2
 98 Natale S. Georgij Martyris p. 48. c. 1
 99 Natale S. Marci Euangeliste c. 2
 100 Natale S. Vitalis p. 85. c. 2
 101 Natale SS. Apostolorum Philippi &
 Iacobi col. ead.
 102 Natale SS. Alexandri, Enantiij &
 Theodoli p. 86. c. 1
 103 Inuentio S. Crucis col. 2
 104 Natale S. Ioannis ante portam Lati-
 nam p. 87. c. 2
 105 Natale S. Gordiani & Epimachi p. 88. c. 1
 106 Natale S. Pancratij Martyris col. ead.
 107 Natale S. Mariae ad Martyris c. 2
 108 Natale S. Urbani Papa col. ead.
 109 Dominica I. post octavas Pasche p. 89. c. 1
 110 Dominica II. post octavas Pasche col. 2
 111 Dominica III. post oct. Pasche p. 90. c. 2
 112 Dominica IV. post oct. Pasche p. 91. c. 1
 113 Feria II. in Litania maiore col. 2
 114 Ad Missam p. 92. col. 1
 115 Feria III. col. 2
 116 Ad Missam p. 93. c. 1
 117 Feria IV. col. 2
 118 In Ascensu Domini ad Missam p. 95. c. 1
 119 Dominica I. post Ascensionem Domini
 p. 96. c. 1
 120 Incipiunt orationes de Pentec. die Sab-
 bato ante descensum fontis p. 97. c. 1
 121 Die sancto Pentecostes p. 98. c. 2
 122 Feria II. p. 99. c. 2
 123 Feria III. p. 100. col. 2
 124 Feria IV. mensis IV. p. 101. c. 1
 125 Feria V. col. 2.
 126 Feria VI. mensis IV. p. 102. col. 1
 127 Sabbato in XII. lectionibus mense IV.
 col. 2
 128 Alia ad Missam p. 103. c. 1
 129 Dominica octava Pentecostes col. 2
 130 Dedicatio Basilica S. Nicomedis p. 104.
 col. 2
 131 Natale SS. Marcellina, & Petri p. 105.
 col. 1
 132 Natale SS. Primi & Feliciani. col. 2
 133 Natale SS. Basilidis, Cyrini, Nabo-
 ris, & Nazarij p. 106. c. 1
 134 Natale SS. Marci & Marcelliani col.
 ead.
 135 Denunciatio ieiunorum primi, quarti,
 septimi, & decimi mensis col. 2
 136 Mensis IV. Feria IV. si post Hebdo-
 madem Pentecostes aduenerit p. 107. c. 1
 137 Feria VI. col. 2
 138 Sabbato in XII. lectionibus p. 108. col. 1
 139 Post Benedictiones ad Missam c. 2
 140 Nat. SS. Gervasij & Protasij p. 109. c. 1
 141 Vigilia S. Ioannis Baptiste col. ead.
 142 In prima Missa de nocte col. 2
 143 Natale S. Ioannis Baptiste p. 110. c. 1
 144 Natale SS. Ioannis & Pauli p. 111. c. 1

CAPITVLORVM.

- | | |
|--|--|
| <p>145 Natale S. Leonis Papa p. 112. c. 1
 146 Vigilia S. Petri & Pauli col. 2
 147 Nat. eiusdem Petri & Pauli p. 113. c. 2
 148 Natale S. Pauli p. 114. col. 2
 149 Natale SS. Processi & Martiniani p. 115. col. 1
 150 Octaua Apostolorum Petri & Pauli c. 2
 151 Natale septem Fratrum p. 116. c. 1
 152 Natale S. Iacobi Apostoli col. ead.
 153 Natale S. Felicis p. 117. c. 1
 154 Natale SS. Abdon & Sennen c. ead.
 155 Ad S. Petrum ad vincula p. 118. c. 1
 156 Natale S. Stephani Episcopi & Martyris col. ead.
 157 Natale S. Sixti Episcopi col. 2
 158 Natale SS. Felicissimi & Agapiti p. 119. c. 1
 159 Natale S. Cyriaci col. 2
 160 Vigilia S. Laurentij col. ead.
 161 In prima Missa de nocte p. 120. c. 2
 162 Natale S. Laurentij p. 121. col. 1
 163 Natale S. Tiburtij Martyris c. 2
 164 Natale S. Hippolyti Martyris p. 122. col. 1
 165 Natale S. Eusebij sacerdotis col. 2
 166 Vigilia Assumptionis S. Mariæ p. 123. c. 1
 167 Assumptio S. Mariæ Virginis col. 2
 168 Natale S. Agapiti Martyris p. 124. c. 1
 169 Natale S. Timothei Martyris p. 125. c. 1
 170 Natale S. Bartholomæi Apostoli col. 2
 171 Natale S. Augustini Episcopi p. 126. c. 1
 172 Natale S. Hermetis Martyris col. 2
 173 Natale S. Sabina p. 127. c. 1
 174 Decollatio S. Ioannis Baptiste col. ead.
 175 Natale SS. Felicis & Adalphi p. 128. c. 1
 176 Natiuitas S. Mariæ Virginis c. 2
 177 Natale S. Adriani Martyris p. 129. c. 1
 178 Natale SS. Proti & Hyacinthi col. 2
 179 Exaltatio S. Crucis p. 130. c. 1
 180 Natale SS. Cornelij & Cypriani col. 2
 181 Natale S. Nicomedis Martyris p. 131. col. 1
 182 Natale S. Euphemia Martyris col. ead.
 183 Natale SS. Lucia & Geminiani col. 2</p> | <p>184 Vigilia S. Matthæi Euangelistæ col. ead.
 185 Natale S. Matthæi Apostoli & Euangelistæ p. 132. c. 1
 186 Mense VII. Feria IV. p. 133. c. 1
 187 Feria VI. c. 2
 188 Sabbato in XII. lectionibus p. 134. c. 1
 189 Natale SS. Cosma & Damiani p. 235. col. 1
 190 Dedicatio Basilicæ S. Michaelis Archangeli c. 2
 191 Nat. S. Marci Papa p. 136. c. 2
 192 Natale S. Calisti Papa c. ead.
 193 Natale S. Lucæ Euangelistæ p. 137. col. 1
 194 Vigilia Apostolorum Simonis, & Iudæ col. 2
 195 Natale Apostolorum Simonis, & Iudæ p. 138. c. 2
 196 Vigilia omnium Sanctorum p. 139. c. 1
 197 Natale S. Cesarij Martyris col. 2
 198 Natale omnium Sanctorum p. 140
 199 Natiuitas SS. quatuor Coronatorum c. 2
 200 Natale S. Theodori Martyris p. 141. c. 1
 201 Natale S. Mennæ Martyris col. 2
 202 Natale S. Martini Confessoris p. 142. c. 1
 203 Natale S. Ceciliæ col. 2
 204 Natale S. Clementis p. 143. c. 1
 205 Natale S. Felicitatis col. 2
 206 Natale S. Chrysogoni Martyris p. 144. col. 1
 207 Nat. S. Saturnini Martyris c. 2.
 208 Vigilia S. Andrea col. ead.
 209 Natale S. Andrea p. 145. c. 2
 210 Natale S. Lucie Virginis p. 146. col. 2
 211 Natale S. Thomæ p. 147
 212 Ordo ad Ecclesiam dedicandam col. 2
 213 Benedictio ad lintheamina, vel ad omnia in usum Basilicæ p. 153. c. 2
 214 Benedictio super munus quod quis Ecclesie offert p. 154. c. 1
 215 Ad consecrandam patenam c.
 216 Ad calicem benedicendum p. 155. c. 1
 217 Oratio quando eleuantur Reliquie pag. 156. col. 1</p> |
|--|--|

I N D E X

- 218 *Orationes ad Missas in dedicatione p.* 157. c. 1
- 219 *In Anniversario dedicationis Basilicae* p. 158. c. 2
- 220 *In Vigilia Apostolorum* p. 159. c. 2
- 221 *Missa in Vigilia unius Mart.* p. 160. c. 2
- 222 *Missa in Natali unius Mart.* p. 161. c. 2
- 223 *Missa in Vigilia plurimorum Martyrum* p. 163. c. 2
- 224 *In Nat. plurimorum Mart.* 164. c. 1
- 225 *In Vigilia unius Confessoris* p. 165. c. 2
- 226 *Missa in Natali unius Confessoris* p. 166. c. 2
- 227 *Missa in Vigilia plurimorum Confessorum* p. 168. c. 1
- 228 *In Natali plurimorum Confessorum* p. 169. c. 1
- 229 *In vigilia Virginum* p. 170. c. 2
- 230 *In Natali Virginum* p. 171. c. 1
- 231 *Alia Missa* p. 173. c. 1
- 232 *Benedictio vestiu Virginis vel viduae* c. 2
- 233 *Benedictio vestis Virginis* p. 174. c. 1
- 234 *Benedictio Virginis ab Episcopo dicenda* col. ead.
- 235 *Missa in consecratione Virginis* p. 175. c. 1
- 236 *Oratio ad Abbatissam faciendā* c. ead.
- 237 *Oratio ad Ancillas Dei velandas* c. 2
- 238 *Oratio ad Abbatem faciendum* c. ead.
- 239 *Hebdomada II. post Pentecosten* c. ead.
- 240 *Hebdomada III. post Pentec.* p. 176. c. 2
- 241 *Hebdomada IV. post Pentec.* p. 177. c. 1
- 242 *Hebdomada V. post Pentec.* p. 178. c. 1
- 243 *Hebdomada VI. post Pentec.* p. 179. c. 1
- 244 *Hebdomada VII. post Pentec.* col. 2
- 245 *Hebdomada VIII. post Pentec.* p. 180. c. 1
- 246 *Hebdomada IX. post Pentec.* p. 181. c. 2
- 247 *Hebdomada X. post Pentec.* p. 182. c. 1
- 248 *Hebdomada XI. post Pentec.* p. 183. c. 1
- 249 *Hebdomada XII. post Pentecosten* c. 2
- 250 *Hebdomada XIII. post Pentec.* p. 184. c. 2
- 251 *Hebdomada XIV. post Pentec.* p. 185. c. 1
- 252 *Hebdomada XV. post Pentecosten* pag. 186. col. 1
- 253 *Hebdomada XVI. post Pentecosten* c. 2
- 254 *Hebdomada XVII. post Pentecosten* p. 187. col. 2
- 255 *Hebdomada XVIII. post Pent.* p. 188. c. 1
- 256 *Hebdomada XIX. post Pentec.* p. 189. c. 1
- 257 *Hebdomada XX. post Pentecosten* col. 2
- 258 *Hebdomada XXI. post Pentec.* p. 190. c. 2
- 259 *Hebdomada XXII. post Pent.* p. 191. c. 1
- 260 *Hebdomada XXIII. post Pentecosten* pag. 192. col. 1
- 261 *Hebdomada XXIV. post Pentecosten* p. 193. col. 1
- 262 *Hebdomada XXV. post Pentec.* p. 194. c. 1
- 263 *Hebdomada XXVI. post Pentecosten* c. 2
- 264 *Hebdomada XXVII. post Pentecosten* p. 195. c. 1
- 265 *Hebdomada V. ante Natale Domini* c. 2
- 266 *Hebdomada IV. ante Natale Domini* p. 196. c. 1
- 267 *Hebdomada III. ante Natale Domini* p. 197. c. 1
- 268 *Hebdomada II. ante Natale Domini* p. 198. c. 1
- 269 *Mensis X. Feria IV.* p. 199. c. 1
- 270 *Feria VI.* col. 2
- 271 *Sabbato in XII. lectionibus Mensis X.* p. 200. c. 1
- 272 *Dominica I. ante Natale Domini* p. 201. c. 1
- 273 *Orationes de Aduentu Domini cotidianis diebus* p. 202. c. 1
- 274 *Orationes pro peccatis* p. 204. c. 1
- 275 *Orationes cotidianae* p. 206. c. 1
- 276 *Orationes aliae vesperinales* p. 209. c. 2
- 277 *Orationes ad Crucem* col. ead.
- 278 *Orationes ad Completorium* p. 210. c. 2
- 279 *Orationes Matutinales* p. 211. c. 1
- 280 *Item ad Matutinos lucente die* pag. 212. c. 2
- 281 *Missa pro peccatis* p. 213. c. 1
- 282 *Orationes tempore belli* c. 2
- 283 *Missa in tempore belli* p. 214. c. 1
- 284 *Item alia Missa* p. 215. c. 1
- 285 *Item alia Missa* col. 2
- 286 *Missa pro pace* p. 216. c. 1

CAPITULORVM

- | | |
|---|---|
| <p>287 <i>Missa pro quacunque tribulatione col. 2</i></p> <p>288 <i>Item alia Missa p. 217. c. 1</i></p> <p>289 <i>Item alia Missa c. 2</i></p> <p>290 <i>Item alia Missa p. 218. c. 1</i></p> <p>291 <i>Oratio tempore (quod absit) mortalitatis c. 2</i></p> <p>292 <i>Item alia Missa p. 219. c. 1</i></p> <p>293 <i>Item alia Missa col. 2</i></p> <p>294 <i>Item alia Missa p. 220. c. 1</i></p> <p>295 <i>Orationes ad pluiam petendam c. 2</i></p> <p>296 <i>Missa ad pluiam postulandam p. 221</i></p> <p>297 <i>Item alia Missa. col. 2</i></p> <p>298 <i>Orationes ad poscendam serenitatem p. 222. col. 1</i></p> <p>299 <i>Missa ad poscendam serenitatem c. ead.</i></p> <p>300 <i>Oratio ad repellendam tempestatem c. 2</i></p> <p>301 <i>Oratio contra fulgura p. 223</i></p> <p>302 <i>Oratio pro fratribus in via dirigendis col. ead.</i></p> <p>303 <i>Missa pro iter agentibus col. 2</i></p> <p>304 <i>Orationes ad Clericum faciendum p. 225 col. 1</i></p> <p>305 <i>Orationes & preces super pœnitentem confitentem peccata sua col. 2</i></p> <p>306 <i>Orationes ad reconciliandum pœnitentem p. 226. c. 1</i></p> <p>307 <i>Missa pro Episcopo defuncto p. 227. c. 1</i></p> <p>308 <i>Alia Missa pro Episcopo defuncto col. 2</i></p> <p>309 <i>Item alia Missa pro Episcopo defuncto p. 228. c. 1</i></p> <p>310 <i>Alia Missa pro Episcopo defuncto p. 229. c. 1</i></p> <p>311 <i>Missa pro Episcopo defuncto col. 2</i></p> <p>312 <i>Missa pro Sacerdote defuncto p. 230. c. 1</i></p> <p>313 <i>Missa unius defuncti col. 2</i></p> <p>314 <i>Missa in depositione defuncti p. 231. c. 1</i></p> <p>315 <i>Missa in Anniversario unius defuncti col. 2</i></p> <p>316 <i>Missa plurimorum defunctorum p. 232. col. 1</i></p> <p>317 <i>Ordo ad sacros ordines benedicendos c. 2</i></p> <p>318 <i>Ordinatio Ostiarij col. ead.</i></p> | <p>319 <i>Ordinatio Lectoris p. 233. c. 1</i></p> <p>320 <i>Ordinatio Exorcistæ c. 2</i></p> <p>321 <i>Ordinatio Acolythi p. 234. c. 1</i></p> <p>322 <i>Ordinatio Subdiaconi col. 2</i></p> <p>323 <i>Ordo qualiter in Romana Ecclesia Diaconi & Presbyteri ordinandi sunt pag. 235 c. 2.</i></p> <p>324 <i>Oratio ad Presbyteros ordinandos p. 237. c. 2</i></p> <p>325 <i>Oratio ad Episcopos ordinandos p. 239. col. 1</i></p> <p>326 <i>Oratio in Nat. Papa p. 240. c. 2</i></p> <p>327 <i>Missa propria in die ordinationis sue p. 241. c. 1</i></p> <p>328 <i>Orationes pro adepta dignitate p. 242. col. 2</i></p> <p>329 <i>Oratio ad Abbatem faciendum c. ead.</i></p> <p>330 <i>Incipiunt Apologia col. ead.</i></p> <p>331 <i>Orationes ad visitandum infirmum p. 248. c. 2</i></p> <p>332 <i>Oratio quando aspergitur in domo p. 250. col. 1</i></p> <p>333 <i>Benedictio vinee, vel faue col. ead.</i></p> <p>334 <i>Benedictio ad fructus novos col. 2</i></p> <p>335 <i>Benedictio ad omnia quæ volueris c. ead.</i></p> <p>336 <i>Oratio ad capillatorem col. ead.</i></p> <p>337 <i>Oratio ad barbas tondendas p. 251</i></p> <p>338 <i>Oratio ad infirmum ungendum col. ead.</i></p> <p>339 <i>Orationes ad visitandum infirmum col. 2</i></p> <p>340 <i>Oratio in consummatione huius officij pag. 254. c. 1</i></p> <p>341 <i>Missa pro Episcopo vel congregatione col. ead.</i></p> <p>342 <i>Alia Missa col. 2</i></p> <p>343 <i>Missa votina p. 255. c. 1</i></p> <p>344 <i>Missa specialis Sacerdotis col. ead.</i></p> <p>345 <i>Missa pro salute viuorum col. 2</i></p> <p>346 <i>Missa pro familiaribus p. 256. c. 1</i></p> <p>347 <i>Missa cotidiana pro Rege col. 2</i></p> <p>348 <i>Missa pro pace pag. 257</i></p> <p>349 <i>Missa pro quacunque tribulatione col. 2</i></p> <p>350 <i>Missa pro infirmis col. ead.</i></p> |
|---|---|

ERRATORVM Correctio.

P Ag. 10 col. 2. linea. 18. lege. eum. p. 12. c. 1. l. 31. l. percepimus p. 21. c. 1. l. 5. l. Agne. p. 22. c. 1. l. 33. l. per Christum Dominum nostrum. p. 24. c. 1. l. 28. l. per hunc inuisibilem amore rapiamur. p. 25. c. 1. l. 6. l. & sacrificium. p. 31. c. 1. l. 34. l. super populum. p. 33. c. 2. l. 28. l. cernua: p. 36. c. 1. l. 24. l. super oblata. p. 43. c. 2. l. 8. l. per Christum Dominum nostrum. p. 44. c. 2. l. 14. l. per Christum nostrum p. 55. c. 1. l. 9. l. super oblata. c. 2. l. 35. l. exorantes. p. 61. c. 1. l. 5. l. sacri. p. 64. c. 2. l. 1. l. ampullam olei. p. 80. c. 2. l. 11. l. vos. p. 110. c. 1. l. 34. l. mentes. p. 120. c. 1. l. 5. l. superoblata. p. 149. c. 1. l. 16. l. ne p. 14. c. 2. l. 9. l. bonae. p. 209. c. 2. l. 26. l. orationes. p. 210. c. 2. l. 1. l. orationes p. 240. c. 1. l. 1. l. pro his verbis. *Hic mittatur Chrysmum super caput eius.* l. hic fundis in caput eius p. 246. c. 1. l. 6. l. quodcunque p. 256. c. 2. l. 3. l. & peragendum iniunctum officium. p. 262. c. 2. l. 10. post *no agro* adde, ego sanitati meae contraria ago p. 267. c. 2. l. 3. post *no osculabatur.* adde, Euangelium p. 272. c. 2. l. 27. l. confiteantur tibi p. 276. c. 2. l. 36. l. simul. p. 279. c. 1. l. 8. l. pace. c. 2. l. 22. l. dispositos.

ERRATORVM Correctio.

P Ag. 10. col. 2. linea. 18. lege. eum. p. 12. c. 1. l. 31. l. percepimus p. 21. c. 1. l. 5. l. Agne. p. 22. c. 1. l. 33. l. per Christum Dominum nostrum. p. 24. c. 1. l. 28. l. per hunc inuisibilem amore rapiamur. p. 25. c. 2. l. 6. l. & sacrificium. p. 31. c. 1. l. 34. l. super populum. p. 35. c. 2. l. 28. l. cernua. p. 36. c. 1. l. 24. l. super oblata. p. 43. c. 2. l. 8. l. per Christum Dominum nostrum. p. 44. c. 2. l. 14. l. per Christum nostrum p. 55. c. 1. l. 9. l. super oblata. c. 2. l. 35. l. exorantes. p. 61. c. 1. l. 5. l. sacri. p. 64. c. 2. l. 1. l. ampullam olei p. 80. c. 2. l. 11. l. vos. p. 110. c. 1. l. 34. l. mentes. p. 120. c. 1. l. 5. l. super oblata. p. 149. c. 1. l. 16. l. ne p. 14. c. 2. l. 9. l. bona. p. 209. c. 2. l. 26. l. orationes. p. 210. c. 2. l. 1. l. orationes p. 240. c. 1. l. 1. l. pro his verbis. *Hic mittatur Chrisma (super caput eius)*. l. hic fundis in caput eius p. 246. c. 1. l. 6. l. quodcunque p. 256. c. 2. l. 3. l. & peragendum iniunctum officium. p. 262. c. 2. l. 10. post *no agro*. adde, ego sanitati meae contraria ago p. 267. c. 2. l. 3. post *no osculabitur*. adde, Euangelium p. 272. c. 2. l. 27. l. consecrantur tibi p. 276. c. 2. l. 36. l. simul. p. 279. c. 1. l. 8. l. pace. c. 2. l. 22. l. dispositos.

ERRATORVM Correctio.

P Ag. 10. col. 2. linea. 18. lege. eum. p. 12. c. 1. l. 31. l. percepimus p. 21. c. 1. l. 5. l. Agne. p. 21. c. 1. l. 33. l. per Christum Dominum nostrum. p. 24. c. 1. l. 28. l. per hunc invisibilem amore rapiamur. p. 25. c. 2. l. 6. l. & sacrificium. p. 31. c. 1. l. 34. l. super populum. p. 33. c. 2. l. 28. l. cernua. p. 36. c. 1. l. 24. l. super oblata. p. 43. c. 2. l. 8. l. per Christum Dominum nostrum. p. 44. c. 2. l. 14. l. per Christum nostrum. p. 55. c. 1. l. 9. l. super oblata. c. 2. l. 5. l. exorantes. p. 61. c. 1. l. 5. l. sacri. p. 64. c. 2. l. 1. l. ampullam olei. p. 80. c. 2. l. 11. l. vos. p. 110. c. 1. l. 34. l. mentes. p. 120. c. 1. l. 5. l. super oblata. p. 149. c. 1. l. 16. l. ne. p. 14. c. 2. l. 9. l. bonæ. p. 209. c. 2. l. 26. l. orationes. p. 210. c. 2. l. 1. l. orationes. p. 240. c. 1. l. 1. l. pro his verbis. *Hic mittatur Chisma super caput eius.* l. hic fundis in caput eius. p. 246. c. 1. l. 6. l. quodcunque. p. 256. c. 2. l. 3. l. & peragendum iniunctum officium. p. 262. c. 2. l. 10. post *agros* adde, ego sanitati meæ contraria ago. p. 267. c. 2. l. 3. post *osculabatur.* adde, Evangelium. p. 272. c. 2. l. 27. l. consecrantur tibi p. 276. c. 2. l. 36. l. simul. p. 279. c. 1. l. 8. l. pace. c. 2. l. 22. l. dispositio.

ERRATORVM Correctio.

P Ag. 10. col. 2. linea. 18. lege. eum. p. 12. c. 1. l. 31. l. percepimus p. 21. c. 1. l. 5. l. Agne. p. 22. c. 1. l. 33. l. per Christum Dominum nostrum. p. 24. c. 1. l. 28. l. per hunc inuisibilem amore rapiamur. p. 25. c. 1. l. 6. l. & sacrificium. p. 31. c. 1. l. 34. l. super populum. p. 35. c. 2. l. 28. l. cernua. p. 36. c. 1. l. 24. l. super oblata. p. 43. c. 2. l. 8. l. per Christum Dominum nostrum. p. 44. c. 2. l. 14. l. per Christum nostrum p. 55. c. 1. l. 9. l. super oblata. c. 2. l. 5. l. exorantes. p. 61. c. 1. l. 5. l. sacri. p. 64. c. 2. l. 1. l. ampullam olei. p. 80. c. 2. l. 11. l. vos. p. 110. c. 1. l. 34. l. mentes. p. 120. c. 1. l. 5. l. super oblata. p. 149. c. 1. l. 16. l. ne p. 154. c. 2. l. 9. l. bonæ. p. 209. c. 1. l. 26. l. orationes. p. 210. c. 2. l. 1. l. orationes p. 240. c. 1. l. 1. r. pro his verbis. *Hic mittatur Chrisma super caput eius.* l. hic fundis in caput eius p. 246. c. 1. l. 6. l. quodcunque p. 256. c. 2. l. 3. l. & peragendum iniunctum officium. p. 262. c. 2. l. 10. post *agros* adde, ego sanitati meæ contraria ago p. 267. c. 2. l. 3. post *osculabitur.* adde, Euangelium p. 272. c. 2. l. 27. l. confiteantur tibi p. 276. c. 2. l. 36. l. simul. p. 279. c. 1. l. 8. l. pace. c. 2. l. 22. l. dispositos.

Gregor

Liber Sacramentorum

Parisii 1612

4 P.lat. 361#Beibd.1

urn:nbn:de:bvb:12-bsb10685793-7